

**VITA
MIRABILIS &
MORS
PRETIOSA
VENERABILIS...**

Leonhard Hansen, ...





Y
VILL
19

ex Jmo





Ven. soror ROSA de S. MARIA Limensis,
 ex tertio Ordine S.P. Dominici.
 Tnassij Sumptibus

F.T. Moncornet Sculp.

BIBLIOTECA NAZ.
 ROMA
 VITTORIO EMANUELE.



V I T A
M I R A B I L I S

& mors pretiosa

VENERABILISSORORIS

R O S Æ

D E S. M A R I A

L I M E N S I S,

Ex Tertio Ordine S. P. DOMINICI;

Excerpta & collecta

Per P. M. F. LEONARDVM

HANSEN Prouincialem Angliæ,


& Socium Reuerendissimi P.

Magist. Gener. Ord. Præd.

*Ex libris
Sæc. Bibliot.
Carol. Piar.*




*Jo. Bapt. Val.
S. Pant. Scho.*



R O M Æ,

Typis Nicolai Angeli Tinaassij 1664


Superiorum permissu.



Imprimatur, si videbitur Reueren-
diss. P. Magist. Sac. Palat. Apost.

O. Archiep. Patracen. Vicesg.

Imprimatur,
Fr. Hyacinthus Libellus Sacri
Pal. Apost. Mag. Ord. Præd.






EXCELLENTISS. DOMINO

D. PETRO
DE ARAGON
SENATVS BELLICE

*Apud Catholicum Regem Consiliario.
Eidem ab intimis cubiculis, & apud
S. Sedem Apostolicam Oratori ordi-
nario; Militaris Ordinis Alcantara
maiori Clauigero, &c. Domino ac
Protectori summè colendo.*



EXCELL. DOMINE.



ERVNT, alicubi terra-
rum in Cæsaris Ara
subnatâ fortuito pal-
mam fronduisse, idq;
cum Oppidani suis arrogarent
laudibus, & coram D. Augusto

ambitiosius iactitarēt, vapulasse
lepidio isthoc Imperatoris scom-
mate: *En, hac ipsa* (inquit) *planta*
ò stolidi vos redarguit, quòd nū-
quam in Ara nostra sacrificatis.
Facetè, at verè: quis enim cre-
dat vel vmquam à postrema,
Olympiade fuisse illic imposi-
tam crematamq; Hostiam, vbi
iam gramina, virgulta, palmæ
coeperunt erumpere? Faxo ta-
men, vt modò id credatur dum
mihi Exc.V. hoc vnum indulse-
rit, vt roseum hunc libellum nu-
per ex Ara mea typographica
natum liceat glorioso tuo No-
mini deuotissimè consecrare.
Roseum cum dico, plantam di-
xisse videor: & cur diffitear? imò
faterer & Palmam, nisi hanc
Sponsus Coelestis maluisset Ro-
sam de Sancta Maria nuncupa-
ri. Bis ea hoc anno in humili
proelo meo effronduit, maiori-
bus primùm, deindè his minori-
bus

bus pagiuarum formis elaborata, foliata. Prius exemplar Summo Sacrorum Antistiti consecrauit Autor; alterum hoc meæ permissum industriæ do, dico, consecro. Exc. Vestræ sic demû securus quòd nemo me arguet, sacrificium defuisse Aræ, de qua plantula hæc erupit. Certè sic debui, neq; sic litandum fuit alteri præterquam vni Exc. Vestræ, vtpotè quæ Catholici Monarchæ (cui me subditum natum gloriôr) catholicæ pietati supparem adiungit suam, interque suprema illius Coronæ negotia tam zelo proprio quàm mandato Regio Sacram Apotheosim huius mirabilis Rosæ felicissimis pergit conatibus promouere. Ne quid interim hîc dicam de ARAGONIÆ Stirpis in me clientem priuatis beneficijs, quibus dum me æternum profiteor debitorem, hanc opellam

Iam ceu votiuam memoris ani-
mi tabellam Exc. Vestrae lara-
rio deuotus appendo, bene me
sacrificasse putans oblato tali
flosculo, qui apud Deum id va-
leat, vt bono publico prosper-
rimè diuq; cum suis valeat Exc.
Vestra, cui ambio esse ac dici

Humilimus, & obsequentiss. Servus

Nicolaus Angelus Tinaffius.

FR. IO. BAPTISTA
DE MARINIS

*Sacra Theolog. professor , Ord.
Præd. humilis Magist.
Gen. & seruus.*

Tenore præsentium, nostriq; au-
toritate officij facultatem con-
cedimus Admodum R. P. Magistro
Fr. Leonardo Hansen Prouinciali
Angliæ socio nostro, seruatis seruā-
dis imprimendi librum cuius titulus
est *Rosa Peruana, seu Vita mirabilis,
& mors pretiosa venerabilis sororis
Rosæ de Sancta Maria ex tertio Ordine
S. P. N. Dominici*, iussu nostro à
duobus Theologis recognitum, &
approbatum. Dat. Romæ in Con-
uentu nostro S. Mariæ super Miner-
uam die 24. Augusti 1664.

Fr. Io. Baptista de Marinis:

Magister Ordinis.

Reg. fol. 78.

Fr. Antonius Gonzalez
Magister, & Socius.

Approbatio Tgeologorum Ordinis Prædicatorum.

Synopsim hanc admirabilis vitæ Sororis Rosæ de S. Maria Peruanæ descriptam ab A. R. P. Mag. Fratre Leonardo Hansen Prouinciali Angliæ à me visam de mandato Reuerendiss. P. Magistri Generalis Fratris Io. Baptistæ de Marinis, & à me repertam omni ex parte vernantem floribus elegantissimæ eruditionis, iudicio nihil continere, quod possit impedire ne secundum Sacros Canones, & Concil. Trident. & Constitutiones Apostolicas imprimi possit. Et in fidem, &c.

Fr. Petrus M. Passerinus Procur.
Gen. Ord. Præd.

De mandato Reuerendiss. P. Magistri Generalis Ordinis Prædicatorum Fr. Ioannis Baptistæ de Marinis, vidit librum, cui titulus Synopsiſ admirabilis vitæ, operum, & felicissimi transitus Sororis Rosæ à Sancta Maria
ria

ria Peruanæ ex tertio Ord. S. P. Do-
minici, ab admodum R. P. Magistro
Fr. Leonardo Hansen Prouinciali An-
glia eiusdem Ordinis compositum; vidi,
& in eo miratus sum hominem non ho-
minis stylo, sed Angeli penicillo depin-
gentem Rosam. E Gaspare de Floribus
Leonardus noster Sororem Rosam de-
pinxit natam; & de Leonardo nardum
factam, Rosam iam mundus odorat, ex
redolent omnia dum progenitoris flori-
bus scriptor addit flores. Miramur in
flore colorum venustatem, odoris argu-
tiem, auctoris autem. Hansen, has ex
tibi lector in libro hoc præregatuias of-
fert, si venustatem desideras, venustus
liber hic, elegansque totus, si argutien
optas, arguto liber hic expolitur vngue,
si artis industriam quæritas, ardua li-
ber hic expeditur arte. Quid ultra?
Sertum tanto operis amas? Laus tua sit
sertum, ut sit certum librum sic floridū,
floridam venire ad palmam, auream
ruere in coram. Sic censeo Romæ apud
Sanctam Mariam super Minervam.

Fr. Vincentius Ferre Ord. Prædica-
torum, Magister, & Regens,

PROTESTATIO AVCTORIS.

CUm Sanctiss. Dominus Noster Urbanus Papa VIII. die 13. Martij anno 1625. in S. Congregat. S. R. & Vniuersalis Inquisitionis Decretū ediderit, idemq; confirmauerit die 5. Iulij anno 1634. quod inhibuit imprimi libros hominum, qui sanctitate, seu Martyrii fama celebres & vitam migrarunt, gesta, miracula, vel reuelationes, seu quacumque beneficia, tanquam eorum intercessionibus à Deo accepta continentes, sine recognitione, atque approbatione Ordinarij, & quæ hæcenus sine ea impressa sunt, nullo modo vult censeri approbata. Idem autem Sanctissimus die 5. Iunij 1631. ita explicauerit, ut nimirum non admittantur Elogia Sancti, vel Beati absolute, & quæ cadunt super personam, bene tamen ea, quæ cadunt super mores, & opinionem, cum protestatione in principio, quod ijs nulla adsit auctoritas ab Ecclesia Rom. sed fides sit tantum penes Auctorem. Huic decreto, eiusque confirmationi, & declarationi obseruantia, & reuerentia, quia par est, insistendo, profiteor me haud alio sensu, quidquid in hoc libro refero, accipere, aut accipi ab vlllo velle, quam quod ea solent, quæ humana dumtaxat auctoritate, non autem diuina Catholicæ Romanæ Ecclesiæ, aut Sanctæ Sedis Apostolicæ nuntantur, ijs tantummodo exceptis, quos eadem Sancta Sedes Sanctorum, Beatorum, aut Martyrum Catalogo, adscripsit.

SYNOPSIS


ADMIRABILIS VITÆ, MORVM, OPERVM

Ac felicissimi transitus

SORORIS ROSAE

A S. MARIA PERVANÆ

Ex tertio Ordine S. P. Dominici :



Prolepsis ad pium Lectorem .



Tiq; miraberis in tota hac Synopsi tam sterile *Miraculorum* silentium : at precor sustine , prodibit & horum appendix vbertas, mox vt ex lege *sacrorum Rituum* licuerit . Interim solius *Vite* historiolum accipe ex *Remissoriali* : (quem vocant) *Processu*, iuratisq; testimonijs fide bona extractam , quæ & plenior foret, nisi Virginis Rosæ ingeniosa , & cauta humilitas : (de qua infra cap.v.) sic pleraq; studuisset abscondere, quòd neq; familiarium intimis , neq; domesticis curiosè oculatis , nec ipsi deniq; peruigili Matri innotuerint, præter paucula ista , quæ penè furtim & quasi per rimulas notari subinde potuerūt . Itaq; non nisi comperta hic damus , quæ in his Capitulis tametsi totidem videbuntur manipuli, spicilegium non excedunt .

Rosæ patria, natales, cunabula.

LIMA, meridionalis Americæ, quâ mari Pacifico lambitur, nobile emporiû Regniq; Peruani metropolis hanc nouam in Orbe nouo enixa est Rosam anno Virginiei partus M.D.LXXXVI. mense Aprilis, qui quòd erupturis floribus terram aperiat, ab officio nomen traxit. Huius mensis vigesimus dies Beatæ Agneti de Monte Politiano Virgini Dominicanæ à *celesti rore, ac diuersis repente enasis floribus* notissimæ sacer est, idemque Rosæ huic natalis fuit. Itaque vernant hic omnia, siquidem & Progenitores Virgini fuere *Gaspar de Floribus, Maria ab Oliua* ille ex Insula Hispanorum oriundus cui à *Portu diuise* nomen est, hæc *Lima* nata; vterque stirpe non ignobili, sed opibus permodicis, nisi quòd ingentis opulentix loco fuerit tali filiola cælitus ditari. Nascenti Rosæ Paterna domus obtigit in vico *S. Dominici*, ac ponè quidem iuxta *Aedem S. Spiritus*, vt vel ipse locus videatur future tum sanctimonie tum instituti signasse præfagium. Iure iurando testata est genitrix (: in Processu Remiss.) sibi fuisse hunc partum vt felicissimum ità facillimum, minimèq; obnoxium illis angoribus, quibuscum solebat in parturitione reliquarum proliû dirissimè conflictari. Nec minùs adstupuit obstetrix, vt vidit hanc infantem secundarum inuolucris prodire grauem, & quasi penulatam: Nunirum sic nascuntur Rosæ, congenitis
 inte-

integumentis vndiq; velut amictu paludatæ . Ipso dein festiuissimo Pentecostes die (:qui Hispanis æquè vt Italis *Rosarum Pascha* dicitur) baptizata est Rosa, primoq; rore cœlestis gratiæ permaduit, nec tamen Rosæ nomen tunc ei impositum, sed Isabellæ sine Elyzabeth, nimirū ab auia materna Isabella de Herrera, cui inter lustrales aquas videbatur is honor deberi humano more. Porro vt Rosæ nomen diuinitus Soboli destinatum post trium mensiū ambages demū erumperet, prodigium expectabatur, quod tale fuit. Quiescebat in cunis trimestris paruula, quandò cum ancillula & filiabus accita Mater conspexit filiollæ vultum vndiq; opertum repanda sed paulò post disparente rosa. Obstupuere omnes, at ceteris altiùs ista spectaculo Mater subito complexu tenerisq; osculis diffusauiauit paruulam, *michi* (inquiens) *tu deinceps Rosa diceris ego eris, nec alio post hac nomine te compellabo*; quasi cum Præcursoris Matre protestaretur his Ambrosij verbis: *habet vocabulum suum quod agnouimus, non quod elegimus*. Rem tamen indignè tulit auia, doluit suum nomen in tenera nepte sic obliterari ac ferè despici, vnde placando huic iurgio nec annorum lustrum satis fuit, donec tandem controuersię finem imposuit Sacramentale Chrisma, quo Sanctissimus Limensium Archiepiscopus Turibius in Parochia loci *Quini*, dū Rosæ illiniebat confirmationis signaculum, omisso Baptismali nomine Rosam pronunciare maluit, cuius fortasse iā tunc fragrantiam senserat in spiritu, quo plenus

erat. Sanè videbatur eum vnctio docuisse de omnibus, vt neq; errare posset in Rosæ nomine cui exinde pariter & auia adqueiuit. Verùm tamen lapsis aliquot annis de Rosæ nomine aliam indixit litem, ipsamet Virginis puida conscientia, nimirum vt ita præberetur occasio locusq; cœlesti oraculo quo Rosæ nomen vltimò erat confirmandum. Res ita euenit. Creuerat puella, iamq; suimet per etatem compos vt rescivit, se neutiquam in Baptisterio sed in cunis traxisse hoc succedaneum nomen, suspicata est pro solo vanitatis lenocinio forsitan hoc sibi inditum fuisse nomen, quo vultus, sui commendaretur forma ac venustas. Itaq; hoc scrupulo faucia & animo inquieta saccellum DEI Genitricis in Æde FF. Prædicatorum SS. Rosario dicatum adiit, illic lachrymosè procubua Misericordiæ Matri angorem suum exposuit, remedium poposcit. Nec *Virgo Rosa Mystica* Virgunculam Rosam distulit consolari, siquidem in alto sed inexplicabili intimæ illustrationis radio puidam affata docuit, mirè hoc suū nomen probari Diuino quē gestabat Puerulo, se verò de suo pte nomine hoc insuper adiectū ei velle auctariū, quo Rosa à S. Maria in posterum cognominaretur. Sic quæ trepidabat in nomine, firmabatur cognomine, secura & læta quòd vtrumq; cœlitus datum possideret. Habent quidem hoc (: Ambrosio teste) Sāctorū merita, vt à Deo nomē accipiāt, sed qui vltra nomē etiā cognomē è Cœlo accipiant, raros puto. Admisit insperate nomenclaturę gratiā puella non sine excel-

celso intimi dulcoris sensu , adeò , vt dic-
quadam à SS. Communionem domum re-
uertens ardore insolito obtestaretur Ma-
trem , vnicum hoc gemini fauoris nomen
Rosæ à S. Maria sibi quàm creberrimè re-
peteret, ac frequentius occantaret, illo se
mirificè posthac delectari, mulceri, colli-
quescere. Hærebat parens mirata nouita-
tem, at subiecit Virgo: Nunc nunc redire
se à pedibus Magnæ Deiparæ , hæc rem
cordi fuisse, huius benedictione, & mater-
no auspicio suam animam transisse in Ro-
sam florido IESVLO Nazareno sacram :
proinde si aliquando suspectum sibi fuerat
Rosæ epitheton, iam illud in tuto esse, vt-
potè diuinitus approbatum; ideo frequenti
huius gratissimæ cōpellationis auditu velle
se sui tum nominis tum officij sæpiculè
admoneri . Reliquum quod sibi in illa
S. Communionem acciderat, Virgo humi-
lis verecundè subticuit , Matriq; sat fuit,
Rosæ nomen quod infanti prima impo-
suerat, Cœlo placuisse .

C A P V T I I.

*Rosæ crepundia , indoles , educatio
Votumq; Virginitatis .*

S Anctæ Catarinæ Senensis infantia ac
pueritia tam dulcis omnibus ac blan-
da fuisse legitur, vt non Catarinā, sed Eu-
phrosynam pleriq; cæperint appellare. Ea-
dem infanti Rosæ fuit indoles quieta, sua-
uis, lepidula, & continuò serena , vt com-
mune dumtaxat gaudiū totius domus vi-
deretur . Obseruarunt domestici, numquā

in fascijs paruulam voce querula, aut stridulis vagitibus edium turbasse silentium, numquam plorasse, nisi quod semel, cum Mater nobilem Matronam visitans foras extulisset Rosam, compesci à planctu non potuit quoadusq; ex aliena in propriam domum referretur, quasi iam tunc nosset publicum fugere, & auersari, vade ex tunc constituit parens infantem placidissimam deinceps cum exeundum foret, secum non exportare.

Trimula erat, quando in tenerrima indole promicare coeperunt supra ætatem robusta virtutum specimina. Et primum quidem tolerantia fuit animiq; inter dolores impanidi, fortis, tranquillæ, ut liqueret Rosam esse quam spinæ nec terrent, nec terunt, aut deiiciunt. Accidit, quod pregrandis arca dum incautè properèq; clauditur, dextrum Rosulæ pollicem fortuito corripere. Aduolauit turbata Mater, sed dissimulabat tranquilla filiola dolorem, abscondit manū, donec post dies aliquot putresceret sub vnguiculo mortuus sanguis. Aduocatur Chirurgus, isq; ut laeso articulo tumidum pus educeret, æeribus remedijs totum penè vnguem absumpsit, demum & vnguiculi residuū lento, ac violento forfice radieitus auulsit. Vidissēs immotam sub his cruciatibus Rosam ac si non suus esset pollex, cui toties ferrum insauebat. Obstupuit præ alijs Ioannes Perez de Zumetā (: id erat Chirurgus nomen) haud capiens vnde tantillæ Virgunculæ tanta in ijs tormentis obdurusset constantia, nam toto illo acerbissime

me

me curationis tempore nec gemitum ediderat, nec umquam expalluerat ad styli, sanguinis, nouorumq; vulnerum aspectum.

Nondum Rosa quadrimula erat, cum mordax suppuratio in eius auricula succreuit. Rursus igitur Chirurgi manu, ac post lene emplastrum deniq; & ferro opus fuit. Rosa, dum exesa cartilaginis pars vitriata praeinditur, ea vultus animiq; firmitate vulnus excepit, qua nec intueri adstantes poterant sulcantem nouaculam. Fluebat sanguis in humerum, nec Rosa exhorruit tincturam suam.

Quadriennium viuendo expleuerat, cū summam capitis sui cutem species quadā in petiginis coepit obcrustare. Mater obuiō sed imperito suasa consilio modicos pulueres insperfit effectu planē improspere, nam ij, utpotē olentes Hermeticam pyxidem affectas partes caustica sua acrimonia rodebant itā immaniter, ut certis interuallis toto corpusculo tremuisse puellam tacitē notarint domestici. Nec tamen hic iugis, & acerrimus dolor ab ea, vel minimum potuit exprimere gemitum aut molestiae indicium, nisi quod à Matre, interrogata de dolore, cum totum negare non posset, modicum ac tolleratu facilem esse respondit: sicq; in ijs tormentis cū sua Matre pernoctauit silens, immota, quietissima. Sed anxia parens postridie reuulso leniter cataplasmate inhorruit, videns filiolaræ verticem hinc bullis turgidum, inde fossulis profundè vlceratum, & ò (: inquit) misera, siccine totam hanc transegiſti noctem sub huiusmodi cruciatus voraci

ardore? tacuit Rosa, nec vrgenti aliud vnamquam replicuit, quàm stetisse intra mediocritatem suos dolores. Accitus deinde Chirurgus plagæ sanandæ nouæque cuti inducendæ quadraginta duos cōtinuos insumpsit dies, tormento vix mitiori quàm quo prima nox Virginem lacinarat. Sed neq; tūc Rosæ defuit par dolori tam moroso constantia, quantam ab illa inò ab vlla ætate sperari posse. Chirurgus diffidebat.

Idē Rosæ iā sexēnis patuit robur sub eiusdē Chirurgi forcipe, cū sibi ex intimo nare eximēdus fuit phaseolus, tertio demū tractu erutus. Dixisses hanc indolem vni patientiæ natam. Sed rudimenta hæc erant ac tempestiua præludia animi corpusculū proprium ceu alienum tractaturi. Superest quòd reliquam eius pueritiam cursim delibemus.

Rosæ quinquenni & adhuc inter pueritiæ infantieq; confinia constitutæ, notitia ac timor DEI se se insinuauit modo prorsus admirabili; quia inter ludos. Res ita contigit: luserat cum ea nati maior germanus frater, isq; (casu an studio, incertum) luto imbuat rutilā pulcherrimamque innocētis puellæ cæsariē. Locus erat, ac puerilis ridendi materies, at non ita placuit Virgunculæ, quā nō contēptus sed fordes offendeabant. Itaq; ludum abruptit, cui mox frater: hem (: inquit) soror mea, si te deturpati capillitij tui iniuria tā seriò affligit, scito, cultos, puellarum cincinnos Inferni rudentes esse, quibus illaqueantur iuuenū incautę animę, vt in gehennam æternā detrahantur. Ergo putā exosos Deo cappil-
los

los, quos tu amare videris. Hæc ludibundus puer gestu velut concionatorio profatus repetebat ludum, at puellæ animum altius hæc verba, quàm pro dicētis impetu suæ ætatis modulo penetrarunt, nec verba erāt sed tonitrua, nam repente mens illa capacissima simul immensum concepit horrorem Inferni, simul apprehendit vastitatem æternitatis, simul Diuinam attentius reuerita maiestatem ponderabat secum omnis peccati foedam infelicitatē. Hinc subitò in se reducta cæpit odisse suosmet capillos, firmare animum aduersus omnes offensas Dei, detestari occasiones quæcumq; Inferno militarent, deniq; ordinato agmine tunc innigrarunt alta DEI æstimatio, filialis timor numinis, cura salutis, abominatio peccati. Quis tot tamq; seria exspectasset è ludo ac luto? Verùm sub eodem radio progressa vltèrius Rosa limpidè agnouit, DEI auxilium, sibi fore & necessarium & iugiter implorandum. Hinc statim exarsit in ipsa conatus orandi, qui & formulā dictauit iaculatoriam, hanc videlicet. *IESVS sit benedictus. IESVS mecum sit, amen.* Dulcescebat exinde in labellis in corculo Virginis hic precandi modus, vt ab ea frequentanda nec dormiēs cessaret, vsq; adeò nimirum DEI præsentia iam sensus Rosæ interiores vndiq; occuparat.

Demum sub hac tam præmatura ac sublimi DEI notitiâ quinquennis Rosa sensit apertiùs trahi se ac præparari ad S. Catharinæ Senensis excelsa tyrocinia, si quidē huius exemplo confestim & ipsa Virginitatis

tatis votum emisit inter hæc primula tennellæ ætatis. crepuscula, quinto nimirum ætatis anno; quin & postea eürsdem Sera-phice viraginis imitatione sibimet capillos ad viam vsq; cutem inscia Matre præscidit, ne quid superesset finium quibus contra iuratum Virginitatis propositum attraheret, aut traheretur ad nuptias, iam enim satis didicerat ex ludicris, luti inquinamenta suo capillitio quandoq; etiam ferriõ posse insidiari. Hic igitur puerilis suilulus & crepundiorum exitus fuit: vt mirabilis, sic felicissimus, nam rarus est hic gratiæ tractus, qui Rosam ab innocentibus iocis vnico subitoq; passu deduxit in illam maturitatem iudiciij, quo simul nosset æstimare DEI celsitudinem, æternitatis pretium, & virginis floris arcanam prærogatiuam. Vnum hic prætereundum non est, quod qui deinde Virginis conscientiam moderati sunt, prudenter coniecere, superna hæc gratiæ allectamenta ipsi obtigisse sub illo primo vsus rationis diluculo, quo iuxta veriore Theologiam quilibet in DEVM finem vltimum sese tenetur cõuertere pro suæ capacitatis modulo. Vt vt sit, Rosæ non tam diluculum fuit quàm meridies, dum sic illustrata præferbuit & viam elegit quam debuit; attamen longè maius fuit à via quam elegerat numquam postea vlliùs noxæ grauioris admissione per totam vitam exerrasse, quod vt iidem sui Confessarij concorditer asseruerunt, ita patulum fiet ex ijs quæ sequuntur.

CAPVT III.

*Rosæ erga Parentes mira obedientia,
pietas, sollicitudo.*

IN concursu duorum præceptorum, quo simul honorare Patrem, & Matrem, simul Deo magis quàm hominibus obedire iustum iustumque est, Rosæ frequenter ingenio & solertia opus fuit, vt neutrum offenderet. Trahebat cælestis Sponsus electam sibi Virginem per arcanas sanctimoniz ac perfectionis semitas: Ex aduerso trahebat rudis & cruda Mater Filiam morigeram ad pompas nugasq; seculi, ad vanos corporis ornatus, ad Mundi commercia. In his biuijs plusquàm humanæ artis fuit, incolumi vtrimque obedientia neq; à Sponsi ductu vel latum vnguem deflexisse, nec tamen abiuisse vnumquàm à maternis præceptis in Sponsi sequeſa.

Accidit, quod coram honestis Matronis Rosa præſente Genitrice importuniùs rogaretur ſuo capiti circumdare textum è floribus ſertum, quod illic fortè odoris gratia in medio poſitum cunctis arridebat. Verecundè reſpuit modeſta Virgo, inſtabant moleſtæ ſeminæ, quibus complacitura Mater iuſſit edicto parere Filiã. Quã putas luſtabatur hic cum obedientia vani ornatus pudicus horror! Vicit nihilominus Rosæ ingenium: nam ſerto clam ab ima parte ſuffixit oblongam acum, ſicque corollam latenter aculeatam ſuo Capiti non tam impoſuit quàm impreſſit validè;

impegit, ut sibi non nisi tormentum esset quod ornamentum alijs videbatur. Nimirum obediuit Matri, at simul currebat in odorem Sponsi spinis coronati. Latuisset perpetuò nobile hoc strategema, ni postea manu aliena sat operosè extrahenda fuisset acus quæ sub florido blandimèto profundè sæuierat; incertum tamen, acus an ornatus exosi circuli dirius pupugerit Rosam spinis quàm fertis amiciores.

Aliud. Affectabat muliebri studio Mater Filiae manus vanè poliri ad delicati cándoris elegantiam ac nitorem. Huic vsui singulare genus suauis olentium chirothecarum emerat, ut ijs more foemineo Rosa saltim gestatione nocturna cogeret suas manus in adscititiam venustatem. Dixisses, non Virgini chirothecas sed victimæ sartagines, & ignem apparari, adeo exterrita dirigit, ingemuit, hæsitauit, donec ferocius materno compulsâ imperio obtemperauit munusque, inuisum admisit. Optabat numquam fieri noctem, ne sibi lectulus adeundus esset cum tali manuum abusuolucro. Adrepsit tamen necessaria dormitionis hora, extinctum est lumen, & pauida Virgo primum soporem vix libans quas chirothecas induerat pyrothecas sentire coepit, videbantur fartæ mulcibero nec videbantur solùm, sed reipsa vrebant, torrebant, assabant vtramque manum. Adstupuit nouo huic frixorio in experta Rosa, gaudebatq; adesse licentiam qua manus tormento tam noxio eximeret. Exemit, viditq; luculentas è chirothecis promicare flammæ; his denique totum colluere

cere cubiculum , imminere palam incendium : at ijs procul abiectis mox ardor , flamma , cruciatus euanuit , & Rosa miræ suauitatis refrigerio cœlitus perfusa dulcissimè conquieuit . Mane factò crudeles chirothecas Matri placidissimè restituens totam rei seriem candore simplici exposuit , manus fibratim ambustas ostendit , ac ne deinceps ad huiusmodi reuocaretur supplicia obnixè rogauit . Verùm incredula Mater dum pium hîc Filiæ commentum suspicatur , curiosiùs vtramque inspexit manû , quas vt reuera pustulatas , vstulatas , torridas comperit , vt contrectauit , demum adtremuit desijtque in posterum Filiam obedientissimam ad eadem incendia duriùs inuitare .

Verùm tamen induciæ fuerunt istæ , non sincera pax , nam Mater ad alias artes breui conuersa nunc tentare Filiam , vt puellari vsu se comeret , vt collo monilia , brachijs armillas vultu cerussam pro more regionis admitteret , nunc instare seueriùs , vt saltim formosam (: quia tunc rutilabat adhuc) cæsariem erigeret calamistris , vt bysso , fimbrijs , cateroq ; cultu nonnihil sese ampullaret , fucò ac linimentis roseæ oris pulchritudinem gratiosè accenderet , gestu , habitu illecebris natiui decoris inuaret honestatem ; demum obiurgare , percellere , cedere innocentem quòd rudis , incompta , & incompolita supino ac nimio mundi muliebris neglectu abiret à seculi genio , quòd infra coæqualium sortem vilissima singularitate descenderet , quòd spè opulenti splendidique matrimonij quò ipsam

sam natura formæque præstantia vocabat
 vltro hypocrifi abiectissima corrumperet,
 fordideq; præfocaret. Sed Virgo memor
 propositi, ac suæ pulchritudinis obtunden-
 dæ quàm acuendæ sollicitior hæc omnia
 defixis humi oculis excipiebat inuicta si-
 lentio, & quotidianam hanc crambem vsu
 ac dissimulatione surda concoquere assue-
 scebat, quoadusque vltima materni præ-
 cepti violentia decrat, cui refragari aut
 lentius parere æquale nefas putabat. Vi-
 sum hoc Matri opportunum compendiū
 quidquid vellet extorquēdi; proinde cum
 quadam vice obtrusisset, Filiæ gestandam
 calanticam aureo sericoq; reticulo inter-
 fulgidam, vnà præceptum addidit, vt obe-
 diendi religionem iniiceret obluſtaturæ.
 Hic Virgo inops subitanei consilij tantil-
 lam impetrauit dilationem, dum adiret
 Confessarium, cui anxie protestata est, ni-
 si præceptum reuocaretur, se non posse
 non morem gerere Matri hoc gestamen
 imperanti, malle se huic quantumuis exo-
 si ornatus redimiculo suum illigare verti-
 cem, quàm resistendo soluere ius quo Ma-
 tris obligabatur imperio; subuenit ergo
 cordatæ Virginis pietati simul ac nodo
 prudens Confessarius, ac Matrem è vesti-
 gio conueniens grauitex dehortatus est,
 cessaret tandem pretiosæ vanitatis inutili
 molestia tentare perplexam Filiam quam
 ab infantia Diuinus Spiritus præparaue-
 rat secretissimis instinctibus ad raram al-
 tioris sanctimonix sublimitatē. Extimuit
 Mater, sicque & isle fluctus ne fluctuaret
 obedientia spontē detumuit.

Excogitauit tandem ingeniosa Virgo rationem idoneam, qua deinceps & Matris substaret imperio, & nihilominus reliquā de corporis sui cultu vexam redimeret. Itaque tenerrimis blanditijs Genitricem obsedit, donec permissionem eliceret, qua decolorem rudemq; saccum ex obuia vilique materia assumeret pro amictu, quod vestimenti genus nec inmodestum est nec inusitatum fœminis, quæ à pōpis, & nuptijs alienæ sub simplicissimo cultu solitariā nituntur sectari deuotionem. . Hoc itaq; castissimo schemate obarmavit se Rosa, ut illius præsidio à se longius repelleret omnem secularem muliebris ornatus vanitatem. . Nec fefellit euentus, nam sub eiusmodi luteo nullaque tinctura infecto corporis sui tegumento Rosa tutissimè latuit vsque ad vigesimum ætatis annum, quo tandem ad Dominicanæ togæ candorem subleuata facilè perrexit reliquas eludere pomposi luxus insidias. . Seniel ergo sic abdicato exclusq; mundo muliebri haud visum Rosæ difficile, in ceteris quamquam arduis Parenti obedire. . Vnicum huius paradigma dabo, vnde coniiciatur de reliquis..

Canta in Regno Pertano locus est metalli fodinis percelebris, at putris soli exhalationibus, & algore tetro admodum insalubris. Huc iussa Rosa cum parentibus secesserat, nec multò post noxijs illis frigoribus impar cepit in manibus, ac pedibus dira neruorum attractione laborare. Mater viin morbi præsentissimo (vt putabat) remedio depulsura quorundam
ani-

animalium illic frequentium hispidas pelliculas arctè circumposuit patienti Filiæ, sed addito iussu ne iniussa illas à se reuelleret, aut quoquo modo submoueret.

Quatriduum effluxerat, quando applicitæ curæ recordata Mater silentem Filiã interrogauit quì valeret, quidue egisset de pellium inuolucris? respondit ægra, sequidem nihilo meliùs ac ante valere, pelles autem ita vt Mater adstrinxerat, immotas adhuc sibi adhærere. Mirata simplicitatem parens dum pelliculas dimouet, videt harum mordaci ardore pustulatim Virginis carnem vesicatam, accensã, & turgidis vndique tuberculis vlceratam. Tum verò attonita, vt quid (:inquit) tot dies noctesq; exegisti sub his cruciatibus, nec abiecisti pelles quæ sic te excarnificabant? replicuit morigera Filia: & nonne disertè vetueras Mater, ne illas absque tuo nutu deponerem? obediui.

Aliquando Mater exploratura tam accuratæ obedientiæ pronitatem mandauit Filiæ, quòd sericos flores, quos tunc fortè pingebat acu, præpostero filorum ductu formaret contra omnem artis idæam relictumque ordinem. Paruit Rosa, obliquauit opus, flores absoluit. Tum Mater velut sub stomachans, eya inquit non flores sed monstra florum. Quid egisti? itane oscitasti somnolenta dum has ineptias tam deformes tua imperita segnitie abortiret? cui illa respondit mitissimè, pariter quidè & sibi quamquam indoctæ visum fuisse talem pingendi modum oppidò peregrinũ ac deuium, nec tamen aulam aliter quàm

Mater præscripserat acuni filumque ducere, aut proprio arbitratu conari in aduersa, sese nihilominus esse paratissimam sue-
re ac dissuere quacumque iuberet Mater.

Quoties sibi per diem ad nendi, suendi, texendiue labores redeundum erat, numquam è scrinio semper è manu parentis acum, fila, colum ceteraque opificio necessaria demissè postulabat, credens id deberi filiali Matris reuerentiæ. Ad hæc importunitatem rata, interdum cum bile ac nausea reiiciebat, filiam ad muliebris officinæ domesticum armarium, vociferans tot interpellationibus opus non esse, familiaris officij instrumenta vltro patere foeminis laboraturis. Cui Rosa, malebam (: inquebat) obsequij debito adiungere lucrum explicitæ obedientiæ, & materni respectus humile tributum vnà cum penso dependere. Tanti nimirum faciebat etiam leuiore parendi occasiones.

Triennio circiter ante felicem Rosæ obitum contigit, eam ab Illustri Matrona D. Maria de Vfatégui cōsorte Regij Questoris D. Gundisalui de la Massa è paterno domicilio inuitari ad suarum Ædium gratuitum contuberniū. Obtemperauit Virgo, quia parentes iubebant, imò vt Gundisalu & vxori in omnibus morigeram se exhiberet imperabant. Hic igitur non mutata sed duplicata fuit obediendi occasio, siquidem humilis Rosa paterno tecto at nō subiectione exemptam se reputans, qua promptitudine domi propriæ eadem alienæ parebat, nec solū mandatis Gundisalui aut vxoris, sed ad nutum quoque

que filiarum, domesticarq; familia, vsq; ad infima domus mancipia . Huius insigne specimen habes infra cap. 5. §. *Tesatur* . Vbi leges Rosam in ipso mortis articulo morigeram Gundisaluam .

Sed longè mirabilior obedientia ultra mortem . Post Virginis obitum ancillula in Limensi S. Catarinæ Monasterio argenteum cochlear per incuriam perdiderat . Fundatrix eademque Canobij tunc Præfecta iusserat omnes perquiri angulos, excuti scrinia, lustrari singula, sicubi amissum pignus inueniretur; quæsitum ubique & diu, geminatur cum quæstione anxietas, turbantur omnia, inuentum nihil. Neque iam de argento sed de fama cruciabatur sollicitudo, nam periculum erat ne qua innocens temerè in furti suspitionem veniret . Itaq; Præfecta Lucia de SS. Trinitate ad pendulâ illic Rosæ iam defunctæ imaginem conuersa, sub ingenti cogitationum tumultu erupit in hæc verba: audito Rosæ benedicta, tibi ego præcipio sub illa obedientia quæ mihi in hoc Canobio debetur ab omnibus, faxis inueniatur argentum quod perdidimus, in sancta veritate protestor tibi ò Rosæ, tuum erit hanc curam, suscipere, vt præstò sit cochlear dum à vespers redeo . Redijt, quæfuit circumspexit, & ecce cochlear propalam in mensæ cellulæ ubi decies fuerat quæsitum. Nempe de obedientia Rosæ iam prædefunctæ remanserat tam celebris apud omnes conceptus, tam alta præsumptio, vt crederetur, vel post mortem obeditura superiori cui nunquam in vita subfuerat, videbaturque

fat

fat esse ad imperium, quòd sua illic hospitabatur imago.

Ex his quilibet facillimè estimarit, quā accuratè suis Confessarijs obtemperarit Rosa adhuc mortalis, nam ex quo vestem S. P. Dominici assumpserat, ab ore suorū Patrum spiritaliū pendebat tota, & quidquid hi vel obiter innuissent, id Virgini non mandatum sed cœlestæ oraculum videbatur. Quondam post lachrymarum proluxa diluuiā capitis exinanitione languebat non sine discrimine, nec tamen solitis moderabatur vigilijs; admonitus Confessarius mandauit, à media saltim nocte horas omnino quatuor somno tribueret. Conabatur ad amussim parere Virgo, sed aliter assueta præscriptum horæ punctum seu dormiendo seu euigilando attingere non potuit, idq; sat fuit ut vehementi scrupulo torqueretur, velut rea violatæ obedientiæ. Notarunt hunc Rosæ spiritū domesticū, & quotiescumque roganda erat ut fomenta suo corpūsculo admitteret, aut requiem captaret aliaue se ratione sineret indulgentiū haberi, subiiciebant ita mandasse Confessarium, statimque Rosa sine replica planè infantiliter obediebat.

Sed redeamus ad Matrem. Quòd Rosa bibendi vices in triduum aut quatrimum differre sit solita, ex eo patuit, quòd legē sibimet indixerat, dum parentibus cohabitabat, numquam bibere nisi quoties veniam rogata Mater expressè annuisset, quod si licentia in experimentum virtutis negabatur, plerūque in aliud triduum fraudabat sitim, non prius bibitura quā

Mater

Mater annueret : imo & quæſta eſt, ab ea ſibi hanc veniam non crebriùs denegari.

Porro reliquã ipſius erga parentes obſervantiam , amorem, pietatem nulla ſatis capit hiſtoria : quàm ſolicita iugiter ſategerit vt genitorum ſuorum inopiã pro-
uideret ex labore ſuarum manuum, quàm officioſa vt iſdem ex morbo decubuis miniſtraret, adſisteret, pharmaca ceteraq;
neceſſaria compararet, quàm deniq; atten-
ta ac ſedula , vt domeſticas illorum præ-
uerteret offenſas, placaret animos, mitiga-
ret afflictiões , ſingulæ propemodum te-
ſtantur paginæ in iurato Proceſſu . Quæ-
ſtor Gundifalvus (: de quo ſupra, & fre-
quentiùs infra) tacitus mirabatur exhau-
ſtam viribus Roſam , ac diurnis operibus
extremè laſſam nihilominùs in mediam,
uſque noctem labori manuum inſiſtere :
Quæſtoris coniux , vt ſemel infirmam vi-
dit fatiſcere , totoq; latere imbecillem ac
ſtupidam vix trahendo ſpiritui ſufficere ,
grauiter hortata eſt , labanti corpusculo
tunc ſaltim ab ijs laboribus tantillum va-
cationis indulgeret . Repoſuit operoſa
Virgo, ſe parentum ſuorum neceſſitatibus
abſque ſcrupulo deeſſe non poſſe. Mirabi-
lius eſt, quòd Ludouica Vrtado de Buſta-
mante vidua Bartholomæi Alphonſi de
Lombrera vexilliferi aſſeuerat in Pro-
ceſſu, Roſam tot Sanctis exercitijs inter-
diu noctuque diſtrictam , tot affatim mor-
bis impeditam, tot ſupernis raptibus cre-
brò abſorptam, vnico tamen die tot labo-
rum penſa ſolitam abſoluere , quòt alia-
quavis etiam celerrima ac peritiſſima vix
inte-

integro quatrIduo absoluiſſet: & ne pute-
mus ob tantam feſtinæ Roſæ velocitatem
(:vt fit)hiulca,manca,imperfecta prodiſſe
opera,aſſirmat præ alijs teſtis LXVIII.il-
la ſingula tam conſummatæ fuiſſe perfe-
ctionis,elegantia,curæ, vt plerumque me-
tas humanæ artis & induſtriæ viderentur
excedere .

Neq;hic ſtetit anxius amor ac ſolicitu-
do filia conantis omni ingenio parentum
egeſtatem ſubleuare . In domeſtico hor-
to areolas diſcreuerat ſatiuis violis cura
ſua manuq;excolendis, quas ſimul vt ma-
turuſſent, fasciculatim collectas ancilla
dabat vñum exponendas; lucellum qua-
lecumq; illud Matri afferebat. Interroga-
ta aliquando à Viro religioſo(:teſte xxi.)
quantum commodi ſuis parentibus ex te-
nui iſto floſculorum mercimonio accede-
ret, reſpondit, illud quidem permodicum
eſſe, ni Sponſus cœleſtis aliundè miris at
arcanis modis ſuppleret .

Si quando Patrem aut matrem deieciſ-
ſet corporis ægritudo, nil Filia antiquius
nil ſanctius nil ſolemnius erat quàm ſepo-
ſitis omnibus decumbenti ſeruire, medi-
cinas conquirere, ſuis manibus parare,in-
ferre, bolatimq; porrigere eſculenta, re-
frigeria adaptare, applicare lenitiua. Tunc
noctes tranſigebat inſomnes, aſſidebat le-
ctulo,ſtratam componebat, agebat omnia,
præteribat nihil quod ſolacium adferre
poſſet . Interim precibus, gemitibus, ſu-
ſpirijs pulſabat ad Cæli fores; neq;incaſſū.
At hoc commodius miraculorum hiſto-
riæ reſeruetur . Vnicum illud ſingulariſſi-
mæ

me pietatis erga Matrem & extreme com-
 miserationis specimen fileri hic minimè
 debet. In ultimo vitæ iam-iam fugientis
 articulo Rosa dolentem Genitricem iux-
 ta se conspicata, neq; ignara quàm imma-
 niter hanc exanimaturus esset proximus
 ex Filix morte dolor, rogavit Sponsum,
 (: isq; vltimus precantis anhelitus fuit :)
 Matrem immodico mœrori imparem ac
 facile succubituram robusto firmaret sola-
 tio, adq; fatalem hunc ictum miseram ob-
 duraret suavi-potenti manu. Factum est
 ac abundantius quidem, quàm moribundæ
 Filix sollicita pietas flagitarat: simul enim
 vt Virgo spiritum reddidit, Matrem super-
 nè tanta solatiorum diluuiâ inundarunt,
 vt sub iuramento falsa sit, diu cor suum
 capiendæ huic dulcedini angustum labo-
 rasse sub quadam tempestate gaudiorum,
 ac velut pectoris intersepta perrupturum
 anhelis subsultasse tripudijs, ita quòd in
 eodem Rosæ morientis conclauî quæren-
 dus sibi fuerit secretior angulus, in quo
 liberiùs sub tantæ latitiæ suauissima di-
 uulsione palpitans respiraret. Cum verò
 in vicinum inde cubiculum vocaretur si-
 ue à cadueris tristi dimouenda spectacu-
 lo, siue vt cum alijs videret Aloysiam tunc
 fortè rigentem in extasi, ire distulit, ne an-
 gulum suum tanti iubili conscium prama-
 turè desereret. Nunquam fanè officiosis-
 sima Rosæ pietas aut sollicitius aut lau-
 tius refecit Matrem.

CAPVT IV.

*Rosa B. Catarinæ Senensis vestigijs ad
sequelam prouocata tertium S. P.
Dominici Ordinem amplectitur.*

Variæ ac sine numero sunt viæ, an fractus, itinera, quibus Æterna Sapientia selectas animas in sublime perfectionis cacumen facit eluctari. At eidem placuit electam Rosam de S. Maria peculiariter per Seraphicæ Catarinæ compendia ducere; quando vel maximè humana prudentia (: plerumq; inidonea Spirituum ponderatrix:) importunè Virginem ad alias vocationum semitas diuertere conabatur.

In primis haud absurda spe tumida Mater iâ à teneris filiola nobili atq; honestissimo connubio destinarat: nec abludebāt proposito egregia formæ venustas, acre iudicium, suauitas erectæ indolis, moresq; ad omnem ciuitatis gratiam apprimè tū facti tum eruditi. Ex aduerso credebatur innocens Rosa, tempestiuo (: de quo supra) capillorum excidio, vt quondam S. Catarina de Senis, amputasse spem matris ac nuptiarum tendiculas, nec segniùs interea pergebat sui vultus roseum decorem ieiunijs deterere, eximiam corporis habitudinem sacco pannofo deformare, publicos conspectus fugere, & ne hominum placeret obtutibus domi latere, adeo quòd toto illo quadriennio quo cum parentibus in *Casa* morabatur, nec pedem vltra domicilij limen extulerit, nec vicinum delicia-

num hortū videre dignata fuerit, nisi quod
 semel dumtaxat ibidem ad inuifendas In-
 dicarum operarum molas iussa fuit Ma-
 tronarum Filias comitari; quò vt perue-
 nit, vnico semper angulo immota confe-
 dit, nullo abrepta famosæ curiositatis spe-
 ctaculo. Verùm ne sic quidem effugere sat
 potuit, quin complures tum celebri virtu-
 tis opinione, tum pudici vultus maiestate
 in sui admirationem, mox & honesti tha-
 lami ambitum inuita accenderet. In his
 Matrona quædam genere & opibus clara
 vni Filio suo Rosam coniugem sibi nurū
 vehementer optabat, vtiq; felici commer-
 cio plus bonorum adeptura quàm datura
 cum hæred Filio. Placuit vtrinq; tam lau-
 ta conditio, præsertim quòd Rosæ paren-
 tes vt facultatibus tenues, ita graues erant
 multitudine prolium, nam xi. numera-
 bantur. Solus deerat consensus Virginis,
 quam voti sui memorem omnis mentio
 nuptiarum exanimabat, nec tamen impe-
 dimentum quo lubens-volens tenebatur,
 austerę Matri audebat detegere. Inde quos
 quantosq; insultus, quæ domestica prælia,
 probra, conuicià à parente, fratribus, agna-
 tis sustinuerit æquanimis at inermis Filia,
 nemo ad viuum propiùs aut comprehen-
 derit aut æstimarit, quàm quisquis ad san-
 ctæ Catarinæ Senensis historiam respexe-
 rit, vbi Lapa Mater tenacem propositi Vir-
 ginem inclementer obiurgat, premit, exa-
 gitat, nisi quòd in Rosam vltra verba etiã
 verbera, calces, alapæ sæuierint. Præualuit
 tamen apud cōstantissimam puellam idæa
 Seraphicæ Magistræ suæ (: ita Virginem
 Senen-

Senensem appellare consueuerat:) quam à teneris elegerat statu, habitu, moribus imitandam, prout disertè in Processu vestis LXVIII. asseuerat.

Videbantur in hoc vnum conspirasse omnia, ne Rosa Tertiariarum assequeretur habitum, quem tot votis ambiebat, tot suspirijs, tanto lachrymarum sumptu licitabatur. Nam ecce alia oblata est religio: si instituti via, quæ quidem Rosæ displicere neutiquā potuisset, nisi vnice ad S. Catherinæ Senensis alta vestigia fuisset cælitus destinata. Consurgebat illis diebus Limæ nouellum S. Claræ Monasterium, totius sanctitatis, rigoris atq; obseruantiae Sacrum, auspicante Illustriss. D. Maria de Quiñones, cui auunculus erat ille ipse famigeratissimus Dei seruus Limensium Archiepiscopus tunc superstes, D. Turibius Alphonsus Mogrouejo, de quo supra, neq; huius incomparabilis Viri admiranda Sanctitas, Pastoralis zelus, numerosa miracula ignorantur Romæ in Sacro Rituum Senatu, vbi de illius apotheosi pridè ac strenuè agitur. His inquam auspiciis formabatur recens monasterium, & vltro inuitabatur velut ad dignissimum tali flore Plantarium Rosa iam inter primas eiusdè fundatrices nominatim electa, censa, approbata. Quod vbi certius rescieuit, ante omnia sategit explorare Diuinæ voluntatis beneplacitum, suæq; vocationis mysterium supremo Arbitro ceruua commendauit, non recusans pro asylo suæ virginitatis & coæuo sibi strictioris vitæ desiderio arctissimam oblata Canobij clausuram

B

arduum-

arduumq; viuendi genus amplecti; maxime quòd experimentis iam didicerat vix aliter se importunas procorum molestias, parentum, fratrum, domesticorum adfultum, mundi; immundi conspectum posse euadere. Sed en arcanum cœlestis prouidentia! obstaculum à Matre fuit. Putabatur hæc prima omnium consensura, siue ob tanti Archiepiscopi reuerentiam, siue quòd onusta prolibus Filiam sine dote posset decentissimè accommodare. Obstitit tamen, causata domus inopiam, quam Rosa manuum labore sustentabat. Obstabat simul ætate morbisq; fatiscens auia, cui decumbenti vnica à fomētis erat, assiduoque ministerio. Obstabant demum alia, prouidēte Numine, quod florido S.P. Dominici viridario hanc Rosam incomparabilem per tot ambages reseruabat.

Hoc vt magis innotesceret, binis è Cœlo prodigijs opus fuit; primum hoc ordine euenit. Qui Rosam viderant adeò cœlestium auidam, adeò spiritualibus exercitijs, solitudini, macerationi corporis addictam, & seculi pertasam, suadebant idētidem alicuius Monasterij ingressum quo liberiùs vacaret Deo. Idem probauere demum Confessarij, vrserunt Viri graues & spirituum magisterio spectabiles, quorum concordii iudicio vt suum Rosa humiliter submitteret, conscia & annuente auia successum tentauit per germanum, fratrem, Diuino interim (: vt supra) arbitrio se remittens. Iam in SS. Incarnationis Monasterio, (: quod sub regula S.P. Augustini militat :) à Sanctimonialibus

libus Rosam exoptantibus admissionem,
 locumq; internuncia fratris industria im-
 petrarat, nilq; deerat, quàm vt relicta pa-
 terna domo clam sine pompâ ac strepitu ad
 Cœnobium rectâ pergeret valuis patulis
 admittenda, candidisq; ibidem lilijs inter-
 ferenda: Ergo proxima Dominica die ad
 pium hoc sui furtû electa in viam se conij-
 cit, vnico germano suo latissimi itineris
 assumpto comite, ac ponè iuxta S. Domi-
 nici vicinam Ecclesiam trahens in eam,
 diuertit cum fratre, vt illic in Diuæ Vir-
 ginis Sacello (: cui à Rosario nomen &
 cultus est) maternam Augustissimæ Dei-
 parentis benedictionem, velut opportunū
 suæ profectiois viaticum præsumeret, ex-
 inde reliquum viæ alacrius decursura.
 Cæterum vix ad orationem humi genua
 fixerat, cum sensit pauimento sese immo-
 biliter acclauatam. Sic hærentem & ultra
 conditum morosius cunctantem interpel-
 lauit frater, eundi tempus esse, longiori
 orationi commodius in Monasterio spatiū
 fore. At Rosa, quòd loco-mouere se
 neutiquam posset erubescens, vnâq; dissi-
 mulans tentabat subinde, si quo modo se
 tanti prodigij secretissimo retinaculo ex-
 plicaret: Interea bis, ter ab Ecclesiæ por-
 ta reuersus frater cunctantem increpuit,
 moræ periculum exaggerauit, surgere
 conanti brachium subiecit: connituntur
 ambo, sed in cassum. Rupem dixisses ad-
 natam solo, aut ingentem plumbi massam,
 nulla trochlearum vi attollendam. Intel-
 lexit Rosa mysterium, nempe ex decreto
 celestis Sponsi non esse quòd ipsa populo-

filii illius Monasterij optato receptaculo furtim sese abderet, aliud de generis sui instituti prouisum esse in secreto Aeternitatis consilio, deniq; summa rei erat quod solius Catarinæ Senensis vestigia Rosam exspectabant spinis sepiendam. Igitur ut erat immobilis, ad S. Rosarij clementissimam Reginam conuersa, promitto inquit Tibi, me rectà ad Matrem hinc redituram, adesq; paternas quoad iusseris habituram pro Asceterio. Mirum dictu! repente, quæ plumbum fuerat, se plumam sensit, nemine adminiculante surrexit, domum repetijt, Matri ingenuè rem ut erat detexit, proq; monastica aliud clausuræ genus (: quod cap. X. referetur) de consensu parentis adinuenit.

Alterum prodigium. Limanus ager ut psittacos ita papiliones gignit colorum varietate ac elegantia planè mirabiles, ut ferè de vtriusq; gloria hi cum illis certare videantur. Fortè Rosa in Seraphicæ Magistræ suæ bicolori habitu attentius defixa secum de capessendo Dominicanæ Ordinis amictu deliberabat anceps, cum ex ijs papilionibus vnus solo nigro alboq; colore pulcherrimè striatus leni sed minimè fortuito allapsu Virginem festiuè circumuolauit, illa confestim rapta in mentis excessum perspicuè intellexit quod animo dudum agitarat, nempe Diuinum id esse responsum de tertio habitu Prædicatorij ordinis tandem assumendo.

Nec fefellit euentus iam securam, nam paulò post obstaculis vndiq; submotis facta est voti compos, inq; Rosariano Deipa-

ræ Sacello vbi quondam immobilis hæserat, solenni ceremonia de manibus P. Magistri F. Alphonſi Velasquez Ord. Præd. ſui tunc Confessarij (: cui id P. Prouincialis commiserat :) induta est veste bicolori quam in Senenſi Magiſtra dilexerat . Contigit hoc anno ſalutis MDCVI. ipſa S. Laurentij Martyris feſtiua die, cui haud abſurdè aptaueris illud Tibulli :
*lib. 2. Eleg. 6. At Laurus bona ſigna dedit ,
 gaudete* Sanè gauſa eſt Roſa, vt ſe vidit circumamictam varietate, cumque Laurentio nouis ardebat ignibus, liqueſcebat in dulci iubilo, nouaq; Tertiaria reputabat ſe plus quàm nómine *Beatom* . Nimirum cum infante creuerat hoc deſiderium, ſiquidem à quinto ſue ætatis anno S. Catarinæ Senenſi iã ſeſe addixerat, quod ex ore ipſiuſmet Roſæ affirmant ſe percepſiſſe teſtes . II. & XXII. in cit. ſapiùs Proceſſu . Vbi verò Seraphicam eiſdem vitæ hiſtoriam domi per capitula legi audiuit, attentiffima tamquàm ſoli legeretur ſibi, medullitus ſe ſenſit inflammari ad ſequelam, non quietura, donec & foris in habitu, & intus in ſimbrijs aùreis tantæ heroinæ ac Magiſtræ diſcipula conformaretur .

Verùm ſi Roſæ perarduum fuit vigefimo demum ætatis anno per tot obſtacula eluctari ad Sacrum habitum, vix minori lucta ipſi conſtitit, eundem vſq; ad mortem retinere . Retinuit tamen, quamquam variè tentata vt alium aſsumeret: neq; enim ceſſabat humana prudentia Diuini ignara conſilij diuerſa ſuadere, offerre, ingerere

quasi meliora ac digniora . Ex his duo referam quæ victrici eius constantiæ validius incubuerunt .

Quæstor Gûdisaluus vir optimus, quiq; apud Virginem sibi concreditam valebat autoritate imò & domestico imperio , seu sponte seu aliudè inductus suggererebat reformatam Sacri Carmeli Regulam quam Rosæ genio credebat aptius convenire; instabat utiq; decentius in celebri Excalceatarum Virginum parthenone quàm foris inter ultimas Tertiarias militaturam Deo, vacaturam spiritui, inhasuram contemplationi . Quod autem idonea careret dote, replicabat Quæstor , se curam hanc totam sibi deposcere, acturum se omnia, ut à religiosissimo Monasterio haud grauatè admitteretur. Robustus hic fuit aries ad pulsanda Rosæ præcordia, maximè quòd ipsa quoq; Mater cui res angusta domi contenta iam erat, plurimumq; seruatorum Dei conspirabant arbitria . Rosa tametsi vocationis suæ tenax & certa, noluit tamen aut cerebrosa videri, aut palam tot peritissimorum beneuola iudicia immodesto supercilio aspernari . Itaq; ut alias vsa ingenio, selectis ex Ordine Prædicatorum quatuor præstantissimis Theologis rem permisit examini, pollicita id amplecti quod ipsorum potiora suffragia diffinirent; utpotè secura, Deum non permissurum, quòd consonis horum calculis euocaretur ab humilioris instituti electa semita, quam Seraphica Magistra de Senis felicissimè præcalcarat. Voto respondit euentus, nam operante Numine supradictus Theologorum

rum quaternio paribus utrimq; votis pendit semper immobilis, stupuitq; neutri partium occurrere pondus quo sese à tam constanti æquilibrio tandem explicarent. Vicit ergo constantia Virginis, quæ exinde fidentior Gundisaluum aliosq; suasores modesto ac graui responso interpellauit; se quidem reffloridis oblatis Carmeli desertis mirificè & capi & affici, verumtamen solius Diuinæ non humanæ inspirationis proprium id opus ac munus esse, Spiritum ubi vult spirare, aptam regularis status tunc electionem tum commutationem non esse volentis neq; currentis sed miserentis Dei, sibi deniq; alios supernè impulsus non obtigisse hætenus præter eos quos habitu protestabatur, viuendum sibi morièdumq; esse sub charo S. Catarinæ Senensis schemate ac magisterio, adfore tamen aliquando tempus, quo huius nominis atq; instituti nouum Limæ exsurgat Monasterium, at nondum se scire, num forsitan illi diuini sit reseruata. Certè dignus erat hac Rosa Carmelus, digna Carmelo Rosa, nisi hanc Ordini hortulano Rosarij altior zephyrus commendasset.

Eliso igitur hoc ariete superfuit alius, at omnium importunior quia subtilior, nā per ipsos humilitatis cuniculos infernè adactus quatiebat Rosam vnus commotione scrupuli, qua patuit via cogitationi pauidissimæ, nimirum se sordidam peccatricem illo niueo Senensis Catarinæ velamento nimis indignam esse, plus eo vestis candore promitti foris quàm lateret intus, vni sibi deesse omnia quæ extimo nitori

probè respondeant, proinde habitum qui
 Seraphicæ Magistræ fuerat protestantium
 virtutis ac religionis symbolum, in se
 nonnisi larvam esse publicumq; vsurpatæ
 sanctimonix mendacium. Duplicabat an-
 gorem, quòd alba vestis humano plausui
 videbatur ansam aditumq; vltro concede-
 re, nam Virgo gliscentem sui nominis ce-
 lebritatem auersata dolebat ex candido
 indumento ab alijs foeminis internosci in
 publico, eminus se venientem monstrari
 digitis, notari oculis, laudari à prætereun-
 tibus, ipsiq; S. Catarinæ Senensi nonnum-
 quam ab obuijs comparari. Tormenta hæc
 erant, quæ Sacram illi vestem reddere
 exosam poterant, ac primò verecundè oc-
 cultandam deniq; & seponendam suggere-
 bant, vsque-adeo vt suum familiare asy-
 lum (: facellum dico SS. Rosarii, in quo
 Rosa habitum assumpserat :) cursim adie-
 rit quasi denuo illic firmitate immobili ra-
 dicanda, solitoq; Magnæ Deiparæ præsidio
 tentationem molestissimam depulsura.
 Euenit vt sperauerat; nam ad Aræ cre-
 pidinem defixis humi genibus inter oran-
 dum placidissimo animi deliquio sensim
 diriguit. Notarunt præcantis vultum cir-
 cumstantes eiusdem tertij habitus Soro-
 res, videruntq; Rosam à Sacræ Imaginis
 obtutu supplici diu pendulam initio qui-
 dem exalbescere pallore niueo, post in-
 teruallum decora suffusione rubescere, de-
 niq; tota facie lucescere ac scintillatim
 radiare. Conieciarunt subito quod erat,
 permagnum aliquid actitari, velut sub iri-
 de Rosarii, cuius mytheria triplici hac
 tinctu-

structura distinguuntur. Et verè sic erat, nam Rosa sibi ac genuino vultus colori demum reddita erupit in iubilū victoriæ: *Eya inquit Sorores, laudandus est nobis Deus, qui nos Tertiarias communi solida charitatis vinculo sibi dignatur adstringere ac perpetim sociare.* Obscurum ænigma perspicue capiebant, quotquot prauij conflictus conscia fuerant. At Virgini præana hæc erant debellatæ tentationis, quam ita fregit vt numquam redierit.

Tanto constitit victrici Rosæ candidam Seraphicæ Catarinæ habitum & obtinere & retinere constantissimè. Porro quàm plenè cum illo Magistræ suæ virtutes induerit (: quamquam id seqq. Capitibus reponamus :) ad coronidem huius Capituli vnicum id argumentum esto, quòd semel tacitè spectanti mirantiq; Confessario visa fuerit Rosa specie, vultu, lineamentis sic transformata, vt viua similitudine ipsissimam S. Catarinæ Senensis effigiem referret.

C A P V T V.

Rosa præiactio solida Humilitatis fundamentis securè inædificat reliquarum virtutum molem.

IN suo! Nihilo cominus ac penitissimè agnoscendo quàm profundè iugiterq; Rosa perstiterit occupata, omnis humillimæ suæ vitæ clamat actio. Pauca hic è plurimis compendio substringemus. Parum ei videbatur, quòd domi Piliam se oblitam an-

c illæ domesticæ vilissima quæq; ministeria occupabat, nisi & infra ancillam sese demitteret. Mariana quædam seruiebat in Rosæ paternis edibus, Inda genere, agrestis conditione. Hanc sæpius in secreta domus parte orauit, exorauit, adegit Rosa, vt se deiectam humi nunc pronam nunc supinam calcaret pedibus, ac velut contemptibile peripsæma studiosè plantis deterreret: quin flagitabat superaddi sputa, calces, verbera, nihilq; omitti quod extremi contemptus saperet vilitatem. Quòd si Mariana conabatur parcere, aut non nisi obiter imperata exequi, acrius instabat supplex Rosa, nec nisi voti compos humo se attollebat. Quotiescunq; ob singularitatem vitæ à fratribus aut Matre prosciendebatur iniurijs, credebatur se ijs imò & decuplò grauioribus tam dignā esse, vt etiam vltro quæ sibi imputabantur ad culpam, soleret in maius attollere, suumq; reatum amplificare, ne præter aut vltra meritum videretur affligi ac despici, quæ tantopere ambiebat vbiq; succumbere & conculcari.

Assueuerat morborum suorum (: quos in ægro exaustoque corpusculo sustinuit crebros, & saeuissimos) celare magnitudinem, ne quis subueniret. At quando præ nimio aut conuulsionum laniatu, aut per symptomatum periculosam violentiā dissimulari non poterant, ingenuè quantis diffabesceret cruciatibus fatebatur, ac ea dūtaxat spe verborumq; artificio, vt ex dolorum suorum immanitate æstimarent homines quàm feret Rosa corā Deo enormis ac facta peccatrix, quæ videlicet assidue

tot scelerum iustissimis vindictis ab irato Numine meruisset flagellari. Hoc de se credebat ipsa, hoc itidem credi ab alijs peranxiè cupiebat.

Inde est, quòd sæpiùs coram intimis ac familiaribus suis timida frequentabat huiusmodi voces: mirari se, cur Deus nondum horribili abyssò demerserit infelicè Mundum qui tantam ferebat peccatricem. Item, suis demeritis illum apud Inferos deberi locum, qui omnium sit infimus & sumè infamis. Viliissimum se terræ pondus, abominabile generis humani carcinoma, purulentam sentinam ac fœcèssimam esse, indignam cui luceant Cœli, cui aspiret aer, cui tellus dorsum substernat, suo contagio inquinari elementa, suis piaculis grauari solum, amarescere Oceanum. Quoties improspèrum quidpiam aut domi aut foris accideret, non dubitabat suis id imputare delictis; cumq; tam seriò ista & sentiret & diceret, ferre non poterat, quòd eius innocentia gnari talia credere recusarent; grauiùs dolebat si replicarent, ex mera humilitate similia dici; his regerebat, utiq; sibi quæ sola se nosset fidem habendam esse. Verùm si eò præcederent, ut refellendis huiuscemodi vituperijs encomia Rosæ laudesque opponerent, expauescebat misera, ac velut fulminis ictu perculsa tremebat, pallore, silentio, gemitu mastissimè protestans se torqueri.

Accidit quòd Gundisaluum Questorem Michael Garzes Canonicus familiariter domi suæ inuiferet; hic ille inter amica ut sit colloquia delapsus ad varia cœpit nar-

ra re perfunditorie, quæ Rosæ (: tunc iisdem ædibus cohabitantis :) mirabilem, vitæ sanctimoniam, castigationem corporis, operumque & morum præstantiam, commendabant. Fortè de proximo conclavi hanc inuita percipiebat. Rosa confabulationem, sed laudum suarum nauseam non ferens exiit præ dolore, inque cubiculū interius ubi filiola Quæstoris Machaëla erat, sese proripuit; ibi mox liberrimo eiulatu ac lachrymis suam amarissimè sortem incusans verberabat innoxium pectus, despuebat laudationis suæ cram- ben, caligabat pudore sui, utque cruciatum cruciatu simul pelleret & vindicaret, pugnum crebrius impegit capiti ubi densioribus aculeis spinea corona (: de qua infra cap. VIII.) tempora clam obsederat. Quæ sic vulnerabatur ex laudum molestia, qua putas animi iucunditate exceperit cō- temptum, probra, conuicia? Sed pergamus.

Quoddā perarduū heroicę virtutis opus ad S. Catarinæ Senensis imitationem Rosa tentauerat, perfecerat, quod cum ipsius valetudini summè noxium & exitiale crederet Domina Isabella Mexia, horrore pio stimulata P. Magistrum F. Alphonsum Velasquez Confessarium Virginis admonuit, ut acerba reprehensione factum velut excessum temerarium improbareret, ac Rosam à similibus ultra vires tentandis absterreret. Increpuit ille Virginem, ut- potè nondum ex circumstantiis tunc assequens, quid laudis illa potius mernisset. Verum humilis Rosa velut culpam in opere

re sanctissimo agnosceret veniam deprecata spondit emendationem, lata ibi se obiurgari, vbi maximè plausum vanamq; gloriam metuerat.

Quandocumq; ad Confessariorum pedes in suimet accusationem procumbebat, ita mox obruebatur lachrymis, interpolabatur singultibus, dehiscebat profundis ex imo corde suspirijs, vt credidisses nonnisi enormium flagitiorum ream esse quæ sic plangebatur. Comparebat velut altera in Cinitate peccatrix, verecundabatur, tundebar præcordia, trepidabat quasi iam-iam erebi rictu absorbenda; nec tamen in tanta humillimæ contritionis apparatu sufficiens materia semper adfuit in quam tutò proferri posset Sacramentalis absolutionis sententia. Certè hoc postea vno ore facti sunt Confessarii, pluries laborandum sibi fuisse, vt in tanta innocentissimæ vitæ puritate scrutando reperirent quod ad poenitentia forum certò spectaret. E contra non segnè laborabat Rosa, vt minimos quosq; defectus in immensum exaggeraret, ferioque ploratu ac gemitu posceret medicinam. Neque his contenta, præter frequentes in hebdomada exomologeses insuper quotidianam sibi coram S. P. suo Dominico indixerat Confessionem, qua velut in Capitulo correctionis eidem culpas suas minutim exponebat, veniamq; & remedium ab eius suffragio humiliter postulabat.

Testabatur Gundisalvi Quæstoris vxor D. Maria Vfatigui, quod eius in adibus dum triennium vixit Rosa, adeò sese quæ-

nium reputarit infamam, vt non soli Paterfamilias & Coniugi, sed tenellis quoq; filiabus, imò seruis, ancillis, mancipijs domesticis subiecta ad nutum, singulorum æquè placita velut imperia exceperit, fauorem arbitrata, si quid sibi ceu precario in domum receptæ heriliter mandabatur, vnde & pro modico aquæ haustu flexis poplitibus à Gundifaluo (: si fortè aderat) libandi facultatem sibi exorabat. Grandia sunt ac proluxa quæ circa mansuetissimam Rosæ humilitatem notauit edixitque Gundifalui domus, sufficiat hoc postremum. Decumbebat agoni proxima, cum in vltimo vitæ suæ horario quadrante offertur ei pro confortatione cordis pretiosus liquor sorbendus è cyatho; negauit agra se posse: verùm audito quòd ipse Paterfamilias iusserat, se subditam recordata paruit, sumpsit, exhausit, tenui voce adiiciens: ite nunciate Gundifaluo Domino meo, me quod reuerà non poteram, ipso iubente potuisse, nec in ipsa mortis ianua me fore immemorem quid hero suo debeat subdita. Qua verò animi demissione tunc ad circumstantes conuersa petiuerit condonari sibi quidquid forsitan in eam domum aut familiam seu prauo exemplo, seu tericis ac inofficiosis moribus deliquisset, longiorem exigeret periodum, nisi ad reliqua foret properandum.

Diu nesciuit Rosa, quidquā vel minimū in se reliquum esse quod laudi pateret, aut pulchrum æstimari posset, donec fœmina quædam obiter manus Virginis conspicata (: vt est muliebre ingenium ad similia

lynceum & insigniter oculatum:) commendauit in ijs candorem, decentiam, proportionem. Exhorruit Virgo ad impro-
 uisam tantilli praconij vanitatem, arre-
 ptaque viua calce cruciabiliter manum
 ytramque deformauit, vsque dum ardore
 mordacissimo pellis vndiq; funderetur in
 rugas, bullulisq; sparsim tumesceret, eo-
 quidem dolore ac damno, vt per dies 30.
 & amplius vestire seipsa Rosa nequierit,
 vnde ancilla Mariana in opem sibi aduoca-
 da fuit: hec verò post Virginis obitum rem
 totam vt gesta fuerat manifestauit, quam
 Rosæ humilitas (: vt alia maiora & pluri-
 ma :) de more occultasset.

Pridem studuerat humilis Virgo omni
 arte natiuam speciosissimi vultus sui gra-
 tiam abolere, ne qua posset mortalibus
 oculis placere, idque non solum iugi ine-
 dia dirisque macerationibus, sed & aqua
 gelida creberrimè toti corpori superfusa
 videbatur iam assecuta, dum in exangui
 facie præter obscurū pallorem & maciem
 cauernosam nihil conspicuum apparebat.
 Verum vt comperit, his paulatim indicijs
 omnem austeritatem suorum ieiuniorum à
 curiosis deprehendi, estimari, extolli, plus
 sibi à vanæ gloriæ laudumq; cinea quàm ab
 eximiae formæ præstantia timendum rata
 confugit ad solitum orationis præsebiū,
 anxijque precibus impetrauit à Deo ta-
 lem sibi aptari vultum, qui saltem abstinen-
 tiæ suæ rigores ac tot ieiuniorum extima-
 signa mortalium oculis non vendicaret.
 Mirum dictu. Mox rediit genis demicis
 viuudus color, reddita faciei corpulentior
 plena

plenitudo, fronti aitor, luminibus vigor, ut propemodum iurari potuisset, Rosam quid sit ieiunium penitus ignorare.

Inde lepidum obuenit quibusdam Argis per otium curiosis, qui in feria sexta Parasceues fortè in Templi vestibulo cōfabulantes obseruauerāt Rosam cum Matre domum ab Ecclesia redeuntem. Transegerat Virgo totam illam Quadragesimā solo pane & aqua, sed præsertim illis hebdomadæ Sanctæ postremis diebus vix micatim aliquid cibi admiserat: insuper à summo manè præcedentis feriæ V. (cui nomen à Coena Domini:) continuò vsque ad istius feriæ VI. meridiem immotā persistiterat in eodem S. Dominici Templo, vigiliis agens coram Saerosancta Hostia tūc de more in S. Sepulchri arculam sollemniter illata, nec bolum aut aquæ guttulam toto illo. 30. circiter horarum intervallo sumpserat. Dum igitur supradicti congerrones inde ad proprias ædes cum matre redeuntem vident roseo vultu instar aurore subuinidam, aspectuq; vegetam, amænā, & minimè decolorem, temerè suspicati sunt, Virginem venire ab epulis ac lautitie, sonoreque ac liberè in prætereuntem iocati, en (inquiunt) moniālem opiparè habitā, en quā splēdidè profitetur vultus, se cupedijs ab aliquo dapiliter hodie refectam! Siccine ieiunant Beata? Displicuit Matri ineptissimæ censuræ temeraria dicacitas: at mirè placuit humili Rosæ se sua latere ieiunia, etiam vsq; ad tam ridiculam saginæ ac ingluuiei calumniam; Aculeus erat qui Rosam non læderet sed oblectaret.

Par ei sollicitudo & cura fuit abscondendi reliquos suorum charismatum thesauros ne humanis laudibus paterent in prædam. Hinc factum est, quod pleraque illustria eius opera, visiones, & arcana Spiritus deliciae sic delituerint sub taciturnae humilitatis abstruso inumbraculo, ut Matris, Sodalium, Confessariorum assidua sagacitas vix ad paucorum notitiam potuerit umquam penetrare. Quædam Spiritus ac religione apprimè celebris persona flagrabat annoso desiderio penitus Divinae gratiae magnalia explorandi quæ in Rosa prato celari iam ex toto non poterant. Itaque omni alio catoscopio desperato Virginis Confessarium autoritate qua valebat induxit, ut ipse per anfractuosa questionis obliquas ambages si quæ posset vel ab inuita eliceret. Diu recusavit, diu cunctatus est Confessarius, haud ignarus quàm sibi id arduum futurum esset. Tandem opportunitate seu facta seu arrepta tectis interrogationibus eminus circumiit Virginem, at ipsa quò illæ tendebant celerimè prægressa occupavit indaginem, hisque mitissimis verbis abruptit molestiam: scito (: inquit) mi Pater, me usque à teneris ardentè orasse Deum, ne sinat ulli mortali innotescere si quid altissima sua Misericordia cœperit forsan intra animulae meae penetralia dignanter operari. Annuic voto meo Inspector cordium, proinde cessa scrutari; nec inutili conatu me req; lassaueris; secreti huius beneficium quia concessit Dominus non auferat minister.) Nihilominus ubi semel iterumue sub grani

onere conscientiz tum à Confessarijs tum à Doctore Ioanne de Custillo (: vt infra Cap. 12.) Spiritus examini subiecta fuit, grandia ac miranda detexit quia debuit : attamen ultra interrogata ne quid responderet, cautelam, & parsimoniam verbis suis appendit in trutina. Vnde quæ tunc verè inuita aperuit perpauca ac penè vulgaria, crediderim, si conferantur ijs quæ Rosa sub Diuino Secreti beneficio ac humilitatis sigillo retinuit obsignata.

Fauit mirabiliter huic virtuti Deipara humilium idæa, siquidem ipsamet adiunxit Rosam instrumenta suæ mortificationis humiliter occultantem. Res ita se habuit. Ecclesiam S. Dominici de more precatura adierat, cum illic existentem subita cōsternauit recordatio vnus ex varijs instrumentis domâdo corpusculo adaptatis quod ipsa domi fortuitò reliquerat loco patulo vbi facile ab aliquo domesticorum absentis cubiculum ingressuro videri poterat. Expalluit confusa Virgo, timens hoc indicio deprehensum iri, quantum exercitijs poenitentiz soleret incumbere. Confestim igitur ad Virginem Matrem obsecrando conuersa rogauit anxie, periculo succurreret, ipsumq; instrumentum in altero locorum quos ipsa mente designabat reconderet. Statim euauit metus, abscessit pavor, & Rosa ab oratione domum regressa instrumentum suum reperit non vbi reliquerat, sed vbi illud à Matre Gratiz recondi flagitarat.

Tantam eius humilitatem indiuulsè comitabatur suauissima mansuetudo, placida
assa-

affabilitas, mite supercilium; mirati sunt quotquot eam nouerant, numquam ab illius ore excidisse verbum duriusculum, obstreperum, criticum, numquam auditum sermonem iactantiae, fastus, ostentationis, nihil in moribus aut motibus apparuisse tetricum vel subtriste quod acidam saperet austeritatem. Tota serena, comis, benigna, de se nesciebat altum sapere, sed tantum subijci omni humanae creaturae. Negasses Rosam esse quae adeo carebat spinis, at sustine, nam in semetipsam tota spinosa fuit, quod ex varia corporis sui castigatione proxima. 4. Capitula fusè docebunt.

C A P V T V I.

Rosae mira abstinentia, prodigiosi ieiuniorum excessus.

Fundamento tam profundo, lato, ac solidum dignum fuit ac tutum, praegrantia, excelsa, ponderosa superstrui fastigia. Sanè vim narrationis transcendunt quae de Rosae ieiunijs ieiunè satis innotuerunt, nam ut diximus, latent plurima. Hoc summarie constat, Virginem per S. Catarinae Senensis vestigia gradatim abstinendi, ieiunandique usum fermè ad ipsum usque inediae culmen mirabiliter produxisse. Suo ordine dispiciamus singula.

Nondum infantiae pannos & annos pupula excefferat, cum sibi (: quod illi aetulae peregrinum & graue est) omni fructuum esu interdixit. Sape obstupuit attonita Mater, paruulam suam nulla taliam cupi-

cupediari aut suauitate aut varia pulchritudine capi, nam fructus sibi datos mox alijs donabat, numquam vel primis labelis admovebat. Sexennis feria IV. VI. & Sabbatho (ni Mater aut medicus ad aliud cogerent) omni prorsus abstinebat obsonio, nil præter panem & aquam degustans. Anno ætatis quintodecimo votum emisit, toto vitæ suæ decursu abstinendi à carnibus, quoad permetterent ij quibus obedire teneretur. Hoc in tenera puella canæ prudentiæ moderamen fuit, quo sic corpusculo suo detractum voluit vt simul alieno in se iuri atque imperio nil detraheret. Interim cautæ filiolæ ingeniosa non defuere strategemata quibus Matri diu occuleret hunc seuerum abstinentiæ tenorem, ne ab ipsa valētioribus edulijs vesci cogeretur. Interdum nobiles Matronæ deuotionis ergo Matrem cum Filia in suas ædes inuitabant, epuloq; sobriè instructo rogitabant vtramque secum vnà accumbere. Durissimum id erat frugali Rosæ quam vel odor carniū offendebat. Sed parens Matronis quam Filia complacendi studiosior iubebat hanc omnino carnibus vesci ne inutbana singularitate adstrictioris parsimonix videretur Mensæ honorem profanare. Parebat mæsta Filia, sed maximo inassueti stomachi supplicio, nam quidquid carniū reluctanti ingesserat, paulò post captato secretiori angulo totum supernè reddendum erat non sine miserabili cruciatu. Quòd si aliquando æger ventriculus buccellam exosam nulla vi potuisset eluctari, paroxysmus erat in foribus, ac nauseantem arden-

ardentissima febris inuadebat. Nec mitiori successu obediebat Medicis, si quando aut languentem aut lentius conualescentē tentabant esu carniū ad vires pristinas reuocare; tantum enim aberat isthoc genere alimenti iuuari infirmam, vt etiam a bolo velut à toxico recidiua magis debilitaretur, morboq; redintegrato non agra sed agridudo vires acciperet. Semelex morbo sat ancipiti emerferat, vtique citius instauraretur, ex præscripto Medici pauxillum carnis pauenti eius stomacho obtrufferant, cum ecce repentina totius corporis lassitudo, mox tremor & deliquium prostrauit miseram, subitumq; pectori ac pulmonibus asthma incubuit, pressit, ac respirandi facultatem interclusit. Vix pluribus horis hac sese angustia Virgo explicuit, ac per aliquot dies nec passum progredi nec plantis consistere potuit, donec restituta sibi consueta abstinentiæ potestate sensim & ipsa restitueretur sibi. Iam, penè conualuerat, & denuo inuitam ad carnis ferculum compulerunt: denuo item rediere prædicta symptomata, nec remedium nisi ab vsitato panis & aquæ pastu superfuit.

Laborabat frequenti ischiade, ac plerūque ea dolorum vehementia, quæ stomachi fundum euerteret. Sub hoc tormento integros quandoque cum noctibus dies sine cibo transigebat: verum sedato nonnihil cruciatu mox instabat domesticorum pietas vt è carnibus iusculum admitteret. Ipsa hoc vrbaniſsimè recusato potius deſcebat familiarem sibi adferri dapem, panem

panem & aquam; his allatis velut pollucibiliter deliciatura panis medullam intingebat frigida, eaq; sumpta post modicum surgebat e lecto quasi refecta satisq; opipare recreata . Quæstor Gundisaluus domi suæ bis terue hoc medicamine non anaretico sed planè anachoretico vidit Rosam cōualescere, protestans neutiquā se capere, vnde huic ieiunio vis nutriendi inesset .

Ibidem alia vice obseruatis in Virgine manifestę debilitatis nimijs indicijs voluit idem Paterfamilias , quòd ex ala coctæ auiculæ quid modicumsumeret quo labentem stomachum nonnihil erigeret . Rosa tot iam edocta malis attamen vrgenti conabatur obtemperare . Vix bolum glutuerat, cum præfaga periculi comiter mensam reliquit , in vicinum conclauis Oratorium se proripuit, valuas adduxit ; cumq; de more sub seram noctem pallidula inde prodissset, Quæstori & Coniugi subtrepidè fassa est , minimum abfuisse quin exiguum id quod ex auicula gustauerat morte lueret, præ dira pectoris obstructione quæ miseram prope suffocarat .

Impulerūt cruda hæc experimenta commiserantem Quæstorem, vt Virginis Confessarios, Medicos, parentes sigillatim ac penè adiurato obsecrauerit , ne deinceps imperato carniū esu Rosam vitæ discrimen adductam vellent, sufficere tot euentuum tragica specimina in testimonium, promptæ ultra vires obedientiæ , crudele ac Deo palam ingratum fore quidquid ulterius tentaretur ad oppugnandam Rosæ abstinentiam , à qua tam perspicuè illius

vita pendeat . Audebat & Rosa sub tali
 aduocato liberiùs præoccupare Medicos
 ne quam sanam vellent , carniùm edenda-
 rum obiectu trucidarent, imò & alia quæ-
 cumque vegetioris succi esculenta se ad-
 missuram negabat, ita visum esse Numini,
 cui ipsamet naturæ leges famulantur ad-
 nutum . Alludebat forsitan supernæ quam
 recolebat visioni, qua Christus increpantē
 blandientiq; medius Rosam docuerat, vel-
 le se ab ipsa tam rigidis abstinentiæ exerci-
 tijs constanter honorari , sibi illius vitam
 ac valetudinem curæ cordiq; fore, nec dif-
 fidendum , quin ille qui pro ea suam in
 Cruce vitam prodegerat, qui extrema fuit
 prætiòssimi sâguinis gutta ipsam tam ca-
 rô emerat, qui in eius animam tot Gratia
 thesauros tantamque cœlestium donorum
 opulentiam conghesserat, demum & terre-
 no suo corpusculo id præstiturus sit, iamq;
 præstiterit , quo carnis edulio carere pos-
 sit .) Ergo cedat Æsculapius , quiescite ò
 Medici, nam Diuinum est mysterium hoc
 quod cernitis .

Tardiùs Matri persuasum fuit , vt Filia
 tam seueram tenuissimi victus rationem ,
 formamq; æquanimiter indulgeret. Quo-
 ties aut nimiam in exangui vultu maciem,
 aut vires infra medioeritatem deiectas no-
 rabat , vnâ hanc rigidam castigatissimæ
 parsimonix dietam instar atrocis delicti
 vocabat in crimen, vociferabatur impatiens,
 ac penè illismet quibus olim in S. Catari-
 nam Senensem Lapa Mater , tonabat ver-
 bis, singularem, obstipam, ac suipsius car-
 nificem proclamitans. Cûque nec sic pro-
 ficere

ficeret, imperiosa præcepit, quotidie secū deinceps accumberet communi mensæ cū familia, visura demum, quid quantumque manducaret. Vicissim à parente Filia supplex impetrauit, saltim ea sibi permitti ac parari fercula quæ non modò ingerere sed & digerere posset. His vltro citroq; velut ex pacto mutuo constitutis prudens Filia culinariam ancillam Marianam suarum partium fecit. Huic dextrè ac sub fide silentij extorsit, vt sibi in singula prædia solam pararet offam ex panis frustis & herbarum pugillo, at sine sale & condimento, simplici aqua decoctam, pauculis dumtaxat vuis passis nonnumquam inspersis, vt Matri in singulos bolos attentæ videretur genialiter absonare ac dulciter, vbi rarus bolum augebat acinus. Sed diuersissimum erat quod reipsa gerebatur, nam herbæ quas sibi Virgo in pastū singulari cura selegerat, amarissimæ erant, & agresti saporis malignitate torquebant palatum. His delicijs mulcebat gustum, quibus ne simile condimentum abesset, persæpe cineres admiscebat.

Audierat in vicina sylua pronasci herbā insigniter præ ceteris amaram: hanc sibi clā adferri, ex ea deinceps insipidum pulmentarium sibi iussit apparari, & ne tam exquisitæ prouisionis annona deficeret, herbam eamdē suo hortulo implantauit, suis manibus sollicitè coluit, persuadens Matri, valere in vsum medicinæ. Semel curiosa Parens in horti sepimēto vasculum reperit felle veruecino plenum; statimque suspicata id quod erat, Filiam iuterrogauit,
cur

cur eo loci id abscondisset, aut cui bono? Rosa deprehensam se videns simpliciter respondit illo se vti ad offulam suam inspergendam. Egregium sanè stimulandæ orexi proritamentum. Innotuit postea (:reuelante ancilia Mariana) Rosam omnî ferè diluculo quo Sacra Synaxi reficienda non erat, austero hoc fellis promulsidario in Dominicæ Passionis memoriam os totû imbuere solitam. Præcipuè tamen sextis ferijs velut ex acetosa spongia cum Christo in Cruce pransura ex eodem felle & panis crustula sibi componebat electuariû mordaci aceto & copiosis lachrymis stilletim superfusus; suo idiomate *Gaspachos* appellitabat hoc genus embammatis quia frigidum sumebatur. Deficiente fellis copia succedebant in vicem folia quædam, amarissimi fruticis quorum succtu & masticatione Christi in morte sitibundi hyssopum malè iurulentum saucia cogitatione recolebat.

Fruticat in illo occiduarum Indiarum, fertili tractu planta mirabilis, *Granadilla* vernaculis dicitur, Latinis rei tam serò visæ proprium adhuc deesse nomen crediderim, nisi quòd supplente periphrasi *Florem Passionis* vocitet fidelis Europa. Hic mirifico naturæ lusu pleraq; Dominicæ mortis nostræq; redemptionis instrumenta velut in exigui proscenij compendium sese conspicuè explicant, nam inter foliola cruentis maculis venustè dispuncta assurgit columinula flagellati Dei statumè, huic infernè spinea corona circumiacet, supernè tres clavi infixi prominent, foliorum am-

bitum quasi filatim pendula flagella inter-
stinguunt, medium sinum aceruatim implēt
granula eximi) saporis . Itaq; Rosæ in ci-
bum placuerunt huius benedicti floris nō
grana quia dulcia , sed pampini quia ama-
rissimi : his decoctis vescebatur libentiùs,
quòd & succi amaritudine & floris sui co-
gnatione aptiùs Parasceuen quàm pran-
dium repræsentarent .

Transseundum nunc ad ieiunia , tametsi
dubitari haud immerito possit, ab ipsa esu-
rie an à talibus cibis durius esse tormentū
potuerit . Monuere, qui de Rosæ virtuti-
bus post obitum solemniter testificati sunt,
duplex ieiuniorum ei fuisse genus, vnum,
commune quo semel in die pertenuem pa-
nis & aquæ libabat refectiunculam at non
nisi sub noctem ; alterum verò appellabat
suum, quo per totum diem noctemq; peni-
tus gustabat nihil . Primum, tametsi prope
quotidianum esset , præsertim vltimis vitæ
annis quos in Gundisalui Quæstoris ædi-
bus consummauit, peculiare tamen quotā-
nis ad normam Dominicani instituti septē
illos continuos menses obseruabat, qui fe-
sto Exaltatæ S. Crucis, & Paschati Resur-
rectionis interfluunt Ordinis ieiunio con-
secrati . His igitur mensibus etiam herba-
rum panisq; diminutione accuratiùs se ma-
cerabat, donec ineunte Quadragesima om-
nem sibi omnino subtraheret panem , solis
malorum aureorum seminibus parcissimè
victitans, nam ex ijs non vltra quinq; sume-
bat sextis feriis adiecto solo veraecini
fellis haustu, vt hac lautitie quinq; plaga-
rum Christi acerbicatem præsentius rui-
naret

naret . Residuo anni tempore panis mensuram tam sibi curtam indixerat , vt quod vnica diei sat esse credebatur , integro vix cotidiano totum absumeret . Dum Rosam adhuc domi propriæ suæ de quo infra Recluserium inhab. tabat, Gundisalui Quæstoris vxor ei heb. domadatim mittebat rudioris panis octo placentulas , vt dietim vna ad minus necessario victui tota impenderetur . Sed euoluta septimana, ac superueniente totidem recentium panum demerso inueniebatur , Rosam ex octo panibus permodicis vnum duntaxat cum dimidio per totam illam hebdomadam comedisse , restitutis nimirum sex reliquis cum dimidio qui in penu superfuerant .

Nescio , ieiunium an planè *in diem* appellauero quod sequitur. Obseruatum fuit, Virginem cum pane vnico illoque sat exiguo & aquæ vasculo integram dierum quinquagenam transegisse absq; omni alio cibo aut potu nimirum à Paschate Resurrectionis vsq; ad Pentecosten . Item alio anno totam eiùdem quinquagena intercapedinem decurrit prorsus sine potu , ne guttulam aquæ sorbens . Vbi verò Quæstoris eam domus contuberna em excepit, nil nouum fuit , si còplures continuos dies absq; vllò omnino alimento trans mittebat: plerumq; etiam feria V. solebat ibidem se domestico Oratorio includere, nec inde se mouere vsq; ad Sabbathum, ita quòd infra hoc triduum planè insomnis non modò carebat omni cibo potuq; corporali , verum etiam (: quod Quæstorem Gundisaluum maxime rapiebat in admiratione) toto illo

tempore remanebat vni affixo angulo , vt neque ad momentum pro quacunque necessitate ab illo discederet . Nempe corpusculum ex inedia vacuum sustentabat pinguedo Spiritus , cui cœlestium medicatio sagina erat .

Aliquando Communicanti solæ species Sacramentales tâtum roboris contulerût , vt in fortitudine cibi illius toto octiduo nullum aliud nutrimentum admiserit . Semel extra consuetum tempus quid modicum sumere coacta , cum illud stomacho retinere non posset , reddidit , ac velut intemperantiæ rea seipsam decem dierum rigida inedia damnauit .

Deniq; vel in simplicis aquæ potu adinuenit, quo siue biberet siue abstineret, gustum fraudaret: nam vt faucium ardori leuamen ac refrigerium subtraheret , integras hebdomadas transigebat sine potu, bibitura verò non frigidam sed calentē sorbebat lympham, metuens in aqua subgelida tantillum inuenire deliciarum; Causam rogata, aliam dabat , nimirum hac ratione se mederi somnolentiæ, quam aquæ præsertim frigidæ haustus prouocaret . Alia minora præterire hic liceat, cum putem ista sufficere , vt de inimitabili huius Virginis frugalitate victusq; parsimonia nil vulgare coniiciatur .

Longè mirabilius fuit , quod notarunt domestici, Rosam plus virium semper hausisse à ieiunijs & longa inedia quàm à cibo corporali; verum (: vt infra narrabimus :) etiam hoc ipsi cum Magistra sua S. Catharina Senensi commune fuit, quòd os famelicum

licum vulnerato Christi lateri applicuerit, siquidem extra hunc fauorem & fauorem tam discipula quàm Magistra non norant aliud quo saturari possent.

C A P V T VII.

Rosa tenerum corpus cilicijs, flagris, catenis domat.

MIrum in arido totq; ieiunijs extenuato corpusculo superfuisse locū qui flagella exciperet, sanguinem qui verbera sequeretur. Nihilominus Rosæ tantus inerat castigandi corporis ardor ac studium, vt ei per Confessarios modus fuerit imponendus. Initio, cum S. Catarinæ de Senis gestare cæpisset habitum, non contenta vulgaribus funiculis, duas sibi catenas ferreas aptarat in flagrum, hisq; ad imitationem S. Patris sui Dominici per singulas noctes tam durè ac dirè sibi dorsum & scapulas cruentabat, vt riui sanguinis in parietibus, in pauimento, in subligaculis fuerint notati. Credebat innocens Virgo se suis peccatis has debere vindicias. At præterea publicarum miserta calamitatum, satagebat his modis ad exemplar suæ Magistræ placare Numinis iram, mitigare iustitiam, vnde nunc pro ærumnis totius S. Matris Ecclesiæ, nunc pro angustijs periclitantis Reipublicæ cruentam sese victimam cædebat inclementissimè, vt clementiam impetraret, plagisq; plagas auerteret. Si qua aut Regno Peruano, aut Vrbi Limensi patriæ suæ flagella diuinitus imminebant

nebant, suis conabatur flagellis diuertere :
 nec animarum in purgatorijs flammis bul-
 lientium immemor duplicabat ictus cate-
 narum in noua cruoris profluvia quæ rogi
 partem extinguerent . Pari sumptu con-
 nitebatur Agonizantibus impetrare subsi-
 dia pro illo tanti momenti supremo mo-
 mento à quo pendet æternitas . Cæterum
 pro culpis alienis, pro compensandis Pec-
 catorum in Dei Maiestatem iniurijs , pro
 eorundē conuersione ad frugem meliorem
 dici non potest quot flagellorum sulcis ,
 quot vibicū liuoribus seipsam in dies
 exararit , nesciebat ferias quotidianus fe-
 riendi labor & dolor, quem sic dispensabat
 per diuersas corporis partes, vt dum vnus
 plagis detumescendi , & coalescendi da-
 bantur vices , transiretur ad alteram , ab
 hac verò postridie reditus fieret ad priorē
 vix dum coalitam ; porro hæc verberū al-
 terna sed crudavici litudo tātò diriūs cru-
 ciabat , quantò acrior sensus inerat parti-
 bus pridie læsis . Assueuerant domestici
 (:quamquam inscia Virgine) ex ædium
 parte secretissima per singulas noctes audi-
 re hos disciplinarum ictus , at semel ultra
 solitum cohorrerūt, dum Rosa nullo iam
 læsarum aut illæsarum partium discrimine
 vehementiūs ac diutiūs in se totam dese-
 uiebat plagarum strepitu latè sonoro . Oc-
 casionem dederat popularis quædam in
 Limana Ciuitate turbatio leuibus (: vt as-
 solet) orta principiis . Vir Apostolicus,
 ac Seraphici Ordinis iubar eximium Ve-
 nerabilis P. F. Franciscus Solanus in vita
 & post mortem constanti fama Sanctitatis

ac prodigiorum gloria clarus , pro con-
 cione obscurius fortè nōnulla protulerat ,
 quæ Limensium vulgus præuè intellecta
 detorserat in sensum prorsus alienum .
 Hinc subitus pavor totam peruasit Urbē
 quasi ex publico P. Solani vaticinio terræ
 hiati proximè absorbendam , quod tamen
 ille nec dixerat, nec somniarat . Rosa pe-
 riculi admonita quo tum Sancti Viri cele-
 bre nomen tum marcentis Limæ nutabāt
 tranquillitas, mœsta indoluit, noctemq; il-
 lam horrifonis flagris in sua carne depur-
 purauit , vt proprij sanguinis hostimento
 sopiret communem populi sui turbatio-
 nem quæ cordatis periculosior quocumq;
 terræ motu videbatur .

Magister F. Ioannes de Lorenzana Cō-
 fessarius Virginis cum hunc disciplinarū
 rigorem imbecillitati corporis paulò æ-
 quius censuisset attemperandum, Rosa ma-
 ximis ab eo precibus extorsit , quo saltem
 liceret sibi intra certum dierum spatium
 verbera quinquies mille sibi infligere qui
 piè creditur esse numerus ictuum quos in
 sua crudeli flagellatione Christus excep-
 pit . Hac permissione obtenta æquè solici-
 ta erat Rosa, vt eum numerum non transfi-
 laret, quàm vt impleret. Siquidem ne tran-
 siliret, nouam à Confessario permissionem
 toties exorabat, quoties aut aliqua proxi-
 morum necessitas , aut causa publica vide-
 batur peculiarem ab ea succursum exige-
 re . Vt autem impleret, obseruabat atten-
 tissimè quot diebus subinde ex infirmitate
 decumbens ab vsu quotidianæ disciplinæ
 fuisset impedita , subductoq; diligenti cal-
 culo

culo ubi conualuisset, ita in proximam dierum periodum diuidebat omissoꝝ portiones, vt compensatione facta permissum numerũ 5000. exactè adæquaret, nec segnius numerum præsentis dierũ periodo tunc respondentem vnà absolueret. Pari obedientia suo Confessario adqueiuit, quando nimiam ferreæ catenæ atrocitatem in aliud ex filis contortum at nodosum asperumque flagellum præcepit commutari, vt sui Ordinis conamuniori vsui humilius sese conformaret. Proinde Rosa ferreum hunc scapularum vomerem sanctiusne posuerit an sumpserit, in medio relinquo.

Porro quàm auidè in pœnitentiæ exercitia propenderit Rosæ genius, iam inde ferme ab infantia serijs præludijs abundè ostenderat. Quadriennis erat, cum tenellos humeros (: quibus flagellandis tunc adhuc deerant rudi puellæ funiculi :) incepit vexare nunc crudorum laterum ponderibus, nunc grauis trunci onere, velut ex tunc conata baiulare Crucem post Christum sub infamis ligni molestia laborantē. Mariana ancilla domestica horum arcanorum sola aliquamdiũ conscia, sola Virgini à secretis erat; hanc itaque nunc in remotiorē horti angulum nunc in solarium domus seuocata flexis humi geniculis precabatur, vt (: quod fuisset ipsa manibus tenella nondum poterat) humerulos suos vi laterum ibi sparforum oneraret; sub ea mole, grauiq; obtritu durabat paruula in oratione proluxa & laboriosa; tandem innuebat ancillæ, sine strepitu pondus auferret,

ne fortè superueniens Mater furtiua deuotionis turbaret scenam, aditumq; similia iterandi præcluderet.

Alijs vicibus sub eodem silentio rogabat sibi grauari scapulam informi trabe, collectisq; exiguis viribus conabatur obnixa sustinere durissimam sarcinam dum preculas suas bene longas absolueret. Aestuabat impar oneri, gemebat, oblucebatur, donec interdum victa premeretur usq; ad solum. Rudimenta hæc erant feuerioris militiæ, quam ætas maturior ut promittebat animo sic corpori minabatur.

Nondum quartumdecimum annū egressa fuerat, cum notari cœpit inter alia penitentiae opera, quòd noctu perambulabat hortum nudipes imposita sibi oblōga Cruce, quam dum liuidis gestabat humeris, semetipsam crebris genuflexionibus terre allidebat, amarissimam Caluariæ viam æquis tum passibus tum suspirijs dimetiens; nec vlla malignantis auræ intemperies, nō horrida obscuritas, non frigora, non turbibines vëtorum insuaues erant Virgini vndequa; suo corpusculo quidquid incommodorum poterat accersenti.

Inhibitum ei fuerat (: vt̃ supra attigimus) ne amplius ferream catenam in vsū flagelli adhiberet. Ipsa rem sic interpretata est, non vt omnino sibi catena parceret, sed tantum non caderet. Itaq; hanc lumbis suis triplicato circumductu fortissimè adstrinxit, extremis commissuræ anulis seram immisit, clauiculam abdedit vbi recuperare nec ipsa posset. Occultissimum hoc erat tormenti genus, quodq; vel diu

vel fortè semper latuisset vniuersos, nam Rosa vel ipsam operum suorum Secretariam Marianam huius insciam voluit, sed noluit Deus; vnde sic demum patuit: Nocte concubia Rosam in strato acutissimis coxendicum dolor inuaserat, sentiebat afflicta totum à catena malū esse, velut quæ per extrittam pellem hinc inde carni nervisque profunda incumbibat, vnde renes & latera ferri alior in atrocissimi doloris consensum attraxerat.angebatur Rosa, quòd se sola nec rumpere noxiam catenā, nec sine clauē feram dissimulare poterat. Crescebat interim sub indissolubili vinculo atrox Ischiadis cruciatus qui demum inuita Rosæ post lōgos gemitus etiam miserandos eiulatus extorsit. Euigilans Mariana profiliit, agram subleuatura accessit, obsequium quodcumq; in rem foret obtulit, simulq; de morbo ac morbi causa perplexè interrogauit. Hic misera Virgo secretum suum prodere debuit, vt ab ancilla cōsiliū modumq; exquireret, quo solueretur catena priusquam experrecta Mater in auxilium vtrique accurrat. Tentarunt ambæ quid poslent, alternabat vices lucta & consultatio, sed neutri cedebat tenacis seræ firma contumacia. Meminerat ancilla, eiusmodi seras valida contusione nonnumquam aperiri, dum igitur abijt quasi nira laxum, anxia Rosa Matrem aut vocari aut sponte nox affore timens ad orationem confugit, quæ instar clauis, & Cælum, & feram penetrauit. Mira res, cum saxo rediens Mariana audit sonoro crepitu seram sponte dissolientem, laxatur sensim

fini catena, diducitur, abstrahitur tota, sed
passim auulfione opus fuit, quam cutis &
cruor sequebatur. Hoc agone defuncta
Rosa quietem repetijt vt eandem ancilla
repeteret, ac manè facto velut nil graue
passa ad consuetos labores properauit.

Vix laceratæ cutis vulnera coierant,
quando Rosa ad suam catenam redijt, pri-
stinog; ferri tormento se rursus incinxit;
donec tandem (incertum quibus indicijs)
resciuit Confessarius, qui continuò præce-
pit Virgini, catenam vt erat sine mora si-
bi transmitteret. Paruit illa, catenam de-
nuo carni adnatam à lumbis reuulsi, pan-
nog; diligenter vnà cum sera obuolutam.
Sacristæ F. Blasio Martinez tradidit rectà
ad Confessarium deferendam. Sacrista ex
pondere suspicatus aureos inesse torques
aut pretiosa monilia, digressus à Virgine
explicuit inuolucrum, ac dissimilimum au-
ro thesaurum reperit, catenam recēti im-
butam sanguine, quam frustillatim adhæ-
rescens caro & pelliculā varijs locis con-
spicuè satis interpunxerat. Huius aliquot
ansulæ seu circuli post Rosæ obitū apud
D. Mariam de Vsategui aliquamdiu asser-
uati mirabilem at omnibus peregrinam
spirarunt suauolentiam, testes nimirum
pœnosi sudoris quem de Rosæ corpusculo
imbiberant.

Neq; pulpæ brachiorum ab eiusmodi
vinculis immunes erant, his enim Rosa
ad cruciatum arcta quædam ligamina cir-
cumdederat quæ perpetim torquebāt cō-
plicatos musculos, at tum vel maximè ve-
xabant lacertos quoties aut aliquid de-

terra leuandum , aut brachia sursum extendenda erant . In his nexibus clam dolorosis meditabunda vinctū in horto Getsemani Spōsum comitabatur ad edes Cai-phæ, Annæ, & Pilati . Nec adeo has alligaturas quamquam strictissimas pellis obduxerat , quin videre eas potuerit Mariana, quando medebatur laceris Rosæ scapulis , nam sæpè postulabatur hoc genus officij , eò quòd iugiter in Rosæ dorso patebant scissuræ, quibus ex interuallo iussa Mariana inspergebat ignotos pulueres, ne saniem conciperent , chartaq; bibula obducebat repetitis postridie tunsionibus renouandas . Porro dum brachia & lumbos vincula neruiq; arctabant, manipulatim vrticæ ac minutuli sentes mor su creberrimo vexabant pectus, axillas, latera, ne qua pars vacaret à cruciatu , dum fortè cilicium adhuc deerat præ inopia . Sic nempe Rosæ in sentibus configurabat se lilio inter spinas .

Verum vbi pro ingenti munere ditatam se vidit breui cilicio, quasi purpurâ, byssū, trabeamue nacta, sibi suaq; tremulæ carni gratulabatur de nouo pœnitentiæ balthæo , rigoris paludamento . Initio quidem illud tametsi asperum, minis tamen quàm Virgo optauerat, latum sinuosumq; videbatur, vt pote quod vix duorum palmorum mensuram excedebat . Sed paulò post aliud successit ex religiosæ personæ liberali dono , quod Rosam vndequaque contentam reddidit . Manicatum hoc erat, atq; à collo , & humeris infra genua propendebat ; hispidum, ex crassioribus equorum fetis prædense

densè contextum vix non lorice grauitatem æquabat. Ponderosa hæc asperitas vt suapte grossitiæ ferè implicabilis ita duritiæ implacabilis cuius robustiori poenitiæ alumno sufficere potuisset ad summam austeritatem, nec tamen Rosæ sat fuit, nam infixis, vndiq; breuissimis acubus hirsutam interulam diligentius in se armauit. Herinaceum credidisses, non Rosam, Virgini tamen hæc rudissima Gausapina non tam cilicium quàm abolla videbatur, eaq; per complures annos est vsa, donec ob frequentem sanguinis vomitum alieno coacta fuit imperio noxiam hanc exuere catafractam.

Aliam tamen ipsa adinuenit castigandi corpusculi rationem quã priori clam substitueret, minori forsan valetudinis damno at non leuiori molestia. Saccum villis crassissimis grauem sibi in formam indusij aptauerat, & ne posset deprehendi pilosa ruditas, extremis manicis carbasina integumenta obduxerat. Sub hoc pondere æstuabat, rigeat, lassabatur extenuata viribus Rosa, incessu nonnisi difficillimo gradum promouebat, & siue confederat, siue genua humi fixerat, ægrè se attollebat in pedes, poena erat quicumq; motus, languebant artus velut sub sarcina, sibiq; videbatur plumbeo magis quàm cannabaceo stromate subuculata. Infimæ dumtaxat pedum supererant plantæ, quas neq; cilicium nec disciplinæ verbera attingebant; nihilo minus reperit sollicita carnis suæ domitrix, quo & illis propriam dispensaret cruciatuum portionem. Igitur quoties domi coquendis panibus accendebatur clibanus, pren-

prensabat occasionem Rosa, nudatisq; plā-
tis calcabat immota summum fornacis o-
rificium vbi vis ardoris vehementior erū-
pebat . Meditabatur illic sensu acerrimo
dira gehēnæ incendia, quæ sibi deberi plūs
quàm seriò autumabat. Sic demum à plan-
ta pedis vsq; ad verticem capitis nil ei resi-
duum fuit quo voluntarios cruciatus ex-
ciperet .

His blandimentis Rosa demulcebat te-
nue illud corpusculum cui aliàs à crebris
infirmis fat pœnarum erat , vt infra
suo loco videbitur, neq; animus illi deerat
tentandi etiam his maiora , ni prudentes
Confessarij vetuissent ; qui idemtidem in-
interposito moderaminis præcepto discre-
tam virium rationem habendam occlami-
tabant. Sanè quàm corpori suo Rosa ami-
ca non fuerit , supremum hoc paradigma
esto , quòd Virgo cautissima nec delicias
Spiritus vsq; ad corporis solatium exun-
dare sinebat . Per paucis Dei amicis id cu-
ræ fuisse legitur , de vnico Gregorio Lo-
pez Mèxicano id Rosa legerat, statimq; sibi
imitandum sumpsit . Igitur vsque ad hanc
subtilissimam diuisionem carnis , & Spiri-
tus elegerat conformari Sponso crucifixo
quatenus ille nec gloriā animæ in suum
adhuc mortale corpus , nec gaudia partis
superioris in inferiorem deriuari permisit
ne passionem impediret. Sentiebat & Ro-
sa ex mirifico cœlestium sapore ac pergu-
stu suum dulcescere Spiritum , inebriari
mentem, saginari animum, sed interim ca-
uebat & (: quoad potuit) obstabat, ne in
talium epularum quantulameumq; com-
munio-

munitionem aut sympathiam admitteretur miserum corpus, quod soli passioni & cruciatui destinaret: & si eam Rex introducebat in cellaria sua, ipsa suum corpus iubebat foris stare. Existimo rarum hoc diuortium sublimioribus Rosæ operibus posse accenseri.

C A P V T V I I I.

Rosa capiti aculeatam coronam circumdat, imprimit, infigit.

DEcebat charam B. Catarinæ Senensis discipulam in Schola patientiæ ad Magistræ suæ prototypum laureari. Mira hæc Sanctorum est ambitio, qua malunt Christi spineam quam auream coronam in huius vitæ exilio circumferre. At Rosæ præcipuè nec tutum nec decorum est, spineo carere sepimento. Verùm ad rem.

In ipso adolescentiæ ac pueritiæ confinio Rosæ corculum acerbissimè compunxerat deuota ac tenerrima compassio ex audivissimo obtutu piæ imaginis quæ mutuo præconio clamitabat *Eccce Homo*. Hærebat in illo plexili senticeto quod Christi verticem cruentè infederat, pudebat sub spinoso Capite se membrum videri delicatum. Itaq; primam sibi tunc coronam (: de secunda agetur paulò inferius :) ex ductili stano complicuit, quæ seu funium, seu virgularum mutuo implexu contortarum spiram effigiabat. Huic per certa interualla nonnullos indiderat clauiculos introrsum præacutos, eoq; diademate clam

sibi caput non sine vulnere obcingebat sub vittis victima coronata .

Annos complusculos duravit , & induit pia Virgo sub hoc oneroso capitis spineto , verum id nonnisi puerile fuit tyrocinium robustioris tormēti quod ex secunda corona aculeis nonaginta & nouem armata imminebat . Hanc posteriorem decimo circiter ante obitum anno, hoc est paulò post quàm Dominicani Ordinis togam sumpserat, sibi imposuit, nec nisi cum vita deposuit; Nimirum vt caperat attentius contemplari spineam sui Redemptoris coronam in caput S. Catarinæ Senensis mirabiliter translatam , minimè sibi quiescendum duxit, nisi eamdem pariter in suum inde verticem æmulatione qua posset religiosiori accerferet , nec sibi videbatur totum Seraphicæ Magistræ induisse habitum, nisi & spineā illius induisset coronā .

Nouo igitur ardore, ac patiendi desiderio lamellam argenteam sibi flexit in circulum , huic ab intus ex eodem metallo tres infixit aculeorum ordines, ita vt quælibet series triginta & tres contineret aculeos videlicet pro numero annorum Christi quos mortalis pro mortalibus expleuit in terra . Certè nil excogitari potuisset aut pro capitis (: vt appellant Medici :) *pia Matre* magis pium, aut *dura Matri* durius , nisi hanc duritiem ipsa pietas suggessisset . Porro ne capilli, qui post rescissionem breuiores succreuerant, profundiori obstarent aculeorum impressioni, ad viam vsque cutem nouacula crinē omnem submouerat , aliquid tamen inculti cincinni reli-

relictū in fronte quo corona interdū ob-
regeretur , vt Matrem lateret . Quamquā
permodici huius capillamenti in sinuipite
residui alius quoq; vsus fuerit, ad noua do-
lorum incrementa. Verū de hoc in sequē-
ti Capitulo, vbi ad Rosæ vigilias transibit
succincta narratio .

Dentatum hoc sertum quā dirē mo-
morderit , quā cruciabiliter omni ex para-
te pupugerit velatum sacræ puellæ caput ,
cui torquendo vnica sat fuisset acicula , ex
eo fas est conijcere , quòd spinæ non simul
omnes sed aliæ post alias binæ , ternæ, plu-
resue successionē molestissima nudatam in-
uadebant cutem, proq; occasione ac varie-
tate motuum singulæ obliquabantur in sin-
gulis vulnerum angustijs. Compertum est,
sub hoc densissimo pungentis metalli ve-
preto ipsam loquelam Virgini fuisse dolo-
rificam quid si tussi concutiebatur pectus ,
si sternutatione exonerabatur miserum ca-
put , aut alia fortius excreandi importuna
necessitas vultum orisq; habitum violenti-
us commouebat ?

Verū hec Rosæ ludicra videbantur &
artis digna succursu , quo fœuissent incle-
mentiū . Itaq; vbi Coronæ seu bractæ
extrema coibant , decussatim tænias inne-
xuit , quarum attractu non solum cohibe-
bat cuspidatum hunc circulum , ne aut lo-
co exerraret , aut sponte laxaretur , verū
etiam quoties lubebat dolorem intende-
re tæniarum capitā strictius adducendo ipsi
tormento suo vim faciebat : præcipuè ve-
rò sextis feriis placebat Virgini hoc pæ-
narum epimetron in memoriam Sponsi
sentibus

sentibus coronati. Maluisset pro confor-
miori similitudine gestare coronam ex ve-
ris spinis agrestibus, eaq; de re seriò trac-
tauerat cum Confessario, at is dissuasit,
quòd vereretur facile sub putri aculeo
graue in Rosæ capite purulentiam posse
succrescere. Adquieuit & ipsa, conside-
rans eiusmodi coronam nec sub velo sat
commodè celari posse, punctis sine ordi-
ne prominentibus, nimiumq; suo concia-
tui decedere, si non omnia vsq; ad vnum
acumina introrsum vergerent. Idcirco:
lamella vtendum fuit, eaq; argentea, quòd
& solidius adiaceret vulnerandæ cuti, &
infixas spinulas tenaciùs retineret. Nec
sefellit euentus, nam post Virginis obi-
tum Aurifaber, cui iniunctum erat ali-
quot bracteolę spinas euellere, (forfitan
vt deuotis personis eas flagitantibus in do-
num vsimne cederent) adhibitis forcipi-
bus adeo singulas inuenit firmas, vt extra-
hi nulla potuerit, quamquam ad ferri
tractum huc-illuc inflecterentur. Vt in-
telligas tam suas Rosæ patienti non cæsisse
spinas, quàm his non cessit illa.

Nec tamen contenta hoc quotidiano
cruciatu modum reperit quo noua in dies
vulnera aperiret; nam coronam manè cir-
cumdatura capiti numquam eodem fige-
bat loco quo pridie steterat, sed mutato
paulisper situ in aliam aliamq; partem
transponebat redimiculum, vt alterna va-
riatione immitiùs pungeret, atq; inin-
tacto dolorem renouaret. Porro qualibet
sexta feria hoc addebat in cumulum, vt
vsq; ad auricularum cartilagines imumque
occi-

occiput coronam demitteret, quò tempora (: ubi caro mollior, sensusque delicatior) prædensa stimulorum obsidio & molestius incingeret, & profundius sauciaret. Idem Sabbatho repetebat, compassura Virgini Matri, cuius animam in morte Filij doloris gladius peruaserat.

Diu familiares, domesticos, ipsamque Matrem latuit hoc tam cruenti pectinis vepretum, quis enim sub vitta ac velo cautissimè Virginis aut notasset aut quæsiuisset tam ferale supplicium? ipse Confessarius, qui Rosæ arcānum hoc pœnitentiæ genus permiserat (: nam citra illius nutum Virgo morigera nihil aggrediebatur vel minimum) obiter dumtaxat aculeati gestaminis conscius neq; coronam viderat, neq; vel tenui suspitione attingerat peregrinas inuentiones, quibus hanc Rosā in se consueuerat atrocibus irritare. Sed tandem Numinis prouidentia rem diutius occultari non sinit, effecitque vt tantæ virtutis exemplum in pluriū opportunam notitiam promanaret. Casus erat: germanum Rosæ fratrem ob puerile delictum Pater quærebat ad virginitatē; interiecit se blandiusculè Rosā Patris irā propitiatura; is verò dum Filiam sibi obstantem impetuosè dimouet, fortuito manus errore inpegit leuiter in caput Virginis ea parte qua recta corona sauebat: mox improuisum ictum tres sanguinis riuī secuti frontem innocentis Filię decursum purpurarunt, manifesto satis indicio qualis herinaceus sub candido eius tegmine clam nidularetur. Hic Rosā magis se
pro-

proditam quàm percussam dolens dupliciter erubuit, conata tamen dissimulare quod erat, cautè in secretius cubiculum se subduxit, coronam festina seposuit, cruorem quasi ludibunda absterfit, impositisque panniculis qui faucibus plagæ stillicidium imbibere, caput solitis velamentis confestim operuit. Verum hac solerti fuga trepidam Matrem nec fefellit nec effugit; cum Mariana ancilla è vestigio Filiam secuta de vulnere interrogat, causam cur leui ex tactu sanguis eruperit sciscitatur, denique excusante Rosa & ne quidquam deprecante suspicacior vittam solui, caput nudari imperat, quod ut vidit in orbem vndiq; immaniter dispunctum, facile coniecit, vnde hæc signatam cruento inessent zodiaco. Verùm tamen siluit, haud ignara Filiam si spiritum suum prodere aut abijcere cogeretur, facile alia & quidem longè truculentiora mox adinuenturam, quibus verticem pergeret diuexare. Itaq; tunc velut inscia mysterij calenta vino caput filię leniter abluuit, quantum læsis partibus sat fore ad medelam aut credebatur aut credere simulabat, aliud interim aduersus ipsam coronam remedium excogitatura.

Nec mora: delata fuit rei series ad eum qui certius coronæ vsum Virgini prohiberet, nempe ad vnum ex Patribus spiritualibus quorum ductui Rosa obtemperabat. Is erat R. P. Ioannes de Villalobos Rector Limensis Collegij Societatis IESV, Vir sanctimonia ac religione celeberrimus, & animarum per tutiora compendia perfectio-

ectionis deducendarū auriga peritissimus.

Huic vt innotuit quod gestū erat, exemplò mandauit Rosæ, quidquid illud esset quo caput suum hætenus spinosè discruciauerat, sibi adferet. Attulit illa coronam suam, ne quidem tantillo sibi insulto spatio quo notas sanguinis inter cuspidum acumina satis abstergeret; Allatam prudens ac pius Pater non sine horrore & commiseratione intuitus rigidiorē esse censuit, quàm quæ illi sexui ætatisque clementeritudini conueniret. Proinde rationibus adortus est Virginem, vt omnino ferocissimum crudelis instrumenti vsum dissuaderet. Illa aduertens ratione non imperio secum agi, suas vicissim rationes humiliter opposuit; demum in hoc vtrimque conuentum est, quòd poscenti sua redderetur corona sed mitigata. Sicque procerus ac discretus Pater arrepta lima hinc inde prominentiores coronæ aculeos hebrauit, obtudit, defricuit, si non satis attamen nec parum hoc temperamento se putans assecutum. At Rosa plaris faciens coronam quàm Regnum gaudebat hanc se recuperasse saluo spinarum numero, ac saltem non nisi modicè ea castigatione exarmatam. Igitur respexit denuo ad pristina dolorum supplementa, iamq; pœnosa æniarum attractui etiam hoc addebat, vt interdum illiso pugno coronam tunderet quò altius in caput penetraret; neq; enim diligens lima, sic detriuerat aculeos vt suo non fungerentur cruentandi officio. Patuit hoc vice quadam, cum Rosa fortuito in terram lapsu caput leuiter ad vicinum plu-

pluteum iniegit, ubi confestim ob coronam vertici validius impactâ copiosus sanguis defluxit in humerum.

De Christi ferto spineo canit Ecclesia: *felix spina, cuius aculei vires frangunt regis tartarei*. Rosa nostra id ipsum experiri meruit & in suo: nam quotiescumq; hostis tartareus appropinquabat Virgini, suggesturus fœda ac sordida, alijs ad eum procul abigendum catapultis opus non fuit, quàm quòd vigil Rosa ter digito pulsaret suam coronam in SS. Triadis reuerentiâ. Tympanum erat, cuius leui tactu perculsus Demò fuga turpissima declinabat certamen. Suauius, ac fortè mirabilius est, quod de huius coronæ virtute post obitum Virginis compertum est. Quidam religiosissimus Dei seruus paulò post elatæ Rosæ exequias domum Gundisalui Quæstoris adierat, eo dumtaxat animo vt instrumenta quibus Rosa virgineam carnem viuens domuerat, deuotè contrectaret. Oblata ei cum anulo fuit corona spinis horrida, vixque his manus applicuerat, cum repente æstuarè cœpit inusitato quodam Diuini amoris incendio, colliquescere in intimo fundo spiritus, dulcescere gustu admirabili superni ruri deliciarum, tanquam ex illis inet spinis Paradisi vuas, ex tribulis ficus collegisset in animæ palatum. Verū de hœc prodigio commodior redibit tractatio infra Cap. XI. cum de pronubo Rosæ anulo agendum erit: hic sufficiat innuisse, quàm seriò ac festiuè Cœlum ipsum huic coronæ applauserit, quando in honorè tam rigidæ compunctionis vincti-

nem

m distillauit tam suauem ac pretiosam .
 Non pigeat , hic denuo reflectere oculos
 spiniferum S. Catarinæ Senensis proto-
 bon , quod Rosa nostra spinis coronata
 imitari visa est vt plenè idipsum non tã
 presserit quàm in se transtulerit . Paucis
 cipe huius rei notabile argumentũ quod
 Rosæ funere obseruatum est . Dum de-
 nctæ cadauer prostabat in feretro , dispo-
 erat cælestis illa (: cui nihil fortuitum)
 onidentia, vt deesset florida corolla quæ
 more caput virgineum circumdaret; in-
 bat hora funeris ad sepulturam efferēdi,
 videbantur fugisse terreni flores velut
 igni qui Rosam coronarent iam cœlestē.
 go in confusa illa trepidaq; hinc vrgen-
 m indè cunctantium perplexitate recur-
 dum denique fuit (: non sine instinctu
 minis) ad coronatam S. Catarinæ Se-
 sis imaginem , quàm Rosa dum viueret
 are consueuerat; huius itaq; sertũ pro-
 um omnibusq; publicè notum tantisper
 nsfertur in Discipulam , sub hoc Rosa
 ertur Gundisalui domo ad tumulum , vt
 e viua Seraphicam Magistram ad viuum
 presserat gestamine senticoso , eandem
 mortua representaret euidentius sub cõ-
 ni vtriq; corona . Probarunt factũ qui-
 nq; mysterium agnouerant, certi non ab
 mano studio sed neccessitatis fortunato
 ius quàm fortuitò consilio hoc singula-
 virtutis testimonium Virgini obtigisse .
 Huc demum & illud videtur pertinere,
 ad dum mortualis pompa sic Rosam co-
 abat in terris, ostento non absimili Bea-
 um curia eandē coronauit in Coelis, vt
 vtrim-

utrimq; deprehendatur successisse in ipsam
 et S. Catarinæ Senensis coronam. Res ita
 innotuit: mox à felici Rosæ transitu per-
 sona quædam eximie sanctitatis ac nominis
 in visione imaginaria conspexit inter An-
 gelorum myriades gloriosâ SS. Virginum
 cateruam rectâ gradientem ad thronum
 Sanctissimæ Trinitatis; in medio agminis
 fulgebat Rosa palmam manu præferens,
 niueoq; candicans amictu, sed nondum ut
 reliquæ coronata, siquidē ad Diuini illius
 Throni crepidinem stabat Virgo Deipara,
 coruscantem in dextera coronam tenens, qua
 Rosam suis ipsa manibus inauguratura so-
 lemlem hanc Virginum processionem ex-
 spectabat. Nimirum simillimo ritu olim S.
 Catarina senensis excepta fuerat in Cœlis,
 cum reliquit terras, ut sic inter Magistrâ
 ac Discipulam à spinea usq; ad auream co-
 ronam nulla superesset difformitas. Felices
 spinæ, quibus de tali manu tale successit in
 Cœlis diadema.

C A P V T I X.

*Rosæ lectulus, cernical, nocturnæ Vi-
 giliæ.*

Tanta ei corporis macerandi cura fuit,
 ut nec pauculas nocturnæ quietis ho-
 ras tormento vacuas esse permiserit: hinc
 strati sui voluit eam esse duritiem quæ sô-
 num abigeret magis quàm vocaret: quin
 & eò tandem processit ars atq; industria, ut
 qui dormituræ lectulus idem & equuleus
 esset. Ita nimirum nec indulgebatur quid-
 quam

quā afflicto corpori, & demebatur somno
 quod orationi accederet. Suboluit tem-
 pestiue attentæ Matri quò Filia tenderet,
 am pene ab infantia vtrumque & durius
 ubandi & austeritatem dissimulandi stu-
 dium notarat in puella, vnde aliquamdiu
 anc secum eodem in lectulo accubare
 sisset per noctem, vt arte artem deluderet.
 Paruit Rosa, sed eo ingenio quo nihilomi-
 nus obedientiæ ac pœnitentiæ merita in-
 lomet lecto materno dexterrimè coniū-
 eret: vix enim obrepserat Matri sopor,
 um Virgo culcitra partem cui incubue-
 rat sensim remouebat, donec substratæ ta-
 ulæ corpusculum exciperent, capiti verò
 gnum aut prope absconditus later cerui-
 li subducto succederet. Idem S. Catari-
 e Senensi cum Lapa Matre certamen, idē
 strategema fuit. Lata successu Rosa per-
 ebat securior non tantum nudare sibi ta-
 ulas quibus indormisceret, sed & rudius
 xum circumspicere quod cernici suppo-
 ret; verum post longas ambages tandem
 terrupit Filix solertiā expergescēta Ma-
 r, ac velut deprehenso immani facinore
 ellam increpuit, adiecto callidæ obsti-
 tionis conuicio; si sic ei consiliutū erat
 atrem fallere, iret porrò, sibiq; deinceps
 opte arbitrio lectum quem vellet con-
 ularret, dum tamen capiti saltim huma-
 is cervical concederet, ipsisque tabulis
 icum simplicis straguli induceret ope-
 mentum.

Ad hanc vocem tripudiabat Rosæ ani-
 s, maternam permissionem tametsi iur-
 o ac bile acidam pro dulci blandimento

arripuit, conditionem auida manu accep-
tauit; Matrig; pro tam liberali indulgen-
tia gratias egit tenerrimas. Exinde mox
conquisitis & in sui cubiculi capaci angu-
lo cōpaginatis tabulis rude stragulum inie-
cit, bina insuper puluinaria in speciem
imposuit, paruoq; labore grabatum vt̄ ge-
nitrix permiserat absoluit. Verūm quo-
ties nox appetebat, remotis puluillis suc-
cedebat truncus vndiq; impositus, ac lapil-
li in hunc vsum interdiū sub lecto absco-
diti disponebantur sub stragulo, vt ea inæ-
qualitate offenderetur corpus, cui prædura
tabularum planities in delicijs fore time-
batur. Quantum hæ scruporum sub stra-
gulo extantium dissitæ cotes iacentem
Rosam dispunxerint, facilis coniectura
est, sanè in ipsis solidis asseribus conspicuè
apparuerunt impastinata lapillorum vesti-
gia, ipsæ tabulæ scrobiculatim hinc inde
extritæ protestabātur satis, quàm molliter
his incubuerit macilenta Rosa.

Ceterū lapilli sparsim ac mobiliter
dispositi facile cedebant moli, quoties
in aliud latus vertendum erat corpusculū.
Igitur addenda videbantur tum duriora,
tum stabiliora in equulei supplementum.
Nempe tria ligna tortuosa, indolata, no-
dosa tabulis imposuit, ac inter commissu-
ras tenuioribus paxillis firmavit sub stra-
gulo ne cederent. Attamen per diem ho-
lice truncos exemptiles seorsim occultabat
sub thoro, ne Mater aut ex inæqualitate
straguli hos deprehenderet, aut palam ex-
positos traheret in legitimæ suspicionis
argumentum. Vnica demum Mariana
ancil-

ancilla secreti conscia fuit, quam validis obtestationibus adegit Rosa ne proderet, & si cubiculum euerrendum esset, hæc ligna suo loco vel immota relinqueret, vel actutum reponeret. Diu placuit feruenti Rosæ crudelis hæc supinæ torsionis catasta, placuissetq; diutiùs si fuisset atrocior, hoc est si acutius & omni ex parte sauiisset, nã inter lignorum vacua spatia nil erat quod incubuam satis cruciaret.

Subijt ergo noua ac postrema lectuli dirissimè asperandi cogitatio. Tabulis arctè commissis ligna omnino septem instrauit iustis interuallis, quæ ne laxarentur, bubulis loris aptè distrinxit. Porro singulas distantium lignorum intercapedines præacutis tegularum fragmentis, coctilium patinarum frustulis, testarumq; fractarum triquetris sic impleuit, vt singulorum pars mucronata obuerneretur corpori, ac ea quidem confertissima densitate qua nutare aut cedere nulla posset, cū infernè sat prohiberent subiecti asseres ne quæ excideret, costasq; obsiderent ligna ne laxaretur phalanx. Quis credet videri denique potuisse dignum huiuscemodi pratum in quo Rosa quiesceret? nec defuit strato tam nobili dignum cervical, sed de hoc infra. Eidem coaptatæ lodices, at cilicinæ, setosæ, instarq; subcerniculi aut cribri, vt simul & ipse pungerent, & testarum puncturas non impedirent sed obiter absconderent. Insuper ad huius lectuli caput occultè amullam felle plenam appenderat, nec ante ad somnum sese componebat, quàm isthoc orbillo amaricasset fauces, in memoriam

Spōsi felle ac myrrha potatī. Aliquādo falsa est Rosa, in lectuli sui aditu hoc felleum libamen sibi non adeo cum sumeret quā si citiūs euigilabat, fuisse molestissimū, tunc enim sentiebat palatum vsq; ad tonsillas & epiglottidem aruisse penitus, linguam præ siccitate vix non immobilē, gutturis brōchos vndiq; accensos, ita quod siccatis faucibus supplicium esset ipsa respiratio. Proinde nil mirum si (: quod postea innotuit) Rosam ceterā intrepidam sæpius horror pauorq; medullitus peruaferit ad vnius sui tam immitis lectuli cogitatum, tremebat, æstuabat, sudabat misera priùsquā vel spondā attingeret, memor quales ipsā expectarent ibidem plumæ, quot minaces cristæ arrigerentur illic in suam lanienam, quo sibi crūciatu distabescendum quoties in alterum latus reuoluendum esset lassum corpusculum, deniq; sciebat inde se neutiquam surrecturam absque omnium membrorum gelido stupore, ac velut ex ossifragio coxis, humeris, cruribus, brachijs miserrimè diuaticatis; vnde cuidam Matronæ post annos complures familiariter interrogāti, quomodò lectū adeo horribilē, & arduū potuerit vel nocte vnica tolerare, respōdit cū lepore (: vt solebat) & gratia, talē se ex eo accubitu dolorē capere, quātus utiq; sufficere posset in satisfactionē pro quauis amicissima persona Deo offerendā.

Contigit subinde, Rosam velut iusto pauciori pene imparem diutiùs hærere in ancipiti, lectūne tot pēnarū fertilē inscenderet; Verū dubitanti & prope exanimi subuenit Christus visibili blandaq; specie
se

se Virgini obijciens, ipsamq; placidissimè
 his verbis compellans: *memento Filia, lon-
 gè durior, angustior, horribilior fuisse
 lectulum Caluaris, in quo mortis somnū pro-
 te cepi. Nosti quid fellis ibidem propter sui a-
 morem exhauserim, scis quæ illic non testea
 sed ferrea cuspides mihi manus pedesque tero-
 brarint, donec ipsam mihi extunderent dilectā
 animam. Hac recole, hæc pœnalis strato tuo
 in trusina opone, & videbitur tibi sub chari-
 tatis dictamine lectulus noster floridus. Mi-
 rū, quā altè Virginis animū hæc verba pe-
 netrarint, quantum ei roboris constantiq;
 affuderint, ne ab horrido illo patientiæ
 exercitio resiliret; Sanè per ipsos decem &
 sex annos in huius agonis acerbissimo tor-
 mento inuicta perseueravit, & (: quod mi-
 reris amplius) conscia demum atque inui-
 ta sed tamen conuiuente Matre. Conata
 quidem hæc fuit semel iterumq; Filiam à
 tantæ austeritatis excessu diuertere, & le-
 ctum immanem frustatim dissipare, sed im-
 misso diuinitus conscientie stimulo nec ma-
 ius ausa est adhibere nec imperium. Ma-
 uit itaq; per Confessarios tentare succes-
 sum, verum & hi velut in magnæ perplexi-
 tatis negotio videbantur trepidare, nec
 certi quidpiam resoluebant; idque perspi-
 uum satis indicium erat, Deo sic placitum
 fuisse, in asperrimi lecti tolerantiam electam
 Rosam dilecto suo Sponso concrucifigi.*

Dicendum nunc de ceruicali. Tentabat
 Rosa gradatim abiectis mollioribus ad e-
 xemplum S. Catarinæ Senensis eò pertin-
 ere ut inscia Matre demum informe saxū
 capiti dormitura supponeret, vnde initio

proditam quàm percussam dolens dupliciter erubuit, conata tamen dissimulare quod erat, cautè in secretius cubiculum se subduxit, coronam festina seposuit, cruorem quasi ludibunda absterfit, impositisque panniculis qui faucibus plagæ stillicidium imbibere, caput solitis velamentis confestim operuit. Verum hac solerti fuga trepidam Matrem nec fefellit nec effugit; cum Mariana ancilla è vestigio Filiam secuta de vulnere interrogat, causam cur leui ex tactu sanguis eruperit sciscitatur, denique excusante Rosa & ne quidquam deprecante suspiciator vittam solui, caput nudari imperat, quod ut vidit in orbem vndiq; immaniter dispunctum, facile coniecit, vnde hæc signatam cruento inessent zodiaco. Verum tamen siluit, haud ignara Filiam si spinetum suum prodere aut abijcere cogeretur, facile alia & quidem longè truculentiora mox adinuenturam, quibus verticem pergeret diuexare. Itaq; tunc velut inscia mysterij calenta vino caput filię leniter abluuit, quantum læsis partibus sat fore ad medelam aut credebatur aut credere simulabat, aliud interim aduersus ipsam coronam remedium excogitatura.

Nec mora: delata fuit rei series ad eum qui certiùs coronæ vsum Virgini prohiberet, nempe ad vnum ex Patribus spiritualibus quorum ductui Rosa obtemperabat. Is erat R. P. Ioannes de Villalobos Rector Limensis Collegij Societatis IESV, Vir sanctimonia ac religione celeberrimus, & animarum per tutiora compendia perfectio-

fectionis deducendarū auriga peritissimus.

Huic vt innotuit quod gestū erat, ex-
templò mandauit Rosæ, quidquid illud
esset quo caput suum hactenus spinosè dis-
cruciauerat, sibi adferet. Attulit illa co-
ronam suam, ne quidem tantillo sibi in-
dulto spatio quo notas sanguinis inter cus-
pidum acumina satis abstergeret; Allatam
prudens ac pius Pater non sine horrore
& commiseratione intuitus rigidiorē ef-
fē censuit, quàm quæ illi sexui ætatisque
teneritudini conueniret. Proinde rationi-
bus adortus est Virginem, vt omnino se-
uerissimum crudelis instrumenti vsum dis-
suaderet. Illa aduertens ratione non im-
perio secum agi, suas vicissim rationes hu-
militer opposuit; demum in hoc vtrimque
conuentum est, quòd poscenti sua redde-
retur corona sed mitigata. Sicque pro-
uidus ac discretus Pater arrepta lima hinc-
inde prominentiores coronę aculeos hebe-
tauit, obtudit, defricuit, si non satis atta-
men nec parum hoc temperamento se pu-
rans assecutum. At Rosa plaris faciens
coronam quàm Regnum gaudebat hanc se
recuperasse saluo spinarum numero, ac
ultim non nisi modicè ea castigatione ex-
armatam. Igitur respexit denuo ad pristi-
na dolorum supplementa, iamq; pœnoso
æniarum attractui etiam hoc addebat, vt
interdum illiso pugno coronam tunderet
quò altiùs in caput penetraret; neq; enim
diligens lima, sic detriuerat aculeos vt suo
non fungerentur cruentandi officio. Pa-
uit hoc vice quadam, cum Rosa fortuito
in terram lapsu caput leuiter ad vicinum
plu-

pluteum iniegit, vbi confestim ob coronam vertici validius impactâ copiosus sanguis defluxit in humerum.

De Christi ferto spineo canit Ecclesia : *felix spina , cuius. aculei vires frangunt. neqis tartarei .* Rosa nostra idipsum experiri meruit & in suo : nam quotiescumq; hostis tartareus appropinquabat Virgini , suggesturus fœda ac sordida , alijs ad eum procul abigendum catapultis opus non fuit , quàm quòd vigil Rosa ter digito pulsaret suam coronam in SS. Triadis reuerentiâ. Tympanum erat , cuius leui tactu perculsus Demô fuga turpissima declinabat certamen . Suauius , ac fortè mirabilius est , quod de huius coronæ virtute post obitum Virginis compertum est . Quidam religiosissimus Dei seruus paulò post elatæ Rosæ exequias domum Gundisalui Quæstoris adierat , eo duntaxat animo vt instrumenta quibus Rosa virgineam carnem viuens domuerat , deuotè contrectaret . Oblata ei cum anulo fuit corona spinis horrida , vixque his manus applicuerat , cum repente æstulare cœpit inusitato quodam Diuini amoris incendio , colliquescere in intimo fundo spiritûs , dulcescere gustu admirabili superni ruri deliciarum , tanquam ex illismet spinis Paradisi vuas , ex tribulis ficus collegisset in animæ palatuma . Verû de hoc prodigio commodior redibit tractatio infra Cap. XI. cum de pronubo Rosæ anulo agendum erit : hic sufficiat inuissè , quàm seriò ac festiuè Cœlum ipsum huic coronæ applauserit , quando in honorè tam rigidæ compunctionis vincti-

nem

em distillauit tam suauem ac pretiosam .
 Non pigeat, hic denuo reflectere oculos
 spiniferum S. Catarinę Senensis proto-
 pon, quod Rosa nostra spinis coronata
 imitari visa est vt plenē idipsum non tā
 xpresserit quā in se transtulerit . Paucis
 accipe huius rei notabile argumentū quod
 in Rosę funere obseruatum est . Dum de-
 iunctę cadauer prostabat in feretro, dispo-
 fuerat cęlestis illa (: cui nihil fortuitum)
 Prouidentia, vt deesset florida corolla quę
 de more caput virgineum circumdaret; in-
 stabat hora funeris ad sepulturam efferēdi,
 at videbantur fugisse terreni flores velut
 indigni qui Rosam coronarent iam cęlestē,
 Ergo in confusa illa trepidaq; hinc vrgen-
 tium indē cunctantium perplexitate recur-
 rendum denique fuit (: non sine instinctu
 Numinis) ad coronatam S. Catarinę Se-
 nensis imaginem, quā Rosa dum viueret
 ornare consueuerat; huius itaq; sertū pro-
 prium omnibusq; publicē notum tantisper
 transfertur in Discipulam, sub hoc Rosa
 effertur Gundisalui domo ad tumulum, vt
 quę viua Seraphicam Magistram ad viuum
 expresserat gestamine senticoso, eandem
 & mortua representaret euidentius sub cō-
 muni vtriq; corona . Probarunt factū qui-
 cumq; mysterium agnouerant, certi non ab
 humano studio sed necessitatis fortunato
 potius quā fortuitō consilio hoc singula-
 re virtutis testimonium Virgini obtigisse .

Huc demum & illud videtur pertinere,
 quoddum mortualis pompa sic Rosam co-
 ronabat in terris, ostento non absimili Bea-
 torum curia eandē coronauit in Coelis, vt
 vtrū-

utrimq; deprehendatur successisse in ipsam-
 n et S. Catarinæ Senensis coronam. Res ita
 innotuit: mox à felici Rosæ transitu per-
 sona quædam eximie sanctitatis ac nominis
 in visione imaginaria conspexit inter An-
 gelorum myriades gloriosâ SS. Virginum
 cateruam rectâ gradientem ad thronum
 Sanctissimæ Trinitatis; in medio agminis
 fulgebat Rosa palmam manu præferens,
 niueoq; candicans amictu, sed nondum ut
 reliquæ coronata, siquidē ad Diuini illius
 Throni crepidinem stabat Virgo Deipara,
 coruscantem in dextera coronam tenens, qua
 Rosam suis ipsa manibus inauguratura so-
 lemnem hanc Virginum processionem ex-
 spectabat. Nimirum simillimo ritu olim S.
 Catarina senensis excepta fuerat in Cœlis,
 cum reliquit terras, ut sic inter Magistrā
 ac Discipulam à spinea usq; ad auream co-
 ronam nulla superesset difformitas. Felices
 spinæ, quibus de tali manu tale successit in
 Cœlis diadema.

C A P V T I X.

*Rosæ lectulus, cernical, nocturnæ Vi-
 giliæ.*

Tanta ei corporis macerandi cura fuit,
 ut nec pauculas nocturnæ quietis ho-
 ras tormento vacuas esse permiserit: hinc
 strati sui voluit eam esse duritiem quæ sô-
 num abigeret magis quàm vocaret: quin
 & eò tandem processit ars atq; industria, ut
 qui dormitura lectulus idem & equuleus
 esset. Ita nimirum nec indulgebatur quid-
 quam

quã afflicto corpori, & demebatur somno quod orationi accederet. Suboluit tempestiuè attentæ Matri quò Filia tenderet, nam pene ab infantia vtrumque & durius cubandi & austeritatem dissimulandi studium notarat in puella, vnde aliquamdiu hanc secum eodem in lectulo accubare iussit per noctem, vt arte artem deluderet. Paruit Rosa, sed eo ingenio quo nihilominus obedientiæ ac pœnitentiæ merita in illomet lecto materno dexterrimè coniungeret: vix enim obrepserat Matri sopor, cum Virgo culcitra partem cui incubuerat sensim remouebat, donec substratæ tabulæ corpusculum exciperent, capiti verò lignum aut prope absconditus later cervicali subducto succederet. Idem S. Catari-næ Senensi cum Lapa Matre certamen, idē strategema fuit. Lata successu Rosa pergebat securior non tantum nudare sibi tabulas quibus indormisceret, sed & rudius saxum circumspicere quod cervici supponeret; verum post longas ambages tandem interrupit Filiæ solertiâ expergesacta Mater, ac velut deprehenso immani facinore puellam increpuit, adiecto callidæ obstinationis conuicio, si sic ei consiliutū erat Matrem fallere, iret porro, sibiq; deinceps suopte arbitrio lectum quem vellet contabularet, dum tamen capiti saltem humanius cervical concederet, ipsisque tabulis vnicam simplicis straguli induceret opementum.

Ad hanc vocem tripudiabat Rosæ animus, maternam permissionem tametsi iurgio ac bile acidam pro dulci blandimento

arripuit, conditionem auida manu accep-
tauit; Matrig; pro tam liberali indulgen-
tia gratias egit tenerrimas. Exinde mox
conquisitis & in sui cubiculi capaci angu-
lo cōpaginatis tabulis rude stragulum inie-
cit, bina insuper puluinaria in speciem,
imposuit, paruoq; labore grabatum vti ge-
nitrix permiserat absoluit. Verum quo-
ties nox appetebat, remotis puluillis suc-
cedebat truncus vndiq; impolitus, ac lapil-
li in hunc vsum interdiū sub lecto absco-
diti disponebantur sub stragulo, vt ea inæ-
qualitate offenderetur corpus, cui prædura
tabularum planities in delicijs fore time-
batur. Quantum hæ scruporum sub stra-
gulo extantium dissitæ cotes iacentem
Rosam dispunxerint, facilis coniectura
est, sanè in ipsis solidis asseribus conspicuè
apparuerunt impastinata lapillorum vesti-
gia, ipsæ tabulæ scrobiculatim hinc inde
extritæ protestabātur satis, quàm molliter
his incubuerit macilenta Rosa.

Ceterum lapilli sparsim ac mobiliter
dispositi facile cedebant moli, quoties
in aliud latus vertendum erat corpusculū.
Igitur addenda videbantur tum duriora,
tum stabiliora in equulei supplementum.
Nempe tria ligna tortuosa, indolata, no-
dosa tabulis imposuit, ac inter commissu-
ras tenuioribus paxillis firmavit sub stra-
gulo ne cederent. Attamen per diem ho-
lice truncos exemptiles seorsim occultabat
sub thoro, ne Mater aut ex inæqualitate
straguli hos deprehenderet, aut palam ex-
positos traheret in legitimæ suspicionis
argumentum. Vnica demum Mariana
ancil-

ancilla secreti conscia fuit, quam validis obtestationibus adegit Rosa ne proderet, & si cubiculum euerrendum esset, hæc ligna suo loco vel immota relinqueret, vel actutum reponeret. Diu placuit feruenti Rosæ crudelis hæc supinæ torsionis cæcata, placuissetq; diutiùs si fuisset atrocior, hoc est si acutius & omni ex parte sauijssæt, nã inter lignorum vacua spatia nil erat quod incubuam satis cruciaret.

Subijt ergo noua ac postrema lectuli dirissimè asperandi cogitatio. Tabulis arctè commissis ligna omnino septem instrauit iustis interuallis, quæ ne laxarentur, bubulis loris aptè distrinxit. Porro singulas distantium lignorum intercapedines præcutis tegularum fragmentis, coctilium patinarum frustulis, testarumq; fractarum, triquetris sic impleuit, vt singulorum pars mucronata obuenteretur corpori, ac ea quidem confertissima densitate quâ nutare aut cedere nulla posset, cū infernè sat prohiberent subiecti assères ne quâ excideret, costasq; obsiderent ligna ne laxaretur phalanx. Quis credet videri denique potuisse dignum huiuscemodi pratum in quo Rosa quiesceret? nec defuit strato tam nobili dignum ceruical, sed de hoc infra. Eidem coaptatæ lodices, at cilicina, setosæ, instarq; subcerniculi aut cribri, vt simul & ipse pungerent, & testarum puncturas non impedirent sed obiter absconderent. Insuper ad huius lectuli caput occultè ampullam felle plenam appenderat, nec ante ad somnum sese componebat, quàm isthoc serbillo amaricasset fauces, in memoriam

Spōsi felle ac myrrha potati. Aliquādo falsa est Rosa, in lectuli sui aditu hoc felleum libamen sibi non adeo cum sumeret quā si citiūs euigilabat, fuisse molestissimū, tunc enim sentiebat palatum vsq; ad tuuillas & epiglottidem aruisse penitus, linguam præ siccitate vix non immobilē, gutturis brōchos vndiq; accensos, ita quod siccatis faucibus supplicium esset ipsa respiratio. Proinde nil mirum si (: quod postea innotuit) Rosam ceterā intrepidam sæpius horror pauorq; medullitus peruaferit ad vnius sui tam immitis lectuli cogitatum, tremebat, æstuabat, sudabat misera priusquam vel spondā attingeret, memor quales ipsā expectarent ibidem plumæ, quot minaces cristæ arrigerentur illic in suam lanienam, quo sibi crūciatu distabescendum quoties in alterum latus reuoluendum esset lassum corpusculum, deniq; sciebat inde se neuti-quam surrecturam absque omnium membrorum gelido stupore, ac velut ex ossifragio coxis, humeris, cruribus, brachijs miserrimē diuaticatis; vnde cuidam Matronæ post annos complures familiariter interrogāti, quomodò lectū adeo horribilē, & arduū potuerit vel nocte vnica tolerare, respōdit cū lepore (: vt solebat) & gratia, talē se ex eo accubitu dolorē capere, quātus vtiq; sufficere posset in satisfactionē pro quauis amicissima persona Deo offerendā.

Contigit subinde, Rosam velut iusto pauidi pene imparem diutiūs hærere in ancipiti, lectūne tot penarū fertilē inscenderet; Verū dubitanti & prope exanimi subuenit Christus visibili blandaq; specie
se

se Virgini obijciens, ipsamq; placidi Junè
 his verbis compellans: *memento Filia, longè
 duriores, angustiores, horribiliores fuisse
 lectulum Caluarie, in quo mortis somnū pro
 te cepi. Nosti quid fellis ibidem propter tui a-
 morem exhauferim, scis quæ illic non testea
 sed ferrea cuspides mihi manus pedesque tero-
 brarint, donec ipsam mihi extunderent dilectæ
 animam. Hac recole, hæc pœnalis strato tuo
 in trutina opone, & videbitur tibi sub chari-
 tatis dictamine lectulus noster floridus. Mi-
 rû, quâ altè Virginis animû hæc verba pe-
 netrarint, quantum ei roboris constantiq;
 affuderint, ne ab horrido illo patientiæ
 exercitio resliret; Sanè per ipsos decem &
 sex annos in huius agonis acerbissimo tor-
 mento inuicta perseueravit, & (: quod mi-
 reris ampliùs) conscia demum atque inui-
 ta sed tamen conuiiente Matre. Conata
 quidem hæc fuit semel iterumq; Filiam à
 tantæ austeritatis excessu diuertere, & le-
 ctum immanem frustatim dissipare, sed im-
 misso diuinitus conscientie stimulo nec ma-
 num ausa est adhibere nec imperium. Ma-
 luît itaq; per Confessarios tentare succes-
 sum, verum & hi velut in magnæ perplexi-
 tatis negotio videbantur trepidare, nec
 certi quidpiam resoluebant; idque perspi-
 cuum satis indicium erat, Deo sic placitum
 esse, in asperrimi lecti tolerantiam electam
 Rosam dilecto suo Sponso concrucifigi.*

Dicendum nunc de ceruicali. Tentabat
 Rosa gradatim abiectis mollioribus ad e-
 xemplum S. Cætarinæ Senensis eò pertin-
 gere vt inscia Matre demum informe saxū
 capiti dormitura supponeret, vnde initio

grossioris panni incommodum volumen
 in cervical adhibuit, deinde paulatim cru-
 dum laterem, deniq; petram polygonam
 & vndiq; scabram; Verum hanc Mater vt
 animaduertit sustulit, filiaq; puluinar ob-
 trusit lana vacuum, sed cum insu vt illud
 farciret. Tacuit Rosa, puluinar suscepit,
 infarsit, sed non lana vti credebat Mater:
 vim segmētorū collegit quæ de fabri ligna-
 rij dolabra excidunt, his puluinum imple-
 uit, impleto indormiuit; Nec tamen diu
 latuit Matrem solertia, fartum corripuit,
 lignea inde retrimenta proijci, lanam sub-
 stitui, lanam ingeri disertè & cum clamo-
 re præcepit. Obediuit Rosa sed non vltra
 literam, cervicali infarsit lanam at non
 solam, quia inter lanam extimumq; pannū
 vbi facies decumbentis excipienda erat,
 tortiles iuncos clam occuluit quos veteris
 sportæ fragmento in hunc vsum detraxe-
 rat. His Rosæ dormientis vultus immo li-
 cè dispungebatur, adeo quòd Mater in ge-
 nis ac fronte filiaè persape notarit extē-
 poranea hæc stigmata, nec tamen originem
 diuinare poterat iam secuta de lana quæ
 cervical impleisset; donec fortuito casu ma-
 num cervicali incuriosè imponens contre-
 stauit hostem in latebra, iuncos deprehen-
 dit, extraxit. Vidisses hic denuò Lapam
 Matrem Filiaè Catarinaè probra, conuicia,
 criminationes aceruantem; vix temperatū
 à verbere. Sic Rosa quòd dura sibi quære-
 ret, durissima sufferre debuit. Exinde Ma-
 ter in virtute sanctæ obedientiæ præcepit
 Filiaè, rursus vacuaret suum cervical, la-
 namq; reponeret, at lanam solam. Iterum
 obedit

obedit Rosa, sed ultra literam, nempe duplicauit lanam, arreptoq; bacillo tantam eius copiam non tam ingessit quàm impressit cervicali, vt hoc suberistandẽ duritiem exaquarit. Sic videbatur sibi rediisse ad ligneum illud puluinar, quod pridem sibi Mater subtraxerat. Fuerat is truncus ex arbore quam illic *Paay* vocant indigenæ, excauatus in medio vt caput Virginis collumq; exciperet. Huic per edictũ maternum proscripto successerat nodosorum stipitum fascis in extremitate funibus collectus. Verũ & hunc Mater abegerat. Tandem vt in postremum hoc merè laneũ cervical incidit, vltioris inops consilij sic Filiam ariata est: Sanè paruisti Rosa mea, paruisti, siquidem hic modò nil nisi lanam reperio. Satis est, imò plus quàm satis, nam tibi & lanam in lanienam sciuiſti conuertere; quid ultra imperem? ne Matris præceptum flocci-fieret, hos floccos condensasti in solidæ petreæ duritiem. Age vt vis, nec si tibi mortem consciueris, te amplius interpellabo.

Demum aduenit Matri tempus optatissimum quo sibi de PP. Confessariorum, permisso licuit poenosum Rosæ lectulum manibus auidissimis dissipare. Qui conscientie Virginis præerant, tribus circiter ante illius obitum annis considerauerant, ipsam viribus nimium attenuari, corpusculum tot flagris, ieiunijs, morbis exhaustum arduo tam asperi lecti supplicio non amplius par fore; & si fomenta illi persuaderi nequeant saltim tormenta debili aut subtrahenda esse aut moderanda.

Itaq; Rosæ lectulū ærumnis trium lūstro-
rum grauem cupidæ matri dedunt in di-
reptionem ac prædam. Quo animo id ac-
ceperit Filia poenitentia quam Vitæ stu-
diosior, non facile dixerim: at alacris Ma-
ter velut signo ad assultum dato seuissimā
illam catastam non aliter ac hostilem arcē
inuasit, truncos, ligna, tigna disiecit, luxauit
asserēs, & non sine præcipiti manuum of-
fendiculo testacea fragmēta sublegit, spar-
sit, tandemq; in vicinum Vrbi fluuium ne
ad vsum redirent abiecit, prius tamen eo-
rum numerum inire voluit, reperitq; acu-
minata frustula parū abesse à trecentis.

Ergo aliter post hæc Rosæ iacendum,
& dormiendum fuit, vix tamen blandius
aut commodius, nam tabulas suas asserēsq;
repetijt, his sine culcitra paleaue simplex
ac detritum peripetasma instrauit, sicque
vocato somno exanguia membra deinceps
composuit ad soporem. Attamen & pau-
per hic thalamus ei videbatur sapere deli-
cias, vnde postremis vitæ annis quos in
Gūdisalui Quæstoris domo exegit, in hu-
mili sella collecto corpusculo sedentaria
noctes suas transegit, capite paulisper re-
clinato ad columnam lecticæ in qua Gun-
disalui minorennes filiolæ acquiescebant.
Ita breuissimum somnū Rosa libabat ma-
gis quam capiebat, præsertim hyberno tē-
pore, quo plerūmq; ex nocturnis frigori-
ribus sic tremebat, rigeat, stupebat, vtsur-
gens pedibus cōsistere vix posset. Interdū
nimia algore excitata roris marini ramu-
sculis ad ellychnium accensis obiter hoc
fumo tantillum fugitiui caloris quo se
foueret,

foueret, nitebatur concipere. Nouercali corporis odio nec vigil insidere vsquam. puluino voluit, sed vel stans peragebat labores suos quousq; poterat, vel cum necessario sedendum erat, duro palo utebatur pro sellula.

Interim prioris sui lectuli memor & cupida, assidue tundeat Confessariorum aures, querebatur se vitam suam otiose perdere dum à pristinis poenitentiae exercitijs inuita cogebatur feriari, omni se patientiae meritò vacuam ex tanta Patrum indulgentia remanere, S. Patri suo Dominico indies occurrere titulum *Rosa patientiae*, se verò adempta sibi patientia nec Rosam esse nec tanti Patris Filiam, denique finerent eam quæ nil boni ageret saltem, mala pati, corpusq; affligere. Tantum effecit, quòd vnus ex Confessarijs indulget Virgini, vt per totam illius & proximi anni (: qui Rosæ postremus fuit) quadragesimam ex pristini rigoris forma denuo sibi lectulum instrueret è lignis, testis, tegulis constipatum. Fecit confestim Rosa vt sibi permissum erat, summaq; curæ summū adiunxit secretum, adeo vt neque post suū obitum (: nam tuuc primū res innotuit) secundū iste poenarum lectulus vsquam potuerit inueniri. Credibile est, ipsammet statim vt cum Quadragesima expirarat vtendi facultas, vltro soluisse catastrum, dispersisse testarum fragmina, proiecisse paxillos & ligna, ne quid innotesceret, quāquam diligens perquisitio vtrobiq; tum materna tum Quæstoris in domo non defuerit.

Sed nec Rosam non morti iam vicinam deseruerat hoc penè coæuum durissimè cubandi desiderium . Semianimis in suo illo extremi doloris extremo lectulo dolebat altero illo se carere lectulo extreme dolorifico: at quis tam crudelem æquuleum apparasset innocentulæ iam-iam morituræ? Saltim optabat ex illo cui incumbabat humaniori stratu humi deponi , ac nudo in pauimento mori . Verùm vt neq; hoc se impetraturam à domesticis intellexit , adstantem germanum fratrem vltimis affata verbis rogauit , ceruicalia vt submoueret; his in partem retractis gaudebat moribunda , quòd se lecticæ tabulis sentiret occipite humerisq; acclinem, mirificèq; contenta quòd crucifixo Sponso qualitercumq; commoreretur in duro ligno, felicem spiritum paulò post in manus Creatoris placidissimè exhalauit. Nec defuerunt , qui in morientis pallido vultu notarint ipsissimam Christi in Cruce expirantis effigiem, quod alio loco, & tempore in S. Catarina Senensi itidem lecto decubua fuerat obseruatum .

Porro quisq; ex tanta vsualis strati duritie haud difficulter intelliget , quantum Rosa vigilijs dederit , cui ipsemet lectus soporem adimebat. Fassa est aliquando Seraphica Catarina B. Raymundo Confessori suo , cum nullo hostium æquè vt cum somno operosiùs sibi fuisse confligendum, quem eo tandem reduxit , vt horis omnino duabus contentus esset . Rosam Catarinæ Discipulam idem certamen exercuit, eadem victoria cohonestauit, nam & ipsa som-

somnum suum intra duarum horarum angustias coercuit, & aliquando etiã minus spatij indulsit importuno exactori. Vnde sic diurnum nocturnũq; tempus distribuit, vt ex vtroq; duodecim horas vniversim orationi seponeret, alias decem impenderet labori manuum, quo Parentes sustentabat, reliquas corporis necessitatibus & breui quieti deputeret. Hanc vigilandi facilitatem iuuere longæ inediæ, cilicij lectiq; carduetum, frigida omnisq; potus diutina abstinentia, profunda meditatio & applicata mentis ad superna tenax defixio. Nec tamen suas artes partesue omisit versutus hostis, quin Virginem tunc maximè quãdo ad nocturnam orationẽ surrexerat, molestissimè niteretur reuocare ad somnum. Rosæ permagno steterè hæc prælia, nam, siue genibus humi fixis inchoabat preces, videbatur inesse plumbum grauatis palpebris, siue erecta stabat, capiti vertigo ponderosissima obtraniebat languidam somnolentiæ cantilenam, siue pansis brachijs procubuisset in terram, adgliscebatur soporiferi torporis suaue blandimentum. Pudebat Rosam aduersario succumbere tam ignaui, pugnabat etiam cadendo, illidebat ceruicem parieti, tundeat sibi latera, si quo modo extunderet irrepentem lethargum, vincebat tandem at non sine agone, triumphabat, sed in Cruce: nimirum prostabat in Virginis cubiculo par humanæ stature Crux lignea, è cuius brachijs vtrimque proninebant clauī fortes ac solidi, vt sufficerent corpori sustinendo. His igitur ambas manus applicabat in somnum

pugnatura, ab horum tenaci cōplexu pendulum librabat corpusculum dum Deiparæ Virginis officiū absolueret, his cuneolis fidebat impetum somni, erudiebatur ad excubias, crucifigebat hostem, nec nisi victrix obrigidos lacertorum tendines retrahebat à charis victoriæ manubrijs, sic palmam obtinebat sed palmis callosis.

Inuenit & alium pugnandi modum. In cellulæ pariete oblōgum fixerat clauum paulò altiore, quiq; Rosæ verticem palmi ferè interstitio superaret; Huic aduersus somni insidias modicum id capillitij quod obtegendæ coronæ in fronte residuū superfuerat, implectebat strictissimè, eoq; tormento accersebat vigiliam, recitabat preculas, somnolentiam strangulabat. Ne tamen sic pendula paucis capillis totam corpusculi molem committeret, vtcumq; summis pedum digitis insistens tangebatur terram, sed agrè satis, ac per alternas successiones nutante lubrico fulgimēto. Colligito lector ex tam atroci remedio, quàm fuerit iuuentulæ importuna somni vexatio: in lecto muricibus ac tribulis, foris autem clauis pugnandum fuit, & Rosæ seu dormire vellet, seu vigilare tormenta subeunda erant.

C A P V T X.

*Rosæ domestica solitudo, fuga publici,
cellula perangusta.*

VT olim S. Catarinam Senensem adhuc pusillam solitudinis amor vsq; ad spelū
ca

ca quæstionem abripuit, sic Rosam vel à prima infantia docuit solitarios angulos domi quærere, Mundiq; commercia deuicare. Conueniebant ad eam è vicinis domibus paruulæ, at lusitandi gratia, quod illius ætatis primum est studium: afferebant singulæ suas pupas quibus vestiendis, comendis, ornandis fœmellarum pueritia cõmunissimo sexûs genio addicitur. Has inopœnti æmulatione ostentabant silenti Rosa, hortantes vt & suam promeret aut formaret. Negabat illa se pupam vel habere, vel etiam contrectare velle, quod audisset, Malignum aliquando per pupam (: fortasse idolum fuerit :) garritum edidisse. Mox puparum lusu corqualibus relicto abdebat se in secretum angulum, quasi arcanis cogitationibus quietius vacatura: illic interdum deprehensa à fratre ac interrogata, quidni mallet puerulis festiuè nugantibus colludere quàm in puluerulento, ac pulicibus referto angulo desidere, verbis supra ætatem sensatis respondit: *simto hic me delitescere solum cum Deo, nam illic inter pupas an pariter exist Deus quis nouit?*

Cum annis crescebat latendi studiũ, vnde in horto vmbrosas plátanos muro proximas conspicata locum elegit, vbi auxiliante Ferdinãdo fratre oratorioli ab omni domesticorum prospectu semotum efformaret. Illic plexili ramorum, palmitũ, virgultorum circumductu modicum inclusit spatium, ac supernè frondosis arcibus affabrè concamerauit. Intus humile altariolum muro applicuit, Crucem ex densiori charta flosculis plumisq; versicolorẽ im-

posuit, & quidquid Sacrarum Imaginum
conquirere poterat in hanc suam Basilicā
solicite comportabat. Videbatur huic an-
gello Rosula vniuersas suas inclusisse deli-
cias, adeo totos in eo hærebat dies solitaria
illuc velut ad orandi, meditandi; secessū à
prandio, à lectulo, à cæna properabat, ibi
domesticis se subducebat tumultibus, iocis,
fabulis, vni sibi Cœloq; vacans, extra hūc
Paradisum nusquam ei benè esse poterat,
adeo vt domi abiret in prouerbium: *Hor-
tum adess si Rosulam queris*. Verū quia
isthoc solatio non nisi interdū licebat frui
paulō grandior facta impetrauit à Matre
aliud intra ædes cubiculum, in quo seor-
sim à ceteris prolibus solitaria pernoctaret.
Tēpestiua hæc fuere in tenella indole præ-
ludia, vt quid maturior esset molitura, ex
his præambulis conijceretur.

Paulatim eò statura & ætas Rosam pro-
uexerat, vt idonea esset honorario comi-
tatu stipare Matrem foras egressuram, ma-
ximè cum inuisendæ erant digniores Ma-
tronæ. At Filix suam vnicè eremum amā-
ti molestissimum erat tam videre, quàm vi-
deri in publico; Vnde nunc prece, nunc
lachrymis ambiebat Matrem obsecrando
ne secum se abduceret. Stupebat ista, non-
dum assequens vnde idipsum quod reliquæ
iuuenculæ vltra modum exambire solent,
vni Rosæ tam exosum esset. Itaq; inuitam
aliquoties adegit imperio, certa edicto sine
replica obedituram. Semel cum à Matre
inuitaretur ad secum obeunda foris vrba-
narum salutationum officia, Virgo iuxta
domesticum furnum transiens saxum à cli-
bani

bani orificio studiosè sibi attraxit in pedè, eoq; vulnere & contusione obtinuit, vt nò fictè claudicans residere domi sineretur. Et veriùs & venustiùs hoc vulnere pedis rubuit Rosa nostra Peruana, quam quod de Rosis Cyprijs fabulata est antiquitas, nimirum has non ante rubuisse, quàm ex Cypriæ Deæ sauciato calcaneo fortuitus eas eruor aspersisset.

Porro & aliud Virgo excogitauit strategema, vt solitudinis amans redimeret vexam prodeundi in publicum. Quoties à Matre præsensit se inuitandam ad visitationis obsequia, clam indico pipere quod mordacissimum est cilia palpebrasq; sibi obliniebat, quo quidem affrictu mox ardebant oculi, rubebant, stillabant, velut si acris è capite defluxio eos suffudisset. Ita dum Mater egressura vocabat Filiam in comitatum, sufficiebat ostendisse fluidos noxioq; pruritu tumentes oculos, tamquàm perferendæ aperte luci tunc minimè pares.

Vnde miserata parens ne affectis luminibus liberior foris noceret aer, indulgebat Filix opatissimā solitudinis ac latibuli facultatem. Durum sanè effugium: ac Rosæ præ ipsa pupilla oculi charior erat sua anachoresis, longoq; tempore ipsi valuit hæc solertia, donec tandem suspecta frequentia rem prodidit genitrici, quod ita accidit. Condicto mutuo Domina Ludouica Vargas Caruaial cum Mariâ de Oliua statuerant, assūptis vtrinq; filiabus vehi ad celebrem Diuæ Virginis stationem, cui à *Monte Serrato* nomen est; Venit præfixa dies, & rheda cum D. Ludouica eiusque

Filia Isabella Alexia substitit ante fores .
 Præparata Mater Aduocat Rosam , at hæc
 prodiit turgentibus rursus oculis , palpe-
 brisq; subtristi rubore inflammatis , vt fa-
 cilè constaret, visum ea defluxione accen-
 sum & nimio dolore nictitatem auræ solis-
 que pericula neutiquam laturum ; Hic de-
 mū in se reflexa Mater , postquam se Lu-
 douicæ comiter excusarat , pensitare cœ-
 pit attentius , quid sibi velit, quod Rosæ
 oculos tunc potissimum obsideret importu-
 na ista defluxio, quandocumq; honestarum
 Matronarum visitatio aut domi excipien-
 da aut foris exequenda instabat . Hinc in
 Filix vultum curiosius intenta vidit non
 fingi quod apparebat , nam & ruboris in-
 cendium, & doloris acrimoniā crebra stil-
 licidia tacitè affirmabant . Denique mater-
 nā licentia propius os naresq; applicuit,
 odorem sensit, exsertaq; lingua mordacita-
 tem sauiissimi collyrij lambendo deprehē-
 dit , Quis enarret scommata , clamores,
 dicteria, quæ tunc in Filiam detonuit Ma-
 ter ? quorsum (; inquit) hæ fraudes ? cui
 bono tam ineptæ præstigiæ ? si libuit Ma-
 tris oculos deludere , at ludere cum pro-
 prijs oculis quale nefas , quantum pericu-
 lum ! tam citò oblita es, nuperrimè Ferdi-
 nandi Perez mancipium simillimo abusu
 allij & piperis omnino visum vsuq; ocu-
 lorū perdidisse ? breuiter ac modestè res-
 pondit Virgo : *Satis fores ò Mater , & me
 & acam esse , quàm vana & secularia a se
 videre .* Ista responso genitrix permisit
 Filix quantum vellet latere domi , tantum
 ne amplius sibi oculos periculoso hoc de-
 fricu

frictu obpiperaret . Tam carò constitit Rosæ optati secessus tarda licentia , quam illo pretio perpaucæ sibi empta n (:plerq; ademptam) vellent .

Vsq; adeo Rosæ placebat desertum, displicebat publicum, vt non solùm priuata palatia , communiaq; Urbis spectacula mordicus deuitarit , Verùm & generales celebrium Processionum circuitus , ac populosas supplicationes curiosè spectare defugerit . Fatebatur, sibi permolestum ac graue esse inter foeminarū colloquia cernere pomposas vestes , pallia faciasq; pretiosas , interesse otiosis fabulis, diutineri reciprocis tot inanium vrbauitatum ritibus: præcipuè tamen dolebat, se neq; in domestico sui recessus asylo tutam à visitationibus liberamq; esse . Iam desierat Matrē ad eiusmodi officia foras comitari , sed ne ipsa domi visitaretur , effugere cupiebat nec poterat . Mansuetudo , comitas modestia Virginis trahebat notas foeminas , vt specie honoris dum accedebant ad, Matrem postularent videre & Filiam , quā suauis odor virtutis, honestas in dolis, admiratio sanctitatis quàm plurimis etiā illustribus commendarat inuitam . Neq; his, facile accessus poterat denegari quantumcumq; se Rosa absconderet , deplorans iacturam pretiosi temporis . Et quāuis sermo nonnisi de Deo esset, protestabatur utilius sibi ac incundius semper fore, cum Deo quàm de Deo loqui .

Igitur aspirante Numine sublimiorem speculata est viam qua sese ab ijs impedimentis viriliter explicaret : parentes ve-

recūde supplex orauit, permitti sibi in extremo horti angulo locum solitarium pro architectanda cellula, quam cupiebat unica diu taxat staturæ suæ capacem, cum exigua fenestella quæ lumen exciperet, ostioli clauem sola (: si vellet) Mater teneret : ibi se labori manuum, orandi meditandiq; studio, & collectioni spiritus absque vlllo minimi temporis dispendio utilissimè vacaturam. Addebat rationes solidas ac ponderosas quas Cœlum ac zelus diuini obsequij dictarant. Verū negabat Mater se permissuram Filix, quod tali sepulchro viuam se abderet. Post cassas preces, & obstinatas repulsas Virgo de more confugit ad Cœlitum auxilia, Deū in primis Deiq; Matrē assiduè inuocans, vt maternum sibi consensum potenti afflatu elicerent : nec dubitabat exaudiri, verū tamen altius mota in certitudinis experimētum cœlitus arrham quasi pignoratitiā expectauit, & obtinuit, quæ talis fuit : habebat in paupere thesauro coronā precariam ex corallijs, hanc prompsit, vt in sacello SS. Rosarij imaginem Diuæ Virginis speciosus hic torques ornaret. Ergo notum Religiosum adiit, coronam porrexit collo imaginis quantocyus immittendam. Neglexit ille quod scala sibi deesset qua ad sublimem in Ara imaginem pertingeret. Postridie ad sacellum Virgo redijt missam auditura, cumq; notasset suā Imagini coronam deesse, magnis precibus maiorem (: quem vocat) Sacristanum exorauit, vt tandem ipse coronam Imaginis collo circūdaret, sua interesse plurimum,

vt id fiat, velle se pretioso hoc vinculo suauiter captiuare Matrem-Virginem, vt ita Filiolus vadem seu fideiussorem se interponat. Postrema hæc verba ænigma erant, quod tunc quidem Sacristanus nō satis assequeretur, fecit tamen quod Rosa petiit, scalaq; applicita coronam haud sine labore circumdedit collo Imaginis, ac scalam remouit. Adfuit demum statuta dies, qua Rosa obtentæ gratiæ Fideiussorem intuitura festinauit ad Ecclesiam S. Dominici: & ecce SS. Rosarij sacellum ingressa vidit coronam suam, à collo Diuæ Virginis solutā pēdere palam de manu paruuli IESV. Idem viderunt quotquot promiscuē aderāt in Sacello, at mysterium ignorabāt, quod supponerent, coronam per ipsum inet Sacristam ē collo Deiparæ in digitos filiolii fuisse translata. Sacrista prodigij admonitus venit, vidit, adstupuit, certus nec se nec suorum vllū attigisse coronam à die, qua collo Diuæ Virginis circūducta fuerat. Sola Rosa conscia miraculi, signique tacita interpret exultabat arcano iubilo, sat intelligens quod ista spectarent; nempe Regina SS. Rosarij supplici Rosæ gratiam, quam obtabat sponsonderat, Filius tandem Fide iubebat pro Matre, sicq; corallinum illud sponsionis vinculum ab exsoluta Matre in se transtulerat.

Rosa ex hoc mirabili ostēto iam sui voti secura ac penè compos, grauem ac honorificam adornauit legationem ad Matrē, hanc obierunt Magister & Cathedraticus P. F. Ioannes de Lorenzana, Gundisalius de la Massa Quæstor Regius, & Quæstoris
Vxor

Vxor Maria de Vfatigui , Fectus erat dies Beatissimæ Virginis in Templo purificatæ, quâdo internuncia hæc trias Mariæ de Oliua gratulando magis quàm flagitando exposuit Rosæ suæ constans desiderium fabricandi sibi cellulam angustam ac solitariam, in qua sine Confessarij permissu nullius admitteret conspectum aut alloquiũ. Mater , quæ in illam vsq; horam ad eiusmodi voces apéninis cautibus durior fuerat, statim vt cera liquefacta cessit, nec vel momentum temporis aut deliberationi aut dilationi in re tam ardua desposcens. Nimirum sic exoluit promissa Fide-iussor Deus, qui nõ minùs parentis cor quàm cor alium Filię gestabat in manu sua.

Porro obtenta hac permissione, quàm putas festiuo dulciq; gaudio diem illum transegit Rosa? videbatur in se quadrare id, quod canebatur de iusto Sene: *Responsum accepit Simeon*. Audebat cum eodem cantillare iucundum hoc celeusma: *Nunc dimittis*, velut quæ portum suorum desideriorum iam penè attigisset, fruitura deinceps secretis amplexibus infantis sponsuli, qui ducit in solitudinem, locuturus ad Cor. Deniq; sentiebat Rosa se compellari primo illius diei Responsorio: *Adorna thalamum tuum Sion*. Certè non nisi thalamum pollicebatur cellula, quam sibi designabat Rosa, longumq; putabat expectare diei sequentis diluculum, quo opus inchoaret. Nec mora, postridiè adornauit thalamum, comportauit in hortum tabulas, intraq; pauculos dies perfectum stetit solitariae deuotionis breue, arctum, humile Sacra-

crarium . Tuguriolum erat quinque pedes longum, quatuor pedes latum, dixisses arcam potius aut cistam grandiusculam, nisi modica ad latus fanestella esse domunculā clamatasset . Vnus ex Confessarijs Virginis obiter habitaculi angustiam perstrinxit, cui Rosa lepidè replicuit, tantū inesse spatij, quantum sibi Sponsq; cœlesti abundè sufficeret . Nempe vt dicebā, thalamus erat, quem Virgo Filia Sion adornarat . Nacta hanc Eremū felix Rosa hoc sategit, ne quis illic temporis punctus sibi efflueret sine fructu, hīc totos hærebat dies addita maiori noctis parte, hīc aptissimè per varia pietatis exercitia dispēfabat horas, hīc liberrimò contemplationis vſu ascensiones in corde suo disponebat prope modum ignara in corpore an extra corpus degeret . Huc Postquā se recluserat, cui-dam probatæ Sanctitatis Matronæ in raptu visa est sub specie ac figura lucidissimæ Stellæ, cuius radios & quaquaversus scintillātem claritudinem opaca parietum angustia cohibere nequaquam poterat . *Lima* alio nomine dicta *Ciuitas Regum* debuit & suam habere *Stellam*, ad arcta Saluatoris cunabula tacitè inuitantem . Obiter hīc attigerim, quod in Rosa dum vixit plurimi obseruarunt, mirificè oblectatam fuisse aspectu sereni Cœli, adeo vt puella omnis Astrologiæ penitus ignara magnā interdum noctis partem immota soli siderū spectaculo dulciter inhareret : nimirum noua *Regum Stella* amabat Spharam suam, eò anhelabat, hanc vnice deperibat sidere, in doles, nec facile à cœlestium flammula-

rum

rum nocturno ol' tutu auelli poterat mens
 Cælo nata, fatebatur, Coeli siderumq; diu-
 tina contemplatione se instaurari ac re-
 fieri quin & alijs suadebat, clarum sereni
 firmamenti aspectū inter potiora quæ spi-
 ritum eleuant allectamenta posse numera-
 ri. Usque adeo non aberrauit religiosa
 Matrōna, quæ Rosam stellis amicam in
 Stellæ figura agnouit, cui tunc pro firma-
 mento exiguum cellæ latibulum erat.

Qui Virginis in templā & res sacras ar-
 dentem affectum nouerant, mirabantur ip-
 sam iugiter suo Reclusoriolo sic adhæres-
 cere, vt ferialibus diebus vix aliquādo Ec-
 clesiam adiret, proinde à nonnemine inter-
 rogata fuit, quomodo cor eius pientissi-
 mum sufferre posset, quòd non saltim ad in-
 terueniendum Missæ Sacrificio tantisper
 omni manē tuguriolum suum relinqueret
 mox repetendum? audi candidissimæ sim-
 plicitatis responsum & obstupescere. Subie-
 cit Rosa: neutiquā id suo Reclusorio im-
 putandum, sed quia Mater (: quacum so-
 la iusserant Confessarij primis annis Eccle-
 siam adire) domesticis impedebatur cu-
 ris, ne omni die ad Missam exiret: sibi ta-
 men diuina bonitare prospectum esse, vt
 in Cellula residens non vnicam sed com-
 plusculas quotidie Missas videret audiret-
 que. Quæsitum de modo, & compertum,
 id supernè datum fuisse Virgini, quòd spi-
 ritu (: non secus ac si corporaliter præses
 adfuisset) intererat quotidie Missis singu-
 lis, quotquot in vicino S. Spiritus xeno-
 dochio legebantur; nec solū istis, sed &
 ijs quæ procul celebrabantur in dissita-

S. Augustini Ecclesia, quæ non minùs quatuor aut quinque platearum anfractu seu interiectu distabat à Rosæ domicilio . Reclusæ Virginis arctissimæ solitudini magnū id, prodigiosumque fuisse solatium nemo ibit inficias .

Aliud Rosæ iam solitariae priuilegium à culicibus fuit , imò obsequium . Vbi anachoretica Virginis cella constiterat , soli humiditas & arbuscularum frequentia infinitam culicum multitudinem aut gignebat aut trahebat in amicum suo generi umbraculum . Molestum hominibus animal si quod aliud, nam vnica sua proboscide & tubicinem agit & militem, cum non minùs feriat tubò , quàm tuba ac bombo sopitos infestet : Horum examina & agmina immigrabant Rosæ tugurio, præsertim quando vel per diem siccantes radij solis , aut sub vesperum serenæ noctis algores tenuissimis corpusculis imminebant . Nec tamen in tot culicum legionibus vel vnicus fuit , qui Rosam in sua Cellula vnquā attingeret . Scatebant his vndique parietes , personabat ostiolum, implebatur fenestra perpetuo commeantium refluxu, sed cauebant singuli ne Rosæ insiderent , ac velut ex condicto suæ parcebant hospitæ . Accidit , quòd vel Mater, vel ex permissione Confessarij nonnullæ religiosiores personæ Rosam in angusto suo habitaculo de Diuinis collocaturæ inuiderent; has verò, mox vbi ad ianuam aut fenestellam confedissent, hostiliter quadebat culicū exercitus, his faciem & manus obsidere festinabat importuna societas , repellebatur vnus,

vnus, succedebant quaterni, & plerumq;
 ex insidijs etiam incautorum sanguinem,
 hauriebant, relicto pruritus ac tuberculi
 vestigio. Mirabantur sub ægyptia hac pla-
 ga Rosam integros dies immotam consiste-
 re, at stupebant magis, postquam obser-
 uarunt, in eius vultu ac manibus nec mi-
 nimùm huius cruentæ molestiæ signum ap-
 parere. Subrisit Virgo, Matriq; & alijs
 respondit: quando huc intraui, cum cu-
 licibus amicitiam pactumq; inijs, ne vn-
 quam me turbarent aut affligerent, vicif-
 cim in nullo me ipsis nocituram. Stetimus
 vtrimo; pactis, nec solùm communi hoc
 recto fruimur sine hostilitate, sed insuper
 iidem in decantandis Deo laudibus stre-
 nuè pro modulo suo me iuuant. Planè sic
 erat: nam quotiescumq; Rosa primo dilucu-
 lo reserabat cellulae portam, & laxabat fe-
 nestellæ valvulas, culicibus quotquot in-
 tus ad parietes densi pernoctarant, præci-
 piebat: cya amici, ad laudes omnipotentis
 Dei; confestim illi concētu lenissimo erū-
 pebāt in bombos, sparsim in gyros variè mi-
 scebāt arguta murmura, phalange tam or-
 dinata ac in se flexibus aptissimis retorta,
 vt credidisses aut chorum aut choreas es-
 se quibus ratio dux præfideret. Hoc per-
 functi officio euolabant ad pastum simili-
 ter vbi ad Solis occubitum repetebant ho-
 spitalem domunculā, rursum instabat Ro-
 sa, vt priusquam se quieti darent, secum
 tantisper serotinas laudes communi depā-
 gerent Creatori. Mox hilares susurri cer-
 tatim implebant angulos, organi; pneu-
 matici modulos gestiebat æmulari volati-
 lis

lis harmonia , donec iubente Rosa simul omnes conticescerent velut sub vna lege nocturni silentij. Tantum in vilissimas bestiolas imperium statui Innocentiæ reservatum fuerat, quæ quidem Rosa tam prope attigit , vt in solitudine cellæ versaretur tamquam in Paradiso .

Soror Catarina de S. Maria tertij Ordinis S. P. Dominici , ac D. Eleonora de Castro annosa contubernalis Rosam in sua eremo visitabat , sed culicum insolentiam non ferens, vnū qui sanguine iam turgēbat, manu occidit. Rosa miranti similis, quid agis (: inquit) charissima soror? meos mihi hospites trucidas at Catarina: dic potius hostes , non hospites, ecce enim quā sanguine meo plenus sit iste culex. Replacuit illa : quid verò magni est tantillum animalculum nostro pauisse sanguine, dum eius conditor nos suomet toties pascit cruore? ergo ne perrexeris meos interimere culices , & ego vicissim tibi spondeo quod æquē tecum vti mecum pacem colēt. Factum est, nam nullus deinceps ibi culex Catarinam punxit aut suxit. Idem Matri, Quæstori Gundisaluo, huius consorti, alijsque accidisse constat, ne dubitari posset de innocentis Rosæ in domesticos sibi culices admirando imperio . Paulò aliter id experta est Soror Francisca de Montoya itidē S. P. Dominici alumna Tertiaria. Hæc inter sacra cum Rosa colloquia viso totius famelicæ assultu nonnihil extimuit . Quod vbi aduertit Rosa, ne (: inquit) metuas Soror, ad SS. Trinitatis honorem soli tres hodie culices te pungent, de-

inceps vt ego immunis eris. Contigit, prout Virgo prædixerat, Franciscam ter culex adrosit, exinde illo die semperq; in posterū libera ab his fuit præsete Rosa. Quòd hoc miræ immunitatis priuilegium secessus ille solitarius è Cælo possederit, bene est, quòd verò id ibidem alijs Rosa communicare potuerit, singulare fuit.

Vltimo vitæ suæ triennio in Gundisalui Quæstoris domo paris ferè solitudinis desertum sibi Virgo disfinierat, totosque cum noctibus dies vel in domestico Oratorio latebat abdita, vel in vltimo adium cubiculo arctis sese cancellis iugiter cohibebat, omnia præstruens omnia interponens, vt inutiles visitationes deuicaret. Nonnūquam de Confessariorum ipsiusq; Gundisalui permisso maternam adibat domum, vt pristinæ cellulæ suauis eremo per aliquot dies frueretur, ac sæpè coram intimis grauissimè quæsta est, iugi se dolore affici, quòd sexus ac seculi conditio sibi non permitteret in asperrimos montes procul secedere, ibiq; cauam rupem inquirere vbi remota ab omni humano commercio vitā degeret: Laudabat assiduè priscorum eremicularum felicissima tempora, suspirabat ad omnem Nitriæ ac Thebaidis mentionē, & vt verbulo absoluam, migrarant in Rosam ignita S. Catarinæ Senensis desideria quibus olim antra deserti haud perfunctoriè depoposcerat.

C A P V T X I.

*Rosæ mira cum Christo desponsatio,
pronuba Augustissima Impera-
trice Angelorum.*

EX Historia Vitæ B. Catarinæ Senensis Rosa didicerat, Virginem Seraphicā adhuc mortalem Christo Sponso fuisse mirabiliter subarrhatam. Currebat & ipsa per huius Sponsæ vestigia in odorem Sponsi, sed inter adolescentulas vt sibi videbatur, neq; enim illa animi sui profundæ demissio permittebat, quod vsq; ad singularem Sponsæ dignitatem tantæq; celsitudinis titulum auderet vltrò aspirare. Et tamen in Rosæ thesauris eminebant virginea puritas & abyssalis Humilitas, quæ propriam his nuptijs dispositionē parant, dotemque constituunt, quo fit, quod raris eiusmodi hymeneis peculiari iure præsideat Augustissima Angelorū Imperatrix, vtpote supremæ tum Puritatis tum Humilitatis priuilegio *Virgo singularis*, quæq; vt in ceteris ita celebrius in his duobus nec primam similem visa est nec habere sequentem. *Humilitatem* Rosæ iam Cap. V. vtcumque tractauimus; *Puritas* hic tractanda foret ante cœlestes nuptias, verum de hac nobis ad compendium sufficiat cōcors depositio Confessariorum, quotquot generalem Virginis exomologesim exceperunt; hi fuere XI. nimirum VI. ex Ordine Prædicatorum, V. ex Societate IESV, singulique seorsim velut vno ore ac sub

fide iuramenti testati sunt, Virgineum Rosæ candorem ea semper nituisse puritate, ut neque veniali macula vilius lasciuiaë umquam fuerit attaminata, nec in tota ipsius vita vel semel ei obrepserit foeda aliqua cogitatio. Nempe hyblæam Rosam non tangit scarabæus.

Itaq; tam rarum pudicitiaë donum, tam humilis ac pura Virginitas à primo ætatu-
læ suæ quinquennio iam Christo sacrata,
per votum hos simul & dos erat futuro
Sponsi Nazareni connubio, sed Rosa quā-
tūm amabat *Lilium inter Spinas*, tam abie-
ctè sentiebat de seipsa, unde prodigijs opus
fuit, quibus à longè præpararetur ad my-
sterium, erigeretur ad consensum. Primū
(; ex ijs quæ innotuerunt) hoc fuit: quan-
do bicolor illè Papilio, de quo supra Cap.
IV. supernè aduolans insedit Rosæ, nota-
tum est quòd aliquamdiu per sinistram
Virginis latus reptando oberrabat donec
rectà è regione cordis constitisset; illic vi-
debatur morosius & amorosius occupari,
nam instar apìs fauo construendo intentæ
vertebatur in breues gyros quasi penicillo
quidpiam delineans. Expleto opere dispa-
ruit, & ecce cordis effigiem plenè ac scitifi-
simè formatam in veste Rosæ, quam à Pa-
pilione ibi depictam relictamq; conspicuè
obseruarunt puellæ quotquot in eodem
conclauì laborabant: at hæ ignorabant ar-
canum symbolum cordis virgineo cordi
inaratum, sola Rosa sentiebat (; sed obscu-
rius adhuc) clamantem eminus Sponsū:
præbe mihi cor tuum. Conieciabat se à va-
riegato Papilione non solum vocari ad

concolorem Senensis Catarinæ habitum ,
verùm etiam insigniri eodẽ emblemate
cordis quod olim cum Sponsa Senensi
Sponsus æternus permutarat. Nihilominus
remotiora hæc erant,quàm vt tanti Thala-
mi spem certam inuergerent,& tamen (:vt
postea claruit) eminus ista felici Sponsa-
litio præludebant .

Paulò apertiùs alterum,quod sequitur .
Post assumptam Tertij Ordinis candidam
vestem nocte quadam in somnis ostensa
fuit Rosæ pulcherrima ac decētissima Viri
species: penè suggererat animus cœlitem
quemdam esse , inò ipsummet speciosum
forma præ filiis hominum , nisi quòd habi-
tus latonum fingeat, seu marmorum cæ-
dendorum nobilem artificem. Et reuera
is erat, sed tunc festiuus & amans venerat,
tamquam Virginẽ illic Sponsam sibi quæ-
siturus . Rosæ, cui nec per somnium vlla
vmquam placuerat nuptiarum cogitatio ,
sentiebat intus, vno isto coniugio nihil fe-
licius in tota sibi vita posse obtingere .
Gratiæ sympathia hæc erat, quæ Rosã do-
cebat amare *Secreta quæ non nouerat* . An-
nuuit ergo oblato fœderi castissima turtur,
ac data vtrimq; maritali fide graciosus ille
Sponsus tamquam necessarium iter pera-
cturus discessit; priùs tamen nouæ suæ Cõ-
forti aliquot ibidem marmora certo nu-
mero incidenda,formanda,polienda com-
misit dum peregrè rediret. Quòd verò cõ-
iugum sit relinquere Patrem,& Matrem,
vt sint duo in carne vna , monuit Rosam
suam Neonymphus, alendorum parentum
curam posthac ipsa deponeret, aliundè se

Circuivit tamen cum reliquo fideli populo, at mæsta & verecunda, peractoque circuitu rectâ Sacellum Rosarianû (: suû portum) repetijt, ibi ad pedes Deiparæ Virginis cor suum effudit per vndantes lachrymas, seipsam reprehendens si fortè palmam benedictam aut nimis ambitiosè concupierat, aut per inertiam non quasierat. Deinde in vultum Augustissimæ Deiparentis intenta, vt vidit hunc sibi serenû & solito dulciùs adblandientem, resumpsit animum, iamq; complacebat sibi in eo quo fuerat contristata, & absit (: inquit) quòd à mortali manu palmam accipiam, tu Domina, tu *Palma exaltata in Cades* me ramo ditabis immarcessibili. Ad hæc verba mox vidit Coeli Reginam vultu exporrecto & hilari conuerti in paruulum, quem vlnis gestabat Filium, ac inde velut à fausto oraculo suauius respicere in Rosam; hæc ignoto percussa gaudio vertit oculos in paruulum, ipsumq; similiter aridentem sibi conspexit. Inter hos duos mellifluos vultus æstu reciproco oberrabat Rosa, festinabat ab vno ad alterum, deliciabatur in alterno spectaculo, & quò sæpius ad alterutram redibat faciem inueniebat dulciorem. Pluries in eadè S. Imagine (: vt infra narrabitur) demulserat huiuscemodi suavis annictus orantem Rosam, at numquam eo quo tunc dulcedinis excessu, ea familiaritatis aura ac gratia, illo reconditi fauoris singularissimo fulgore; ita quòd sentiebat iam in animæ suæ fundo, magnum aliquid secum agi, nec suum procul abesse lapicidam. Affectus

erant.

erant, quibus nondum inuenit nomina,
inops mortalium ruditas.

Quid multa? erupit tandem puerulus
Iesus in hoc canticum dramatis; *Rosa cor-*
dis mei: tu mihi Sponsa esto. Penetrarunt
medullas Rosæ hæc verba, & velut ictu
improviso exanimis in se recidit, breuiq;
lucta confusorum affectuum simul & dehif-
cebat tremula in abyssum sui nihili, & na-
tabat sublimis tumore letitiæ, nec tamen
succumbens tantæ dignationis miraculo a-
nimus inueniebat quid responderet, ni suc-
succurissent verba Humilitatis purissimæ:
Ecce ancilla Domini. Ecce (: inquit) *an-*
cillam, ecce mancipium tuum ò *Rex Maies-*
tatis æternæ; tua sum, tuam me profiteor, tua
ero. Plura parabat dicere, sed continuò
reuoluebatur in eandem paræmiã sobria
liquefcentis animulæ ebrietas, & infans a-
mor quod eloqui non poterat, balbutire
gestiebat. Certè non errauit, *quicumque*
illo fuit pueri in qui pinxit amorem. Sed quæ
olim in Cana Galileæ nuptiis interlocuta
fuerat Virgo Mater hic minimè tacuit, eò
vel maximè, quòd sola ipsa huius Spon-
salitij paranympa aderat, sola Rosam pro-
mouerat, Filiumq; pronuba exorarat. Ita-
quæ & ipsa nouellam Sponsam affata, *Vide*
(: inquit) ò *Rosa eximium fauorem quo te*
Filius meus dignatus est. Epithalamium id
fuit, quod non Dauidis plectro, sed ore
proprio Sponsi Mater accinuit. Labora-
bat sub gaudiorum mole, nec se capiebat
Rosa, experta verissimè dici: *Sic licet ignis*
amor, non leue pondus habet: Æstuat,
arctabatur iam palmæ oblita Virgo, pro

rum nocturno occultu auelli poterat mens
 Cœlo nata, fatebatur, Cœli siderumq; diu-
 ina contemplatione se instaurari ac re-
 fieri quin & alijs suadebat, clarum sereni
 firmamenti aspectû inter potiora quæ spi-
 ritum eleuant allectamenta posse numera-
 ri. Vsqû adeo non aberrauit religiosa
 Matrôna, quæ Rosam stellis amicam in
 Stellæ figura agnouit, cui tunc pro firma-
 mento exiguum cellæ latibulum erat.

Qui Virginis in templâ & res sacras ar-
 dentem affectum nouerant, mirabantur ip-
 sam iugiter suo Reclusoriolo sic adhæref-
 cere, vt ferialibus diebus vix aliquândo Ec-
 clesiam adiret, proinde à nonnemine inter-
 rogata fuit, quomodo cor eius pientissi-
 mum sufferre posset, quòd non saltim ad in-
 terueniendum Missæ Sacrificio tantisper
 omni manè tuguriolum suum relinqueret
 mox repetendum? audi candidissimæ sim-
 plicitatis responsum & obstupesce. Subie-
 cit Rosa: neutiquâ id suo Reclusorio im-
 putandum, sed quia Mater (: quacum so-
 la iusserant Confessarij primis annis Eccle-
 siam adire) domesticis impedebatur cu-
 ris, ne omni die ad Missam exiret: sibi ta-
 men diuina bonitate prospectum esse, vt
 in Cellula residens non vnicam sed com-
 plusculas quotidie Missas videret audiret-
 que. Quæsitum de modo, & compertum,
 id supernè datum fuisse Virgini, quòd spi-
 ritu (: non secus ac si corporaliter præses
 adfuisset) intererat quotidie Missis singu-
 lis, quotquot in vicino S. Spiritus xeno-
 dochio legebantur; nec solum istis, sed &
 ijs quæ procul celebrabantur in dissita

S. Augustini Ecclesia, quæ non minùs quatuor aut quinque platearum anfractu seu interiectu distabat à Rosæ domicilio. Reclusæ Virginis arctissimæ solitudini magnū id, prodigiosumque fuisse solatium nemo ibit inficias.

Aliud Rosæ iam solitariae priuilegium à culicibus fuit, imò obsequium. Vbi anachoretica Virginis cella constiterat, soli humiditas & arbuscularum frequentia infinitam culicum multitudinem aut gignebat aut trahebat in amicum suo generi umbraculum. Molestum hominibus animal si quod aliud, nam vnica sua proboscide & tubicinem agit & militem, cum non minùs feriat tubò, quàm tuba ac bombo sopitos infestet: Horum examina & agmina immigrabant Rosæ tugurio, præsertim quando vel per diem siccantes radij solis, aut sub vespere serenæ noctis algores tenuissimis corpusculis imminebant. Nec tamen in tot culicum legionibus vel vnus fuit, qui Rosam in sua Cellula vnquā attingeret. Scatebant his vndique parietes, personabat ostiolum, implebatur fenestra perpetuo commeantium refluxu, sed cauebant singuli ne Rosæ insiderent, ac velut ex condicto suæ parcebant hospitæ. Accidit, quòd vel Mater, vel ex permissione Confessarij nonnullæ religiosiores personæ Rosam in angusto suo habitaculo de Diuinis collocaturæ inuiserent; has verò, mox vbi ad ianuam aut fenestellam confedissent, hostiliter inuadebat culicū exercitus, his faciem & minus obsidere festinabat importuna societas, repellebatur

vnus, succedebant quaterni, & plexumq;
 ex insidijs etiam incautorum sanguinem
 hauriebant, relicto pruritus ac tuberculi
 vestigio. Mirabantur sub ægyptia hac pla-
 ga Rosam integros dies immotam consiste-
 re, at stupebant magis, postquam obser-
 uarunt, in eius vultu ac manibus nec mi-
 nimum huius cruentæ molestiæ signum ap-
 parere. Subrisit Virgo, Matriq; & alijs
 respondit: quando huc intraui, cum cu-
 licibus amicitiam pactumq; inijs, ne vm-
 quam me turbarent aut affligerent, vicif-
 cim in nullo me ipsis nocituram. Stetimus
 vtrinq; pactis, nec solum communi hoc
 recto fruimur sine hostilitate, sed insuper
 iidem in decantandis Deo laudibus stre-
 nuè pro modulo suo me iuuant. Planè sic
 erat, nam quotiescumq; Rosa primo dilucu-
 lo reserabat cellulæ portam, & laxabat fe-
 nestellæ valvulas, culicibus quotquot in-
 tus ad parietes densi pernoctarant, præci-
 piebat: cya amici, ad laudes omnipotentis
 Dei; confestim illi concētu lenissimò erū-
 pebāt in bombos, sparsiq; in gyros variè mi-
 scebāt arguta murmura, phalange tam or-
 dinata ac in se flexibus aptissimis retorta,
 vt credidisses aut chorum aut choreas es-
 se quibus ratio dux præfideret. Hoc per-
 functi officio euolabant ad pastum simili-
 ter ubi ad Solis occubitum repetebant ho-
 spitem domunculā, rursum instabat Ro-
 sa, vt priusquam se quieti darent, secum
 tantisper serotinas laudes communi depā-
 gerent Creatori. Mox hilares susurri cer-
 ratim implebant angulos, organi; pneu-
 matici modulos gestiebat æmulari volati-
 lis

lis harmonia , donec iubente Rosa simul omnes conticescerent velut sub vna lege nocturni silentij. Tantum in vilissimas bestiolas imperium statui Innocentiæ reseruatum fuerat, quæ quidem Rosa tam prope attigit , vt in solitudine cellæ versaretur tamquam in Paradiso .

Soror Catarina de S. Maria tertij Ordinis S. P. Dominici , ac D. Eleonoræ de Castro annosa contubernalis Rosam in sua eremo visitabat , sed culicum insolentiam non ferens, vnũ qui sanguine iam turgēbat, manu occidit. Rosam miranti similis, quid agis (: inquit) charissima soror? meos mihi hospites trucidas at Catarina: dic potius hostes , non hospites, ecce enim quàm sanguine meo plenus sit iste culex. Replacuit illa : quid verò magni est tantillum animalculum nostro pauisse sanguine, dum eius conditor nos suomet toties pascit cruore? ergo ne perrexeris meos interimere culices , & ego vicissim tibi spondeo. quòd æquè tecum vtì mecum pacem colēt. Factum est, nam nullus deinceps ibi culex Catarinam punxit aut suxit. Idem Matri, Quæstori Gundisaluo, huius consorti, alijsque accidisse constat, ne dubitari posset de innocentis Rosæ in domesticos sibi culices admirando imperio . Paulò aliter id experta est Soror Francisca de Montoya itidē S. P. Dominici alumna Tertiaria. Hæc inter sacra cum Rosa colloquia viso totius famelico assultu nonnihil extimuit . Quod vbi aduertit Rosa, ne (: inquit) metuas Soror, ad SS. Trinitatis honorem soli tres hodie culices te pungent, de-

inceps vt ego immunis eris. Contigit, prout Virgo prædixerat, Franciscam ter culex adrosit, exinde illo die semperq; in posterū libera ab his fuit præsete Rosa. Quòd hoc miræ immunitatis priuilegium secessus ille solitarius è Cælo possederit, bene est, quòd verò id ibidem alijs Rosa communicare potuerit, singulare fuit.

Vltimo vitæ suæ triennio in Gundisalui Quæstoris domo paris ferè solitudinis desertum sibi Virgo disfinierat, totosque cum noctibus dies vel in domestico Oratorio latebat abdita, vel in vltimo ædium cubiculo arctis sese cancellis iugiter cohibebat, omnia præstruens omnia interponens, vt inutiles visitationes deuitaret. Nonnūquam de Confessariorum ipsiusq; Gundisalui permissu maternam adibat domum, vt pristinæ cellulæ suauis eremo per aliquot dies frueretur, ac sæpè coram intimis grauissimè quæsta est, iugi se dolore affici, quòd sexus ac seculi conditio sibi non permitteret in asperrimos montes procul secedere, ibiq; cauam rupem inquirere vbi remota ab omni humano commercio vitā degeret: Laudabat assiduè priscorum eremicularum felicissima tempora, suspirabat ad omnem Nitriæ ac Thebaidis mentionē, & vt verbulo absoluiam, migrarant in Rosam ignita S. Catarinæ Senensis desideria quibus olim antra deserti haud perfunctoriè depoposcerat.

C A P V T X I.

*Rosæ mira cum Christo desponsatio;
pronuba Augustissima Impera-
trice Angelorum.*

EX Historia Vitæ B. Catarinæ Senensis Rosa didicerat, Virginem Seraphicā adhuc mortalem Christo Sponso fuisse mirabiliter subarrhatam. Currebat & ipsa per huius Sponsæ vestigia *in odorem Sponsi*, sed inter *adulescentulas* vt sibi videbatur, neq; enim illa animi sui profundā demissio permittebat, quod vsq; ad singularem Sponsæ dignitatem tantæq; celsitudinis titulum auderet vltro aspirare. Et tamen in Rosæ thesauris eminebant virginea puritas & abyssalis Humilitas, quæ propriam his nuptijs dispositionē parant, dotemque constituunt, quo fit, quod raris eiusmodi hymeneis peculiari iure præsideat Augustissima Angelorū Imperatrix, vtpote supremæ tum Puritatis tum Humilitatis priuilegio *Virgo singularis*, quæq; vt in ceteris ita celebrius in his duobus nec primam similem visa est nec habere sequentem. *Humilitatem* Rosæ iam Cap. V. vtcumque tractauimus; *Puritas* hic tractanda foret ante cœlestes nuptias, verum de hac nobis ad compendium sufficiat cōcors depositio Confessariorum, quotquot generalem Virginis exomologesim exceperunt; hi fuere XI. nimirum VI. ex Ordine Prædicatorum, V. ex Societate IESV, singulique seorsim velut vno ore ac sub

fide iuramenti testati sunt, Virgineum Rosæ candorem ea semper nituisse puritate, ut neque veniali macula ullius lasciuiaë umquam fuerit attaminata, nec in tota ipsius vita vel semel ei obrepserit fœda aliqua cogitatio. Nempe hyblæam Rosam non tangit scarabæus.

Itaq; tam rarum pudicitiaë donum, tam humilis ac pura Virginitas à primo ætatu-
læ suæ quinquennio iam Christo sacrata—
per votum flos simul & dos erat futuro
Sponsi Nazareni connubio, sed Rosæ quā-
tūm amabat *Lilium inter Spinas*, tam abie-
ctè sentiebat de seipsa, unde prodigijs opus
fuit, quibus à longè præpararetur ad my-
sterium, erigeretur ad consensum. Primū
(; ex ijs quæ innotuerunt) hoc fuit: quan-
do bicolor illè Papilio, de quo supra Cap.
IV. supernè aduolans infedit Rosæ, nota-
tum est quòd aliquamdiu per sinistrum
Virginis latus reptando oberrabat donec
rectà è regione cordis constitisset; illic vi-
debatur morosius & amorosius occupari,
nam instar apìs fauo construendo intentæ
vertebatur in breues gyros quasi penicillo
quidpiam delineans. Expleto opere dispa-
ruit, & ecce cordis effigiem plenè ac scitif-
simè formatam in veste Rosæ, quam à Pa-
pilione ibi depictam relictamq; conspicuè
obseruarunt puellæ quotquot in eodem
conclauì laborabant: at hæ ignorabant ar-
canum symbolum cordis virgineo cordi
inaratum, sola Rosæ sentiebat (; sed obscu-
rius adhuc) clamantem eminus Sponsum:
præbe mihi cor tuum. Conieciabat se à va-
riegato Papilione non solum vocari ad

concolorem Senensis Catarinæ habitum ,
verum etiam insigniri eodem emblemate
cordis quod olim cum Sponsa Senensi
Sponsus æternus permutarat. Nihilominus
remotiora hæc erant,quàm vt tanti Thala-
mi spem certam inuergerent,& tamen (:vt
postea claruit) eminus ista felici Sponfa-
litio præludebant .

Paulò apertius alterum,quod sequitur .
Post assumptam Tertij Ordinis candidam
vestem nocte quadam in somnis ostensa
fuit Rosæ pulcherrima ac decētissima Viri
species: penè suggerebat animus cœlitem
quemdam esse , imò ipsummet speciosum
forma præ filiis hominum , nisi quòd habi-
tus latonum fingeat, seu marmorum cæ-
dendorum nobilem artificem. Et reuera
is erat, sed tunc festiuus & amans venerat,
tamquam Virginē illic Sponsam sibi quæ-
siturus . Rosa, cui nec per somnium vlla
vmquam placuerat nuptiarum cogitatio ,
sentiebat intus, vno isto coniugio nihil fe-
licius in tota sibi vita posse obtingere .
Gratiæ sympathia hæc erat, quæ Rosâ do-
cebat amare *Secreta quæ non nouerat* . An-
nuuit ergo oblato fœderi castissima turtur,
ac data vtrimq; maritali fide gratosus ille
Sponsus tamquam necessarium iter pera-
cturus discessit; prius tamen nouæ suæ Cō-
forti aliquot ibidem marmora certo nu-
mero incidenda, formanda, polienda com-
misit dum peregrè rediret. Quòd verò cō-
iugum sit relinquere Patrem, & Matrem,
vt sint duo in carne vna , monuit Rosam
suam Neonymphus, alendorum parentum
curam posthac ipsa deponeret, aliundè se

illis prouisurum ne quo egeant. Visus
 deinde ab itinere rediisse Sponsus, at Ro-
 sa quæ interim opus suum lapidarum ex
 toto nondum absoluerat, pudore suffusa,
 multis excusare se conabatur, quod neces-
 sitatibus parentum impedita, quod rudis
 adhuc illius artis quæ tam inusitata esset
 foemineis manibus lino duntaxat ac lanæ
 assuetis. Hic Sponsus subridens, ne cre-
 dideris (:inquit) Dilecta mea, solam te in
 foeminis esse, quam duris hisce laboribus
 occuparim: statimq; proximi conclauis o-
 stio latissimè diducto ostendit Rosæ lapi-
 dariam officinam peramplam ac spatiosā,
 quam solæ implebant Virgines arduo la-
 bori gnauiter intentæ; his pro acu malleus
 & scalprum, pro lana durissimi lapides
 & saxa erant, his tundendis, æquandis, &
 ad normam affabrè conquadrandis insta-
 bant totæ, secabant, excauabant, læuigabāt,
 defricabant, & vt ferramenta citius durior
 lapis admitteret, hunc affatim emolliebāt
 crebro suarum lachrymarum stillicidio.
 Quodq; sat mirabile videbatur, inter hos
 impositos saxorum cumulos & pulueru-
 lentas operas vestis erat singulis virgini-
 bus non plebeia ex more opificij, sed pre-
 tiosa, fulgida, sollemnis, quæ nuptiale cōui-
 uium, aut publicam theatri pompam sape-
 ret, magis quam sudoriferam officinam.
 Mirabatur Virgo Virgines operi tam in-
 sueto implicitas, at significabatur virtus
 occupata in arduis; circumspiciebat singu-
 larum artificum marmora iam elaborata,
 absoluta, seposita, quorum nulli ad perfe-
 ctionem exactissimam quidquam deerat.

Tandem Rosa noctu fortuito in se reflexa vidit eodem quo reliquæ ibi Virgines splēdidissimo amictu se pariter circumdatam inclarnisse, & quæ illactenus suo dumtaxat habitu Dominicano simpliciter canduerat, repente se deprehendit in cyclade gemmis, & auro distincta, vt ad easdem illic operas se quoque nosset auctoratam. Quot quātaq; mysteria ex vnica hac visione didicerit Rosa, particulatim apparebit in sequentibus, hic ad solius cum lapicida depacti spōsalitij euentū festinat historia.

Iamq; post eiusmodi præambula supererat vltimū, quo demum hic Sponsus manifestè ac palam se insinuaret vigili Rosæ, & exuto latomi schemate Virginem ad cōnubialem thalamum apertius inuitaret. Itā accidit, & quidem hoc ordine: Dominica Palmarum annuo ritu peracta benedictione distribuebāt Ramos Sacristæ per chorum & Ecclesiam dum adornatur solemnis Processio: interea cum alijs Sororibus tertiarijs expectabat ibidem & Rosa palmam suam, geniculata in Rosariano Diuæ Virginis sacello. At siue incuria, & errore properantis Sacristæ, siue (: quod potius crediderim) singulari Numinis consilio accidit, quòd hac Vice Rosa sine ramo fuit, omnino quidem præter morem, nam annis superioribus in palmarum distributione (: vtpotè Filia Ordinis) præterita numquam fuerat. Hac igitur nouitate confusa Virgo, vt assolent teneriores conscientia extimuit, ne aliquo forsā obliquo animi motu indignam se reddidisset illius ramiferæ Processionis consortio.

Circuivit tamen cum reliquo fideli populo, at mæsta & verecunda, peractoque circuitu rectâ Sacellum Rosarianû (: suû portum) repetijt, ibi ad pedes Deiparæ Virginis cor suum effudit per vndantes lachrymas, seipsam reprehendens si fortè palmam benedictam aut nimis ambitiosè concupierat, aut per inertiam non quæsierat. Deinde in vultum Augustissimæ Deiparentis intenta, vt vidit hunc sibi serenû & solito dulciùs adblandientem, resumpsit animum, iamq; complacebat sibi in eo quo fuerat contristata, & absit (: inquit) quòd à mortali manu palmam accipiam, tu Domina, tu *Palma exaltata in Cades* me ramo ditabis immarcescibili. Ad hæc verba mox vidit Coeli Reginam vultu exporrecto & hilari conuerti in paruulum, quem vlnis gestabat Filium, ac inde velut à fausto oraculo suauius respicere in Rosam; hæc ignoto perculsa gaudio vertit oculos in paruulum, ipsumq; similiter aridentem sibi conspexit. Inter hos duos mellifluos vultus æstu reciproco oberrabat Rosa, festinabat ab vno ad alterum, deliciabatur in alterno spectaculo, & quò sæpius ad alterutram redibat faciem inueniebat dulciorem. Pluries in eadē S. Imagine (: vt infra narrabitur) demulserat huiuscemodi suavis annictus orantem Rosam, at numquam eo quo tunc dulcedinis excessu, ea familiaritatis aura ac gratia, illo reconditi fauoris singularissimò fulgore; ita quòd sentiebat iam in animæ suæ fundo, magnum aliquid secum agi, nec suum procul abesse lapicidam. Affectus erant.

erant, quibus nondum inuenit nomina
inops mortalium ruditas.

Quid multa? erupit tandem puerulus
Iesus in hoc canticum dramatis; *Rosa cor-*
dis mei: tu mihi Sponsa esto. Penetrarunt
medullas Rosæ hæc verba, & velut ictu
improviso exanimis in se recidit, breuiq;
lucta confusorum affectuum simul & dehis-
cebat tremula in abyssum sui nihili, & na-
tabat sublimis tumore letitiæ, nec tamen
succumbens tantæ dignationis miraculo a-
nimus inueniebat quid responderet, ni suc-
succurissent verba Humilitatis purissimæ:
Ecce ancilla Domini. Ecce (: inquit) *an-*
cillam, ecce mancipium tuum ò *Rex Maies-*
tatis æternæ; tua sum, tuam me profiteor, tua
ero. Plura parabat dicere, sed continuò
reuoluebatur in eandem paræmiã sobria
liquefcentis animulæ ebrietas, & infans a-
mor quod eloqui non poterat, balbutire
gestiebat. Certè non errauit, *quicumque*
illo fuit pueri in qui pinxit amorem. Sed quæ
olim in Cana Galileæ nuptijs interlocuta
fuerat Virgo Mater hic minimè tacuit, eò
vel maximè, quòd sola ipsa huius Spon-
salitij paranympa aderat, sola Rosam pro-
mouerat, Filiumq; pronuba exorarat. Ita-
quæ & ipsa nouellam Sponsam affata, *Vide*
(: inquit) ò *Rosa eximium fauorem quo te*
Filius meus dignatus est. Epithalamium id
fuit, quod non Dauidis plectro, sed ore
proprio Sponsi Mater accinuit. Labora-
bat sub gaudiorum mole, nec se capiebat
Rosa, experta verissimè dici: *Sic licet ignis*
amor, non leue pondus habet: Æstuebat,
arctabatur iam palmæ oblita Virgo, pro

qua successerat *Lilium connallium* tam speciosum, tam pretiosum. Deniq; iucundissimum ipsi erat, quòd eodem die ac loco & palmam & Rosam amiserat, vtpote post hoc connubium non ampliùs sua.

Subsecuta deinde opulentissimi Sponsi nuptialia antidora: nam vt in examine (:de quo infra Cap. XIV. fateri compulsa fuit) de intimis Gratiae thesauris rara quædam Seraphici amoris incendia descendunt in Rosam, secumq; traxere longo ordine diuitias inæstimabiles variorum charismatum, quibus animam Sponsæ ditabat, illustrabat, ornabat profusâ tam nobilis Sponsi magnificentia: pignora erant, & monilia, datæq; fidei pretiosi arrhabones humanis verbis inexplicabiles, vnde & Virgo de his à suo axaminatore pressus interrogata, nec negare ausa, simplicissimè per solam vocabulorum inopiam se excusauit.

Porro vt iugiter tâti beneficii Mnemofynon versaretur ante oculos, domum reuersa coepit extemplò cogitare de conslândo connubiali anulo, quem cordis digito in nuptiarum suarum gratam memoriam gestaret perpetinè ac palàm; aduocatoque in consilium vnico germano Fratre paucis desiderium suum explicuit, mysterium celauit. Ille arrepto circino iustâ anuli formam delineauit in charta, debiteq; proportionis addidit palàm figurâ circuli cui Virgo paruulum *Iesum* optarat insculpi. Supererat vt de lemmate quod anuli conuexo inscriberetur per gyrum, conuenirent. Hic Rosa Fratrè intuita expectabat quid ille decerneret. Is nil moratus, veluti si

arcanis Rosæ nuptijs orbiter interfuiſſet
 hæc eademmet verba circumſcripſit anulo:
Rosa cordis mei, tu mihi Sponſa eſto. Obmu-
 tuit, ſtupuitq; repentino gaudio Roſa vt
 vidit non deliberatione ſed impetu raptim
 incidiffe Fratrem in ſymbolum, quod vnica
 ac propria totius negotij erat periocha, in
 ſemma quod Chriſtus ipſe dictarat & ore
 proprio gratioſè expreſſerat: ſciebat, illud
 humanitus non potuiſſe aut Fratri ſuo aut
 ulli mortalium innotefcere, altioris id in-
 ſtinctus fuiſſe dictamen, proinde nouo iu-
 bilo ſubſultans in dulciſſimo prodigio lu-
 dentem Sponſi manum tacitè adorabat.
 Anulum deinde ex hoc iam chariorè eiuf-
 dem maioris hebdomadæ feria V. in Ec-
 cleſiam detulit, magniſq; precibus à P. Sa-
 criſta impetrauit eidem locum in arcu-
 lã illo triduo SS. Eucharistiæ repoſito-
 riũ eſt & ſepulti Redemptoris monimētũ.
 Illic volebat ſuũ hoc amoris pignus tantif-
 per cum Sponſo mortuo tumulari, vt cum
 eodem reſurgente pariter rediret ad lucẽ,
 ſic proteſtabatur amabili Sponſo, ſe nec
 illo defuncto ſolutam eſſe à lege Viri, cum
 quo & mortis thalamum cupiebat ſortiri
 cõmunem. Denique ſolemni die Paſcha-
 tis hic anulus ex triduoano Dominici ſepul-
 chri contubernio iam ſacratior gratiorque
 ad Roſam redijt, & coram illamet Diuæ
 Virginis Imagine Roſariana vbi contrac-
 tum fuerat S. Connubij foedus, cordialem
 Roſæ digitum inſeſcit, non ſine nouo pro-
 digio, nã ceremonia tam ſecreta fuit, quòd
 nec proximè Virgini adgeniculans Mater
 quidquam vel minimum aduerterit, quam-

quam ad omnia Filia intentissima .

Post Virginis obitum vnà cum reliqua ipsius permodica supellectile anulus remansit penes Vxorem Gundisalui Quæstoris, istudque memorabile accidit anno 1618. mense Februario in dicti Quæstoris ædibus. Vir ille sanctitatis fama conspicuus (: de quo supra in fine Cap. VIII.) dum Rosæ defunctæ coronam spineam deuotionis ergo contrectarat, diutiùs hæsit in anulo, quem vt sibi à D. Maria de Vfatègui porrectus fuerat, modicæ chartæ inuolutum stringebat intra pugnum. Et en, quidquid sentire ex attactu coronæ coeperat, longè validiùs sensit ab anulo, supernos attractus præpotentes, dulces, delicatos, lumina inusitata, excelsa, pretiosa; ardores Spiritus vsque ad animæ liquefactionem efficaces, blandos, subtiles. Videbatur enalecta esse nuptialis cõuiuij quo Rosa cum Sponso fruebatur in Cælis. Paulò post hic seruus Dei velut internis stimulis impar erupit in voces : *Benedictus Deus, qui tam mirabilis est in Rosa sua. Laudetur SS. Trinitas cui in excelsa Gloria fastigio inter præcipuos Paradisi Ciues assistit Rosa. Rosa dilecta! Rosa præelecta! Rosa candidissimi Agni Sponsa! magna es, sublimis es gloriosa, præfulgida, incomparabilis es in triumphali Sanctorum agmine.* Permulta similia ructabat idemtidem corde pleno, affectu suauissimo, at corpore prorsus immobili, nam intus ille iubilus vt linguam & os sedētis laxauerat, ità reliqua membra ligarat, adeò quòd nec valebat de sella surgere nec brachia aut crura stupore obrigida mouere.

re : Dextra manus quæ anulum implicue-
 rat , sedis costæ laterali innitebatur , at fi-
 xè, velut acclauata . Sinistram cordi appo-
 fuerat cōtra immodicam palpitationē ex-
 undantis lætitiæ, sed & illa insolubiliter vi-
 debatur adglutinata : conabatur semel
 iterumue fortunatus homo se excutere de
 sedili, desuungere tibias, aut brachia saltim
 attrahere , nec quidquam horum poterat .
 Interim pergebat lingua , quæ sola mobi-
 lis erat , prosequēbatur nunc Dei nunc
 Rosæ encomia , dum simul persona tota cū
 nimia interni sui gaudij vehementia lucta-
 batur . Quæstoris vxor deuoto spectaculo
 iam diu oblectata maritū aduocat quasi ad
 perfunctoriæ salutationis debitum officiū,
 nam hospes qui confederat illis in ædibus
 notissimus & charus erat . Accedens Quæ-
 stor Gundifaluus hominemq; comiter sa-
 lutans vidit hunc minimè assurgere , mox
 vidit nec posse . Hic resalutandi pariter &
 excusandi formulas tentabat proloqui, sed
 frustra, relabebatur enim in eadem Dei &
 Rosæ præconia , inde querula suspiriorum
 dulcedine accusabat violentiam gaudiorū
 quæ felicitis Rosæ anulus ingerebat : *ò*
 (:inquit) *amores! ò qua flammula! qui feruor! s!*
quam torrent suauiter , quam repunt tenerè
per medullas ! ò ignes , ò delicia , ò anima
astuantis vincula tenacissima, nexus periurā-
di , amplexus ineluctabiles ! Gundifaluus
 commiserantis & gratulantis affectui me-
 dius rogabat , num placeret anulum (: vā-
 de hæc lætitiæ tormēta erant) manu-mit-
 tere , vt illo sedilis & gaudij se carcere
 expediret ? tacuit homo , demum annuit
 sed

sed explicare manum implexosq; exserere digitos nequaquam potuit. Auxilium offerebat Quæstor: admisit. Mirum dictu; brachium Viri Gundisaluus obstipum reperit ac inflexibile, dexteram algido sudore madidam vt in mortuis solet, digitos circa anulum ita contortos, implexos, nodosq; incuruos, vt vi ac morâ opus fuerit qua sensim explicarentur. Hinc itum ad sinistram, quæ vt pectori auelleretur, pari anhelitu laborandum fuit. Sic deposito anulo cessarunt gaudia, cesserunt vincula, surrexit liber è sella qui paulò ante tenebatur in captiuitate lætitiæ nuptialis. Videbatur anulo instituto simul exuisse manicas & pedicas, quamquam fateretur, longè meliùs sibi fuisse in illo deliciarum cõpede, quàm in miserantis Amici præpropera solutione. Deniq; fidẽ silentij obsecrauit & abiit. Quòd si in aliena manu tanta potuit nuptialis Rosæ anulus, ipsemet nuptiæ quid non potuerint in Sponsæ anima

C A P V T X I I.

*Rosa perpeti orationis studio mixam
assequitur cum Deo vnionem.*

SI, qui adharet Domino vnus Spiritus est cum eo, 1. Cor. 6. fas erit inde conijcere, quam sublimem vnionis Diuinæ gradum Rosa attigerit, quæ orationis familiaritate iugiter soli Deo inhærebat. Adhuc infantem interna vnctio Spiritus orare docuerat, feruorem indiderat quem plerumque nec ipsa nocturna sônia distrahere ad
alia

alia obiecta potuere. Hinc sapissimè per noctem audita est dormiens numeratò totidèq; verbis reddere precatiunculas quibus per diem prolixius inuigilarat. Crescebat cum ætate religio, cum statura corporis eleuatio mentis in Deum, nam & pueriles ipsius annos exercebat seria meditando frequentia, subitissq; & præcocibus incrementis excelsa contemplationis peritia eò maturuit ac pertigit, vt circa duodecimum ætatis annum deprehensa fuerit iam conscendisse illum Orationis gradum, quem *Vnitium* mystica Theologia appellat. Sic compertum in examine quo de infra Cap. 14.

Porro duplici assueuerat orandi modo: prior isq; præcipuus erat, quādo exoccupato simul tum corpore tum animo quietissimè se totam collegerat ad loquendum cum Deo; alter, quando inter labores manuum externasq; occupationes mentem immobiliter figebat in Deum. Priori (: vt supra attigimus) cuiusvis diei naturalis horas non minus . 12. seposuerat. Posterior ei continuus erat, & quantum nostræ mortalitatis via permittit, nulli interruptioni obnoxius, nisi dum ad horam patiebatur visiones de quibus Cap. seq. Rarum hoc & singulariter admirandum in Virgine donum fuit omnipotentis dexteræ, quod siue dormiret Rosa siue vigilaret, nunquam & nusquam mentis suæ oculo elabebatur celestis Sponsi præsentia; dum nebat, tenebat, suebat, dum sericos acu pingebat, flores, dum alijs colloquebatur, dum comedebat. legebat, ambulabat, in templo, in hor-

to, domi, foris, in platea, in cellula, ubiq;
 obuersabatur interno obtutui cominus (:at
 velut in speculo) amabilis illa Maiestas
 cui seruiunt Angeli, cuius pulchritudinē
 sol & Luna mirantur. Et, quod omnem
 tum rationem tum admirationem supergre-
 ditur, occupabat Diuina hæc præsentia in-
 teriores Rosæ potentias sine notabili ab-
 stractione à sensibus, ita quòd dum Deo lo-
 quebatur intus, absq; impedimento simul
 alia quæq; necessaria cum domesticis trac-
 taret foris, respondebat ad interrogata se-
 riatim, appositè, ordinatè, conuersabatur
 expeditè, disponebat agenda, agebat dis-
 posita, facilitate, attentione, promptitudi-
 ne qua solent qui vnicè negotijs exte-
 rioribus intendunt. Nempè in S. Catarina
 Senensi simillimum gratiæ paradigma præ-
 cesserat, quando streperis culinæ offi-
 cijs damnata cōstruxit in intimo animæ re-
 cessu felicissimū illud impeturbabilis quie-
 tis conclaue quò nulla exteriorum tumult-
 uum importunitas penetrabat. Sic Rosa
 tota foris & tota intus, dum exteriùs fa-
 tagebat circa frequens ministerium, simul
 in secretissimo cordis thalamo deliciabatur
 cum Sponso. Hinc pluries in ipsa obser-
 uarunt Quæstoris filiolæ, quòd cum inter-
 suendum Rosæ filum & acum trahebat sur-
 sum, vnà cum brachio videbatur & ani-
 mus eleuari in exstasim, breniq; morula
 in sublimi suspēsa manus redibat ad opus,
 nec aberrabat acus à puncto quem reli-
 querat.

Aliud æquè mirabile huic dono accessit
 in cumulum, quòd inter orandum non faci-
 lè

lè mouebatur obiectis quæ ad ipsam minùs
 pertinebāt, tamquam si ad hæc sola obtor-
 puissent Rosæ externi sensus. Hinc sæpè
 in ea notarunt religiosæ foeminae, quòd si-
 cubi in populosissimo Templo angulū oc-
 cuparat è regione maioris Aræ attentius
 precatura, sedebat per horas immota, defi-
 xis in Aram oculis, nec prætereuntes vi-
 debat, nec ad repentinos circa se strepitus
 deflectebat obtutum; imò si quid videba-
 tur rectà incurrere in pupillas non attra-
 hebat nictu cilia, non claudebat palpebras,
 non declinabat vultum; vt putasses cæcam
 esse, quandò vel maximè aquila erat acie
 irretorta suum admirans solem. Hinc &
 illa Virginei sui corpusculi rupea immobi-
 litas dum in Templo, in Sacello Rosarii,
 in domestico Oratorio fundendis precibus
 vacabat: nam quo loco situq; ad orandum
 initio se conposuerat, eodem post horas,
 post diem integrum, post solidum cum die
 binoctium reperiebatur omnino inuariata.
 Sic Gundisalui vxor quandoq; pomeridia-
 na hora quarta inuenit Rosam eodem ge-
 niculatam angulo quem in puncto meri-
 diei ad meditationis exercitium occupa-
 rat. Sic in Ecclesijs, vbi aut 40. horarum
 supplicationi, aut alias SS. Eucharistiæ
 Sacramentum prostabat adorandum, Rosa
 quem summo manè infederat loco velut
 impetrata durabat in vespèrâ sine refectione,
 sine motu. Sic in Quæstoris domesti-
 co Oratorio, cum sese occludebat Rosa à
 manè feriaz V. vsque ad Sabbathum (:non-
 numquam & vsque in Dominicam) primò
 rogabat D. Mariam de Vfatogui, ne toto
 illo

illo temporis interstitio euocaretur quid-
quid demum occurreret , si vel ipsa Rosæ
Mater veniret Filix locutura : causam ro-
gata candidè respondit , se toto illo tem-
poris spatio immobilem de panimêto sur-
gere in pedes non posse, ne quidē ad Ora-
torij ianuam aperiendam siquis fortè pul-
saret ad limen .

Tres dietim horas selegerat , quas sigil-
latim manè , meridie , vespere solis gratijs
Deo reddendis insumebat . In his affectu
tenerrimo recolebat singula Dei in se be-
neficia , mirabatur eius erga se dignationē,
adorabat munificam prodigamq; tot dono-
rum, gratiarum , charismatū liberalitatem;
& sanè habebat quotidie noua quæ ex pu-
gillaribus attentissimæ gratitudinis recita-
ret . Familiare quoq; sibi effecit quoddam
orandi genus altissimum , luminosum, igni-
tum, quo nominatim gloriosa Dei attribu-
ta mente peruoluens, singulis propria
latriæ cultum exhibebat . Verū-tamen
vt in his alieno potius quàm suo fideret in-
genio , pium doctumq; è Societate IESV
Theologum adiit , Dictionum epitheto-
rum sinceram è Sacris Paginis nomen-
claturam sibi in epitomen colligi flagita-
uit . Obsecundauit ille, collegitq; plu scula,
sed Virgini pro affectus magnitudine
videbantur pauca fascem cupierat non fas-
ciculum ; itaq; à P. Magistro F. Ioanne de
Lorenzana grandius supplementum obti-
nuit, donec summa numeri ad. CL. pertin-
geret . Hæc ordine aptissimo in XV. deca-
des secreuit , vnicuiq; decadi versum sub-
iecit : *Gloria Patri &c. Sicut erat &c. Por-*

rò affirmabat hanc orandi formulam terro-
ri esse dæmonibus; vtique numquam id
affirmatura nisi experimento suo compro-
basset. Deniq; in his Dei attributis pene
tota mouebatur sui cordis systole atq; dia-
stole, tantùmq; in ijs profecerat, vt modeste
aliquando fassa sit, etiam inter nendum ad
singulas acus puncturas nouo se Deum eni-
comio compellare.

Insuper notatum fuit, adeò Virginem
orationi adhæsisse, vt familiares sermones
quibus erga alios utebatur, simul vim ora-
tionis plerùmq; continerent, quodq; inter-
rogantibus responsum dabat simul idioma
erat mentis in Deum eleuatæ; exempli gra-
tia, si cum alijs foeminis hortum intranti
operosius laudabatur viridarij amænitas,
respondebat comiter: *Venustus ac pulcher
est hortus, Deus illi flores adaugent*. Verùm
ipsa præcipuè indigitabat hortum animæ,
cui a Deo precabatur florida augmenta
virtutum: sicq; ingeniosè vni paræniæ du-
plicem sensum includens altero satisfacie-
bat alloquenti, altero Deum alloquebatur
ipsa. Obseruatum id crebò, inq; diuersissi-
mis materijs, quarum vix vlla effugiebatur
hanc spiritualement & sanctam æquiuocandi
solertiã, ne quid Rosæ ori excideret quod
non esset oratio.

Accidit quòd die quadam ab Ecclesia
domum rediens, vt sensit malè sibi esse, pal-
mentum sibi ex aqua tritoq; pane obiter
parare constituerat, vtq; focum accende-
ret, ardentem aliundè titionem fuerat mu-
tuata. Dum reuertitur, audit è pergula
canoram auiculam. Substitit Rosa non de-
dignat-

dignata volucrem auscultare tantisper vtpotè Dei laudes (: vt sibi imaginabatur) modulo suo cantillantem . Pergebat auicula modulari, variabat lepida vocis argutias , duplicabat gargarysmos ; at Rosa subito pudore in se reducta obiurgauit seipsam : *quid ?* (: inquires) rudis ista bestiola meum suumq; Creatorem laudat pastus sui oblita , & ego parando mihi cibo occupabor ? quantulum est quod huic donauit animalculo naturæ Autor , & en totis præcordijs totis viribus ei rependit laudis tributum , ego verò de pastu cogito , nec sollicitor quid retribuam Domino pro omnibus quæ retribuit mihi ! Hinc conuersa ad titionem quem manu gerebat, vndeque extinctum vidit , mirata se tanto tempore illic substituisse , dum totus paulatim extingui titio potuerit : credebat, se nec dimidium horæ quadrantē in auiculæ musica hæsisse attentam , & forsân horæ integræ effluxerant. Proinde in se denuq; retracta , capit & ipsa laudare Deum , eo furore qui sensim Rosam abripuit in extasim nec ab ea vsq; ad vesperam sese explicuit, cum manè tribus circiter ante meridiem horis auiculę melodiã cœpisset auscultare.

Paradoxum foret, si Rosa quod alijs tanto conatu suadebat , sibimet ipsi non æquè seriò persuasisset . Quidquid hortabatur proximos , quidquid inculcabat, vnum orationis studium erat . Ad huius exercitium Scholamque inter alios Ferdinandum germanum suum fratrem nitebatur allicere, promittēs laborem exiguum , fructum eximium atq; inæstimabilem fore.

re. Ille de fructu nil dubitans laborem
 difficultatemq; maiorem credidit quàm
 Soror aut prædicabat aut credi vellet;
 quidquid de saluberrimi exercitij facili-
 tate iactabat Virgo, meras ipse hyperbo-
 les foemineæq; simplicitatis fabulas inter-
 pretabatur: nec tamen destitit Rosa do-
 cere fratrem, qua methodo ac ratione in-
 ter medias seculi occupationes animum
 teneret in oratione defixum. Pari solici-
 tudine pios libros, quotquot de Oratio-
 ne peritiùs tractare nouerat, & legebat
 ipsa & legendos alijs facunda efficacitate
 consulebat. In his eminebant Ludouici
 Granatenfis erudita Opera de Oratione
 ac meditatione, quibus assiduè euoluen-
 dis reuoluendisq; Rosa hebdomadam diui-
 serat, varijsq; colorum signaculis quid si-
 bi quoquo die legendum distinxerat. Nec
 minore cura PP. Confessarios quotquot
 adire poterat, monebat, rogabat, obse-
 crabat, vt suos pœnitentes omni suadela
 & arte inducerent ad mentalis orationis
 subeunda gymnasmata, aduerterent ma-
 gnâ hanc esse pharmacopeiam omni ad-
 uersus peccata antidoto instructissimam,
 orationis vsu purgari spiritum, alligari
 animarum vulnera, hac aperiri cellam
 Sponsi vnguentariam, omnisq; ceromatis
 apothecam. Nec Rosa his contenta, ipsos
 quoq; Diuini Verbi præcones frequentis-
 simè compellabat, suos auditores ad ora-
 tionis exercitamenta inflammarent, vsu
 piarum meditationum populariter inuehe-
 rent, disciplinæ huius utilitatem, suauita-
 tem, præstantiam omni argumentorum vi,
 totoq;

totoq; facundiæ suæ connisū priuatim ac publicè commendarent. Peculiariter afficiebat Rosam Parthenici Rosarij deuota recitatio, at sub eo ritu ac norma, quam illam primitus ex instructione Deiparæ tradiderat mundo S. Pater Dominicus, hoc est cum innexa decadatim consideratione mysteriorum nostræ Redemptionis. Amabat hanc precandi formulam, quòd in ea coaluissent mentalis simul & vocalis oratio, singulæq; huius partes & affectus, petitio, vox laudis, gratiarum actio &c. Hinc Rosa velut armillam brachio circumligarat paruum ex minutissimis orbiculis Rosariolum, cuius granula occultè trahebat ad singulas salutationes Angelicas, etiam vbi alloquijs & conuersationi se reperiēbat implicitam. Profuit sanè permultis hoc exemplum Rosæq; ardens hortatio, vt frequentandis Dei laudibus familiariùs adsuescerent.

Quinimo hic orandi affectus in Rosa tantæ energiæ fuit, vt vel ipsas insensibiles plantas, stupida ligna, mutosq; stipites ad laudem, reuerentiam, adorationem Deo exhibendam mirabiliter inclinarit. Rem adfero inauditam. Matutino crepusculo Rosa de more ab cellulam suam anachoreticam reditura, simul vt horti ianuam pandebat, eminus conspectas arbores, virgulta, herbulas omnes inuitabat vt secum benedicerent Creatori: *Benedicite vniuersa germinantia in terra Domino.* Et ecce, moueri subitò in euphoniā & concentum ramusculos, collidi frondibus frondes, plaudere omni ex parte streperos

ros foliorum susurros, motitari humiliorum plantularum capita; ipsa legumina, flores, frutices, corymbos agitatione varia quodammodo animari in placidam hymnidici murmuris harmoniam. Neque id satis: ipsa simul arbusta flectebant ramos in terram velut osculatura solum in Conditoris sui reuerentiam. Accidit, quod mane quodam probatae fidei persona se Rosæ hortum adeunti comitem adiunxerat; vix intrarant, cum ad solitum Rosæ inuitatoriū vidit certatim incuruari arbores, adeo quod summitatum cacumina terram attingebant lentèq; verrebant solum, velut profundæ adorationis solemniſſimo ritu. Obstupuit Socia, præsertim quod videret id Rosæ peregrinum aut nouum non esse, nam aliundè quoque innotuit huius prodigij conspicua frequentia, vt illud Virgo nec celare conata sit, nec negare potuerit, subiungebat tamen: vide, num amari dignus sit ille admirabilis mundi artifex! vide an laudari, coli, adorari mereatur à nobis illa æterna Maieſtas, cui terrenum hoc germen, rudes trunci, cuncta vegetabilia modo quo possunt laudis canticum adsusurrant, pronæ venerationis tributum pendunt?

Aliud suppar, & finio. Anno qui Rosæ vltimus fuit, per totam Quadragesimam Sole occiduo aduolabat propè aduersus Rosæ cubiculum auis pamiula sed mirè vocalis ac sonora, ibiq; vicinæ arboris frondem occupabat, quasi dato signo eruptura in cantum. Rosa conspecto hoc suo vespertino choraule sese & ipsa parabat ad
 lau des

laudes Deo modulandas. Exin quasi tef-
fera data inuitabat auiculam metro quod
hunc in vsum composuerat, ferè hoc sensu.

Laxa fibras philomela, dulce prome caticū,
Pangat hymnum vox anhelæ, collaudemus
Dominum.

Tuum lauda Creatorem meum ego Salvatorē
Deum vtriusq; nostrum collaudabo. Pande
rostrum,

Pande guttur cantillando. *Alternantes*
concrepando

Melos demus vocibus.

Confestim auicula tractu vocis lenissi-
mo inchoabat argutulam cantilenam, ac
sensim vocalior asurgebat in epiphonema,
multisq; flexibus sinuosam absoluēs Oden,
Virgini cedebat vicem. Tacenti auiculæ
succedebat Rosa, ac voce qua præstabat
cinnula suauissimaq; prosequabatur Diui-
nas laudes ingenio ad miraculum fœcun-
do ac prompto: Mox conticescente Ro-
sa ex abrupto carmen suum resumebat
auicula, duplicabat intercisionum minu-
tias, tremulis arteriōlis volubiles confun-
debat accentus, deprimebat, eleuabat,
torquebat facillimas lubricæ voculæ ar-
gutias, & repente velut ad pausæ signum
interquiescebat. Subintrabat continuò
cinnula vox Rosæ, instaurabat iubilum,
magnificabat ineffabiles perfectiones altis-
simi Numinis, attollebatur vrgente spiri-
tu, languescebat facundis suspirijs, demum
prærupto suo silentio antiphonascum suū
reuocabat ad cantum. Ita in Dei laudi-
bus

bus alternabat Rosa & auicula, idq; non
perfunctoriè, sed integrò labentis horæ
spatio, tanta lege ac ordine, vt canente
auicula ne quidem mutiret Rosa, & vicif-
sim Rosa modulante auicula attentissima
nec pipiret; tandem in puncto horæ sex-
tæ pomeridianæ quasi perfuncta officio
auolabat, postridie ad idem reditura. At
Virgo piorum rythmorum extempore
ferax Odai proscænium claudebat hoc fe-
rè epilogo.

Vt amente ò Rex me cūcta stringunt iura,
Cum tu Creator sis, & ego Creatura.
Deinde ad adstantes socias lepidè
Conuersa subdebat:
Auicula me deserit, fugit succentor meus,
At semper mecum permanens sit benedi-
ctus Deus.

Latine hæc satis esseferri non possunt, quæ
in Hispano Rosæ idiomate proprijs nume-
ris venustiùs illigabantur. Sat esto, quòd
Rosæ ea Orationis vis fuerit, qua volu-
cres cœli, qua terræ germina sibi attraxit
in alternam adorandi societatem.

C A P V T X I I I.

*Rosa desolatorijs visionibus exercetur,
ac horrendas alterius vitæ penas
degustat.*

QUod auro fornax, id iustis & electis
tribulatio: præcipuè vbi obuiandum
periculo ne magnitudo reuelationum ex-

tollat. Hæc Paulo hæc Rosæ fornax diuinitus obtigit, sed diuerso igne. Illum stimulus carnis subiecit colaphis, hanc carbones desolatorij coxerunt in internæ derelictionis pœnali sartagine. Vterque præ angustia clamauit in cœlum, vtrique responsum cœlitus: *sufficit tibi gratia mea, nam virtus in infirmitate perficitur.*

Ad rem. Vsq; ad gradum perpetis cui Deo vnionis Virgo ascenderat, simulque coepit in dies singulos atrocissima pati mentium obtenebrationum interualla, quæ nō obiter sed solidis plerumq; horis eò deprimebant miseram, vt sepè nescierit in gehenna esset, an in Purgatorij duro carcere, vel quibus in ergastulis reclusa caligaret. In ictu oculi se inueniebat illic, vbi nulla suauissimi Numinis memoria, nullus Diuinæ præsentiae gustus, nullū cuiuscumq; solatii aderat vestigium, vmbra, mentio. Desertum erat obscuritatis, languoris, hebetudinis; regio mortis, nox deliquij, antrum ultimæ calamitatis; in eo quàm longinquus Virgini Deus, tam procul ipsa sibi. Iacebat sub tenebrarum immani pondere gemens Rosa, nec ad obiecta supernaturalia, imò neq; ad naturalia sese valebat attollere. Conabatur intellectus vel minimas Deitatis arripere stricturas, sed omne lumen diffugerat, cupiebat volūtas amare, sed cōgelata obtorpuerat, laborabat memoria è multis aliquam saltem præteritorum fauorum imaginem menti adducere, nec poterat. In penarum cumulum recordabatur velut in nebula, aliquando se nouisse Deū & dilexisse, at sentiebat se nunc eundem

nec nosse nec diligere, utpote quem velut peregrinum, absentem, alienum, extraneum, vixq; de fama notum eminus, raptim, tenuiter adniscabat. Hoc verò omnium molestissimum erat, tam procul exulare à Dilecti notitia. Tentabat deinde, saltem per vestigia illum quærere in creaturis, sed nec illa nec istę apparebant sub lineamento quo solita analogia representarent Creatorem. Interea terror & angor strenuè obibant partes suas. Vociferabatur cor afflictum, *Deus Deus meus, ut quid me dereliquisti?* Sed in vacuo animę exinanitæ respondebat nemo, nec echo quidem. Redibat ad luctum conatum, sed consopitus erat omnis affectuum calor, obtusa omnis ratio, omnem undiq; pietatis sensum profundissimus obsederat lethargus. Quid ageret sub his tormentis Virgo tam diuulsa in se, quàm auulsa à Dilecto?

Verum præcipua dolorum pars erat, quòd hi faciem præferebant quasi æternum duraturi, nec finem ullum promittebat vasta miseria, nusquam patebat huius labyrinthi exitus, videbatur quasi muro adamantino obstructum effugium: unde perplexa Rosa non reperibat quo ab infernali *pœna damni* hanc suam infelicitatē secerneret. Conabatur inde venari tristissimum solatium, quod putabat sub his cruciatibus se sensim interituram, neq; enim videbantur tales, qui sine totali destructione fragilis creaturæ subsistere diu possent; at tunc ei importunè occurrebat animæ suæ immortalitas quam nulla poenarum vis interimere nullus infernus extinguere sufficeret.

ceret. Interdum prope erat, ut inconditos clamores ederet imploratura auxilium, at reprimebat cassos impetus, memor neminem posse calamitati tam inexplicabili succurrere, sibiq; deesse verba idonea quibus eam proximis vel tenuiter adumbraret, sed neq; in orbe toto reperiri Doctorem adeo disertum, profundum & eruditum, qui huius poenæ gravitatem aut speculatione assequi, aut animo complecti posset.

Per ipsos quindecim continuos annos quotidie minimum semel in hanc desolationis caliginem demergebatur pauens ac tremens Rosa, nec minus horâ integra (: quandoq; diutiùs) palpitabat sub hoc agone ; tantumq; absuit quod vlla hos terrores mitigarit assuetudo, ut penè adauxerit : nam ubi postridie Virgo relabebatur in idem chaos, denuo sub eadem luridæ æternitatis larua recurrebant horridi pavores, nec mærenti suggerebat ligata memoria, quòd inde pridie emerisset. Vnde iterum anima eius in malis tabescebat, iterum diffugiebat omne euadendi solatium, iterum, exanimem abyssi operiebant, & Rosa tota iam spinea imò spina rigebat in ima voragine tribulationum. Attamen quibusdâ diebus velut per rimulam irrepebat afflicte lentum tantillæ spei crepusculum, quo utcumq; suspicaretur hoc animi supplicium sine non cariturum, sicq; videbatur Purgatorii magis quàm inferni ærurnam sustinere. Nihilominus & tunc scruissimè vrebatur Sponsi morosa absentia, affligebat durissimi exilij cruda relegatio, contristabat

bat amarissime viduitatis longum diuortium,
 & quod reliquam superabat molestiam, tunc
 quoque conabatur & nosse, & amare, sed
 neutrum poterat; cæcutiebat mens confu-
 sa, oberrabat, palpabat, impingebat orba-
 ta lumine, quærebat, pulsabat, gemebat spi-
 ritus contribulatus nec audiebatur, exar-
 uerat cordis fundus, distabuerat virgor,
 nulloque vitali motu, nullius affectus sape-
 re Diuinis afficiebatur. Denique tantus fuit
 istarum figurarum horror, tanta hororris
 acerbitas, quod Rosa tamen ad quiduis
 sufferendum à teneris impauida vnicum hunc
 amaritudinis calicem à se transferri enixe
 petierit tamquam suis viribus omnino su-
 periozem ac simpliciter intolerabilem; vn-
 de rogabat Sponsum, dignaretur potius ip-
 sam deducere per vias ordinarias suorum
 electorum, nec ultra permetteret sic amā-
 tem dehiscere ad ima profundum, vbi non est
 substantia. Et reuera, vt durum sit animam
 separari à corpore, durius reuelli à semet-
 ipsa, durissimum fuit reuelli à Dilecto post
 experimentum vnionis ac suauissimorum
 amplexuum, siquidem Augustino teste
 quod corpori est anima hoc amanti animæ
 Deus, illique minor est poena ab animando
 quam ab amando desistere aut repelli. Ni-
 hilominus Rosa vt agnouit sic placitum esse
 ante Deum, virili planeque heroico spiritu
 amplexa tormentum, *non mea* (: inquit)
voluntas fiat ita tua. Sicque constanter ad
 securam diei similem equuleum sese præ-
 parabat, numquam secuta in quam horam
 is pauidam exspectaret.

Tam abstrusa, monstrifica, ignota erat

harum defolationum figura & natura, ut vix demum reperti fuerint Theologi perspicaces & gnari, qui de illarum crasquidpiã certi præsumerent diffinire. Initio Rosa diuersos adibat Confessarios, si quid fortè remedij, leuaminis, aut saltim consilij dare nossent: at illi nec satis assuebantur quid Virgo dicere conaretur, nec peregrina tot ænigmatum inuolueracogitatu sat capaci adæquabant. Vnus respondebat, aut deliria esse, aut insomnia. Alius rem ad lemures & spectra imperitè reijciebat. Non defuit qui nugas, aut sanè dæmonum præstigias & vana terri- culamenta suspicaretur. Æquiores fumantis melancholiæ seu atræ bilis esse paroxysmos interpretabantur, quòdque cerebrum inedia ac vigilijs attenuatum nimis pateret horridis luridorum phantasmatum incurfibus, ex adustione vitii splenis, aut fœculenti sanguinis corruptione. At Rosa, quòd certò feiret hanc calamitatem non esse à corpore, tristabatur grauius, neminem se inuenire qui vel morbum intelligeret, vel in tantæ perplexitatis charybdi cynosuram aliquam ostenderet. Ingemiscebat deinde ruditati suæ, quòd præ inopia sterilis (:ut putabat) ingenioli ac loquendi inscitia non poterat afflictionem suã idoneis vocabulis explicare. Sic ergo incurabilitatis suæ culpam imputabat totam sibi. Vnum supererat exile solatiũ, quòd Mater sicut auxiliari non poterat, ita hos Filiæ terribiles agones penitus ignorabat, turbanda aliàs & turbatura si rescuisset. Verum & hoc Virgini tandem nouæ vexationis,

tionis auctarium fuit : nam ut aliquoties in vultu Filiae notarat parens , eam statim horis interdiu expallescere , angi , palpitare , ac mortuali sudore propemodum congelari , importunè quod repentinæ ægritudinis id genus esset , curq; dissimularet rogabat , & quò minis Filia quid pateretur eloqui poterat , eò vehementius miseram urgebat mater , instabat , adiurabat , quasi internum tormentum alio tormento inuestigatura . Excusabat puella , se ipsam non satis habere compertum quid in anima sua peteretur , sed Mater fonticū morbum suspicata (: præsertim quòd eadem nonnullorum Confessariorū erat seu crisis seu imperita credulitas) Medicum aduocat , eiusq; curæ inutuli suam tot vndique tribulis vexatam Rosam cōmendat . Protestabatur innocens Virgo , incassū huiusmodi sumptus , labores , tempus dispendi , malum suum nequaquam in corpore sed intus in spiritu sæuire ac dominari ; sed audita non fuit . Proinde videns frustra se repugnare , nec fidem suis dictis haberi , tacuit ac medicinæ se subiecit quā sciebat nil profuturam . Nempe hoc vnum adhuc defuerat tantæ suæ calamitatis fastigio , quòd insuper cogeatur velut malè sana ad nauseam catapotia , pharmaca , phlebotomias admittere .

Nitebatur subinde Rosa , vbi de hac suæ desolationis fornace fidentiùs loquendum erat , adinuenire similitudines quibus vtcumq; rem adumbraret , sed mox fatebatur se actum agere . De igne hoc nostro elementalī aiebat ridendam esse .

comparationem , quia is nonnisi *pœnam*
sensus quam vocant infligere aptus est;
 Videbatur aliquid huius attigisse Augu-
 stinus , quando inuenit se longè à Deo
in regione dissimilitudinis : aliquid item in
 se percepisse Rex citharædus ps. 54. quod
 appellauit *passillaniam ratem spiritus* *in rem-*
issatam , vel quod Paulus emphaticè vo-
 cat *crathema à Christo* . Sed plura sentie-
 bat in se Rosa, quàm verba ista exprime-
 rent , aiebat terrores illos horridasque
 imagines talem sibi inferre dolorem , qui
 millies & millies sufficeret cor , vitam , a-
 nimam eripere , nec se illi sustinendo pa-
 rem vniquam fuisse, nisi quatenus prodi-
 giosè manu Omnipotentis conseruabatur
 in vita . Fuit qui putarit Virginem deduci
 à Deo per scrupèas vias S. Antonij
 Eremitæ , quem inferni monstra formis
 terrificis agitant . Verùm is conflictus
 erat non afflictio, aut fuga roboris. Credi-
 tur S. Catarinam Senensem aliquando idè
 quod Rosa passam esse; de B. Henrico
 Susone id velut compertum tradit histo-
 ria. Visa est ad huius doloris saliquam si-
 militudinem aut proportionem assurgere
 ille quem à mordacissimis scrupulis pati-
 tur mens delicata , cum Cœlum sibi ve-
 stibus clausum , Deum hostiliter auersum
 infernum rictu immani patulum suspica-
 tur anima sibi inet ad modicum derelicta .
 Deniq; viuaciùs hunc Rosæ cruciabilem
 horrorem Jessigiabat Christi in supremo
 Iudicio vultus asperatus , rugosus , ipsiq;
 dæmonibus terribilis, dum cogitatur velut
 iam-iam dicturus horrendum illud : *Te*
male-

malesisti. Has rugas, hoc tonitru, hunc
 panorem videbatur sibi experiri *maximissi-*
ma Rosa dum laborabat sub hora sui de-
 liquij, adeo post varias at numquam sat
 æquas comparationes effari aliud non po-
 terat quàm : *dolores inferni circumdederunt*
me, præoccupauerunt me laquei mortis.

Bis Virgo compulsæ fuit edicere alterâ
 huius scenæ partem, videlicet qualis sibi
 soleret post huiusmodi nubila illucescere
 Phœbus; fieri enim non posse quin Spon-
 sus ille dulcissimus post tam diram ac te-
 nebricosam eclipsim insigniter recreet ac
 reficiat animam tot doloribus humiliatam.
 Ad hæc verba maluisset Rosa aut tacere,
 aut arte ac dissimulatione sermonem aliò
 deflectere, sed ut vidit euadere se non pos-
 se, ingenuè candidèq; falsa est (: quantū
 per congruorum vocabulorum penuriam
 potuit) magnalia Dei, quæ sibi post trir-
 itissimam ærumnâ obtingebant, ut in mo-
 mento se videbat repositam in vnione qua
 exciderat aut se excidisse putarat, ut re-
 pente sentiebat totam simul animam col-
 lucere & inflammari. Verùm de his op-
 portuniùs in descriptione examinis Cap.
 seq. Libeat interim mirari lusum Æternæ
 Sapientiæ, quæ ad fructum vberiore ele-
 ctas animas sic *mortificat & vinificat*, de-
ducit ad inferos & reducit.

C A P V T X I V.

Rosa Doctorum examen subit, ut probetur spiritus an ex Deo sit.

ARcanum Gratia lumen quod ab infantia Rosam deduxit per vias rectas, simul reflexu admirabili certitudinem indiderat attractus. verè Diuini minimèque fallacis, ita quòd de rectitudine semitæ per quam ibat, ambigere non posset, quàmuis hanc parùm tritam, verisq; & obscuris vestigijs, vix notabilem comperisset. Nec tamen, (: quantumuis certa) videri volebat quod erat, vnde humillima Rosæ modestia graue, serium, perq; interualla repetitum examen suæ vocationis ac spiritus recusare non præsumpsit. Inter alios præcipui quos bona sors huic subtilissimæ explorationi destinauit, fuere Doctor Ioannes de Castillo & P. Magister F. Ioannes de Lorenzana, cui in Rosam totum vsq; ad extrema competebat imperium. Fuere & alij, at succedanei, quiq; ex occasione diltaxat poenitentia Sacramentalis interdum studiosius intimas eius anime latebras peruestigarunt. De primis duobus pauca hic præfari necessum est, vt ex horum sanctitate, & peritiâ vis, pondus, fides maturri mi examinis aptius innotescat.

Doctor Ioannes de Castillo professione Medicus, statu quidem Secularis, at exercitio, conuersatione, spiritu planè religiosus, Lima illis diebus inter selectos Dei famulos eximius habebatur. Philosophiæ ac Medi-

Medicinę studijs ad summum apicem eruditus, insuper in omnia Metaphysices adyta summo ingenij acumine penetrarat; celebris ob id in Scholis, in exedris, in doctissimorum virorum congressibus, præsertim quod mira perspicuitate conceptus sublimes & altissimos proprijs terminis nosset explicare. Vita ipsius merum erat pietatis speculum, ita quod putaretur virtutes singulas in gradu heroico possidere. Mysticam, Theologiam non nudis speculationibus sed viuis, & altissimis experimentis exactè didicerat, suisq; principijs, regulis, & capitibus methodicè digestam egregiè callebat, adeo quod famosus ille nostri Seculi Mystagogus Didacus Alvarez de Paz Soc. Iesu in Peruano tunc Regno Prouincialis, dum suas de Oratione, Meditatione, & Contemplatione præclarissimas lucubrationes apparabat, hunc Virum in plurimis sibi duxerit consulendum, ipsumq; Tomo 3. de contemplatione Lib. 5. circa punctum *an voluntas ferri possit in incognitum*, suppresso nomine (: siquidem adhuc in vinis erat) allegat, velut Orationis ac solidæ perfectionis Magistrum, tantumq; digito intento non demonstrat. Scripsit iubete Didaco Aluarezio Castillius iste nobilem Tractatum de ijs, quæ sibi inter contemplationum radios ac lumina occurrerunt. Vidit librum & obstupuit Myrensis Archiepiscopus talium rerum scientissimus, illumq; transcribi fecit Romano Pontifici coram offerendum. Hac de Doctore Castillo tunc supersite post alios iuridicè testatus est Petrus de Orte-

ga Sotomayor ex Limensi Cathedratico primario, Canonico Magistrali, Archidiacono Metropolitano, & S. Officii consultore Episcopus Truxilli, dein Arequipæ, deniq; Culci. Addebat, plura de hoc Viro ac grandiora se prolaturum in publicum, dummodo vltra illum superuiuere contingat. Nunc (: sed breuius) ad alterum.

P. Magister F. Ioannes de Lorenzana Ord. Præd. testante eodẽ Illustriss. Præsule eundem cum D. Castillo, aut saltem non inferiorẽ obtinebat sanctimonix publicæq; opinionis gradum. Eminebant in ipso certabantq; de primatu excelsa vitæ perfectio & Scholasticæ Theologicæ profunditas: concurrebant ardens contemplandi studium & actiua gubernandi dexteritas, vis perspicacis in genij & alta iudicij maturitas, fuga seculi, & vsus negotiorum. Hinc successiue tot siue Scholarum siue Coenobiorum ac Prouinciarum in eum confluxerant Præfecturæ, nã Regiæ Vniuersitatis Limanæ matutinus erat Cathedraticus Theologiæ, quam primus inuexit Regno, & in Peruano S. Inquisitionis tribunali censor quem vocant *Qualificatorem*; item Conuentus Limensis Prior, deinde Prouinciæ S. Ioannis Baptistæ Vicarius Generalis, tandem Prouincialis & Visitator, æquẽ in rebus tum Ecclesiæ tum Reip. versatissimus, omni hominum ordini, summis, medijs, infimis charus & admirandus, ad quem velut ad commune vrbis oraculum ardua quaq; negotia certatim adferebantur ex consilijs Antistitem,

ex Regio *Indiennia* (: vt vocant) Senatu, ex Consistorijs, Iudicijs, Dicasterijs, ex interno extimoq; foro, quia donum Consilij mirificè in tanto Viro eminere sentiebant omnes. Porro quantus fuerit Lorenzana in ea quam iure *Scientiâ Sanctorum* dixeris mystica Theosophia, quantus in sapore & experimento rerum cœlestium, quam exercitatus in altissimæ cōtemplationis disciplina, quàm oculatus ac Lynceus in prudēti spirituum discretionē, hoc vnum (: si reliqua deessent) indicio sufficeret, quòd Diuina prouidentia singulariter ipsi spiritum Rosæ commiserit gubernandum. Vnà hic commemorandi forent laude non multùm impari P. Didacus Martinez Soc. Iesū, Patres Magistri F. Alphonsus Velasquez, F. Ludouicus de Bilbao, & F. Ioannes Perez, ac primorum duorum examen tot ac tanta complectitur, vt ex reliquis nil addi possit. Modò ad rem pressius. Assedēre primo examini honestatis gratia Rosæ Mater & D. Maria de Vñategui. Coram his D. Castillus integro trium horarum spatio Virginem in domestico cellulæ horto velut indagine cinctam per varias quæstiones distinxit, animaq; venis diligentissimè perterritatis omnia sana ac salua inuenit. Primò interrogata, à quanto tempore cœlestes stimulos & tranquillū orationis spiritum concepisset, respondit simplicissimè, temporis quidem se non meminisse eò quòd à prima pueritia se repererit fundēdis precatiunculis apprimè deditam, ac tota mente ad serios meditandi conatus & rectam

rectam, vt nihil occurrere sibi dulcius poterit, quàm Deo loqui, Deum cogitare, inhiare supernis. Non puduit fateri ista coram Matre, quæ quàm vera diceret, nimis conscia erat. Interrogata de successibus in hoc studio profectibus, an pariter semper applicatione animi, facilitate, collectione, ac imperturbatæ mentis serenitate orauerit? respondit, vsq; ad duodecimum circiter ætatis annum se varia inter orandum temperie, difficultatum subinde vicissitudines percipisse at breues & modicas, plerumq; animo libero & quiescentissimo perrexisse in Deum, at interdum quoq; cum imbecillitate corpusculi, cum somnolentia, & distractionibus luctandū fuisse, verum ab illo tempore in posterū expeditius se orare, eò quòd inter initia sentiret mirabiliter à Deo introrsū attrahi totam animam cum singulis potentijs, gustuq; indicibili intellectum, voluntatē, memoriam Diuinæ pulchritudini sic intus affigi, vt nec sponte se phantasmatum interkursu diuellere, nec occupationibus sensuum externorū distrahi possit à complexu & admiratione præsentis in anima dulcissimi Numinis. Instabat Doctor, an non sue Imaginatiuæ vim aliquam adhiberet, dum reliquæ internæ potentiæ sic inhærebant saporì Dei, an & quo quantouque connixu, labore, fulcro in hac suspensione dulcissima se sustineret? negauit Rosa laborem, vim connixum adesse à parte sua, vltro ad tractum quasi magneticum potentias sequi & suo centro obuerti cum simplicitate, cuius vel vnica silla infiniti Oceani.

ceani amaritudinem corrigeret ac dulcoraret; Inde notabiliter in cor suum descēdere calores & ætus periuundos, quos explicare non possit. Hinc radiare continuò in animæ suæ fundo præsentiam serenæ, amabilis, propitiæ Diuinitatis, hanc certò se illic deprehendere, nec alio oblectari se posse, quàm quòd experimentaliter hac certitudine sentiret intra se Deum. Quæ fuit Doctor, num fortè de mystica theoria libros lectitaret, qui aut methodum artemq; huius introversionis docuissent, aut saltim illius naturam, signa, proprietates, effectus dissertando exponerent? Negauit inops Virgo talium librorum sibi adesse copiam aut vsum, in his solam experientiam & praxim sibi fuisse pro codice, ideoq; se intima animi sui sensa vti vellet appositè efferre non posse, ruditati suæ ne nomen quidem si quod proprium extaret huius intuitiuæ orationis, innotuisse.

Tunc Castellus, vt erat in hac Schola versatissimus, aggressus est proprijs notionibus explicare Virgini secretam huius, excelsæ illustrationis hieraticam, nempe asceticæ disciplinæ Magistris hoc genus contemplandi orationem vnionis dici, hic intellectum formari specie non acquisita sed supernè infusâ, neq; conuerti ad corporea phantasmata sed imaginibus vacuè spiritualis formæ luminosa puritate imprægnari: hic Deum immediato intimoque illapsi, implere sacrarium fidelis animæ, hic partem affectuum increari Amoris decidua flamma igniri & candescere, atq;

in palato voluntatis felicem beatæ frutionis prægustum inchoari . Plura addidit ex mysticæ Theologiæ aphorismis, de simplificatione cordis , de cynosura purificatæ intentionis, de nuditate affectuum , de indifferentia resignata, de arcanis introductionibus, de abyſſo luminis, de sopore omnis discursus in intuitu cœlestium , de fonte vitæ, de alijs, quæ Rosæ talium capaci & placuere supra modum, & profuerunt deinceps ut suis Cōfessarijs ex hoc vocabulario se nosset clariùs atque significantiùs explicare .

Perrexit Doctor , & studiosè in viam purgatiuam resiliens quæsiuit , quam diu, quibus industrijs, quanto sudore pugnandum sibi fuerit in prauas animi inclinationes, in vitiorum armata latibula, in morbos indomitæ effrœniumq; passionum? Respondit, vix se meminisse talium certaminum , ab infantia se magno Dei fauore sensisse faciles & summè connaturales propensiones in virtutem absq; vlllo tumultu passionum , à prima Dei notitia repletam se fuisse timore & horrore peccati , & si quis motus indeliberatus aduersus rationem nitebatur assurgere , repente ex apprehensione Diuinæ præsentia citra conflictum euanuisse. Interrogata, quid solatij captaret ex creaturis, si cotingeret animi contemplandi labore fessum non nihil remittere, aut per eutrapeliam tantisper relaxare? Respondit , nulla re creata recreari se posse, in hoc solo & vnico omnium suum oblectamentum consistere quòd tanta cum certitudine sentiebat in anima sua

præ-

præsentem Deum , quem si vel ad momē-
 tum ē conspectu perderet, id sibi acerbū
 omni iactura , diuisus omni gehenna vide-
 ri . Petijt Doctor , quandoquidem in eū
 gradum nonnisi per tribulos & spineta as-
 cenditur, num saltim aliunde persecutio-
 nes & ærumnas passa fuerit ? annuit Vir-
 go , sed ob reuerentiam Matris illic præ-
 sentis ad singula non descendit , contenta
 dixisse generatim , se à domesticis ob vitæ
 singularitatem varias molestias , insultus,
 vexationes tolerasse . Verū ab ijs op-
 portuna digressionē incidit in horrendas
 illas visiones , figuras , pauores, de quibus
 Cap. superiori actum est , magnisq; preci-
 bus exorauit Doctorem , vt sibi illius de-
 solationis ac supplicij naturam, originem,
 critiria, propriamque interpretationem
 doctè elucidaret . Non recusauit Castil-
 lus edicere quæ sentiebat : quando (: in-
 quit) in illa obtenebratione videbaris tibi
 exitum finemq; sperare posse, scito anima-
 rum in carcere Purgatorij lugentium di-
 lationes pœnosissimas te delibasse; at quā-
 do nulla tibi affulgebat spes euadendi , &
 quidam eternitatis fumus peruidebat hor-
 roris caliginem , ipsissimus Inferni typus
 erat . His pœnis eruditur anima ad sui
 notitiam , dum in lucis ac tenebrarum vi-
 cissitudine discit experimento sui nihili,
 quid à seipsa , quid à Deo habeat , quidq;
 inter illa & ista intersit . Huius antibari
 molestissimo pondere tenetur spiritus in
 suo æquilibrio, ne extollatur in donis Al-
 tissimi . Eclipsis hæc docet æstimare Di-
 uinæ familiaritatis præstantiam & digna-
 tionem

tionem purè gratuitam, sufflaminat Timoris donum. Hac fornace probatur aurum, nitescit charitas, loricatur mascula virtute robustus amor, affuescens diligere nō tam delicias Dei quā Deum. Memini (: inquit) de nonnullis præcipuis ac Sanctissimis Dei amicis (: quorum nomina publicis Ecclesiæ tabulis adscripta sunt) eadem legisse quæ de te commemoras; neque defuere ex ijs qui rogarint Dominū, ut ab huius terroris atroci tormento ipsos demum immunes vellet, libenter se quoduis aliud poenarum genus subituros. Deniq; huc respexisse Dauidem cum gerneret: *dicitur mihi quotidie, ubi est Deus tuus? anima mea sicut passer solitarius in seculo; ad nihilum reductus sum, & nesciui &c.*

His cursim explicatis, vicissim rogauit Virginem Doctor, post illas inferni tenebras & horrores, qualiter sibi fuerit? Hic Rosa exterrita, quasi colubrum pressisset pede resiliuit, expalluit, obmutuit, probè conscia si respondendum sit, quanta & rerum copia & verborū inopia sibi foret laborandū. Urgebat interim Doctor, instabat his, ter, at nihil elicuit. Tandem seuerius attracto supercilio, aduertito (: inquit) o Rosa, hic tergiuersandi ac silendi locum nō esse; tua res agitur: si quid dissimulaueris si quid celaueris in examine, Dei beneficium negasti; ni totum quod exquiro dixeris, nec ego te nec tu me quantum fat est intelliges, & figurarum quas partim explicui partim explicaturus sum ænigmata sensūq; intergrè non assequeris. Paruit humilis Rosa, cui metus & pudor totum

totum verecundo rubore vultum accenderat, veniamq; præfata si quod paradoxū rudi, & incautæ excideret, sic orsa est: cū in ima caliginosæ derelictionis voragine absorptam me puto & lugeo, en repente in ipso pristinæ vnionis meridie velut in Sponsi brachijs me deprehendo, restitutor quasi numquam excidissē, sentio auidos liberrimi amoris impetus, vt cum rapidi amnes disruptis obicibus non fluendo, sed ruendo sese euoluunt per cataraetam; aspirat mox gratiarum placidus Auster & fluunt aromata: immergitur anima Diuinæ bonitatis immenso pelago, & metamorphosi ineffabili à se desciscens transformatur in Dilectum, fitq; vnum cum illo. Iussa vltèrùs dicere, nouo pudore hæsit rubuit, titubauit, attamen subiecit: inter hos fauores arctissimæ Vnionis se sibi videri immobiliter radicatam in Deo, securam in eius amicitia, confirmatā in gratia, sentire donum, quoddam inexplicabile, fundamentale, solidum, quo reputabat se impeccabilem, vt ille qui fidenter aiebat: *quis nos separabit à charitate Christi? certus sum, quia neque mors &c.* Verū tamen hic protestabatur Virgo, numquam se vlli mortalium hoc dicere lausam, & ne nunc quidem id dicturam fuisse, nisi coegisset rigor præsentis examinis, & si forte errasset in phrasi locutionis, quam necessitas omnia effèrēdi expresserat, censurā correctionis demissè flagitabat. Laudauit simplicem obedientis Rosæ candorē Doctor, præcepitq; ne trepidaret, nihil hætenus erratum esse, tantū ad reliqua pro-

procederet. Processit Rosa dixitq; voce
 humili ac intercisâ: plerumque post illas
 horrendas tenebras conspicuè sibi ostendi
 Humanitatem Christi nunc virili nunc
 infantili aut puerili facie blandam, formo-
 sam, affabilem; sapius & Virginem Ma-
 trem decoram, amabilem, dulciterq; fa-
 miliarem. Interrogata de modo & quali-
 tate visionis, imaginaria sit an intellectu-
 alis, diuturna an momentanea, facie ad fa-
 ciem an obliquè per transpositiones? Res-
 pondit, propria illa differentium visionū
 nomina sibi quidem adhuc ignota esse, at
 gloriosam Christi humanitatem exhiberi
 sibi in transitu quodam vicino & claro,
 sicut cum fulgidum aliquod sidus moroso
 tractu procurrat in cœlo; nec totam illius
 videri staturam sed solo vultu, & pectore-
 tenus. Attamen maiestatem Deiparæ
 paulò diutiùs obtutui suo solitam indulge-
 ri. Vnde subintulit Castillus imaginarias
 esse visiones, petijtq; vltèrius qua igitur
 forma apprehenderet Diuinitatis præsen-
 tiam? Laborabat hîc Rosa vt verba repe-
 rirer idonea, sed tandem per solos termi-
 nos remotiōnis, eminentiæ, & causalitatis
 vtcumq; se explicuit, insinuans lumē esse
 absq; figura, mensura, fine (: vnde patuit
 ex ea parte visionem purè intellectualem
 esse) incōprehensum & omnia cōprehen-
 dens, subtile, stabile, mundissimum, sūmè
 multiplex summèq; vnum, summè distans
 & summè propinquum, intimum & am-
 biens, nobile, excelsum & nulli prorsus
 creaturæ vel tenuiter cōparabile, quodq;
 magis in vitalium quarundam effluxio-
 num

nū mirandis & immediatis effectibus quā in suamet substantia apprehendi possit ab anima. Sed quinam hi effectus? teneritudo (: inquit) robusti gaudij super omne gaudium imaginabile, cognatio filiationis Diuinæ, interior renouatio vetustatis in ipsa animæ essentia, impletio sinuum voluntatis, vita & alacritas omnium affectuum, firma, sancta, lepidula, & demum vndequaq; ineffabilis.

Videbat sibi Doctor satisfactum in eo quod maximè scrutabatur, haud ignarus, in materia Vnionis quòd plura dicuntur minus dici Vnde ad faciliora ètatu prudenter digrediens inquisiuit de exercitijs mortificationis ac poenitentiae. Rosa, quòd putaret in hoc genere se pauca & admodum vulgaria præstare, obiter de suis ieiunijs, cilicijs, disciplinis, & reliquis austeritatibus nonnulla edixit absente Matre, quodq; in his non suo sed Confessoriorum arbitrato modū ac mensuram constituisse. Deniq; post multa vltro citroque de sui dissidentia, de ardore fidei, de securitate spei, de stimulis, superni amoris ventilata & sagacissimè explorata conclusit Doctor, sinceram ac tutam esse viā qua Virgo ambulabat, nullam hic subesse vaserrimi dæmonis imposturam, tales affectus, effectus, lumina ab illusione aut principe tenebrarū nequaquam esse. Pluries deinde Virginem non tam examinaturus quàm collaturus fidenter conuenit, noua semper inueniens quæ miraretur & approbaret.

Idē Patri Magistro de Lorenzana sensus fuit,

fuit, postquam crebriori & per partes interciso examine spiritum Virginis diligentissimè explorauit. Prolixum foret singula membratim persequi, vnum hoc superioribus addidisse sufficiat, quod vbi Rosam in vta illuminatiua probare cepit, adstupuit responsis puellæ simplicis atque illiteratæ, cum de arcano SS. Trinitatis mysterio, de hypostatica Verbi vnione, de Sacramento Altaris, de gloria Beatorum, de libro vitæ ac prædestinationis, de natura Gratiæ, alijsq; Fidei ac Theosophiæ secretis interrogata promebat axiomata tam profunda ac solida, conceptus tam acutos ac sublimes, sententias tam perspicuas, breues, fecundas, ac ponderosas, verba tam propria, apposita, clara, succincta, vt alijs examinators non dubitarit fateri ingenuè, numquam se in tam luminosum & perspicax ingenium incidisse, laudabatq; Patrem leminum; qui tanta sapientibus ac prudētibus abscondita, humilibus, paruulis, indoctis reuelabat. Idem hoc deinceps admiratus est in methodo confitendi qua Rosa utebatur, ea sermonis tum perspicuitate tum proprietate ac circumspectione, vt sibi videretur Lorenzana nō feminam audire sed annosum vtriusque Theologiæ professorem, tanta erat verborum proportio, grauitas, ac mensura, sine parergo sine circuitu, sine confusione ac superfluitate. Hinc fuit, quòd vocatus ad excipiendam Virginis confessionem, dicente Subsacrista, in templo ipsum expectantem *Rosula* seu *Rosella*, velut irreuerenter locutum increpuit, tibi (: inquit) Rosula

sula videtur quæ coram Deo Rosa est ac grandis quidem? veniet dies, qua vniuersi intelligent, quàm sit eximie alta, quàm magna & spectabilis hæc Rosa.

Lorenzana suppar Magister & primarius Cathedraicus F. Ludouicus de Bilbao notauit eadem in Rosa dum eius confessiones excipiebat: nempe vario & ipse examine scrutabatur Virginis spiritum. Fassus est postea, multoties inter arcana illius fori alloquia se obmuuisse ad profunditatem & eruditionem solidorum discursuum, quibus Rosa promptè, facillimè, & ex ordine satisfaciebat quæstionibus præarduis & abstrusis, ac subitò se agnouisse spiritum altiore qui in Virgine loquebatur. Sanè apud omnes (quotquot tunc Limæ viuebant) multorum opinionè sanctimonix & perfectionis fama celebres ea sensim inualuerat constantissima opinio, Rosam spiritu Dei agere & agi, Dono sapientiæ abundare, scientia cœlitus infusa gubernari. Hinc Ludonica de Melgarayo fœmina sanctissima tãti Rosam faciebat, vt sicubi cum ea concurrisset, nonnisi flexis humi genibus exciperet repugnantem honorari; & si quæ transeuntem obseruasset, gestiebat animo illic os oculosq; affricare vbi Rosa vestigium fixerat; & si ad absentem litterulæ sibi formandæ erât, has nudò solo ingeniculata scribebat.

Præcipuè verò Castillus & Lorenzana de Rosæ vijs perfectissimis aliquoties mutua collatione instituta concordēs mirabantur hæc duo singularissima: primum, quòd breuissimo compendio & quasi trans-

sultu gradum illuminatum mox & vnitum possederat absq; eo quòd gradum purgatum vix obiter attigisset, quia nimirum ab infantia benedictionibus dulcedinis prauentam ij semper comitati erant purissimi affectus, in quibus nil terrenum sorduerat operosius depurgandum. Alterum, quòd in illo horrendo solisq; inexpertis parum formidabili obtenebrationū tormento ea fuerit Rosæ fortitudo, animositas, constantia, vt fragilis virgo non solum ferendo esset, verum etiam premissa spontanea resignatione quasi cum Deo certaret, tristiùsne ille affligere an illa affligi vellet, dummodò per omnia Diuino beneplacito victoria ac triumphus remaneret. Cordatissima est, planèq; extrema hæc sui abnegatio, sed simul difficillima taliter amanti, cui felicius videtur non esse, quam non amare. Immarcescibilem fateri oportet Rosam, quam eiusmodi ij ineta non suffocant.

C A P V T X V.

Rosa cum Christo, Deipara, & B. Catarina Senensi familiariter, iucunde, assidue deliciatur.

ANimo cui amarescunt terrena, dulcescunt coelestia seseq; vltro insinuant. Hec Rosæ obtigit, cui tota conuersatio in coelis erat. Legebat quandoq; interdum libellos spirituales, & seligebat studiosè capitula præsentii affectui temporiq; magis accommodata; immorabatur tantisper
linco-

lincolis vbicumque prædulce IESV no-
 men occurrisset , nam è singulis horum
 characterum apicibus quasi igniculos &
 amorfos aculeos in corde sentiebat. Ne-
 que hoc fatis : ipfemet parvus Iesulus di-
 giti ftatura vix procerior fape apparebat
 amanti Rosæ in eadem pagellæ planitie :
 stabat pufillus ac nudus amor , mox inam-
 bulabat paffu leuiffimo , ac interim obtutu
 ferenuo , tenero , fuauī abblandiebatur
 Virgini , ingerebat fe , vtpotè *Verbum* at-
 tenta Rosæ lectione digniffimum , in quo
 omnes thefauri fcientiæ & fapientiæ Dei .
 Familiarius eft quod fequitur : Dum Ro-
 fa nendo occupabatur in telæ confutura ,
 en iterum Dilectum Iesulum nentis pul-
 uillo infantiliter & quietiffimè infidētem ,
 illic nutibus taciturnis loquebatur ad cor
 Dilectæ , huic arridebat , huic protende-
 bat breues vlnas velut amplexum offerens ,
 hanc ardentibus ocellis iugiter adurebat ,
 omniq; gefu , motu , flexu proteftabatur
 amorem . Quis porrò netricj inter hæc
 folatia fuerit fensus lætitiæ , æftiment qui-
 bus vacat , plus miror , tunc Rosæ oculos
 superfuiffe quibus filum , acum , telam vi-
 deret . Et videbat tamen , quia fic mulce-
 bant hi fauores , vt ab exteriorē opere
 attentionem nec totam auocarent , nec par-
 tem exdiuiderent . Has cum Iesulo Spon-
 fo delicias Virgini frequentes obtigiffe ,
 imò fortaffe quotidianas argumento eft ,
 quòd fi ille tardabat interdum nec folito
 more adelfet , Rosa querulis at fubmiffis
 vocibus quafi fecum perplexè fermocinans
 ita lamentabatur : *Hora eft , & nondum ap-*

properat? duodecima sonuit & nondum adest?
me infelicem, quæ illo nunc careo! felicem
animam quæ penes se illum nunc detinet!
 cumque Amor poesim doceat, Rosa pari-
 ter has querelas familiari metro illigarat,
 hoc ferè sensu:

(ratur:

Heu mihi! Dilectū quis detinet? Ecce, mo-
 Hora duodecima est, nec tamē ille venit.
 Languedo, deficiunt oculi: præcordia frigēt,
 Implexas alibi dum trahit ille moras.

Accidit Rosam infirmari ex dolore gut-
 turis, & en totus ille *Desiderabilis*, cuius
guttur suavissimum prædicatur Cant. 5. ap-
 paret Virgini, inuitat ad ludum, vtrinq;
 victoriæ fructus relinquitur victoris arbi-
 trio. Confestim iacitur alea, fauet fors
 Virgini, lucratur, vincit; nec mora, fructū
 exigit, memor fortasse ex Canticis quod
 ait Sponsa: *Fructus eius dulcis gutturi meo.*
 Quid multa? dolores sui gutturi mitigari
 poscit infirma, & impetrat. Verū Diui-
 nus collusor quasi iacturam non ferens re-
 diit, ludum instaurauit, iactuq; feliciori vi-
 ctor euasit. Victoriæ præmium fuit Rosæ
 patientia, adauctis repente doloribus qui
 totam ei noctem fecere insomnem. At
 Virgini placuit secum disquirere, primo
 an secundo lusu plus lucri-fecisset, cum
 longè ardentius faueret Sponso quàm si-
 bimet, vnde tam victam esse quàm vicisse
 par gaudium fuit miranti Æternam Sapiē-
 tiam, quæ ludens in orbe terrarum prote-
 statur delicias suas esse cum filiis hominū.
 Mater aduertens Filia decumbenti pristi-
 nos

nos rediſſe dolores, & quidem cum aucta-
rio, ſuſpicata periculum extimuit. Sed
cordata Filia vt metum eximeret, blandè
modèſtèque detexit ſecretum, nempe me-
rum hunc Sponſi ludum eſſe; dumq; verbis
humillimis enarrat ſucceſſum, viſa eſt (vt
quondam Stephanus) vultu prorsus An-
gelico aliquamdiu radiare.

Alia vice, cum diutiùs ac ferè ad mediã
uſque noctē in ſolitaria horti cellula ſub-
ſtitiffet Roſa, inuaſit fatigatam ſubitaneus
languor ac virium defeſtio; ſperabat tran-
ſitoriam fore debilitatē, ſed durabat ultra
conſuetã periodũ. Sentiebat ægra incerti
mali certa incrementa, ſed ſera nox erat,
qua nec Medicum aduocare nec domeſti-
corum vllum ad opem importunè lubebat
accereſcere: agnoſcebat eleſtuario vel ſor-
bitiuncula ſe indigere qua vtrũque ſto-
macho ſuccurreret ac vires inſtauraret, at
Sabbathũ erat ac manè proximo ad S. Sy-
naxim acceſſura cauebat ieiunio, ſi fortè
medietas noctis iam præterierat. Quoquò
ſe verteret, præuidebat aut virium defe-
ctu, aut ſumptione cuiuſcumque fomenti
impeditam iri ne poſtridie S. Communion-
ne fruiliceret. Quid hic remedij inter ſa-
xu n & ſacrum? confugit Roſa familiari fi-
ducia ad cèleſtem Sponſum *ad utramque*
opportunitatibus, huius pharmacopeiæ ſe
commendat, medicinam corroboratiuam
petit, impetrat, nec aliundè quàm ex illo
pretioſo myrothecio vulnerati lateris vbi
quondam S. Catarina Senenſis auidè ſuxe-
rat. Hanc neſtaream ſanguinis & aquæ
mammillam non ori ſed cordi Virginis be-

nignè applicuit, hic illa debilitati suæ pharmacum, hic vitalem succum inuenit & traxit. Porro visionem neque cassam aut inanem fuisse, nec purè imaginariam, probauit effectus, nam Rosa innox conualuit, redierunt corpusculo vires, agilitas, robur, quo postridie Templum adiit, panem Angelorum manducauit, satur, vegeta, sana domum repetijt, vtique experta, quàm sint Sponsi vbera meliora vino, quàm fragrantia vnguentis optimis. Magna profectò Rosæ dignitas, Matris ac Magistræ Senensis fuisse non modò Filiam ac discipulam sed & collactaneam. Verùm ad alia.

In domo cuiusdam illustris feminae Rosa de more post sanctam colloquia veniam petijt secedendi tantisper ad orationem. Matrona honoris gratia secedenti comitem adiunxit septennem puellam è mancipio domi suæ natam. Hæc vbi Rosam meditationi implicatam reliquerat, clam sese proripuit ad matrem suam in vicino conclauī laborantem: inde post horæ spatium erepsit visura num Rosa ab oratione surrexisset. Et ecce vidit iuxta Virginem puerulum Iesum amictu polymito carulei purpureiq; coloris decentissimè tunicatū, quem vt conspexit fulgida claritate circumdatum ac radijs vndiq; coruscantem, non ausa conuersationem irrumperē, substitit eminus, contenta permissione dulcissimi spectaculi, cuius arcana pro ætate nōdum capiebat, nec ante quàm Rosa migraffet è viuīs rem detexit. Idem in ædibus D. Isabellæ Mexia contigisse quæ vidit retulit Filia Isabellæ; nimirum procul inter secre-

secretiores ædiū porticus ambulabat Rosa, & cū ipsa Iesus in statura octennis pueri sed amictus iam lumine sicut vestimento . Spatiabantur ambo pariter confertis manibus, gressu gestuq; tenerè amantium; miscebant secretissima inuicem colloquia, hærebant in mutuis vultibus tamquam rerum aliarum aut obliti aut incurij; sed paruuli incessus grauior erat quàm puerorum esse soleat, maiestas inerat, & quacumq; fixisset pedem subitaneo lumine resplendebat pauimentum .

Zelus vt intensi amoris præco simul & explorator est, ita vel ipsumniet Sponsum coelestem curis sollicitat, riualem non patitur, ne flosculum quidem . Rosa nomine florebat & opere , nam vt altaribus nulla anni parte deessent flores diligentissimè procurabat, discretis hunc in vsum areolis, quarum vni Basilicum (: plures Ozimum dicunt) implantarat . Hunc fortè colebat studiosius, quòd odore ac nomine Regius *Regi seculorum immortalis & inuisibili* aptius conueniret in tributū . Respondebat planta cultricis industriæ, & quò prodibat lætior magis latificabat . Verùm vt breue est à floribus gaudium, Rosa mane quodam inuenit Basilicum suum non modò siccum ac marcidum , sed radicitus euulsum ac mortuū . Cadaueri adgemuit Rosa & abiit, sed occurrit eunti visibilis Christus, blandèq; affatus Virginem, quid doles ? inquit, an nō ego *Flos campi* melior tibi sum omni Basilico totoque floreto Paradisi? & vt scias me tuum esse Basilicum, ego alterum illum his manibus eradicaui , fregi, proie-

ci . Flores , ac florem amas ? ecce me . Dicit Rosa vel ad zelotypiam vsque amari se à Sponso , & pro tantæ gratiæ crebriori experimento facile exposuisset in prædâ quidquid florum sibi residuum erat . Vtiq; plenam hæc fidem faciunt illi religiosissimæ cuiusdam mulieris extaticæ visioni , cui in raptu protestatus est Christus , se Rosam gestare in intimo sui Diuini cordis penetrâli , cum sciret , vicissim in eius virgineo corculo se solum tranquillissimè habitare .

Porro quàm affabili , serena , frequenti apparitione Rosam suam dignata fuerit Augustissima cœlorum Imperatrix , sat inde conijcere fas erit , quòd ab vndecimæ suæ ætatis anno ad extremum vsq; non defuerit vmquam Virgini hoc pretiosum assiduæ familiaritatis solatium . In Rosariano Beatissimæ Virginis Sacello Rosa planè domestica euaserat , illic totos hærebat dies , illic Ordinis sui habitum , illic Iesulum Sponsum nacta diuelli à loco non poterat : Ibi altaris ornandi curam , ibi totius nitoris œconomiam sibi deuotè assumpserat , ibi quotidianum sibi cum Deipara ex sedulo ministerio commercium erat ac mutua conuersatio . At vicissim Angelorum Regina famulam suam eo honore dignata est vt ferè officia Cubiculariæ ipsi exhibuerit , manè Virginem excitando à somno . Tanti fauoris occasio hæc fuit : Rosam à multo tempore continuis integrisq; noctibus adeo destituerat necessarius somnus , vt valetudini suæ non parùm fuerit timendum si medelam respueret . Hinc opus fuit Confessariorum imperio , qui Virgini præce-

præcepere vespertinum lactucæ ac soporiferorum seminum vsum, deinde & temporis spatium quo dormiret, horam quâ mane surgeret præscripserunt. Conabatur obedire infirma, sed prauamente ferotinarû vigiliarum assuetudine nō obediebat somnus seu veniendum seu abeundum esset. Præsertim manè dum instabat surgēdi hora, incipiebant soporifera modicum operari, somnumq; lentissimū vi attrahebant in cerebrum. Cruciabatur ingenti scrupulo Rosa, quod exactè ad præscriptam horam euigilare non poterat vt summè cupiebat. Ergo luctam & afflictionem suam Deiparæ seu veræ *Stellæ matutina* quæstæ est vt subueniret. Subuenit illa, imò & venit: siquidem exinde, vbi imminuisset surgendi hora, en in puncto aderat conspicua Dei Mater, & voce melliflua compellabat sopitam Rosam: *Surge ad orationem Filia, surge, nam instas hora*. Sic placidè expectata videbat cominus & (: vt i fasla est) facie ad faciem illud gloriæ sidus gratiosum, illam frontem decora maiestate plenissimam, illū gloriæ & amænitate paradisum, agnoscebat vocem, venerabatur præsentiam, tacitè secum disquirens: *Vnde hoc mihi, ut Mater Domini mei veniat ad me?* ò gratum surgendi tintinnabulum.

Semel euenit, quod veniente Domina profundius dormiebat Rosa: primus hic somnus erat ac nonnisi paulò ante ceperat. Excitata Virgo respondit: surgo Domina, nunc surgo; conseditq; erecta in lectulo, sed prægrauante somni pondere, oculisq; caligantibus recidit misera in cervical. Acces-

fit denuo Augustissima excitatrix, & (: quod ante non conueuerat) protensa niuea manu pulsauit latus dormientis, agitauit familiarissimo attactu resupinum corpusculum, iterumque ait: *Surge Filiola ne pigresceris, rogasti me, & ecce ad solitas preces te uo o; Surge inquam si iola mea surge iam hora sonuit.* Longè suauius erat Rosæ filiolam se vocari à tali Matre quàm Rosam. Cessit huius compellationis dulcedini somnus, at simul discessit suauissima excitatrix, nam ut Rosa diduxit graues palpebras, ut respexit, agnouit Deiparam sed à tergo, iam enim suspensis vestigiis abire ceperat, uelut perfuncta amico officio. Heu tantilla soporis indulgentia quantam subinde iacturam infert! quàm doluit Rosa, pro illa vice Maternum sibi vultum ereptum fuisse dum cunctabatur! empyrei fauores delicati sunt, ni promptè strinxeris, elabuntur.

Ex quo semel à Christo (: ut compertū postea) B. Catarina Senensis cælitus Rosæ missa ac data fuit Magistra, frequenter, hæc charam Discipulam visibiliter conuenit in terris, præsertim dum occupabatur in perlegenda Seraphicæ Magistræ Regula, quæ sibi è Cusco (: procurante Fr. Ioanne Miguel Ord. Prædicatorum Religioso laico) transmitti demum impetrarat. Mutua harum Virginum conuersatio tam amica & crebra fuit, ut sicut Moyse post longam cū Deo in Monte confabulationem remanere in vultu luminum vestigia, ita videretur ex vultu B. Catarinæ in faciem Rosæ transiisse lumina, quæ hanc illi per aliqua oris lineamenta propemodum assimilarint.

Hinc

Hinc apud Limenses suos Rosa vulgariter altera Catarina Senensis appellabatur, præcipuè ab obitu, quando in mortuali fere-tro Rosæ facies liberiùs videnda omnibus patuit. Ceterùm de miris delicijs, favori-bus, officijs quibus hæc Seraphica Magi-stra demulsi Rosam suam, crebrior & cō-modior infra redibit sermo locis proprijs.

C A P V T XVI.

Rosa familiari tutelaris Angeli con-suetudine fruitur. Variè luctatur cum Dæmone, semper victrix.

S Anctos Angelos esse ipsissimū cor Dei sensit Bernardus serm. 12. in Psal. *Qui habitat* : Vbi hæc verba *aptonis erga eum cor tuum*. Iob. 7. adaptat missioni Angelo-rum ad hominis custodiam. Rosa Ange-lum suum non modò custodem, sed & con-gerronem habuit amicissimum, imò Para-rium, symmistam, dinomilum, vt etià hinc aduerteret, quam dulciter Christus appo-suerat erga eam cor suum. Inde Virgini cum suo Angelo tam domestica fiducia, ac necessitudo, vt illo soleret vti veredario, quotiescumque ad horam consuetam spon-sus non comparebat. Metrico sui idiomatis rythmo tunc familiariùs affabatur Ange-lum, hoc ferè sensu :

Vola Ephebe calice: dic nostro Creatori,
Me sine vita viuere, me præstolando mori.
Cur ille tardet, Rosa dum ardet.

Velociter inquirito :

Roga , festinet : cælos inclinet ,

Ad me descendat, vultum ostendat ,

Quia amore langueo.

Nocte quadam occlusis horti ianuis Rosa de more vigilabat in angusta sui Eremiticæ cellula , sensitque se viribus repente destitui , adeo ut grauem timeret syncope , unde in domum sese recipere ad Matrem constituit, collato prius consilio cum Angelo suo tuterale : Mater (: quæ horti clauem iugiter tenebat secum) ut notauit in vultu filia signa instantis deliqui, sine mora promptis à marsupio duobus denarijs iussit ancillæ adire subitò vicinioris propolæ apothecam, emere saccharum, carbonem, & libum indicum quod *Chocolata* vocant indigenæ , iam & Europæis tam vsu quàm nomine sat notum, quippe in aqua calida resolutum cum triente sacchari stomacho simul & cordi potenter succurrit . Filia ne suæ causa is sumptus fieret , obnixè rogauit Matrem, affirmans, sibi non defuturam Chocolatam . Replicuit Mater , putas ne in tota hac domo vel micâ Chocolata reperiri ? negauit Rosa, at subiecit, hanc breui adfore ex domo Quæstoris. Infremuit parens, & aut nugaris (inquit) aut somnias, quis enim intempesta hac hora calentem Chocolatam ad te mitteret ? Vel vnde in Quæstoris domo procul hinc dissita innotuisse potuit, te subitaneæ debilitate languidam isto medicamine indigere ? tu in horto occlusa utique non habuisti quem illuc mitteres , neque ex hac domo ullus abiit qui tuam necessitatem Quæstori indicaret ;

caret; igitur vade ancilla, iussa exequere. Denuo supplex obstitit Rosa, certò asseuerans. Quæstoris mācipium iam iam cum præparato medicamento adfuturum. Itā fuit; nam Matre adhuc disceptante cum filia pulsatur ad fores, seruus erat. Quæstoris intromitti petijt, adferre se à Quæstoris consorte quod Rosæ traderet. Vas erat argēteum calenti Chocolata plenum. Obstupuit parens, at Rosa confestim seruum expediens heræ suæ renunciare iussit, opportunè beneficium venisse. Hic Mater cōfusa multiplici prodigio sciscitari, quid Gundisalui uxorem mouerit vt tali profundæ noctis hora vernam adibus emitteret quādam aut Virginis languorem illi Domina, aut certum aduētum emissi mancipij nunctasset Rosæ. Tandem supremo obedientiæ præcepto adegit filiam, ediceret, vnde sciuerit, tali hora è domo Quæstoris sibi adferri Chocolatam. Respondit subridens filia: ne mireris dulcissima Mater, nam sæpe huiusmodi officijs me dignatur Angelus meus tutelaris. Mox vbi in mea cellula capi deficere, misi Angelum, qui D. Mariæ de Vfatigui suggereret me illo quem vidisti succursu indigere. Perfecit ille, quod mandaueram, ac certa erant illum officio non defuturum. Hac fiducia cellulam reliqui, ad te huc veni, confedi, expectatura hic seruum Quæstoris, & cum parente beneficium diuisura. Mirata est Mater præsentaneum & velox Angeli obsequiū, at magis, vt vidit filiā non mirari, vtpote his vsu ac frequentia dudū assuetā. Alia vice in eadem horti cellula vltra

mediam noctem expectabat, dum in ædes vocaretur pro more ad nocturnam quietē: solebat enim circa horam, quæ medium noctis antecedit, descendere Mater ad aperiendum horti ostium, ut filia inde abducta ad suum cubiculum sese reciperet. Verum pro illa vice Mater, vel quod crederet se filiam ab horto iam reduxisse, vel quod alijs distracta minus applicuisset animum, oblita fuerat hortum ad horam consuetam exituræ Virgini aperire. Dum ergo se vidit frustra expectare, dum hæsitat quid agendum, prospiciens per fenestellam vidit cominus umbram candidam, motu decoro agilem, aspectuque non iniucundam, quæ Virginem ut se versis domum sequeretur inuitabat. Facile ex internis criticis quæ à sancta Catarina Senensi didicerat, agnouit Rosa latentem sub umbra tutelarem Angelum, itaque cum illo se fidenter in viam coniecit. Pervenere ambo ad horti ianuam quæ ad umbræ tactum mox sponte patuit sine clavi. Denique umbraticus ille ductor sequentem Rosam ante Genitricis cubiculum stitit & disparuit. Fortè hanc petebat umbram qui ambiebat à Domino custodiri ut pupilla oculi & sub umbra alarum eius protegi; ne miremur lucis Angelos umbræ speciem assumpsisse dum gerebant officium.

Occasio Angelicæ custodiæ exigit, sequentem historiolum hic subnecti, quæ fortè patebit, non proprium dumtaxat, verum & alienos tutelares Angelos sibi ad nutum habuisse obsequiosos. Religiosus quidam per ardua, & prolixa itinera Prælatum
Eccle-

Ecclesiasticum associaturus necessitatem suam Virgini aperuit, precum suffragia pro auertendis periculis flagitauit. Promisit Rosa, vt erat ad subueniendum proximis mure liberalis & prompta, hominemq; proficiscentem Deo & custodi Angelo impense commendauit. Perrexit ille securus promissi, quod non ignoraret quid Rosa valeret apud Deum, & Angelos. Nec spei euentus defuit, nam e *Lima* vsque *Potosium* per varios casus per mille rerum discrimina iter habuit tutissimum. At exinde sensit simul oratione Virginis, & Angelica tutela se repete destitui, nam Truxillu petes in eius couallibus grauissima quaeq; passus est, & vix euasit incolumis. Lima redux amare questus est de Virgine, tade & coram Virgine, quod in medio viae ipsu destituisset orationum suarum praesidio. Non negauit Rosa id verum esse, tantum interrogauit unde id nosset: Respondit ille, se Lima Potosium vsque vallante Angelica custodia feliciter aut calcasse, aut declinasse obuia quaeque pericula; Verum Potosio Truxillum eunti aduersa fuisse omnia; ita vt aliud suspicari nequiverit, quam Rosam ab oratione promissa, & Angelum suum a tutela commissa interea destituisse. Subiecit Rosa non vanè coniectasti; at scito illa tibi accidisse incommoda, quia non ille eras qui esse solebas. Deinde fidentiùs ad specialia descendens mouit hominem de arcanis ipsi soli notis, quaeque à tanta distantia non nisi diuinitus aut Angelo internuncio Virgini potuerant innotuisse.

Quantum verò Angelicam hanc puellam
ama-

amabant; amiebant, mulcebant SS. Angeli, tantumdem ei clam, palam, vi ac fraude nocere conabantur furiaë infernales. Torquebat Dæmonem illa hortensis cellula tot Cæli delicijs plena, dolebat superbus illic se non timeri ab imbelli iuencula, imò ea solitudine ultro ad monomachiam se prouocari. Itaque Virginem per tenebras aggressus est tenebrio. Forma ingentis molossi erat, villosa, tetra, picea: lucem qua videretur dabant solæ rubentes flammæ quas naribus, oculis, auribus attatim protrudebat. Hac specie circuibat orantem Rosam latratu horrifono, rictu immani ferociterque dentato, lingua foedissimè exserta, odore sulphureo, simulque pendulas aures, caudam, villos arrigebat quasi impetum facturus; nec solum terrere venerat, sed & nocere si posset, nam vt vidit ab immota se despici, rabido morsu pertentabat virginæum illud corpusculum, assultu, dente, vngue saniebat qua poterat, tandem ausu furibundo quam discerpere non poterat, raptabat per solum, trahebat, versabat ceu lacerum aliquod peripséma: donec impauida, sed temeritatis pertæsa Virgo exclamauit ad sponsum, *ne tradas bestijs animas confitentes tibi*. Nec alio fuste ad abigendum hunc Cerberum opus fuit; nam continuò elumbis, victus, fractus resiliit, fugit, euauit, & Rosa prorsus illasam indemnemq; se admirata corde tranquillo ad orationem rediit.

Semel à domestico Gundisalui Quæstoris oratorio ad interius cubile se Virgo recipiebat: per viam adrepens ex insidijs cacoda-

codamon quanta vi potuit improuisum, ei colaphum impegit, maiori tamen sonitu quàm nocumento, subrisit enim intrepida Virago, insuper alteram maxillam dare parata, si hostem conspicuum palàm habuisset. Alio loco & occasione in ædibus D. Isabellæ Mexiæ ignauus hostis Rosam à fronte, & cominus aggredi formidans, à tergo eminus rude saxum in eam librauit connisus tam impetuoso ac valido vt euntem solotenus prostrauerit. Rosā nec læsa, nec territa agilior surrexit quàm ceciderat, vilissimoque diabolo pudendam imbecillitatem exprobrauit. Ille victricis animositate confusus, rabiem qua puellæ nocere non poterat in eiusdem libellos spirituales turpissimè effudit. In his Rosæ eximie charus erat Ludouici Granatensis codex, quo ad meditationum digerendos articulos diligentius utebatur. Hunc miser corripuit, lacerauit, ac procul in spurciarum sentinam abiecit, rem magnam se præstitisse ratus, quod tantæ Amazoni quidquam saltim armorum furto ignobili sublegisset. Nihilominus Virgo & librum suum recuperauit, & pudefecit reduncum depeculatorem, quem non alio quàm improbæ felis aut *scabioso* nomine dignabatur.

Alia vice, postquàm in eodem oratorio preces absoluerat, incumbente vespero secretius in altissima ædium parte cubiculū adiit, solitaria meditatione dulcedinem, ruminatura quam in oratorio gustarat inter preces. Verùm illic populosissima gli-
rium orchestra imò hippodromus erat,

Procurrebant decuriatim, saltitabant, pug-
 nabant, sursum deorsum per muros, arma-
 ria, tegulas confuso venatu turbabant om-
 nia, nec sperari quietiora poterāt, cum fœ-
 dis ac lacifugis bestiis nox ipsa lociq; faue-
 ret conditio. Itaq; Rosa mutato consilio in
 infimam domus partem descendit profun-
 dioris silentij quæsitura latibulum. Cella
 erat penuaria, vbi tunc instrumenta vinde-
 miæ, canistra, lebetes, & id genus utensilia
 asseruabantur. Huc Rosa vt intrauit, arre-
 ctis horrore subito pilis agnouit, ibidē se-
 se à scabioso ad pugnam expectari. Nec pa-
 uori cedens mandauit transeunti illac an-
 cillulæ candelam sibi adferri; qua lata di-
 misit ancillam, præcipiens ne cui domesti-
 corum diceret vbinam Rosā lateret, nec
 se diutius solito ibi fortasse moraturam.
 euocaret ad coenam, donec vltro ipsa pro-
 diredet. Abierat ancilla, & Rosā vix iam
 clauserat, cum repente audiuit, simul à fo-
 ris inducto pessulo se se à cacodæmone ve-
 lut captiuam obserari. Mox intra penuriam
 occlusa animaduerit portiginosum hostē
 suum in prægrandi porta, quam labri fun-
 dus occultabat, licentiū tumultuari. Pu-
 luit generosam Virginem præsentis ibi lu-
 minis vt solatio, aut qualicumque præs-
 idio, candelam igitur vltro extinxit ipsa.
 Statimq; latentem inimicum è porta in are-
 nam prouocans, *heus tu* (inquit) *porce sca-*
biose, ades dum, hic te expecto: prodi si audes &
experire si quid valet, age in hoc vile corpu-
sculum quæ tibi Deus permiserit certè in ani-
mam nit poteris, à cælesti sponso hac mihi se-
uerissima fiducia est. Congredere cornuta bek-

lua, eya congregere. Nec mora; profiliit ferocissimus hostis gigantea mole qua contremuit cella (nil tremente Rosa) Virginem per humeros corripuit, strinxit, contorsit, quasi in minutissimas partes membratim laceraturus obluētantem, vique terrores duplicaret, fecit eam experiri cōtactu quàm pilosis, hispidis, ericinis laceratis esset, his inermem iactando, trudendo, premendo miserrimè concutiebat, vt iam singula Virgini ossa viderentur commolita, luxatæ scapulæ, nervi distracti: at sub fragili carne vigebat infractus animus, & corculum in Deo fixum ridebat, despuebat, laxabat furentem cyclopi insaniam. Pluribus horis durauit obscurissima lucta, ingenti probro aduersarij, qui victoriam desperans, vel vnicum saltim gemitum, aut metus indicium extorquere tentabat, nec poterat. Interea Quæstoris vxor familiā de Rosa interrogans, ab ancillula didicit quo ipsam loco reliquerat cum candela, quòdque disertè vetuerat euocari ad cænam. Accessit, vidensque nulla ex parte promicare lumen subdixit pessulum, tacitèque abiit cunctationis exitum præstolatura. Tandem media nox dispescuit longum certamen, prodijt Virgo quàm lassitudine anhela, tam vultu hilaris, ac vltra morem latissima, vt nemo dubitarit magnum aliquid inter illas tenebras gestum esse. Postridie Gundisalui vxor non destitit, donec enarrante Rosa vniuersam rei seriem prolicuisset, vbi inter alia & hoc notatum fuit, quòd huiusmodi conflictuum duri agones constantissimæ Virgini neque peregrini erant, aut minus

minuſ frequentes; nec vnquam formidinis ſenſum expreſſerant .

Aliquando in hortum oratura proceſſerat, cum de vicinarum arborum opaco vidit obuium ſibi antagoniſtam non iam terrificum ſed blandum, candidum, ac penè in Angelum lucis tranſfiguratum: nam ſpecies illi humana erat, ſed formoſa, decens, vrba-
na. Doluit Virgo illic præter conſuetudinem apparere hominem, vbi ſupra erat ſine teſte, ſine comite . Interim cœpit eminus ille nutibus procum mox & procacè agere . Hic Roſa mendacem larua ſonoris vocibus deteſtata lemuri dorſum obuertit, & quæ in ceteris conflictibus generoſè ſteterat, in ſolo iſto (quia de Caſtitate erat) à nobili fuga victoriam mendicauit, vt verò ad horti ianuam volando magis quàm currendo peruenerat, in propinqua porticu ſubſtitit, correptaque ferrea catena nudas ſibi ſcapulas flagris acerbiffimis cruentauit, inter fluentes tum ſanguinis, tum lachrymarum riuos Sponſo ſuo querula, quòd ipſam ad tempus deſtituerat, dum in euſcemodi anguſtias incideret, nunquam enim ſibi præſente ipſo tam periculoſam laruatæ impuritatis imaginè fuiſſe occu-
ſuram . Sed conſeſtim Sponſus glorioſus Virgini ſe ſtitit conſpicuum, dixitque : *Audi Roſa, nã tecum ego fuiſſem, tunc victo-
riam reportaiſſes ?* Grande id fuit victrici ſo-
latium, grandis & eruditione pleniffima le-
ctio . Simillima hæc ſunt, & planè germa-
na iſis, quæ B. Catarinæ Senenſi in certa-
mine hæd quidquam diſpari contigerunt,
quando videlicet huic reſpondit Chriſtus :

*Dum pugnabas, dum vincebas, intus eram, in
tuo corde spectator aderam & fidus adiutor.*

Eminebat in Rosa (Confessarijs attestā-
tibus) mirabile donum internoscendi sincer-
as visiones ab illusionibus Sathanæ, & di-
stinguendi sanctas inspirationes à versutis
suggestionibus antiqui Serpentis, quod
Apostolus *discretionem spirituum vocat*.
Quodque admirere magis, à prima pueri-
tia hoc insigni munere dotata fuit, quo sibi
& alijs mirificè profuit, vt nulla vnquam
Virgini occurrerit tam fallax aduersarij
tentatio, nulla tam fraudulenta seductoris
vafrices quam non clarè statimq; primo in
limine deprehenderit, arguerit, exarmarit.

Mirum, quot quantasque vno hoc telo
victorias contra stygios dolos reportarit.
Adhuc iuuenula examinanti Confessario
eruditè recensuit dignoscendorum spirituū
regulas ab effectibus, aiebat illustrationes
verè Diuinas esse cum in anima relinquūt
humilitatem, affectum reuerentiæ, agnitio-
nem propriæ vilitatis, ordinem ac vnita-
tem cordis, gaudiumq; in Deo. Ex aduerso
contrarias his impressiones, tumorem, con-
fusionem diuisi cordis, complacentiam sui,
& inquietudinem erga Deum nonnisi picē
improbi autoris redolere. Id porro erat,
quod Christus Beatam Catarinam Senen-
sem, hæc Rosam absq; alio Magistro edo-
cuerat.

*Rosa persecutionibus, morbis ærumnis
pressa, strenuè sese ad patien-
tiam exercet.*

Rosis spinæ non tardè aecedunt, sed
connascuntur. Idem huic Virgini
accidit, nondum primæ infantia cunas re-
liquerat, quando Rosarum speciem, nomē,
spinas induit. Nonum ætatis mensem at-
tigerat, cum lactanti Matri aruerunt vbe-
ra, lac defecit, & ne aliundè nutrix cōdu-
ceretur, obstabat res angusta domi, en pri-
mos infanti tribulos. Conabantur pulte
liquidiori supplere lactis inopiam, sed per-
difficilis ingestio os paruulum diductione
cruciabat. Nec tamen plorabat Rosula,
sed proprii pollicis inutili suctu famem ta-
cita fraudabat, magis quàm solabatur.
Adeo à teneris discebat pati prius quàm
vagire aut loqui.

Creuit ætas, sed pariter cum ætate affli-
ctio, nam vix ambulare ac fari cœperat,
cum quotidie ob muliebrem Auiæ, Matris-
que de nomine Rosæ controuersiam inno-
cens puella vtriusque persecutioni se vidit
miserrimè implicitam. Siue enim inuoca-
ta sub Rosæ nomine accurrisset domesticis
aut Matri frendens, Auiæ in paruulam vir-
gis fauiebat: siue ad Isabellæ nomen respō-
disset vocantibus, irata Mater expediebat
virgidemiam, cædebat immeritam. Sic al-
ternante foeminarum bile patiens Virgun-
cula quoquo se verteret, incidebat in pœ-
nam, & ob hoc ipsum quòd non peccarat
luc hanc

Quam

Quàm suavis erat indoles filiola, tam aspera conditio Matris, vt penè videretur sola patientiæ biga par illud dissimillimū coniunxisse. Virginis modestia, sobrietas, deuotio, seculi fuga, silentium, vigiliæ impatienti Matri mera delicta erant, quibus castigandis nō clamores, scōmata, conuitia, non demum pugni sufficiebant, & calces, nodosus ex malo cydonio baculus persepè ad manum fuit, hoc puellam iam grandiusculam frequentius delumbare solebat, præsertim quando comperta fuit exemplo Sanctæ Catarinæ Senensis rutilam sibimet cæsariem præscidisse. Nec mitiores in eam fuere domestici; postquàm nimirum innotuit eius vitæ singularitas, cælestium visorum frequentia & commercium, ac præcipuè illa humanis viribus euidenter superior abstinencia, qua faciliè arguebatur tam modico ac ferè nullo alimento iuuentulam naturaliter in vita sustentari non posse, timuerunt germani fratres, ne fortè propèdiem soror magno familiæ suæ dedecore ad S. Inquisitionis tribunal raperetur velut suspecta de imposturis ac fraudibus, aut sacrilegi mendacij ficta; sanctimonix palam vel rea, vel cōuincenda. Hos itaque timores quotidie iugerebant cum iurgio, his minis exagitabant vndique derelictam. Nec verebatur vltro improuida Mater publicè corā suis & alienis confudere filiam proclamando vti hypocritam, fallacem, simulatricem, omnisque sinceræ virtutis inanem & vacuam. Acceffit in persecutionis cumulum incredula quorundam Confessariorum seu oscitantia
seu

seu ruditas, dum initio quod sibi persuaserant, nitebantur & Virgini persuadere, videlicet ipsam itinere non recto aut saltim non tuto incedere, vertigine cerebri alijfque noxijs intemperijs laborare, friuolas illusiones esse, quas ipsa supernas illustrationes credebat. Hæc & similia quamcūque aliam exanimassent, at minimè Rosā, cui intus patientia pro chalybe erat, eòq; amplius, quòd ex huiuscemodi præduris afflictionum cautibus deprehendebat manifestius, se per ipsissimas B. Catarinæ Senensis vias deduci ad Sponsi vnionem. Hinc vice quadam ab illustri femina interrogata, cur non rogaret seraphicam Magistrā suam, vt his ærumnis potenti illius suffragio eriperetur, heroicè respondit: *quid pu-
ras, ad ea mihi regeret Seraphica Mater
mea? quesitura utique, egone aliam mihi ex-
optem semitam præter illam quam ipsamet
gloriosa calcavit? absit à me tam ignaua de-
sidia.* Sciebant ambæ quidquid Rosa à B. Catarina peteret, continuò impetraturam, idque patebit infra, sed generosa Discipula pluris faciebat Magistræ dolorosa Stigmata quàm delicata solatia, pudebat Crucifixi sponsam, vel per momentum extra Crucem ac passionem reperiri.

Et sanè aut numquam aut rarò deerat grandi eius patientiæ grandis materia, siquidem vacantem à Cruce externa grauior occupabat interna, cessantique foris persecutioni agminatim corporis ægritudines succedebant. In Canta ex dira ner-
uorum attractione triennium lecto decubuit cruciatu immenso, gemitu nullo, nisi
quòd

quòd compassionē acerbiùs quàm passionē torquebatur ex illorum incommodò quorum ministerijs carere non poterat; vnde in hac alijsque suis infirmitatibus solebat dicere: *ò quàm salubris, quàm iucunda & felix fors foret crebriori agitudine diuexari, dummodò proximorum abesses incommodum.* Sape Virginis guttur & fauces ex inferiorum musculorum inflammatione acutissima inuadebat angina, cui interdum periculosior succrescebat cynanche: sæpius totis pulmonibus & bronchis decertandum fuit cū asthma: sæpius permolesta ischias vtrique coxendici grauiter incumbēbat, non segniùs interim costas vellicante pleuritide. Stomachi, pericardij, intestinorum dolores sine lege, sine numero frequentes conuulsiones inuehebant; isti, morbi, qui prosterendo cuius robustissimo sat erant singuli, plerumque bini, terni, quaterni simul ex diuersis oppositisque causis in languidulam irruebant, mirantibus interdum Medicis, vbinam in exsucco, arido, exhaustoque corpusculo tam diuersi ardores incendium fomitemque reperirent. Virgo sat peritè sentiebat, non tam à noxa vel intemperie humorum quàm à beneuola Sponsi manu hæc sibi agonalia festa provenire.

Febres tum ephimeras; tum reliquas contumaciores ipsa assuetudo penè in iocum verterat, nō item articulares illas manuum, pedumque fidiculas quibus notissima (attamen pauenda) chiragra, podagra, arthritidis nomina insederunt. Hic morbus, quòd vitæ minùs putetur insidiari, per
 quan

seu ruditas, dum initio quod sibi persuaserant, nitebantur & Virgini persuadere, videlicet ipsam itinere non recto aut saltem non tuto incedere, vertigine cerebri alijsque noxijs intemperijs laborare, friuolas illusiones esse, quas ipsa supernas illustrationes credebat. Hæc & similia quamcunque aliam exanimassent, at minimè Rosā, cui intus patientia pro chalybe erat, eoque amplius, quod ex huiusmodi præduris afflictionum cautibus deprehendebat manifestius, se per ipsissimas B. Catarinæ Senensis vias deduci ad Sponsi vnionem. Hinc vice quadam ab illustri femina interrogata, cur non rogaret seraphicam Magistrā suam, ut his ærumnis potenti illius suffragio eriperetur, heroicè respondit: *quid putas, ad ea mihi regeret Seraphica Mater mea? quæstura utique, egone aliam mihi exoptem semitam præter illam quam ipsamet gloriosa calcavit? absit à me tam ignaua desidia.* Sciebant ambe quidquid Rosa à B. Catarina peteret, continuò impetraturam, idque patebit infra, sed generosa Discipula pluris faciebat Magistræ dolorosa Stigmata quàm delicata solatia, pudebat Crucifixi sponsam, vel per momentum extra Crucem ac passionem reperiri.

Et sanè aut numquam aut rarò deerat grandi eius patientiæ grandis materia, siquidem vacantem à Cruce externa grauior occupabat interna, cessantique foris persecutioni agminatim corporis ægritudines succedebant. In Canta ex dira nervorum attractione triennium lecto decubuit cruciatu immenso, gemitu nullo, nisi quod

quòd compassionē acerbius quàm passionē torquebatur ex illorum incommodò quorum ministerijs carere non poterat; vnde in hac alijsque suis infirmitatibus solebat dicere: *ò quàm salubris, quàm incunda & felix fors foret crebriori agitudine diuexari, dummodò proximorum abesset incommodum.* Sæpe Virginis guttur & fauces ex inferiorum musculorum inflammatione acutissima inuadebat angina, cui interdum periculosior succrescebat cynanche: sæpius totis pulmonibus & bronchis decertandum fuit cū asthmate: sæpissimè permolesta ischias vtrique coxendici grauitè incumbēbat, non segniùs interim costas vellicante pleuride. Stomachi, pericardij, intestinorum dolores sine lege, sine numero frequentes conuulsiones inuehebant; istiq; morbi, qui prosternendo cuius robustissimo sat erant singuli, plerumque bini, terni, quaterni simul ex diuersis oppositisque causis in languidulam irruebant, mirantibus interdum Medicis, vbinam in exsucco, arido, exhaustoque corpusculo tam diuersi ardores incendium fomitemque reperirent. Virgo sat peritè sentiebat, non tam à noxa vel intemperie humorum quàm à beneuola Sponsi manu hæc sibi agonalia festa provenire.

Febres tum ephimeras; tum reliquas contumaciores ipsa assuetudo penè in iocum verterat, nō item articulares illas manuum, pedumque fidiculas quibus notissima (:attamen pauenda), chiragra, podagra, arthritidis nomina insederunt. Hic morbus, quòd vitæ minùs putetur insidiari, per
 quan

quantitate miserie commiserationem, pro magnitudine doloris remedium nusquam inuenit aut leuamen, nec fortè aliud est, qui diuturnam infirmi patientiam aut citius abigat, aut voracius absumat. Hunc tamen Rosa & hospitio frequenti equanimiter excepit, & cum inuicta tolerantie virtute pacificè vno communi lectulo coniacere fecit. Prodigiosum erat videre tenerrimam Virginem ardentibus iuncturis, tumentibus nodis, inflatis articulis, lantinantibus ex consensu musculis & ligaminibus inter extremos dolorum laniatus decumbere quietam, serenam, placidam, nec gemitu ac leui suspirio cruciatus suos accusantem. Si rogabatur quid valeret, nonnisi benè sibi esse respondebat, vel cōparatione suorum scelerum permodicum esse quod patiebatur. Alijs de morbi atrocitate sciscitantibus aiebat, suaue ac mellem esse quidquid à manu tam dulcis Sponsi veniebat; alijs de inferorum pena cogitandū esse, hac vna meditatione acutissimos quosque huius temporis dolores obtundi. Sapius conuersa ad Sponsum: *Domine, inquit, auge auge dolorem, dummodo aug. as & amorem*

De his aliquando familiariùs deuotæ cuidam personæ collocuta, vniuersam hæc morborum seriem inter pretiosos ac illustriores sibi à Deo collatos fauores recensuit, subiecitque, nisi hos ipsamet experta fuisset, nunquam persuadere sibi potuisse, vnicum miserabile corpus tantorum ac tam multiplicium dolorum capax fore, neq; putare se, vllum cuiuscumque partis
aut

aut membri superesse cruciatum quem ipsa non senserit; nihilominus semper è Cælo sibi adfuisse præsidium & robur quo vniuersas imperturbatè sustineret, numquã sibi obrepssisse impatientiæ motum quo vel letum pilum discesserit à resignata cõformitate ac amissi Diuinæ voluntatis. Proinde se sui pudore, quòd tantis Cœli beneficijs nondum vti par erat responderit, atque ex hoc capite se Creaturarum omnium quotquot per Orbem viuunt meritò ingratiſsimam esse reputandam, ex quo nimirum viderat eo se modo tractari à Domino, quo ipse nonnisi amicissimos suos tractare solet, nec tamen se pro dignitate redamare, tam amabilem, & amantem Deum: & forsan hic ei sensus erat, quando cum doloribus vnà augeri amorem flagitabat.

Huc planè referenda videtur celebris illa visio, quam inter diuinioreſ Rosæ excessus tanti fecere graues mysticæ Theologiæ professores. Eam hic, prout ipsa met Virgo paucis ante obitum diebus Doctori Castillo ex fide pacta narrauit, nudo simpliciq; adtexant filo: suspensa (inquit) in vnitiuo quietissimæ contemplationis lumine vidi fulgorem admirabilis excellentiæ, decoris, ac Maiestatis, quem sine termino quaquaversus diffuderat omnipræsens ac subtilis immensitas. Huius amœni fulgoris centrum insederat arcus multicolor, splēdidus, ac multiplici luminum pictura gratiosè variegatus, supraq; istum alius extendebatur arcus paris cum inferiori pulchritudinis, ac maiestatis, & hunc

in conuexi meditullio conspicuè exornabat gloriosa Crux nostri Saluatoris, purpurata, madida, locisque clauorum perforata, & Crucifixi titulo triumphali insignita.

Porro interiorè arcum impleuerat Humanitas Domini mei Iesu Christi radiosa, clara, pralucida, tanto Gloriæ amictu circumdata, quantum in ea numquam aliàs fueram cōspicata, placuitque ipsius dulci Bonitati conferre mihi vires extraordinarias, ac mirè viuaces, quibus acie irretorta liberrimè & prolixè intuerer Magnificentissimum Regem meum in toto decore suo; nō enim vti aliàs ex obliquo aut solo capite ac pectore tenus, sed integrū ac totū cernebam à vertice ad plātas vsq; & ex directo facie ad faciem. Interrupit hic Virginem Doctor sciscitando, cuius coloris fuerint illi arcus? Respondit: multiplicis ac peregrini, adeò quod nulli prorsus colori in Mundo isto visibili possit vel tenuissimè aptari comparatio, nisi quòd arcuum venustas omnium possibilium colorum varietatem, ac gratiam in se collegisse videbatur cum iminita quadam excellentia & dignitate. Inde pergebat Rota. Persensi ex vicina Christi humanitate suauiter in animæ meæ fundum defluere inexplicabiles flammæ & gloriæ strisuras, adeo quòd existimarim à Mundo corruptibili me penitus iam solutam, & ad perpetuæ fruitionis beata gaudia translata esse. Post hæc ille speciosus forma præ filiis hominum bilancem & nescio quæ pondera disposuit in propatulo: mox populo-

populose Angelorum phalanges festiuo
ornatu, ac nitore illustres accessere, de-
cora cum reuerentia sese inclinantes Do-
mino Maiestatis: accessere item copioso
numero felices Animæ, similique adora-
tionis ritu Saluatorem reueritæ seorsim,
constiterunt. Angeli correpta bilance ac
ponderibus coeperunt onerare trutinam,
afflictiones afflictionibus exaggerantes in-
cumulum, velut earum molestiam ad a-
missum explorari. At conantibus inter-
cessit Christus officiumque velut Angeli-
co sublimius arbitrio sibi met assumens ma-
nibus proprijs stateram leuauit in æquili-
bria, & de cumulis impositis afflictiones
distribuit præsentibus animabus, inter
quas & mihi portionem seposuit grauissi-
mæ aduersitatis. Deinde ponderibus de-
nuo impositis cumulabantur exaduerso
gratiæ super gratias; cumque accedentes
Angeli pararent libram attollere, rursus
intercessit Christus velut omnipotenti suo
brachio dignam fûctiorem accuratijs pe-
ractus, & ad proportionem distributa-
rum afflictionum pretiosos illos gratiarum
aceruos inter præsentis animas attentissi-
mè diuisit; neque me præterijt, siquidem
& mihi ad pondus concessæ aduersitatis
gazam inæsumabilem superfluentium gra-
tiarum admensus est. Notauì adstantes a-
nimas eodem gratiæ thesauro tam disten-
tas & ad summum vsque refertas, vt ore
& oculis exundaret ardata plenitudo.
His peractis sonoram decentissimè extu-
lit vocem Saluator: *Neuerint* (inquit)
universi, quæd tribulationem subse-

tia; sciant absque pondere afflictionum ad gratia cumulos non perueniri: agnoscant iuxta ærumnarum incrementa augeri pariter charismatum mensuram. Nolint errare, unica hac & vera est scala Paradisi, nec præter Crucem alia superest qua in Cælum ascendatur. His auditis (:pergebat Rosa) inuasit me validissimus impetus quem verbis effari nequeo, profiliendi in medium, fori, vt publicè fortissimisque clamoribus vociferarer ad omnem hominum ætatem, sexum, statum: audite Populi, audite Gentes vniuersæ, ex ore Christi vobis denuncio, non adquiri gratiam sine præuia afflictione, ærumnis supra ærumnas concumulatis opus est, vt ad intimum Diuinæ naturæ participium ad gloriam filiorum Dei, ad perfectam animæ pulchritudinem pertingatur.

Idem me stimulus vrgebat impetuosissimè ad prædicandam Diuinæ gratiæ venustatem, angebar, sudabam, anhelabam, videbaturque anima corporeo carcere teneri iam non posse quin eo relicto sola, agilior erumperet. clamatura per Mundum: ò si nosset mortales quid sit Gratia, quàm formosa, nobilis, pretiosa, quantas in se complectatur diuitias, quas opes, iubilos, delicias, vtique ambirent omnes affligi & pati, vitro postularent cuncti molestias, persecutiones, ægitudines, tormenta pro solo Gratia opulentissimo lucro assequendo, hoc sanctæ patientiæ mercimonium est & vtile fœnus: nemo quereretur de cruce, si hanc tantorum thesaurorum agnoscerent legitimam stateram,

Interpellauit Doctor, cupiens explorare magis, sub quali specie aut figura Virgini apparuisset Gratia? promptè respondit Rosa, nil eam cum corporeis figuris habere commune, at longè minùs cum colore aut quauis creata pulchritudine, naturam ei omnino diuinam esse, attamen bene se obseruasse quòd Gratia res sit alia à Deo tametsi Dei imaginem mirabiliter contineat, animamque constituat Deiformem. Tandem interrogauit Doctor, quo genere locutionis intellectualem vocali Christus verba superiùs recitata protulerit? Respondit Virgo, nescire se quo illa nomine apud talium rerum peritos appelletur, modum tamen locutionis hùc fuisse, quòd ab ore Christi promanabat clarus & purissimus sapientiæ conceptus, qui animæ fundum penetrans significabat intus quæcumque vellet intelligi.

Hæc illustris visio tempestiuè Rosam præparauit ad vltimos illos extremæ suæ paralyfis dolores qui præmaturam ei mortem intulerunt, proinde cum de felici

Virginis transitu agetur infra, op-


portunus de his redibit sermo:

neque enim vnico Capitu-

lo tota Rosa patientia

potuit expli-

cari.



CAPVT XVIII.

*Rosa varijs indicijs ardentem erga
Sponsum amorem prodit.*

Quanta in Rosæ pectore flagraret Di-
uini amoris Ætna, placuit Deo in-
terdum visibilibus signis palam facere,
dum ex vultu orantis iussit splendores &
flaminulas scintillare. Nocte quadam Ro-
sæ dormiendum fuit in vno conclau cum
socio Virgine, hæc circa gallicinium cui-
gilans vidit per tenebras frequentia mi-
care lumina in cubiculo; mox pauidè cir-
cumspiciēs aduertit non aliūde esse quàm
à facie orantis in angulo Rosæ, hæc enim
lectulo suo clam ad fundendas preces in-
pauimentū sese demiserat, & vbi maximè
in obscuro se latere credebat, prodebatur
lucidis igniculis per os oculosque inter
orandum euibratis, testante prodigio quā-
tum incendium feruebat intus. Hoc ip-
sum Rosæ insciæ pluries coram diuersis
accidisse compertum est.

Nec minùs eiusdem ardoris indices ac
fauillæ erant ignita illa suspiria, quibus
veluti flabellis cor illud succensum &
æstuans simul difflabat calores suos, simul
eosdem validiùs succendebat. Crebrum
hoc ei in ore erat: *Domine equis te non
amare? ego verò mi bone Iesu, quando te di-
gnè amare incipiam? heu me! quàm procul
disto à perfectà, intima, robustissima tui di-
lectione! necdum scio congrue te amare. quis*
pudor

*puter ! ad quid mihi cor istud , si nondum id
pro tuo amore totum diffuxit in cineres ! ni-
mirum propria hæc est superno amori hy-
drops, vt solum id sitiât quo magis abun-
dat .*

Hoc affectu calefcens Rosa pro impe-
trando Diuino amore ex ipsa Diuini amo-
ris ignita pharetra nonnullas iaculatorias
collegit in formâ precatiunculæ , quam
lubet huc verbatim transcribere , quia cū-
ctis ea placuit , multis vsu profuit , aman-
dique tum signis tum stimulis scatet . Hic
ei tenor est: *Domine mi Iesu Christe Deus &
homo, vere conditor & Redemptor noster quâd-
umquam te offenderim equidem mente discru-
sior , quia es qui es , & quia te amo super
omnia . Mi vere Deus & Sponse anima mea,
totâ lætitiâ cordis mei : ego ego amare te de-
sidero benignissime Iesu , amora illo perfectis-
simo , amore efficacissimo , sincerissimo , ines-
fabili , intensissimo , incomparabili , incom-
prehensibili , irrefragabili , inuictissimo, quo
simul vnuerſi ciues empyrei te diligunt . In-
super concupisco amare te ò Deus cordis ac
vitæ meæ , Deus delictum meum , amare te
velim quantum te amat Sanctissima Mater
tua, Domina mea Virgo purissima ; quinimo
te ò salus ò gaudium animæ meæ , te inquam
opto amare quâtenus tu ipse mi Deus te amas .
Concremer ego , deficiam ego , consumer ego ,
igne tui Diuini amoris ò mi benignissime Iesu .
Rudis ista rhetorica est in auribus seculi,
at schola Diuini amoris hic suam agno-
ſcit reperitque phrasin .*

Nouerat ingeniosa Virgo ceteras in se
virtutes abscondere , sola Charitas (quia

flamma est) premi ac celari nequaquam poterat . Hinc Rosæ colloquia, salutationes , responsa iugiter amoris diuini mentione condiebantur . Si cum familiaribus, Matronis, Virginibus sermocinandum, prima Rosæ vox erat : *amemus Deum nostrum , amemus* . Si de quacumque persona absente proferendum encomium, rem totam Rosæ hoc absoluebat compendio : *Deum fortiter ac seriò amat* . Quotiescumq; sacramentaliter confessura procubuerat ad Confessarij pedes , munita crucis signaculo erumpebat in hæc verba : *Dominus tecum mi Pater . Deus sis amor noster . O quis donet vt eum perfectè diligamus . Heu ! qui eum non diligunt , bonitatem ignorant* . In omni cōuersatione vnicum Rosæ oblectamentum erat ac solatium de amore Diuino aut audire aut loqui , inculcare supremam obligationem diligendi Numen quod tantopere nos dilexit & diligit , varios distinguere titulos , modos, stimulos huius dilectionis, denique omne aliud dissertationis argumentum quantumuis diuersissimum comi dexteritate huc inflectere , vt amor & amabilitas Dei in thema reliquorum discursuum succederet , quo obtento mirabile erat audire Virginem , aliàs taciturnam verbis aptissimis at vehementer ignitis ratiocinantem de debito charitatis, de affabili bonitate Dei dignātis amari, de pulchritudine Maiestatis tam dignæ amari ; tantum hîc Rosæ non deerant vocabula emphatica , hîc solùm abundabat fluida eius facundia , hîc ei inardebatur spiritus, acuebatur vox, fulgurabant

oculi, succendebantur præcordia, nemoque præsentium dubitare poterat, ex abundantia cordis os loqui.

At verò cum sola erat in recessu tugurioli, aut cum putabat à nemine se obseruari, tenerius simul atque liberius profa, versu, sermone cantu ructabat solemnissima quæque Seraphici amoris axiomata. Quæstor Gundisaluus vnà cum vxore & liberis aliquando domi suæ clam auscultabat Rosam loco solitario Diuinos amores pijs clamoribus feruidius celebrantem; Summa contentæ vociferationis hæc erat, inuitabat per ordinem singulos creaturarum ordines ad amorem dulcissimi Creatoris, elementa, Cælos, Angelos, plantas, animalia compellabat, idemtidem replicando: *amenus Deus, Deus amenus, amor Deus, Deus amor*. Nec perfunctoriè hæc dicebat, duabus ac interdum tribus horis vno defixa loco cœlumque respiciens his vocibus immorabatur, eo calore & impetu, vt audientium corda ad amorem & compunctionem ignara commoueret. Subinde non inueniens modum quo sibi inter hos feruores aut temperaret aut satisfaceret, citharam (: quàm pulsare numquam didicerat) arripiebat de proximo pariete fortè pèdulam, tactuque chordarum moderabatur impetum vocis, suauiter cantillando faucij querimonias amoris, vt omni ritu gestuque sese dilecto suo ostentaret amantem. Contigit aliquando citharæ omnes deesse chordas, nihilominus Rosa citharizabat, intenta magis interiorius sonanti *decachordo psalterio cum canti-*

co, Videbatur sub his innocentissimis symphonix conatibus Rosa cum puello suo Amore repuerascere, & oblita omnium dolorum indulgebat simplici teneritudini intimorum affectuum: bulliebat corde, & existimans nullos è vicino sibi imminere arbitros, tantilla euaporatione feruentem spiritum solabatur. Accidit tamen quod abrepta dulcore intrantes & exeuntes domesticos non obseruarit. Vnde pluries de cantantis ore auditi sunt versus isti numeris Hispanicis illigati, quos utcumque latinè reddiderim:

En; inter flores pulchrescis, & inter
olivas

Iesule, nec molli spernis adesse Rose.

Lepores erant, quibus Virgo liberius adblandiebatur dignationi sui Dilecti, qui Rosam pauperem (: utpote Matre *oliva* & Patre de *floribus* natam) minimè fastidierat, ex quo ab ea se tam tenerè amari. Multa de similibus amantis Rose vaporariis, de anterocis ad Sponsum aspiriis, & eclogis dicenda superessent fortè non indigna relatu, sed properandum ad solidiora.

Vehementissimæ dilectionis comes & testis est zelus, nec huius in se ardores Virgo celare poterat; hinc tantopere vrebatur, sicubi priuatim aut publicè quidquam committeretur, quod Dei honorem vel in minimo violaret; certè nec leuissima dissimulabat. In primis otiosas in Ecclesia fabulas (: nobilitatis rusticum
ma-

malum) adeo detestabatur, ut quamquam timida verborumque parcissima continere se non posset, quin loquaces ob loci reuerentiam debitæ urbanitatis admoneret, ea tamen moderatione, humilitate, prudentia, ut obsecrare potius quam corripere videretur. Domi quotquot de familia erant, cauebant ne quas coram Virgine proferrent ineptias, verebantur censorium Rosæ adhuc paruule supercilium, nouerant puellam ad suas tam atroces & crebras iniurias patientissimam ea sola tolerare nequaquam posse quibus vel tenuiter Deum offendi existimaret. Hic illi à prima pueritia sensus fuit, nam ubi ceteræ proles pro garrulo rudis ætatis genio aut sordes loquebantur quas nondum intelligebant, aut cantilenas amatorias aliunde forsan auditas innoxie repetebant, plorabat Rosæ, fugiebat, puerile flagitium deferabat Matri, querebatur offendi Deum, quodque alia ratione castigare satis non poterat, in se ipsa lachrymis amarissimis vindicabat. Mendacia, quæ puerorum assiduis iocis & loquacitati abesse vix unquam solent, tam dirè excrebatur, ut proprium suum apophtegma esset: *nec pro Cælo nec pro terra mentiendum, quia Deus veritas est.* Hinc si quid ipsam falsum etiam bona fide narrabatur ab alijs, pro accurato veritatis zelo placidissime corripere referentem, interloquendo comiter, non sic sed tali modo rem accidisse, non istud sed illud factum aut dictum fuisse. Accidit vna circiter hora ante felicem Virginis ad meliora transitum, venire illuc Ke-

ligiosum quemdam Sacerdotem, quem illa videre ante mortem desiderauerat, huic intranti vna ex adstantibus foeminis bona fide dixit: opportunè venis ò Pater, iam enim Rosa vocari te iusserat. Audijt moribunda, deque veritate scrupulosius sollicita attenuatum spiritum collegit in vocem, *non (inquit) erremus ; te quidem videre ante meum obitum desideravi, idque solum dixi, nil ultra.* Nimirum tanta ei inerat cura veritatis, quia Deus est veritas. Lachrymas quia vnicè ad Dei ærarium pertinere didicerat, non patiebatur aliò à quoquam inutiliter profundi, cupiens has soli Diuinæ Maiestati in tributum ab omnibus reseruari; vnde quadam occasione videns plorantem Matrem, quasi Diuinæ Quæsturæ correpta zelo, hem (inquit) ò Mater quid agis ? gazam prodigis soli Numinis thesauro inferendam ? quin tu potiùs memineris pretiosum hunc liquorem deberi soli Deo in ablutionem nostrorum peccatorû. Tanta Virgini zeloti curafuit, nec quid vel honori vel tributo cælestis Sponsi decederet.

Eiusdem amicissimi zeli genuina soboles erat immensum illud gaudium quo vernabat Rosa quotiescumque Dei honorem & obsequium insigni aliquo successu videbat promoueri. Limense emporium fama impleuerat, quamdam mulierem Deo solemniter dicatam, fracto Religionis vinculo è Cantabria profugisse in Indias, ac sub virili habitu in ciuitate *Guananga* diù errabundam, denique miro Dei beneficio rediisse ad cor, iamque in dicta ciui-

ciuitate resumpto sacro schemate sub religiosa clausura inter Sanctimoniales degere. Hæc vt Rosæ innotuerunt vidisses flammigerum eius zelum tot succendi affectibus, quot rerum species in diuersa sensum abripiebant. Doluit primùm de sacrilega iniuria, qua Diuinus honor facinore tam fœdo ac publico fuerat violatus, at simul ei tripudiabat animus in victoria Diuinæ gratiæ: compatiiebatur lapsæ peccatrici, simulque effusè lætabatur in eam miram Domini bonitatem ac Misericordiam publicè ab omnibus celebrari, huic festum diem agebat Rosæ, non sic lætatura si totius Americæ sceptrum sibi imperiūque sorte vel dono obtigisset. Denique metuebat simul ac sperabat conuersæ peccatricis constantiæ ac stabilitati, verùm in solatij cumulum adfuit superna reuelatio, qua Rosam Christus ipse securam reddidit de serua reductæ Monialis pœnitudine, adiungens, eam non modò perseueraturam, sed insignem quoque sanctimonialiæ gradum adepturam.

Nil erat quod satiares Rosam amores suos Sponso testificari cupientem, unde iugiter apud Confessarios lamentabatur, ingratham se esse tam suauis Numinis in se bonitanti, nescire se modum aptè colendi tam excelsam amicitiam, dumque agebat omnia, nihil se egisse querebatur. Accidit, vnum ex suis Confessariis grauiter infirmari; ac tempore quidem valde importuno, siquidem instabat propinquus dies, quo illi habendus erat sollemnis ad populum sermo. Misit igitur qui Rosæ
nun-

nunciarent , improuisa ægritudine se obrui , nec vires sibi futuras ad prædicandū , dolere se ob notabilem defectum qui festiuitatem ex parte obscuraturus erat, maximè cum ingens illustrium personarum multitudo ad concionem (:de qua fructus eximij sperabantur) fuisset inuitata. Rosa tristi nuncio exterrita post breuem deliberationem respondit : de Dei honore & obsequio hæc agitur . Eya itote , dicite infirmo , certissimè ipsum statuta die prædicaturum , tempestiuè aderunt vires vt possit , tametsi non sine conditione alteri onerosa . Conditio autem hæc erat, quòd Rosa interea sui Confessarij febres in se reciperet, prout olim Sanctæ Catarina Senensi contigit . Nec dubitauit Virgo pacisci cum Deo sub tali onere , malebat enim alienis febribus torrerì per omnes medullas , quàm quòd ex concionis defectu gloria Dei in mutila festiuitate detrimentum pateretur. Euenit vt Virgo prædixerat, paucis ante concionem horis Prædicator conualuit , officioque præclare functus est . Interea Rosam coquebat febris non sua . Nec tamen sermone abesse voluit , quia febrilem æstum facile superabat exultans. Diuinæ gloriæ zelus.

Inquietissima vis amoris nihil non comminiscabatur quò seruiret vnice dilecto . Compererat dictante historia , Sanctam Catarina Senensem aliquando latenti sub forma pauperis Christo dedisse vestem , excogitauit ergo & amans Rosa methodum ac rationem qua Christum indumento spiritalibus lacinijs operosè cō-

texto

texto deuotissimè amicaret. Nusquam is
 sibi occurrebat pauperior quàm vbi in Be-
 thlehem nascebatur paruulus, nudus, cum
 inopi Matre extorris diuersorio, algens in
 stabulo, panniculis obuolutus in vili præ-
 sepio. Huc igitur artes artusque omnes
 intendebat Rosa, vt piorum operum sin-
 gulari ac pretiosa confutura dignos Amori
 infantulo vestes præpararet. Labet hic
 simplicius ex ipsis Rose pugillaribus reci-
 tare formulam, qua sibimet Virgo hoc
 opus præfiniebat, ac ne labente memo-
 ria quidquam præteriret, hoc ordinè
 singula notarat in pagella. *IESVS. Anno*
1616. fauente & auxiliante Iesu Christo sua-
que beata Matre incipio parare vestimen-
tum dulcissimo meo Iesu nascituro tremulo,
nudo, egeno in Bethlehẽ Indusolum sumo 50.
Letaniz, 90 O. Rosaria, 5. dies inedia in reue-
rentiã SS. Incarnationis. Panniculi constanto
9 stationibus ad SS. Eucharistiã, nouem tri-
ribus psalterij Rosariani, & 9 diebus ieiun-
nij, pro numero mensium quos in vtero puris-
sima Matris exegit. Stragulis, 5 dies esuria-
les, 5. stationes, totidemque integra Rosaria
impenduntor pro honore sui Natalis Fasciam
prebento quinque Ceronz Domini, 5 dies ine-
dis, totidem stationes in reuerentiã sua Cir-
cumcisionis. Fimbrias ac limbo tam stra-
guli quàm fasciolarum ambiũto 33. SS. Com-
munionis, 33. interuentus Missarum, 33 hora-
mentalís orationis, 33 orationes Dominica,
Angeliceque salutationes, totidem vicibus
recitatio symboli Apostolorum, cum Gloria
Patri, & antiph Salve Regina, item 33. tri-
centes Rosarii Mariani 33. dies ieiuniorum,

*Et tria millia verberum in venerationem suæ
ætatis quam vixit in terris. Denique pro cre-
pudijs puerulo offeram meas lachrymas, sus-
piria, ætius amoris, cumque his animam &
cor meum, ut nihil mihi remaneat, quia con-
uenit nihil me possidere.*

Constat ex deuotæ Rosæ mystica officina pluries hoc vestimentorum genus prodijisse, nam subinde amicissimis personis eadem liberali dono cedebat offerenda, applicanda, circumponenda Iesulo nudo Amori suo. Et quid non egit ut is ab omnibus diligeretur? Placuit hic Rosæ ardor Saluatori, tantamque propagandi sui amoris sollicitudinem ingenti miraculo obsignauit Deus, quod Capiti sequenti seorsim narrandum sepono.

C A P V T XIX.

*Rosa, ut Christum omnibus aman-
dum persuadeat, manifestum su-
dantis Imaginis miraculum
impetrat.*

IN domestico Gundisalui Quæstoris oratorio inter alias sacras Imagines tum venustate tum reuerentia celebris eminebat illa quæ virilem Christi vultum scitissimis colororibus ac lineamentis exprimebat in tela. Huic Rosa peculiari deuotione erat addictissima, hanc effigiem quotiescumque diducto velo prostabat in altari, fixis obtutibus, auidissimis oculis hauriebat ac ferè sorbebat intensissima
con-

contemplatione , nimirum sentiens cor suum concalescere dum illius aspectui inhærebat .

Anno igitur MDCXVII. die xv. Aprilis (:qui Sabbathum erat) ad vesperam circa pulsum Angelicæ Salutationis Rosa cum vxore Gundisalui & filiabus in prædicto Oratorio de more insistebant orationi : detecta erat venerabilis illa Salvatoris effigies , cui ad vtrumque latus binæ ardebant candelæ in altari , ac tertia procul inde lucebat seorsim in mensula . Hic Virgo ultra solitum coepit vehementius succuti amoris stimulis , vt nec voci temperare iam posset quin erecta in pedes feruidissimè ac sonorè affaretur sacram Imaginem , quasi sola in oratorio fuisset . Summa vaporantis alloquij hæc erat : Domine , o quâdo te omnes diligēt prout diligī mereris : quousq; patieris hominum peccatis te irritari atq; irreuerēter haberi ? o quis det , vt cuncti agnoscant , quali quantoq; amore dignus sis ? vt capiant , non pœnarum seruili formidine , non mera spe mercenaria præmiorum , sed propter te amandum te esse ? eya fac Domine , fac te amari vt decet , excute pharetram , vibra quaquaversum ignita purissimi tui amoris iacula , erumpant vbique luculenta cordium incendia , tibi tibi famulentur vniuersi , tibi sese eneruet omne pectus præ violentia charitatis , tibi omnium affectuum sudent balsama , tibi inquam , tibi amabilissime Iesu , qui tanto humani generis amore bullis & æstuas . Inter has similesque voces Questoris vxor clā ex oratorio in-

*Et tria millia verberum in venerationem suæ
 ætatis quam vixit in terris. Denique pro cre-
 pundijs puerulo offeram meas lachrymas, sus-
 pira, ætius amoris, cumque his animam &
 cor meum, ut nihil mihi remaneat, quia con-
 uenit nihil me possidere.*

Constat ex deuotæ Rosæ mystica officii-
 na pluries hoc vestimentorum genus pro-
 diisse, nam subinde amicissimis personis
 eadem liberali dono cedebat offerenda, ,
 applicanda, circumponenda Iesulo nudo
 Amori suo. Et quid non egit vt is ab om-
 nibus diligeretur? Placuit hic Rosæ ardor
 Saluatori, tantamque propagandi sui amo-
 ris sollicitudinem ingenti miraculo obfi-
 gnauit Deus, quod Capiti sequenti seor-
 sim narrandum sepono.

C A P V T XIX.

*Rosa, vt Christum omnibus aman-
 dum persuadeat, manifestum su-
 dantis Imaginis miraculum
 impetrat.*

IN domestico Gundisalui Quæstoris o-
 ratorio inter alias sacras Imagines tum
 venustate tum reuerentia celebris emine-
 bat illa quæ virilem Christi vultum scitif-
 fimis colororibus ac lineamentis exprime-
 bat in tela. Huic Rosa peculiari deuo-
 tione erat addictissima, hanc effigiem quo-
 tiescumque diducto velo prostabat in al-
 tari, fixis obtutibus, auidissimis oculis
 hauriebat ac ferè sorbebat intensissima
 con-

contemplatione , nimirum sentiens cor suum concalescere dum illius aspectui inhærebat .

Anno igitur MDCXVII. die xv. Aprilis (:qui Sabbathum erat) ad vesperam circa pulsum Angelicæ Salutationis Rosæ cum vxore Gundisælui & filiabus in prædicto Oratorio de more insistebant orationi : detecta erat venerabilis illa Saluatoris effigies , cui ad vtrumque latus binæ ardebant candelæ in altari , ac tertia procul inde lucebat seorsum in mensula . Hic Virgo ultra solitum coepit vehementius succuti amoris stimulis , vt nec voci temperare iam posset quin erecta in pedes feruidissimè ac sonorè affaretur sacram Imaginem , quasi sola in oratorio fuisset . Summa vaporantis alloquij hæc erat : Domine , ò quâdo te omnes diligēt prout diligī mereris ? quousq; patieris hominum peccatis te irritari atq; irreuerēter haberi ? ò quis det , vt cuncti agnoscant , quali quantoq; amore dignus sis ? vt capiant , non prænarum serui formidine , non mera spe mercenaria præmiorum , sed propter te amandum te esse ? eya fac Domine , fac te amari vt decet , excute pharetram , vibra quaquaversum ignita purissimi tui amoris iacula , erumpant vbique luculenta cordium incendia , tibi tibi famulentur vniuersi , tibi sese enervet omne pectus præ violentia charitatis , tibi omnium affectuum sudent balsama , tibi inquam , tibi amabilissime Iesu , qui tanto humani generis amore bullis & æstuas . Inter has similesque voces Questoris vxor clā ex oratorio in-

vicinum atrium se proripuit cum filiabus ,
 ne fortè loquenti Virgini interfisterent,
 aut liberiores hos impetus respectu impor-
 tunæ præsentia impedirent. Vna tamen
 filiarum non abnuente Matre irrepsit quasi
 candelas emunctorio in Altari purgatura:
 statimque velut subitaneo pauore Rosam
 interpellans , quid video ? inquit , en vul-
 tum Saluatoris totum sudor operuit. Au-
 diuit hæc foris Mater , & confestim in-
 gressa vidit copiosas sudoris guttulas in-
 star minutissimorum vnionum tota sacra-
 tissimæ Imaginis facie conspicuas lucere ,
 ac prominere : subnascebantur aliæ alijs , &
 mutuo attritu resoluebantur influxum ,
 diuersisque lineis per pictos capillos &
 barbam stillatim decurrebant . Attonita
 spectaculo , nec ausa propius accedere , misit
 qui maritum domo fortè absentem citissi-
 mè aduocaret , is enim Secretarium Ioan-
 nem de Tineo tunc è portu Callaoensi Li-
 mam reuersum negotiorum causa conue-
 nerat . Venerunt ambo , ignari quid re-
 rum ageretur : vixque oratorium ingressi ,
 vbi vxor cum Ioâne de Benauides & Pe-
 tro Chiandro familiaribus taciti expecta-
 bant , viderunt non sine ictu pietatis effi-
 giem vndequaque velut roris antelucani
 guttulis cōfertim madidam & obductam ,
 iamque stillæ ad ipsam vsque marginem
 ligneum qui picturam includebat defu-
 xerant , ac nouæ identidem guttæ à fronte ,
 maxillis , oculis succrescebant .

Obest miraculorum fidei præceps cre-
 dulitas , prodest circumspecta dubitatio ,
 vt seueritate examinis ceu polituræ defri-
 ctu

ſtu ſimal exploretur ſoliditas & clareſcat
 veritas . Ita hic euenit : nam Gundifalvus
 in primis Angelinum Medorium Roma-
 num qui imaginem pinxerat , in ædes ſuas
 aduocauit , vt ſudoris originem , ſi fortè
 à natura colorum eſſet inueſtigaret . Ad-
 fuit piCTOR , limpidiſſimi humoris clarita-
 tem miratus , digito guttas aliquot deli-
 bauit , fricuit , naribus admouit , cumque
 nihil aut olidum aut oleaceum poſſet de-
 prehendere , luſtratis diligenter omnibus
 edixit , ſupernaturale ſibi omnino videri
 quod in imagine gerebatur ; coloris , odo-
 ris , tactus aliarumque circumſtantiarum
 experimenta neutiquam fallere , naturæ
 artiſque induſtrias tali prodigio longè a-
 beſſe . His minimè contentus Quæſtor fi-
 dum hominem Andream Lopez ablegat ,
 iubetque è vicino Societatis Ieſu Collegio
 accerſiri nominatim Patres Didacum
 Martinez & Didacum de Peñaloſa , ſic ta-
 men vt neutri ad quid ea hora vocarentur
 indicaret . Venit P. Peñaloſa cum ſocio
 Francisco Lopez coadiutore , nam impe-
 ditus erat P. Martinez , & tertia noctis ho-
 ra imminebat . Intrauit vterque ac breui
 oratione præmiſſa ad altare propior acceſ-
 ſit , ſudantem adhuc vultum diù attentèq;
 contemplatus demum petito goſſipio leui-
 ter humorem abſterſit . Verùm quò plus
 detergebatur plus noui ſudoris erumpe-
 bat , rursus ergo Peñaloſa goſſipium quā
 ſiccum erat applicuit , rursus guttulis gut-
 tæ , riuus riuuli ſucceſſere . Dehinc char-
 tam adhibuit , viſurus an fortè ex colori-
 bus oleo temperatis vaſtuſa aliqua pin-
 guedo

guedo humori inesset ; commaduit charta, sed paulò post siccabatur, vnde 'purè aqueum esse collegit. Quatuor continuis horis & vltra durauit pium ostentum, cūctis per gyrum admirantibus, quòd nullo colorum aut venustatis detrimento vultus ille facerrimus post sudores pulchrior viuidiorque solito appareret. Nec adeo euauit hic sudor quin sub barba vsque ad oram marginis vestigia reliquerit multis post annis & lustris palam conspicua.

Supererat publicæ autoritatis legale examen & disquisitio, vt euidentius innotesceret miraculi certitudo. Itaque Limanus Archiepiscopus D. Bartolomæus *Lobo guerrero* capiendis legitimis informationibus Iudicem constituit Doctorem Ioannem *de la Rocca* Parochum & Archidiaconum Metropolitanum, qui coram Notario Iacobo Blanca Presbytero auditis omnium qui spectaculo interfuerant vnisonis testimonijs rei gestæ seriem ex ordine totam excepit, ac tabellioni ritè in protocollum referendā commisit. Interea Gundisaluum, vxorem, familiam grauissimus inuasit timor, ne fortè ob aliquod suum aut domesticorum occultum scelus hoc in suis ædibus portentum accidisset, aut impendentem aliquam Diuinæ ultionis cladem miseris comminaretur. Verùm his facilè Rosa totius arcani probè cōscia occurrit, voce tranquilla & placida iubens ne timerent, nihil terrificum, nil sinistra horridumue portendi, totum hoc quidquid fuerat miraculi eò dūtaxat spectare ac tendere, vt Saluator quàm enixè
cu-

cupiat amari ab omnibus, ipsomet sudorifero vultu estuque præter ordinem luculentò manifestaret; proscenium istud solius fuisse Diuini amoris reciprocòs hominum amores inuitantis: non vnico ore sed poris omnibus clamassè in imagine Redemptorem: *redamate amantem vos*. Quis enim perciperet laxari sin hunc clamorem poros nisi cum sudant? Nondum Rosa loqui desierat cum Gundisalui vxori in memoriã recurrerunt ignita alloquia quibus Virgo Imaginem affata fuerat ante sudorem, conferebat anteriora postremis, & mirè inuicem consonare deprehendit. Nec minùs apertè quotquot sudoris spectaculo coram fructi erant, fãtebantur, se sub illius intuitu novos, acutos, insolitos sensisse Diuini amoris stimulos, idque erat quod Virgo tam ardentè & anxie flagitarat. Non satiantur sic amãtes orare iugiter: *flammeſcat igne charitas, accendat ardor proximos*.

Neque hìc stetit miraculum quin partu noui miraculi & suam certitudinem affereret, & Rosæ brachium fidemque liberaret. Paucis ante diebus (: nempe feria 2. Paschatis) Rosa lapsu fortuito terra allisa brachium grauiter offenderat; Chirurghi tumidis ac liuentibus indicijs territi iudicauerunt aut Virginem deinceps mancam ea parte remanẽuram, aut saltim curationis laborem admodum prolixum, incertumque fore, periculum longè minus fuisse intercessurum, si ossa in partes diffracta crepuissent; Rosa patiendi assuetudine, ac desiderio fortis hæc quasi de alieno

alieno brachio dicta tranquillè excipie-
 bat : nihilominus die quadam familiariter
 cum Gundisalvi uxore de prodigio sudā-
 tis Imaginis conferens , repente se sensit
 excitari ad fiduciam recuperandæ sanita-
 tis , modò gossipiū quod prodigioso Ima-
 ginis sudore macuerat , contusis brachij
 sui nervis ac musculis applicaretur. Quæ-
 storis vxor quasi de virginis ore verbum
 rapiens confestim gossipium attulit, fascias
 solui , floccos imponi iubet . Cunctaba-
 tur Virgo, metuens præproperè sibi dolo-
 res cripi , quos pro Sponsi amore diutiùs
 tolerare optabat , causabatur se citra Cō-
 fessarij permissionem nil præsumpturam .
 Ne tamen oblatam remedij gratiā videretur
 aspernari, cōtinuò ipsamet Confessariū
 adiit in Æde S. Dominici, cādore quo sole-
 bat ré exposuit, nutū expectauit. Cōfessā-
 rius nil differendū esse edixit, iret , prope-
 raret, gossipiū apponeret, seseq; Diuino fa-
 uori submitteret Factū vt ille imperauerat.
 Meridiei pūctus erat, quādo D. Maria Vsa-
 reguī proprijs manibus Rosæ domū redu-
 ci brachiū nudauit, gossipiū circumduxit ,
 alligaturā reposuit . Mox Virgo in orato-
 riū se proripuit , ac inde post duas circiter
 horas egressa brachium vndequaq; sanum ,
 & flexile ostentauit. Gausa Domina de
 modo ac mora curationis inquisiuit ; cui
 Rosa ; vix (inquit) in oratorio ad pre-
 ce, coram S. Imagine me composueram ,
 quando attractu præualido sensi redire ad
 sua loca distortos nervos, detumescere
 iulpos , distringi musculos , nec tamen
 redire statim volui , donec cœlesti Me-
 dico

dico grates ex debito. persoluissem; in his nonnihil me distinui; tolle iam gossipium, tolle fascias, quia iam tuto sunt omnia. Beneficium tam repentinum totas ædes exciuit in securæ gratulationis lætitiā, mirabantur omnes, & præcipuè Chirurghi qui pridie metuerāt oleum & operam perdi, siquidem intractabile viderant brachium & in omnem medelam contumax, vt non vererentur tamquam de incurabili ambiguè mustitare.

Exinde grauior tempestas formidinis Gundisaluo incubuit sed nouo Rosæ solatio mox dissipanda. Serpebat incertus per urbem rumusculus, sacram Imaginem de priuato Oratorio auferendam iri, velut publico ac celebriori loco dignissimam. Torquebat hæc fama Quæstorem, confortem, filias, quòd ægerrimè paterentur domesticum hunc thesaurum quotidiano suo ac suorum conspectui, deuotioni, gaudio subduci, præsertim quia pluries à Rosa didicerant, gratiosam hanc Saluatoris effigiem toti domui salutarem esse, in eā Diuinam misericordiam secretiis operari sua magnalia, frequenter ab illa benedictionem supernæ dulcedinis emanare. Sed animosa Virgo, vt comperit anxium Gundisaluum hac formidine cruciari, ne quidquam dubites, ait, mi Pater (:nam ipsum & uxorem parentum nomine honorare consueuerat) ne inquam timueris, non enim huiuscemodi ostenta nobis indulsit benignus iste Saluator tamquam propediem his ædibus abiturus; nobiscum ille habitare dignabitur, certus esto. Quod

ligiosum quemdam Sacerdotem, quem illa videre ante mortem desiderauerat, huic intranti vna ex adstantibus foeminis bona fide dixit: opportunè venis ò Pater, iam enim Rosa vocari te iusserat. Audiit moribunda, deque veritate scrupulosius sollicita attenuatum spiritum collegit in vocem, *non (inquit) erremus ; te quidem videre ante meum obitum desideravi , idque solum dixi , nil ultra .* Nimirum tanta ei inerat cura veritatis, quia Deus est veritas. Lachrymas quia vnicè ad Dei ærarium pertinere didicerat, non patiebatur aliò à quoquam inutiliter profundi, cupiens has soli Diuinæ Maiestati in tributum ab omnibus reseruari; vnde quadam occasione videns plorantem Matrem, quasi Diuinæ Quæsturæ correpta zelo, hem (inquit) ò Mater quid agis ? gazam prodigis soli Numinis thesauro inferendam ? quin tu potiùs memineris pretiosum hunc liquorem deberi soli Deo in ablutionem nostrorum peccatorû. Tanta Virgini zeloti curasuit, nec quid vel honori vel tributo cælestis Sponsi decederet.

Eiusdem amicissimi zeli genuina soboles erat immensum illud gaudium quo vernabat Rosa quotiescumque Dei honorem & obsequium insigni aliquo successu videbat promoueri. Limense emporium fama impleuerat, quamdam mulierem Deo solemniter dicatam, fracto Religionis vinculo è Cantabria profugisse in Indias, ac sub virili habitu in ciuitate *Guananga* diù errabundam, denique miro Dei beneficio rediisse ad cor, iamque in dicta ciui-

ciuitate resumpto sacro schemate sub religiosa clausura inter Sanctimoniales degere. Hæc ut Rosæ innotuerunt vidisses flammigerum eius zelum tot succendi affectibus, quot rerum species in diuersa sensum abripiebant. Doluit primum de sacrilega iniuria, qua Diuinus honor facinore tam foedo ac publico fuerat violatus, at simul ei tripudiabat animus in victoria Diuinæ gratiæ: compatiiebatur lapsæ peccatrici, simulque effusè latabatur in eam miram Domini bonitatem ac Misericordiam publicè ab omnibus celebrari, huic festum diem agebat Rosa, non sic latatura si totius Americæ sceptrum sibi imperiūque sorte vel dono obtigisset. Denique metuebat simul ac sperabat conuersæ peccatricis constantiæ ac stabilitati, verum in solatij cumulum adfuit superna reuelatio, qua Rosam Christus ipse securam reddidit de serua reductæ Monialis poenitudine, adiungens, eam non modò perseueraturam, sed insignem quoque sanctimonialiæ gradum adepturam.

Nil erat quod satiares Rosam amores suos Sponso testificari cupientem, unde iugiter apud Confessarios lamentabatur, ingratham se esse tam suauis Numinis in se bonitanti, nescire se modum aptè colendi tam excelsum amicitiam, dumque agebat omnia, nihil se egisse querebatur. Accidit, vnum ex suis Confessariis grauitè infirmari; ac tempore quidem valde importuno, siquidem instabat propinquus dies, quo illi habendus erat sollemnis ad populum sermo. Misit igitur qui Rosa

nunciarent, improuisa ægritudine se obrui, nec vires sibi futuras ad prædicandū, dolere se ob notabilem defectum qui festiuitatem ex parte obscuraturus erat, maxime cum ingens illustrium personarum multitudo ad concionem (:de qua fructus eximij sperabantur) fuisset inuitata. Rosa tristi nuncio exterrita post breuem deliberationem respondit: de Dei honore & obsequio hac agitur. Eya itote, dicite infirmo, certissime ipsum statuta die prædicaturum, tempestiuè aderunt vires ut possit, tametsi non sine conditione alteri onerosa. Conditio autem hæc erat, quod Rosa interea sui Confessarij febres in se reciperet, prout olim Sanctæ Catarinæ Senensi contigit. Nec dubitauit Virgo pacisci cum Deo sub tali onere, malebat enim alienis febribus torreretur per omnes medullas, quam quod ex concionis defectu gloria Dei in mutila festiuitate detrimentum pateretur. Euenit uti Virgo prædixerat, paucis ante concionem horis Prædicator conualuit, officioque præclare functus est. Interea Rosam coquebat febris non sua. Nec tamen sermone abesse voluit, quia febrilem æstum facile superabat exæstuans. Diuinæ gloriæ zelus.

Inquietissima vis amoris nihil non comminisceretur quo seruiret vnice dilecto. Compererat dictante historia, Sanctam Catarinam Senensem aliquando latenti sub forma pauperis Christo dedisse vestem, excogitauit ergo & amans Rosa methodum ac rationem qua Christum indumento spiritualibus lacinijs operose cō-

texto deuotissimè amicaret. Nusquam is
 sibi occurrebat pauperior quàm ubi in Be-
 thlehem nascebatur paruulus, nudus, cum
 inopi Matre extorris diuersorio, algens in
 stabulo, panniculis obuolutus in vili præ-
 sepio. Huc igitur artes artusque omnes
 intendebat Rosa, vt piorum operum sin-
 gulari ac pretiosa consutura dignos Amori
 infantulo vestes præpararet. Labet hìc
 simpliciùs ex ipsis Rose pugillaribus reci-
 tare formulam, qua sibi met Virgo hoc
 opus præfiniebat, ac ne labente memo-
 ria quidquam præteriret, hoc ordinè
 singula notarat in pagella. *IESVS. Anno*
1616. fauente & auxiliante Iesu Christo sua-
que beata Matre incipio parare vestimen-
um dulcissimo meo Iesu nascituro tremulo,
nudo, egeno in Bethlehẽ Indusolum sumo 50.
Letaniæ, 20 O. Rosaria, 5. dies inedia in reue-
rentiâ SS. Incarnationis. Panniculi constant
9 stationibus ad SS. Eucharistiã, nouem tri-
ribus psalterij Rosariani, & 9 diebus ieiunij,
pro numero mensium quos in utero paris-
sima Matris exegit. Stragulis, 5 dies esuria-
les, 5. stationes, totidemque integra Rosaria
impenduntur pro honore sui Natalis Fasciam
prebento quinque Cerone Domini, 5 dies ine-
dis, totidem stationes in reuerentiã sue Cir-
cumcisionis. Fimbrias ac limbos tam strag-
uli quàm fasciolarum ambiuto 33. SS. Com-
muniones, 33. interuentus Missarum, 33 hora-
mentalis orationis, 33 orationes Dominica,
Angeliceque salutationes, totidem vicibus
recitatio symboli Apostolorum, cum Gloria
Patri, & antiph Salve Regina, item 33. tri-
entes Rosarii Mariani 33. dies ieiuniorum,

*Et tria millia verberum in venerationem su-
aetatis quam vixit in terris. Denique pro cre-
pudijs puerulo offeram meas lachrymas, sus-
piria, actus amoris, cumque his animam &
cor meum, ut nihil mihi remaneat, quia con-
uenit nihil me possidere.*

Constat ex deuotæ Rosæ mystica officina pluries hoc vestimentorum genus prodijisse, nam subinde amicissimis personis eadem liberali dono cedebat offerenda, applicanda, circumponenda Iesulo nudo Amori suo. Et quid non egit vt is ab omnibus diligeretur? Placuit hic Rosæ ardor Saluatori, tantamque propagandi sui amoris sollicitudinem ingenti miraculo ob- signauit Deus, quod Capiti sequenti seorsim narrandum sepono.

C A P V T XIX.

*Rosa, vt Christum omnibus aman-
dum persuadeat, manifestum su-
dantis Imaginis miraculum
impetrat.*

IN domestico Gundisalui Quæstoris o-
ratorio inter alias sacras Imagines tum
venustate tum reuerentia celebris emine-
bat illa quæ virilem Christi vultum scitif-
simis coloribus ac lineamentis exprime-
bat in tela. Huic Rosa peculiari deuo-
tione erat addictissima, hanc effigiem quo-
tiescumque diducto velo prostabat in al-
tari, fixis obtutibus, auidissimis oculis
hauriebat ac ferè sorbebat intensissima
con-

contemplatione , nimirum sentiens cor suum concalescere dum illius aspectui inhærebat .

Anno igitur MDCXVII. die xv. Aprilis (: qui Sabbathum erat) ad vesperam circa pulsum Angelicæ Salutationis Rosæ cum vxore Gundisalui & filiabus in prædicto Oratorio de more insistebant orationi : detecta erat venerabilis illa Saluatoris effigies , cui ad vtrumque latus binæ ardebant candelæ in altari , ac tertia procul inde lucebat seorsim in mensula . Hic Virgo ultra solitum cœpit vehementius succuti amoris stimulis , vt nec voci temperare iam posset quin erecta in pedes feruidissimè ac sonorè affaretur sacram Imaginem , quasi sola in oratorio fuisset . Summa vaporantis alloquij hæc erat : Domine , o quâdo te omnes diligēt prout diligere mereris ? quousq; patieris hominum peccatis te irritari , atq; irreuerēter haberi ? o quis det , vt cuncti agnoscant , quali quantoq; amore dignus sis ? vt capiant , non pœnarum feruili formidine , non mera spe mercenaria premiorum , sed propter te amandum te esse ? eya fac Domine , fac te amari vt decet , excute pharetram , vibra quaquaversu n ignita purissimi tui amoris iacula , erumpant vbique luculenta cordium incendia , tibi tibi famulentur vniuersi , tibi sese eneruet omne pectus præ violentia charitatis , tibi omnium affectuum sudent balsama , tibi inquam , tibi amabilissime Iesu , qui tanto humani generis amore bullis & æstuas . Inter has similesque voces Questoris vxor clau ex oratorio in

vicinum atrium se proripuit cum filiabus, ne fortè loquenti Virgini interstrepere, aut liberiores hos impetus respectu importunæ præsentia impedirent. Vna tamen filiarum non abnuente Matre irrepsit quasi candelas emunctorio in Altari purgatura: statimque velut subitaneo pauore Rosam interpellans, quid video? inquit, en vultum Saluatoris totum sudor operuit. Audiuit hæc foris Mater, & confestim ingressa vidit copiosas sudoris guttulas instar minutissimorum vnionum tota sacratissimæ Imaginis facie conspicuas lucere, ac prominere: subnascebantur aliæ alijs, & mutuo attritu resoluebantur influxum, diuersisque lineis per pictos capillos & barbam stillatim decurrebant. Attonita spectaculo, nec ausa propiùs accedere, misit qui maritum domo fortè absentem citissimè aduocaret, is enim Secretarium Ioannem de Tineo tunc è portu Callaoensi Litmam reuersum negotiorum causa conuenerat. Venerunt ambo, ignari quid rerum ageretur: vixque oratorium ingressi, vbi vxor cum Ioâne de Benauides & Petro Chiandro familiaribus taciti expectabant, viderunt non sine ictu pietatis effigiem vndequaque velut roris antelucani guttulis cōfertim madidam & obductam, iamque stillæ ad ipsam vsque marginem ligneum qui picturam includebat defuxerant, ac nouæ identidem guttæ à fronte, maxillis, oculis succrescebant.

Obest miraculorum fidei præceps credulitas, prodest circumspecta dubitatio, vt seueritate examinis ceu polituræ defri-

ctu

Etu final exploretur soliditas & clarescat
 veritas . Ita hic euenit : nam Gundisalaus
 in primis Angelinum Medorium Roma-
 num qui imaginem pinxerat , in ædes suas
 aduocauit , vt sudoris originem , si fortè
 à natura colorum esset inuestigaret . Ad-
 fuit pictor , limpidissimi humoris clarita-
 tem miratus , digito guttas aliquot deli-
 bauit , fricuit , naribus admouit , cumque
 nihil aut olidum aut oleaceum posset de-
 prehendere , lustratis diligenter omnibus
 edixit , supernaturale sibi omnino videri
 quod in imagine gerebatur ; coloris , odo-
 ris , tactus aliarumque circumstantiarum
 experimenta neutiquam fallere , naturæ
 artisque industrias tali prodigio longè a-
 besse . His minimè contentus Quæstor fi-
 dum hominem Andream Lopez ablegat ,
 iubetque è vicino Societatis Iesu Collegio
 accersiri nominatim Patres Didacum
 Martinez & Didacum de Peñalosa , sic ta-
 men vt neutri ad quid ea hora vocarentur
 indicaret . Venit P. Peñalosa cum socio
 Francisco Lopez coadiutore , nam impe-
 ditus erat P. Martinez , & tertia noctis ho-
 ra imminebat . Intrauit vterque ac breui
 oratione præmissa ad altare propior acces-
 sit , sudantem adhuc vultum diù attentèq;
 contemplatus demum petito gossipio leni-
 ter humorem absterxit . Verùm quò plus
 detergebatur plus noui sudoris erumpe-
 bat , rursus ergo Peñalosa gossipium quò
 siccum erat applicuit , rursus guttulis gut-
 tæ , riuus riuuli succedere . Dehinc char-
 tam adhibuit , visurus an fortè ex colori-
 bus oleo temperatis vinctuosa aliqua pin-
 guedo

guedo humori inesset ; commaduit charta, sed paulò post siccabatur, vnde 'purè aqueum esse collegit. Quatuor continuis horis & vltra durauit pium ostentum, cūctis per gyrum admirantibus, quòd nullo colorum aut venustatis detrimento vultus ille facerrimus post sudores pulchrior viuidiorque solito appareret. Nec adeo euauit hic sudor quin sub barba vsque ad oram marginis vestigia reliquerit multis post annis & lustris palam conspicua.

Supererat publicæ auctoritatis legale examen & disquisitio, vt euidentius innotesceret miraculi certitudo. Itaque Limanus Archiepiscopus D. Bartolomæus *Lobo guerrero* capiendis legitimis informationibus Iudicem constituit Doctorem Ioannem *de la Rocca* Parochum & Archidiaconum Metropolitanum, qui coram Notario Iacobo Blanca Presbytero auditis omnium qui spectaculo interfuerant vnisonis testimonijs rei gestæ seriem ex ordine totam excepit, ac tabellioni ritè in protocollum referendā commisit. Interea Gundisaluum, vxorem, familiam grauissimus inuasit timor, ne fortè ob aliquod suum aut domesticorum occultum scelus hoc in suis ædibus portentum accidisset, aut impendentem aliquam Diuinæ ultionis cladem miseris comminaretur. Verùm his facilè Rosa totius arcani probè cōscia occurrit, voce tranquilla & placida iubens ne timeant, nihil terrificum, nil sinistra horridumue portendi, totum hoc quidquid fuerat miraculi eò dūtaxat spectare ac tendere, vt Saluator quàm enixè
cu-

cupiat amari ab omnibus, ipsomet sudorifero vultu estuque præter ordinem luculentò manifestaret; proscenium istud solius fuisse Diuini amoris reciprocos hominum amores inuitantis: non vnico ore sed poris omnibus clamassè in imagine Redemptorem: *redamate amantem vos*. Quis enim perciperet laxari in hunc clamorem poros nisi cum sudant? Nondum Rosa loqui deserat cum Gundisalui vxori in memoriã recurrerunt ignita alloquia quibus Virgo Imaginem affata fuerat ante sudorem, conferebat anteriora postremis, & mirè inuicem consonare deprehendit. Nec minùs apertè quotquot sudoris spectaculo coram frui erant, fãtebantur, se sub illius intuitu novos, acutos, insolitos sensisse Diuini amoris stimulos, idque erat quod Virgo tam ardentè & anxie flagitarat. Non satiantur sic amãtes orare iugiter: *flamme scæ igne charitas, accenda: ardor proximos*.

Neque hìc stetit miraculum quin partu noui miraculi & suam certitudinem assereret, & Rosæ brachium fidemque liberaret. Paucis ante diebus (: nempe feria 2. Paschatis) Rosa lapsu fortuito terra allisa brachium grauitèr offenderat; Chirurghi tumidis ac liuentibus indicijs territi iudicarunt aut Virginem deinceps mancam ea parte remanuram, aut saltim curationis laborem admodum prolixum, incertumque fore, periculum longè minus fuisse intercessurum, si ossa in partes diffracta crepuissent; Rosa patiendi assuetudine, ac desiderio fortis hæc quasi de alieno

dico grates ex debito. persoluissem; in his nonnihil me distinui; tolle iam gossium, tolle fascias, quia in tuto sunt omnia. Beneficium tam repentinum totas ædes exciuit in securæ gratulationis lætitiā, mirabantur omnes, & præcipuè Chirurghi qui pridie metuerāt oleum & operam perdi, siquidem intractabile viderant brachium & in omnem medelam contumax, vt non vererentur tamquam de incurabili ambiguè mustitare.

Exinde grauior tempestas formidinis Gundisaluo incubuit sed nouo Rosæ solatio mox dissipanda. Serpebat incertus per urbem rumusculus, sacram Imaginem de priuato Oratorio auferendam iri, velut publico ac celebriori loco dignissimam. Torquebat hæc fama Quæstorem, confortem, filias, quòd ægerrimè paterentur domesticum hunc thesaurum quotidiano suo ac suorum conspectui, deuotioni, gaudio subduci, præsertim quia pluries à Rosa didicerant, gratiosam hanc Saluatoris effigiem toti domui salutarem esse, in ea Diuinam misericordiam secretius operari sua magnalia, frequenter ab illa benedictionem supernæ dulcedinis emanare. Sed animosa Virgo, vt comperit anxium Gundisaluum hac formidine cruciari, ne quidquam dubites, ait, mi Pater (:nam ipsam & uxorem parentum nomine honorare consueuerat) ne inquam timueris, non enim huiusmodi ostenta nobis indulsit benignus iste Saluator tamquam propediem his ædibus abiturus; nobiscum ille habitare dignabitur, certus esto. Quod

fi ob gratiam muperrimi miraculi pictura illa hinc auferenda est, totum simul oratorium cum reliquis eiusdem sanctis iconibus auferant necesse est, quia pleraque miris in nos beneficijs certant scatentq; arcanis prodigijs.

Ita esse pridem coniecerant ex affectu, deuotione, reuerentia, quam peculiariter modò huic modò illi ibidem Imagini Rosa impendebat, velut inde fauoris Diuini copiosior eam aura afflasset. Prostabat in Altari Oratorij imago Iesu paruuli venustis coloribus adumbrata; in hanc Virgo sapissimè iaciebat ardentes oculos, huic mittebat crebra ex imo pectore suspiria, hanc deperibat, nec toto cautissimæ suæ modestiæ velo sufficiebat intimos erga illum feruores abscondere. Obseruauit hæc tacitè Maria de Vfatègui, prudentique solertia demum à Virgine per ambages elicuit quid rerum illic lateret. Fatebatur ingenua Rosa ad omnem illius picturæ intuitum nouo se perfundi calore & gaudio, subsultare præcordia, inflammari spiritum, eò quòd Diuinus ille puerulus videbatur sibi nunc blando arrisù salutem dicere, nunc suauis radiorum effluxu animam transfigere, aliquando etiam curta brachicula foras protendere velut in amplexum Rosæ iam iam vltro procururus. Hæc narrans inadersebat, nec cohibere se poterat quin fortius vocem attoleret in paranesim, eya, inquiebat, ò Mater, æstimmato hunc celestem paruulum, famulare huic Domino, cole venerare, ama hunc Regem gloriæ, qui sine intermissione ex
pusil-

pusilla icone tam grandia in nos dona cōgerit, paratus maiora & plura effundere, modò velimus capere. Redibat inde protinus ad eam de qua supra virilem Seruatoris nostri effigiem, assererat hac se medullitus instaurari ac refici, nonnullosque in anima & corpore effectus experiri simillimos ijs quos in sumptione Sanctissimæ Eucharistiæ percipiebat. Deniq; ingemiscebat querula, tam raros & paucos esse qui Dominum tam suauè toto ac puro affectu redamarent, hunc sibi dolorem videri prorsus intolerabilem, optabat sibi obtigisse sexum, facundiam, vires, quibus vniuerso terrarum orbi solum Iesu Christi amorem persuaderet; nempè idipsum olim Seraphica sua Mater ac Magistra optauerat, & tandem inter hos ardores increpabat seipsam quòd non arderet satis.

C A P V T X X.

*Rosam imago Deiparæ in SS. Rosarij
Sacello creberrimè solatur, mul-
cet, instruit.*

SVpra-dictis penè gemella sunt quæ hic narrabimus; at prælibāda sunt ex multis paucula de singulari prærogatiua celeberrimæ huius Imaginis, quæ inde ab introductæ Christianæ Fidei primis initijs prima toti Peruano Regno per publica beneficia innotuit, & priuatim Rosæ nostræ tam eximie chara fuit atque propitia.

Statua est ex ignoto ligno ad humanæ staturæ proceritatem affabrè sculpta in formosam effigiem Magnæ Deiparæ paruulum Iesum gestantis in vlna, manuque altera Mundo Rosarium suum porrigentis. Hanc Christiani conquiendarum Indiarum auspicem ex Hispanijs secum aduectam inter prima Limanæ vrbsis molimina primo ibidem veræ Religionis Templo (: cui à Sanctissimo Rosario coauum nomen est) solemni ritu collocarunt, adstructo Fratrū Prædicatorum insigni cœnobio. Prosperrimum id propagandæ illic Fidei nomen & exordium fuit, nam simul in hoc Templo quod vnicum tunc extabat, sub tutelari præsidio Diuæ Virginis ad titulum S. Rosarij constituta fuit Parochia, hic primus instructis catechumenis patuit fons lustralis quo infideles ad veri Numinis cultum adducti capere per S. Baptismi ianuam intromitti ad caulam ouium Christi; hinc demum ad alias quæ paulatim fundabantur sacras Aedes tota Sacramentorum administratio promanauit, ac velut ex vno Augustissimæ Cœlorum Reginae parthenico Roseto Ver nascentis Fidei in omnem circuitum floridè se diffudit.

Anno 1535. iuxta *Caxaguannam* in Cusco ac finitimis provincijs gentilium Indorum plusquam 200000. sub signis erant vt Catholicum exercitum sexcentis non amplius capitibus numerosum proculcarent potius quàm profligarent. Aderant Christianæ phalangi aliquot Religiosi ex Prædicatorum Ordine, ac implorata in opem Re-

Regina Sanctissimi Rosarii, dum vtrunque concurrunt acies, visa est vtrunque in aëre cōspicua Diua Virgo sub lūæ Limensis Imaginis notissimo agalmate, virgani distringens in hostes, ac ni cederent internecionem comminitans. Perculsi superno spectaculo idololatræ pacem armorum experimento prætulērunt, & obstinatione vnâ cum ferro excussa certatim iugo Fidei cum gaudio succollarunt. Exinde creuit S. Imagini popularis veneratio, cumque fama tanti miraculi Regnum ac vniuersam regionem peruasit mirifica salutiferæ deuotionis propago.

Demum anno 1643. vj. Idus Maij Rex Catholicus Regnum suum Peruanum cælesti Virginis Matris præsidio firmitus cōtra impendentia pericula communiri exoptans mandauit hanc ab vniuersis incolis publico ritu eligi Protectricem, simulque ad aliquam huius sacram Imaginem (: quæcumque illa esset toti regioni celebrior ac de fama beneficiorum illustrior) publici refugij perennem tesseram communi voto collectam firmissimè stabiliri. Factum est: cum Archiepiscopo Prorex & vterque tum Ecclesiasticus tum secularis Regni Sēnatus inuito consilio collatisque suffragijs Limanam D. Virginis Sanctissimo Rosario præstantis imaginem elegerunt, & quotannis feria secunda post Dominicam *Quasi modò geniti* instituta publica supplicatione (: cui tum ipsi, tum singulorum Ordinum Regulares & vniuersa tribunalium dicasteria interueniant) eandem in suo apud FF. Prædicatores Sacello inui-

I - 2

sunt.

sunt. Eadem vbi festiua Processione effertur in publicum, (: quod annuè fit in die octaua Sanctissimi Rosarij mense Octobri) à dispositis per forum chiliadibus crepera scloporum displosione salutatur, fulgente in singularum cohortium explicitis vexillis nomine, tessera, figura imaginis Rosarianæ. Nec reliquum anni tempus vacuum est à perpetuo concursu, præsertim quoties aut terræmotus, aut epidimiæ contagium, aliaue seu publica seu priuata necessitas admonet ciues præsentanei sui asyli. Hæc obiter de Rosea imagine, nunc ad Rosam.

A teneris hic Rosæ quamquam nil minus quàm ferreæ magnes fuit ac siderites, adeo hac sacra Imago trahebat adeo firmabat virgunculam. Nonnulla attigimus supra: succedant alia. Quando in isto Rosarij sacello Rosa coram Virgineo hoc simulachro Dominici Ordinis habitum suscepit, adfuit publicæ functioni plorans Mater, viditque filiam blando fauore Deiparæ eleuari in cœlum, vnde perfusa gaudio facilè compescuit lachrymas, cœpitque tacito applausu felici puellæ gratulari. Sublime augurium & obseruatum dignum, nam quæ tanto suffragio dignabatur nouitiam suam, *excelsa supra sydera* hic operabatur vt *felix cœli porta*. Quoties Rosa sibi aut alijs grande aliquod ac peculiare è cœlo subsidium postulare cōstituisse, supplex ad Aram Sanctissimi Rosarij procumbebat in preces, illic vultum charæ Imaginis speculabatur attentissima, & non sine ingenti fiducia post re-
neros

neros affatus ab illius faciei pendeat oraculo . Sæpè Quæstoris vxor notabat Rosam à Sacello reducem aliquid noui solatij ipso premèdi conatu prodere, plerumque enim bulliebat letitiæ feruor vt familiarè & piè curiosam obseruatricem latere indicia aut fallere ex toto non possent ; quare domestico necessitudinis iure audebat verècundam vltro compellere dicendo : *hodie ò Rosa vt video rursus pluerunt f uores*; cui modesta Virgo, leui subrisu aiebat: *continuo affabilis illa cœli Regina fauoribus cumulat miserrimâ hanc peccatricem* . Memor deinde, eandem Gundisalui vxorem assedissee examini de quo supra Cap. XIV. atque ex eo plura & potiora rescisuisse de arcanis suis cum hac Imagine commercijs, visionibus, alloquijs, paulò fidentiùs deinceps huic Matronæ facta est magnam eorum partem quæ Examinatori suo pridem aperuerat eo candore quo debebat .

Inter alia de modo, quo Deiparam in hac Imagine sibi loquentem percipiebat, interrogata simplicissimè respondit, mirabile hoc genus allocutionis sine idiomate, sonitu, motuque labiorum purè sympatheticum esse, ac solum iconis vultum varia serenissimæ frontis eradiatione velut quibusdam notis ac nutibus tam appositè, dextrè, & perspicuè exprimere sensa & affectus pro re nata, vt nulla exquisitissimorum verborum faciundia meliùs præstare id possit ; eandem vultui Diuini Filioli vim inesse, vtrinque velut in viuo ac animato libro se responsa distinctè

legere multò significantiùs , quàm si mutis characteribus descripta vel picta decerneret , his velut fiduciarijs intimorum conceptuum indicibus excitari in anima sua , quamdam attentionem luminosam , qua sine discursu penetraret limpideque percipiat singula , denique in vtriusque figuræ labijs , genis , oculis quoddam velut arcanae affabilitatis horologium inesse signorumque congruam diuersitatem nulla linguarum peritia explicabilem , humana tamen locutione longè certiolem . Fama erat , Rosam impetrare omnia , quaecumque apud sacrâ Imaginem ab Augustissima Rosarij Regina seriò flagitaret . Hinc sæpè rogata vt hoc illud peteret , si videretur è republicæ aut cuiusquam priuatæ salutis esse , curam in se haud grauatè recipiebat , deinde à sacra Imagine rediens bonos successus tanta securitate pollicebatur , quasi concessæ gratiæ diploma recepisset .

Accidit permissu Dei , quòd inuidus sathan cuidam regulari Communitati Limmæ inseuerat discordiarum zizania . Excrescebat infelix lolium , quodque initio nonnisi opinionum prælium fuerat , ipsa repugnandi dulcedine paulatim degenerabat in amarulentiam voluntatum , non sine scissura pacis & offensa Numinis , cui extra fines pacis habitare non lubet . Innotuit Virginis Confessario gliscens malum , isque Rosæ iniunxit , Sancti fimi Rosarij Sacellum adiret , ibique coram Deiparæ Imagine periclitantis illius Congregationis necessitatem Matri misericordiæ fufis pre-

precibus commendaret, nec curam dimitteret quoadvsque gratiam & succursum impetrasset. Paruit Virgo ad obsequia charitatis mirè procliuis, facellum adiit, preces fudit, sed mœsta præter consuetudinem animoque saucia domum rediit. Postridie reuersa ad pedes S. Imaginis diutius procubuit, feruentius orauit, lachrymas addidit, prolixæque moræ æquanimi patientia fauorem expectauit à solo Deiparæ vultu pendula, nec surrectura de loco, donec exauditam se intelligeret. Tandem repentina hilaritate perfusa in pedes se erexit, & gratijs Virgini Matri deuotissimè persolutis læta domum properauit. Quæstoris vxor vtraque vice frontem Virginis domum redeuntis tacitè obseruarat, ac diuersitatem mirata, quid nouæ rei gereretur interrogauit. Huic Virgo succinctè quantum oportuit eam scire respondit. Verùm paulò post à Cōfessario sollicitius examinata, nec ausa quidquam reticere, totam ingenuè seriem exposuit, vt pridie inter supplices preces vtrumque tum Deiparæ, tum Filioli vultum inuenerat non modò chalybis instar prædurum, asperum, inexorabilem, sed & seuerè minacem, austum ac manifesta indignatione caperatum: vt frustra conata fuerat Filium emollire per Matrem, vt tristissima domum redierat post insolitam hanc repulsam. Deinde vt postridie multis demum lachrymis Dei Matrem flexerat ad intercessionem negante Filio placari se posse illi coetui tam obstinatè discordi, vt tremuerat afflictum

cor suum , percipiendo alternos Matris Filijque affatus , quibus illa gratiam , hic iustitiam ac poenas vrgebat, vt denique Matris suauissimæ præualidis gemitibus cesserat exarmata ira Filij, vt iste iam placatior benigno arrisu Matrem , deinde & Rosam indulgentissimè respexerit: exinde gratiam in tuto iam esse, ne dubitaret Cōfessarius , breui effectum manibus contrectandum . Ita euenit : nam paulò post mirabiliter coaluerunt diuisi animi , euauit pomum discordiæ , dissiliit sathane cuneus qui fissuras diduxerat . Notent , quicumque Religiosis communitatibus diuisionis machinas inuergūt , quàm abominabilem Deo , quàm gratam cacodæmoni, quàm perniciosam proximis operam præsent . Sed ad alia .

Non abs re fuerit paucis subnectere , quæ Rosæ cum alia Deiparentis imagine non sculpta sed picta in Gnndisalui oratorio contigerunt . Repræsentabatur coloribus in tela Genitrix Virgo dormientem paruulum Iesum complexa sinu. Rosæ videbantur in hac imagine omnia spirare, ac viuere , sæpiusque fatebatur hanc apud se peculiariter magno in pretio esse quòd inde suauissimis interdum solatijs fuerat delibuta , Iesuli somnum, & Mariæ vigiliis ignem suis medullis iniicere , vt nec paruuli mansuetissimum soporem audeat interrompere , nec tamen vigilem Matrē possit sine canoro succensi cordis alloquio præterire ; at sub hoc affectuum duello animam suam liquefieri ex arcano Dilecti alloquio , quasi dicat : *Ego dormio , & cor*

meum vigilat. Accidit, quòd in oratorio Maria de Vfatèguì coram Rosa, & duabus familiaribus instituta de beneficijs Beatissimæ Virginis spiritali collatione incideret in magnalia, quæ ad Imaginem Deiparæ in *Aiocha* vico Matritensibus vicino manus superna dignatur operari, Rosa in præsentem Imaginem defixis oculis quidè quæ dicebantur auscultabat: sed cū Matrona sensim ad alia diuerteret, insolita verborum emphasi interpellauit Rosa, perge (: inquit) ò Mater, perge de hoc argumento plura quæ nolti differere. Matrona facillè animaduertit inter Imaginem & Rosam singulare quidpiam geri; vnde digressis alijs secretò extorsit à Virgine, cur interpellasset, utique mysterium subesse, quod rescire sua intererat omnino scire id velle. Rosa, ut prodigium quod viderat non suo, sed Matronæ merito tribueret, inò (: ait) mysterium suberat, nam interea dū tu miracula narrabas absentis Imaginis de *Aiocha*, hæc præsens edebat signa inusitatæ lætitiæ, mouebat in nos columbinos suos ocellos, attollebatur nouo corpulentæ typo extra telæ superficiem velut inde ad nos exitura cum sopito Filiolo, spargebat arcanas dulcedines, renidebat, radiabat augustior nunc paruulo suo nunc nobis maternè adblandiens. Et nonne sub tanta gratia dignum erat Regiæ nostræ laudibus diutius immorari?

Sed redeundum tantisper ad Sacellum Rosarii, cui Rosa toto anno per omne sabbathum flores quos ipsa coluerat, fasci-

culatim aut mittebat aut deferebat . Mirati sunt , quicumque Rosæ hortulum norant , eius areolis numquam deesse flores quos Altari dedicaret; siue enim hoc germen alibi sustulisset consueta variantis anni temperies , siue ardentior Sirius ubiq; torrida siccitate hoc terræ solatium corruperat , semper in modico Rosæ viridiario intacti vernabant pulluli quos in proximum sabbathum cœlesti Antophoræ consecraret . Maluisset auro gemmisque rigentem cycladem subinde offerre sacræ Imagini florum loco , sed obstabat inopia . Verūntamen & hanc suppleuit ingeniosæ deuotionis industria , nam vt quotannis Reginam Sanctissimi Rosarij bis spiritali veste amiciret , materiam , artem formam excogitauit lōgè pretiosiores , ad modum quem supra Cap. XVIII. descripsimus . Vnius idea reperta fuit in Virginis pugillaribus , hoc tenore : *Memoria . Pro vestimento quod ego Rosa de S. Maria indignum mancipium Regina Angelorum ordior contexere Virgini Dei Matri auxiliante Domino . Prīmò Tunicam interulā conficiunto 600. Salutationes Angelica , totidemq. vicibus recitanda Antiph. Salue Regina , cum 15 diebus ieiuniorum , in reuerentiā purissimi gaudii ex nuntio Angelico , quod in suis castissimis visceribus humana carne induendum erat æternum Patris Verbum . 2. Pannum huius amictus contexunto 600. Salut. Angel. totidem vicibus Salue Regina , 15. Rosaria , & 15. dies ieiunii , in reuerentiā letissimi gaudii , dum visitabat Cognatam suam Elizabeth . 3. Oras ac fimbrias hinc vestimenti circumdanto*

600. *Salut. Angel. toties Salve &c.* (*vti supra*) in reuerentiam altissimi gaudij, dum pariebat Filium suum Dominum meum Iesum Christum. 4. *Fibulas apponunt* 600. *Salut. vt supra* in reuerentiam intimi gaudij dum benedictum Filiolum suum offerebat in Templo, 5. *Collari impendunt* 600. *Salut. Salve, ieiunia, vt supra*, in reuerentiam felicissimi gaudij, dum amissum triduo Filium inuenit in Templo inter Doctores disputantem. 6. *Ramusculum Virgineis suis manibus gestandum componunt* . 33. *orationes Dominica, totidem Salutationes Angelica, cum versu Gloria Patri, Salve Regina, totidemque Rosariis laudum Diuinarum, & rursus totidem Rosariis de laudibus Virginis, in reuerentiam.* 33. *annorum quos Dominus meus Iesus vixit in terris.* Et paulo infra: iam hoc vestimentum confectum est, benedictus sit Deus, cuiusq. Mater Sanctissima pro grandi sua pietate suppleat defectus nostros, & ausui decem veniam. *Laus tibi Christe.* Simile at multo operosius vestimentum Diuæ Virgini confuere cœpit prima die anni MDCXVI. in huius textura sumptuosa Dominicarum orationum, & Angelicarum Salutationum numerum Virgo non iam centurijs (: *vt supra*) sed chilliadtibus desiniebat. Verum singula quæque suæ deuotionis exercitia minutim prosequi non vacat; præsertim cum ex innumeris innotuerint pauciora.

*Rosa in salutiferum Crucis signum
religio. Imaginem S. Catarinæ
exornans ab ea vicissim
honoratur.*

Solitaria in horto cellulae (: de qua supra) prima & ferè tota suppellex Crux erat Virgine procerior altiorque ut plenius tum Caluarie supplicium meditati ingereret, tum pijs nouæ Magdalene complexibus commodius stringi posset. Illam quot osculis Rosa diffusauarit, quot lachrymis humectarit, quot ignitis suspirijs adusserit, quàm tenacibus vlnis ad liuorem vsque sibi interdium nocturneque adstrinxerit, quàm crebra & supplici adoratione coluerit, non omnino domesticos latuit, qui interdum per rimulas insciam obseruabant. Sicubi in Templis, sacellis, ædibus frequens viuificæ Crucis simulachrum incurrisset in oculos, singula mesto obtutu & calente gemitu salutabat, in omni familiari confessu, conuersatione, societate Crux (: si qua prostabat) Rosæ sol, ipsa Cruci heliotropium erat, ad huius aspectum cor Virginis pulsu validiori, & concitato videbatur in horologium transmutari. Præcipuè in maiori Dominicæ Passionis hebdomada, à Cruce fidelium adorationi palam exposita diuelli non poterat, huic assidebat immobilis, hæc dilapso frequentiori populo cominus tenerimis basi obterebat, in hanc eminus accla-

acclauabat oculos, nec alio vel ad momē-
tū respicere poterat. Quin vsque adeo
menti Virginis infederat Sanctæ Crucis
Religio, vt vbiqumque à fortuita trabiū
commissura, in fenestrarum clathris, in
decussatis sepiū bacillis, in ostiorum car-
dinibus, in vestibis, in ipsis demum fe-
stucis ac paleis, aut alio quouis reiecta-
neo figura Crucis occurrisset, hanc sine
attenta ac tacita veneratione nusquam
præteriret.

Subinde Rosam ad sacras ædes proces-
suram comitabatur honestatis causa ger-
manus frater doluitque toties sibi cum
ea subsistendum esse quoties Soror ibidem
ad stipulas de terra subleuandas sese incli-
nabat. Animaduertit fortuitas Crucis fi-
guras esse quas in proiectis stipulis aura
vel casus effinxerat, has autem Rosa iace-
re humi, & commeantium pedibus ne-
glectim proculcari non ferebat. Hinc Fer-
dinandus (: id fratri nomen erat) tot mo-
rarum impatiens, ac velut superflue pie-
tati fororis admurmurans, putasne (: in-
quit) decere Virginem, toties in publico
ad leuandas paleas explicare faciei operi-
mentum? quid cogitabunt, quid dicent
obuij, hære te in plateis, vt transuersas v-
bique stipulas fatuo labore diuaries?
Quod si hac ratione Crucis figurę prospe-
ctum cupis, vtique ingentem tibi sumpsi-
sti operam, imò ridiculam, cui à præte-
reuntium fannis, ac sarcasmis totum sit
proemium.

At grauitèr modèstèq; replicuit Virgo:
ah frater nimio dolore crucior, dū video,

con-

contemptim iacere solo & calcaneis pro-
 teri qualemcumque rudissimum typum
 illius adorandæ Crucis in qua innocens
 Agnus Dei suæmet vitæ inæstimabili pre-
 tio nos redemit. Scio hæc retrimenta sine
 scrupulo aut culpa promiscuè calcari ab
 alijs, horum incuriam nec damnare ausim,
 nec arguere præsumo, sed neque illis dis-
 plicere meritò queat meæ deuotionis sim-
 plicitas. Denique subsannent, rideant,
 cogitent de me, vt lubuerit, ego quoad
 potuero, non cessabo à cura, ne Crux
 Domini mei, vel in abiecta, vilissimæque
 stipula vsquam conculcetur. Addebat
 (: mirum dictu) ad illud quod puerile,
 nimisque foemineum alijs videbatur Cru-
 cis honorandæ studium se stimulis tam
 excelsis ac ferijs excitari, vt repugnandi
 modus aut ratio numquam sibi ad manum
 sit; proinde & hoc inter alia complura
 condonandum esse ardori suorum affe-
 ctuum, maximè si verum foret quod aliū-
 de obscura persuasione acceperat, ex sacris
 Indulgentiarum thesauris aliquod repositum
 esse lucrum fidelibus, quicumq; hoc
 simplicitatis religioso obsequio S. Crucis
 reuerentiam exhiberent.

Rosa in suo hortulo plantauerat liba-
 notum, Rosmarinus vulgò dicitur, eiusq;
 tres arbusculas distinctis cespitibus ita in
 Crucis formam coegerat, vt singulæ gle-
 bæ seorsim accuratam montis Caluarie fi-
 guram vndequeque exprimerent. Gau-
 debat inter flores & odorifera plantaria
 pariter & Crucem oculis suis continuò
 obuersari. Placuit multis nouum amoe-
 ni-

nitatis artificium , quod irrigante gratia ,
 sub hortulanæ deuotione feliciter adole-
 uerat . Verùm operante Magistro P.Fr.
 Alphonso Velasquez Rosæ Confessario
 ex tribus vnica dumtaxat Rosæ hortulo
 mansit residua , siquidem is alteram popo-
 scit sibi, alteram Proregina dono eiusdem
 obtinuit, summaque cura penes se nutrire
 studuit, sed incassum, vix enim dies per-
 panci effluerant, cum Crucifer cespes
 apud Proreginam funditus exaruit, ma-
 nifesto indicio , propriam sibi defuisse
 Crucis & Caluarie hortulanam . Narra-
 uit Virgini Confessarius dolorem Prore-
 ginæ, at subrisit Virgo monuitque huius-
 cemodi Cruces inter seculares Aula pō-
 pas & assidua Mundi commercia virere
 non posse : vetuit tamen emarcidum ar-
 busculæ cadauer proijci , iussitque ad se
 remitti propediem resuscitandum . Vix in
 quartum diem exsucca plātula penes Ro-
 sam fuit , cum speciosior quàm ante fue-
 rat vndique reuiruit, nouis ramusculorum
 comata pullulis, nouo radicularum ac me-
 dullarum succo rediuiua, plexiliq; virgula-
 rum obedientia in pristinam Crucis figu-
 ram reformata ; cui Rosa ornamentum lex-
 tractabili ficulnæ medulla complusculos
 coelestes genios ordine aptissimo circum-
 posuit, & Crucis basi accubam S. Mariæ
 Magdalenæ icunculam peritè adiecit, sicq;
 renatam, ornatam, pampinatam remisit
 Confessarius Proreginæ, miranti libano-
 tum suam sub Rosæ manibus tam celeri-
 ter, tam amoenè, tam plenè reuixisse . At
 Virgo id totum gloriæ Crucis tribuebat,
 quod

quod & sanctam Catarinam Senensem iugiter fecisse meminerat.

Digrediendum nunc ad huius Seraphicæ Magistræ imaginem Crucis ac Stigmatum characteribus insignitam, quacumque Rosæ plurimum fuit commercij, nec sine prodigijs. Limæ ab annis centum & amplius floret sub inuocatione Beatæ Catarinæ Senensis deuota secularium Confraternitas: huic solemne est quotannis ter in publici circuitus festiuam processionem sublimi gestatorio efferre cōspiciuam Sanctæ suæ Tutelaris statuat coronis, floribus, multoque gemmarum fulgore ac pretio decenter adornatam. Porro quæ statuarum ornamenta conquireret, tractaret, circumponeret, vna hac Rosa (:dum vixit) nulla reperiēbatur aptior, dignior, peritior, quia prototypo nulla aut deuotior aut similior. Ita cunctorum frustratio vni Rosę delatum hoc religiosæ pietatis officium. Ipsa diligenter collectis vndequeque monilibus, velis, torquibus, floccis, lemniscis, omnique pretiosa suppellectile (: cuius nulla vñquam pars amissa fuit quin tota rediret ad Dominos) operi strenuè incumbēbat, assumptis fidissimis adiutricibus in laboris ac meriti participium. Sed dum circuibat charam Iconem, dum vestiebat, dum plicas distinguebat, temperare sibi à lachrymis, ab osculis, ab alloquijs præ ardore non poterat; affabatur, venerabatur, disuauibat sacram Imaginem, ac si præsentem è Cælis haberet Magistram suam. Quadam vice inter suspiria, exciderunt Virgini (: ac

(: at perfunctoriè , & submissè) hec verba : nosti utique Mater mea dulcissima , quòd si 15. aut 16. *pataconum* mihi facultas esset , vestirem te pro genij mei dictamine nouo candidiorique amictu . Et ecce post paululum sociabus nil minus cogitantibus adfuit illustris foeminae *Hieronyma de Gama* ancilla Æthiopissa , cumque pecunia litterulas attulit , quarum hic tenor : *Salve Rosa Soror . Coniice o te nunc in exornando gloriosæ Matris Senensis simulachro occupari* 16 *patacones* quos penes me reperi , *his utere ad Seraphicæ Imaginis ornatum , si opus est Vale .* Suspexit in Cœlum Rosa , & ò (inquit) suauissime Iesu , quàm fidelis amicus es ! Mox niuei candoris Attalicam emit , novamque Iconi vestem aptauit .

Dum Rosa oblongam trabeam (: scapulare dicimus) Iconi amiciendæ consuit , mittit in Conclauē vbi hæc stabat , *Philippam de Montora* conciuem suam ut inde serici filii glomerem sibi apportaret . Iuit illa , viditque Imaginis vultum insolito splendore fulgidius radiare . Expauit insperato gaudio , remque trepida ad Rosam in proximo cubiculo nentem retulit : Verùm hæc minimè admirans respondit paucis : numquid vidisti Soror , quàm sereno indicio dignatur approbare Seraphica nostra Mater quod agimus ? placet ei , quòd ambæ in elaborando ipsius scapulari iucundè occupamur . Alio tempore optabat Rosa caryophylli copiam ad manum esse , qua sacram Imaginem condecoraret . Abiebat præsens anni temperies , quæ in
illis

illis Regionibus mense Maio id genus flos-
culorum ignorat. Quæsitum diu in Rosæ
hortulo, sicubi fortè in caryophyllorum
æreola, vel noduli apparerent propediem
erupturi in florem, at inuentum nihil. Ite-
ratur bis ter frustrata perquisitio, sed eo
vespere nec spes residua fuit. Nihilomi-
nùs Rosa quod futurum erat spe bona
præcipiens aiebat: potens est Dominus
concedere quod optamus, quinimò hac ip-
sa nocte in honorem Sanctissimæ Trinita-
tis una hæc virgula (: digito monstrabat
furculum nulla fœcunditatis nota tunc
vsquam turgidum) tria nobis caryophyl-
la protrudet. His dictis fœminas (: *Cata-
rina & Francisca Montoya* vocabantur) di-
misit domum ridentes, quòd illo anni tem-
pore ex languido, sterilique frutice ca-
riophylla expectaret, imò promitteret.
Postridie summo manè (: siquidem is Pro-
cessionis decretus erat dies) properarunt
ad Rosam, vt quod in ornanda Imagine
reliquum erat, cum ea perficerent. Rosa
tunc in oratione defixa veniëtibus innuit,
hortum adirent, atque in nomine Sanctis-
simæ Trinitatis tria inde caryophylla con-
festim sibi adferrent sacræ Iconi coaptan-
da. Replicuit Catarina: tu verò charis-
sima non meministi, nos heri tecum inuti-
li quæstione floris totum aliquoties hor-
tum permeasse, nec vsquam vel nodulum
in stylis aut denticulum reperisse in scapis
qui huic integro Mense pubem vllius flos-
culi polliceatur? Verùm institit Rosa ef-
ficaciori imperio: itote Sorores, trinum
quem dixi florem maturrimum, decussa-
tum

tum, repandum ocyus adferte; quid hæ-
sitatis? quid cunctamini? qui virgam Aa-
ronis florere iussit, prouidit & nobis. Iue-
runt, & vt Virgo dixerat inuenerunt, tria
caryophylla de illomet quem pridie Rosa
indicarat cauliculo trepidæ carpsērunt,
apportarunt, suæque dissidentiae veniam,
precatae cum Rosa in gratiarum actionem
Deo se prostrauerunt, insimul admirabū-
de ac lætæ, quòd illa die sacra Imago cum
ornatu tam peregrino in publicum erat
proditura. Quodque mirabilius est, ab eo
tempore quoad Rosa superuixit, eius hor-
tulo nulla anni parte recentia caryophyl-
la defuerunt.

Alia vice Rosa ad vestiendam Sanctæ
Catarinæ Iconem cum alijs adiutricibus
vocarat Mariam Euphemiam de Parejas
viduam. Huic periculosè infirmabatur
ancilla domestica Francisca nomine, quæ
simul nutricis fungebatur officio, & tunc
quidem Viduæ filiolum Iosephum lacta-
bat, sed medicus vi crescentis morbi per-
territus mandarat pridie, ne infans ab egra
lac sugeret. Attamen Euphemia egram
suam domesticis anxie commendans ad
Rosam perrexīt communi pietatis officio
suam operam adiunctura. Finitis demum
omnibus, ac Imagine decenter exornata
Rosa fatigatis sociabus compatiens, ita
(: inquit) respirate, lentaque deambula-
tione pariter vos reficite, nam lassæ estis.
Respondit Euphemia: deambulare mē
iubes, cum non ignores quæ me domi mee
exspectet afflictio? quin tu potius apud
hanc Seraphicam Matrem qua polles &
gra-

gratia, & fiducia, vitam ac valetudinem ancillæ meæ exora. Annuit Rosa, statimque ad præsentem Imaginem amica, qua solebat familiaritate conuersa dixit: heus tu gloriosa Mater, num acerbam huius foeminæ afflictionem non vides? succurre huic necessitati, nec distuleris solatium, nunc experiar quàm chara sint tibi Stigmata nostri Redemptoris; per illa te obtestor, periclitanti Franciscæ salutem impetra. Dixit, viduamque consolata bene sperare iussit, sanctam Catarinam Senensem cui modò ipsa famulata erat, famule suæ discrimini minimè defuturam. Rectà domum festinauit Euphemia, illic Franciscam suam depulso periculo conualescentem inuenit, adeo ut postridiè iubente Medico rursus infanti nutritias ut antè præbuerit mamillas.

Aliquando eadem quæ supra *Francisca de Montoya* Rosam in exornanda S. Catarinæ Senensis Icone per totam noctem adiuuerat, completoque opere dum non nihil quietura discedebat, ut post aliquot horas festinæ Processioni interueniret, Rosa digressam Beatæ Catarinæ impensius commendauit, rogans ut ipsam tueretur ab imminente periculo. Nec sine fructu abiit sollicita intercessio: nam dum gyratam processionem hinc-inde pro magnifico applausu vario fragore excipiunt sulphurata misfilium ignium crepitacula, vnum istorum rectà Franciscæ oculum petijt inque supercilium impegit, nullo tamen Franciscæ damno, non quòd deessent nocendi vires, nam idem à *Francisca* impetu

petu obliquo resiliens aliam corripuit feminam, eique cum togæ lacinijs intimam subuculam raptim succendit. Francisca fat certa se incolumitatem suam Rosæ orationibus debere, Virgini euentum retulit, ac pro benouola cura gratias egit. Cui Rosa: quid ni curam tui peculiarem haberet Seraphica nostra Mater per totum hunc diem, posteaquam tu integram hanc noctem in eius obsequio mecum laboriosam exegisti?

Beata Catarina in reliquas Imaginis suę vestiarias, & excultrices tam munificę utique in suam Rosam illiberalis non fuit. Vnicum paradigma dabo, & finiam. Anno M.DC.XVI. mense Augusto Rosa Beata Catarina Iconem in præcipua S.P. Domini sollemnitate circumferendam de more vestierat, eandem transacto festo deuotiendam in domo Gundisalui Quæstoris expectabat. Allata est, ac Oratorio domestico illata, vt ibi pretioso ornatu quę commodatò à diuersis Rosa acceperat exueretur. Verum biduo vel triduo ante horrenda arthritidis dexteram Virginis manum per omnes articulos importunissimo cruciatu inuaserat, vt non modò operi vel tenuiter attingendo prorsus inutilem reddiderit, verum etiam pro immunitate monstruosę inflationis Medicum terruerit grauioris mali atheromata suspicantem. Intumuerat manus ad aequalitatem doliolorum quibus mella selectissima ex Hispanijs Limam deferuntur, vt iam neque digitorum vllus moueri, multò minus forficem aut quiduis aliud tenere posset

posset vel apprehendere. Dies erat sancti Laurentij Martyris, quando sub vespere Medicus inspecta manu purulentam, meliceridem aut aliud quodcumque genus apostomatis subesse ratus lenta cataplasmata decreuit applicanda, insitque in diem posterum distrahendo sanguini venam in laevo brachio aperiri scalpello. Gundisaluus, qui fortè cum Medico aderat, tristi manus spectaculo eger oratorio abscessit velut nimiae compassioni impar. Sed magis dolebat Rosa, quòd illo die, qui sibi anniuersarius erat assumpti Dominicani habitus, prohiberetur Seraphicæ Matris suæ festiuium habitum solito Religionis ministerio contrectare. Itaque coram S. Imagine (:quæ adstabat mensulæ imposita) procubuit, breuiterque orauit. Mox confurgens hilariori voce poposcit forfices ab vxore Gundisalui, quæ illic cum alijs ad opus subfiterat. Hæc lusum aut iocum arbitrata subiisit, interrogans qua manu hos arripere velit, sat sciens in dextra sic tumere digitos vt nullis forficum ansulis immitti queant; sicque velut per ludum angustiores quos reperire potuit forfices porrexit. Nec mora: hos Rosa digitis induit, opus arripuit, coepitque sedulitate liberrima gemmas, torques, monilia suo quo adhærebant ordine disnectere, fila ligaminum aptè dissuere, nodos incidere, ornatum per partes concinnè deponere, Imaginem nudare. Exclamauit denuò Marrona: quid agis Rosa? parce manui ad ista iam inutili; noster hic labor & cura esto. Pergebat alacris Virgo,

go, nec aliud replicuit, nisi quòd idem ille, qui sibi minns dederat, quas vestienda S. Imagini impenderet, nunc dextram sanarat, qua eidem deuestienda famularetur. Post horulam superuenit Quæstor, vidensque Rosa sam vtraque manu expeditissimè operantem adstupuit, ac leniter interpellans, itane (inquit) dextra tua valet vt ad ista sufficiat? cessa, videamus manum. Vidit, illamque sinistra nihil ab similem reperit, sanam, valentem, agilem. Marcebat stupore latissimo Quæstor, ac tacitè in vxorè respiciens pendebat attonitus ab ore narrantis, vt Virgo se in preces ipso abeunte prostrauerat, vt breuissimo intervallo sana in pedes se erexerat, strenuè laborè forficibus postulatis fuerat auspicata. Maluit deinde ab ipso Virginis ore modū repētinae curationis ediscere; respondit illa: se breui illo quo corā Image orarat spatio sensisse reducem in articulos vigorem, illosque detumuisse statim violento spiraculo, vt solet aere plena vesica dum premitur, sicque vnà cum tumore omnem pariter euanuisse dolorem.

Accersitus postridie Medicus examinavit manum deinde Virginem, quæ quod pridie dixerat simplicissimè confirmavit totam rei gestæ seriem grato animo in sua Seraphicæ Magistræ fauorem, & gratiam refundens. Accessit beneficio, quòd exinde nūquam in posterum arthritidis manum illam inuasit quoad Rosa superuixit. Verùm præstantius fuit alterum, quod intrus Rosæ animam dulcorabat eodem illo momento quo foris conualefcebat manus;

falsa est , modico illo tempore quo cum sancta Catarina Senensi de curanda sua dextera supplex egerat , simul in intimos cordis sui recessus largum insolitæ suauitatis rorem depluisse , qui etiam inde exundarit in corpus . Nec mirum si medicinæ cælestes à centro ad superficiem soleant operari , ac prius animam quàm corpus attingere . Sed mirum est hæc Rosæ nequaquam fuisse mira , vtpote cui à Beata Catarina Senensi ceu Matre penè quotidiana erant ex mutuis commercijs solatia .

C A P V T X X I I.

Rosæ feruidus in SS. Eucharistiam affectus , cultus , deuotio . Pro ea ad agonem Martyrii se accingit .

SI talia acciderunt Rosæ Virginem Senensem vestienti ex aliena substantia , longè mirabiliora accepit ab illo mirabili Sacramento , in quo Christum vestiunt aliena accidentia . Hunc cibum parauit in dulcedine sua pauperi Deus , attamen recolendum , cui dixerit : *Cibus sum grandium , cresce & manducabis me* . Rosæ nōdum ultra pueriles annos creuerat , iamq; hunc manducabat , sed ipsam Confessarij iam spiritu grandem repererant , quando tam tenellæ suæ ætati permiserunt accubitum in sacro Conuiuio quod præbet delicias Regibus . Quinimò de illorum consensu

sensu bis quot hebdomadis puella reficiebatur Diuino hoc pabulo ; maluisset frequentius , at tunc nondum ei licebat sine Matre adire Ecclesiam . Quàm benè melissius Bernardus in suo exclamat Iubilo : *Qui te gustant esurunt !* nā Rosa à frequentia Communionem adeo increuit pascētis Sacramenti esuries , vt paulum adultiori sacra synaxis ter in singulas hebdomadas fuerit permittenda . Neque id satis erat , nam si qua interueniebat aut festæ diei celebritas aut solemnis statio , etiam quater , imò quinquies intra septimanam diuino hoc edulio auidissimè fruebatur Confessarij quò penitiùs animæ statum nosse cœperant , faciliùs hanc ei frequentiam indulgebant , vnanimiter attestantes in Processu , tam limpidam se inuenisse in eius spiritu munditiem , tamque nitidam innocentia puritatem , tantam insuper Eucharistia famem , tam robustum deuotionis calorem , vt exinde numquam ausi fuerint à participatione tanti Mysterij Virginem distinere . Vnde facile obtinuit , vt tum in Paschate , tum in solemnitate Corporis Christi quotidie per totas Octauas sibi licuerit vesci hoc delicato Pane Angelorum . Quia in re vt humanum effugeret plausum nec de singularitate notari posset , singulis his diebus studiosissimè variabat horam , nunc maturius nunc seriùs ad S.^a Communionem accedēdo , coelestis enim thesaurus (: monēte Gregorio) absconditur vt seruetur : & qui facit quod nemo , mirantur omnes .

Hic verò notatu dignum est , quòd Virgo in tanta Communicandi frequentia ,

simulque tanta immaculatæ suæ conscientia serenitate nihilominus quotiescumque ad Diuinum epulum accedendum erat, toties sacramentalem Confessionem præmittebat, nec perfunctoriè, sed ea sollicitudine examinis, eo contritionis stimulo, eo gemituum ac lachrymarum apparatu, ac si per hebdomadas & menses utroque Sacramento penitus caruisset. Pridie sacrae Communionis asperius emacerabat corpusculum flagellis & rigido ieiunio, ut famem animæ comitaretur esuries corporis: venturo Sponso adornabat secretum mentis thalamum affectibus reuerentiæ, humilitatis, ac desiderij, accendebat piarum meditationum lumina præcipuè ex Ludouici Granatensis libello qui de Oratione inscribitur; vaporabat habitaculum cordis sui pretiosis odoribus ignitarum aspirationum, totamque omnium suarum potentiarum ac virium familiam colligebat in obsequium chari hospitis postridie ad ipsam diuersuri. His verò exercitationibus tantum insumebat studium & curam, ac si per totam vitam suam pro illa dumtaxat vnica vice communicandum sibi fuisset.

Porro in ipso ad tremenda illa mysteria accessu quis fuerit Virgini attentissimæ deuotionis ardor, quæ vultus gestuumque religiosa compositio, quod bullientis spiritus incendium, aliter describi non potest, quàm si ipsammet quis Catarinam Senensem Eucharistico bolo excipiendo procubam huc transcribendo delineet. Verùm Angelico ad hoc opus foret tum calamo tum penicillo. Nec tamen omnino id latere

tere permisit Altissimus, dum pluries in vultu Rosæ visibiliter scintillare fecit interioris flammæ indices euibrationes atq; strictiones, tunc cum anima sumptione Divinæ hostiæ succendebatur.

Quadam feria secunda Pentecostes in sacello Rosarij sacris operante P. Fr. Antonio Rodriguez Predicatore generali, Rosa cum alijs fidelibus adgeniculabat cancello Altaris Eucharistiam receptura. Ad hanc ubi Sacerdos cum Sacratissima Hostia peruenit, faciem Virginis totam flammam vidit & medullitus expauit, nondum gnarus quid indicaret mira hæc & improuisa coruscatio. At postea ex crebriori eiusdem prodigij successu didicit Rosam esse, cui ad sacratissimæ Hostiæ contactum interior subito micabat amoris rogos, tam viuus ac potens vt vel exteriorem faciem mutaret in facem. Magister Fr. Ludouicus de Bilbao post Missam in eodem Sacello dum Virgini S. Synaxim porrigit, notauit sapius, vultum ipsius coelesti splendore perfusum, ita quod præ fulgoris vehementia sibi tremuerint oculi velut impares illi siderum claritati, quæ gratiæ venustas conspicuè accenderat, & panis Angelorum in Angelicam (vti aiebat) pulchritudinem mirificè transformarat. Magister Fr. Ioannes de Lorenzana simillimo ostento feliciter perculsus occasionem inde obtinuit penitus Rosam cognoscendi, quam illa tenus nunquam de facie nouerat. Litarat & ipse in Rosarij Sacello, & post sacrificium promiscuo populo ibidem communicaturo Sacramen-

tum distribuebat. Ad Rosam ut venit ,
 (: quæ ut S. Hostiam fumeret, illo mo-
 mento vultum ora pallii reducta detege-
 bat) vidit speciem humana formosiorē,
 claram, niueam, fulgentem, ac cælesti
 quadam pulchritudine obradiatam; Tran-
 siuit, certus eiusmodi coruscum deco-
 rem à mortalitatis nostræ regione non es-
 se. Mox cogitabundus ait intra se: quæ-
 cumq; est hæc Virgo, sublimi apud Deum
 gratia polleat necesse est, utinam ani-
 mæ suæ tam lucidæ ac flagrantis intimum
 statum nosse liceat. Factus est deinde vo-
 ti compos, dum minimè cogitabat, nam
 superna prouidentia hunc postea Rosæ nō
 modò Confessarium dedit sed & Præcep-
 torem, cui Virgo obedientiam vsque ad
 mortem velut regulari suo Superiori ex-
 hibuit. P. Fr. Bernardus Marques dum
 adhuc Nouitius sacrificantibus in Sacello
 Rosarij subinde ministrabat, ac de more
 post Sacerdotem ablutionis scyphum cō-
 municantibus circumferebat, quotiescum-
 que coram Rosa cum scypho substitit, sen-
 sit à Virgine tamquam è clibano sicut for-
 nace vaporare ardores, ut interdum pu-
 tarit sibi manum comburi qua pateram
 seu porrigebat seu resumebat. Verum
 tunc mysterij ob ætatem ignarus, tacitèq;
 mirari contentus præteribat, sed post an-
 nos 15. ab obitu Virginis iam Sacerdos
 iudicioque maturior prodigium uti acci-
 derat sub fide iurantem enarrauit, adiiciens
 ex eiusmodi sacris ardoribus sibi iunen-
 culo rude cor nihilominus cōcaluisse ar-
 cana veneratione præsentis Sacramenti,
 quod

quod suscipi tanta religione & æstu viderat .

Voluit Deus per extrema hæc & sensibilia utcumque manifestari foris , quanta deuotionis pyra flagrabat intus . At huic cum accedebat corporaliter is qui *ignem venit mittere in terram*, non aliter atq; inter Seraphim videbatur sibi Rosa ceu tota empyrea ambulare in medio lapidū ignitorum . Hinc in ipsius anima mirabiles illi effectus tamque isti Sacramento connaturales ac proprii , quos nemo nouit , nisi qui accipit . Iubentibus Confessarijs obtemperans Virgo conabatur ex his nonnullos indicare , sed penè in singulis hærebat verbis , causata vocabulorum inopiam , nec aliter de iis fari nouerat ; quàm quod ineffabiles dictitaret . Aiebat tamen , ex Virginea Dei carne in animam suam diffundi quamdam admirabilem mansuetudinem , coelestis Agni , simulque vegetari se inusitato robore ex nobilitate huius nutrimenti , instaurari ac refici vires per quamdam velut nouam transubstantiationem sui spiritus in hoc Diuinum alimentum , suauem , succosum , potentissimum ; interea clarescere in corde suo placidam altioris sphaeræ serenitatem , pacem , temperiem nulla comparatione explicabilem .

Porro de immensitate gaudij ex arctâ vnione cum Spōso amici sîmo , de fructuonis altitudine , de spirituali sapore veræ dulcedinis vbi gustatur in suo proprio . forte de fructuum præstantia , copia , sagina , deque similibus pigeat tētare quemcumque sterilis elocutionis modum , sat erat in

his, aut planè elinguem fieri, aut compendio protestari, nil esse iucunditatis, lætitiæ, iubili in istoc mundo inferiori, quod vel vmbra tenus assimiletur gaudio istius pretiosi conuiuij, vbi infinita animæ fames incidit in pastum Deo dignum, in cibum filiorum, in mammillam Verbi Incarnati, quod solum *esurientes replet bonis*. Ex ore Virginis hæc audierat Confessarius P. M. de Lorenzana, qui adstans eidem iam moribundæ, dum pro extremo viatico sacram Hostiam in extasi sensim deglutiebat, hæc pauca subiecit: Filia, nunc fruiere Sponsotuo, ac sola cum solo deliciare, quia verè dulcissimus est, pete vt more suo iisdem, nunc bonis te repleat quibus solebat. Alius itidem Rosæ Confessarius meminerat dicere solitam, quòd in Sanctissima Communione sibi videbatur ipsummet è cælo Solem in pectus recipere, nam quidquid Sol visibilis operatur in mundo, dum luce & calore omnia recreat, dum terram floribus & fructibus obornat, dum maria, vnionibus, montium viscera gemmis ac pretiosis metallis ditat, dum auiculas cœli latificat, plantas & animalia vegetat, omnesque vasti hemisphærij angulos diffusa, amœnitate collustrat, succendit, deaurat, id totum in nudis animæ suæ spatijs efficere Dominicæ carnis realem præsentiam. Et forsitan ob id Virgini datum fuit diuinitus, quòd plerumque species sacramentales in eius stomacho ad septem vel octo horas perdurarent, antequam ventriculi calore dissoluerentur, nempe vt interea, sub hoc diuino Sole fortiùs incalesceret

de-

deuotum pectus, & viuifica Sacramenti
coniunctione vegetiùs foueretur.

Ne isti Solares effectus omnino lateret
abditis, prouidit Christus, dum ex ipsismet
foras redundare fecit vsque in Rosæ cor-
pusculum duo prodigia, robur & satura-
tatem. Robur ex S. Communione depre-
hendit in filia Mater, nam quotiescumque
Rosa S. Synaxim receptura Templum adi-
bat cum parente, ex pridianis ieiunijs, fla-
gris, ac vigilijs tam fessa, attenuata ac de-
bilis erat, vt saepe per viam in angiporis
hinc-inde fuerit vtrique subsistendum,
quoad lassâ Virgo recuperaret anhelitum.
Sed Diuinæ buccellæ resecta pabulo, cum
à Templo redibat domum, præibat Ma-
trem, & hortabatur sequi, velut si in for-
titudine cibi illius vsq; ad montem Horeb
fuisset ambulandum. Corporalem verò ex
Eucharistico pastu saturitatem ipsam et
Rosa tum Confessarijs tum domesticijs
fassa est. Nam reuersa domum & vixdum
euoluta palliolo rectâ properabat ad se-
cretum cubiculi, ibi in seram vsque no-
ctem se recludens meditabatur suscepti
beneficii magnitudinem, neque in vllius
prodibat conspectum aut conuersationem.
Rogata cibum sumere, maximè quòd pri-
diano exhausta ieiunio videretur resectio-
ne indigere, meminissetque diem domi-
nicum à lege ieiunij exsortem esse respon-
debat, præ ingenti satietate à mensa Do-
mini alium se cibum admittere nondum
posse, adeo vt citra extremam vim & cru-
ciatum nec panis bolum glutire, nec aquæ
guttulam sorbillare se posse aduerteret.

Vt ergo ita esse reipsa comprobarunt, desistere cibi mentionem importunè ingerere, sicque Virgo cum sua saturrима inedia usque in vesperam, subinde in sequentem usque diem perseverabat. Accidit, quòd Rosa per integrā quamdam Octauam permisso Confessarij dietim Altaris Sacramento pasceretur. & tunc quidem integro illo octiduo ab omni abstinuit corporali alimonia, eò quòd superna illa saturitas non tantum reliqui edulij omnem abegerat appetitum, sed planè cuiuscumque alterius alimenti reddiderat pro illo tempore incapacem. Simillima hæc sunt iis quæ de S. Catarina prodit vitæ suæ historia, vt pateret euidentiùs, vno vtramque spiritu excelluisse.

Ceterum quanta religione solita fuerit Rosa venerari hoc Sacramentum, sicubi aut immolabatur in Missæ sacrificio, aut prostabat adorandum in Altari, vtcumque supra attigimus. Missas quidem auscultabat omnes quotquot in Æde FF. Prædicatorum celebrabantur; his intererat usque ad meridiem tanta quiete ac silentio, quanto nec lapis in suo desigitur centro. Et reuera proprium Rosæ centrum S. Hostia, erat vbiicumque eam poterat visu assequi, huc toto ferebatur amoris pondere, adeo vt horis integris vix (: aut fortè ne vix quidem) noctu vnico cilia demisisse, multò minùs faciem vel ad momentum ab ara deflexisse notata sit. Noti ignotique ponè transibant coram geniculata Virgine, ac ferè incurrebant in oculos, nec tamen ipsa quemquam tunc norat, nec vel leuiter

ter mouebat palpebras, intentissima ijs
 quæ gerebantur in Altari, quorum intuitum
 forsitan alieni obiecti intercurfus nec
 obiter eclypfabat. Idem Virgini erat im-
 motæ attentionis tenor, quando in hiero-
 theca expositum venerabile Sacramentum
 adorabatur à populo, vt fit in publicis 40.
 horarum supplicationibus: illic à manè vs-
 que ad vesperam continua & prorsus im-
 mota geniculatione hærebat Rosa oblita
 prandij, neque vel aquæ guttulam accep-
 tabat in refrigerium contenta iubilo atque
 delicijs quas percipiebat ex corporali
 Sponsi præsentia. Sic per totam quæ festo
 SS. Corporis Christi appendet solemni
 octauam integros illos dies transigebat co-
 ram patulo extantis Sacramenti taberna-
 culo, mirantibus præcipuè Confessarijs,
 vnde tam extenuato corpusculo vires sup-
 peterent ad genuflexiones tam prolixas,
 continuas, arduas cum dierum inedia su-
 stinendas. Videbatur fortitudo lapidum,
 fortitudo eius, & caro eius ænea, id quod
 inuictissimus Iob sibi deesse querebatur.
 Porro quatuor postremis vitæ suæ annis in
 maiori (: quam vocamus) hebdomada,
 quam diu sacrum Christi corpus adoraba-
 tur clausum de more in monumento, nec
 noctu inde recedebat afixa tumulo Rosa,
 nec loco vbi feria 5. genua fixerat surge-
 bat, donec postera die Parasceues Diuinus
 in thesaurus (: cum quo semper erat cor-
 suum) transferretur ritu solito ad taber-
 naculum.

Interim esuriei, sitis, lassitudinis inme-
 mor, tota occupabatur cum dilecto, ea

quidem veneratione ac reuerentia , vt toto 24. horarum decursu nec sedere coram illo, nec muro contiguo tantisper acclinari præsumeret .

Neque segnior erat ad cultum huius adorandi mysterij , etiam quando extra conspectum erat . Quotiescumque in colloquio seu proprio , seu alieno ore nominabatur Sanctissimum Altaris Sacramentum , Rosa capitis totiusque corporis profunda inclinatione reuerentiam testabatur. Sicubi audisset eminus campanis signum , dari ad eius adorationem , vel *sacris* eiusdem *solemnis* tintinnabula præsonare , subitanea intimæ lætitiæ signa cohibere non poterat , quin cor & caro sua exultarent in Deum viuum . succendebatur viuendior in facie color , & exultabat spiritus eius in Deo salutari suo . Auscultandis verò de ineffabili hoc Mysterio solemnibus panegyricis nusquam satiari poterat , illosq; semel auditos penè verbatim post annorum interstitia recitabat mira felicitate memoriæ . Nullus ei manuum labor iucundior erat , quàm quæ Altare , tabernaculum , aut in Maiori hebdomada S. Sepulchrum veniebat exornandum . Hinc tanto deuotionis studio suebat lintea quæ *corporalia* dicimus ; mappas & pallas altarium , operimenta calicum , bombycina , & quidquid textile ad sacram hanc suppellectilem spectare poterat , omni pietatis ingenio , arte , elegantiâ conficiebat . Insuper viuis floribus neutiquam contento pretiosiores è filis sericis fingebat versicolori artificio ; addebat eiusdem sumptus & operis

ris ramusculos prasinus, porraceos, herbidos, omnique viroris amœnitate variegatos. Non probabatur Matri sumptuosa Filiæ deuotio, ægrèque ferebat tantum, temporis subduci alijs Rosæ laboribus qui parentes & inopem familiam sustentabant. Itaque Virgo, vt Matri satisfaceret, post diurni laboris p̄sum aliquam noctis partem conficiendis Altarium ornamentis se ponebat. Verùm & hoc Patri spirituali (: forsitan suggerente & exaggerante Matre) visum filiæ vires excedere, sed huic grauitè respondit Rosa: nolim haberi tã delicata, vt pro Sponsi mei ornatu vnica noctis labor aut nimius mihi sit aut molestus: quæ enim tã socors aut otiosa fuerit nupta, cui durum sit noctem impendere ornamento & cultui quo maritus eget vt postridie decenter in publicum prodeat !

Denique erga Sanctissimæ Eucharistiæ mysterium is Rosæ affectus erat, quo maluit pro illo sanguinem vitamque expendere quàm flores. Nec longè absuit præsentanea occasio. Anno MDCXV. mense Augusto circa litora Peruana in Oceano *Pacífico* hostilis comparuit Batauorum classis, oramque totam improuisa exterruit. Vbiq̃ue conclamatum ad arma, & interim Clerus vterque (: vt fit in publicis periculis) Diuinæ imploraturus præsidia. Limæ per omnes Ecclesias SS. Corporis Dominici Sacramentum exposuerat palam ab imbelli moltitudine adorandum. Tandem ipso Beatæ Mariæ Magdalenæ sacro peruigilio visa est formidabilis illa hære-

ticorum classis acie disposita in ipsum Li-
 mensis emporij portum (: *Callao* indige-
 nis dicitur) rectà procurrare , velut in
 Urbis excidium militares suas copias effu-
 sura in terram. Mox tota vrbe trepidatum
 est, insique cum Ciuibus Ecclesiastici ar-
 ma corripere , siquidem certum erat, Cal-
 uinianum hunc hostem non solis incola-
 rum fortunis & iugulis, sed & sacrorum
 profanationi, Templorum spolijs, Reli-
 gionis exterminio fauissimè inhiare. Inter
 hæc Rosa, quæ cum honestis Matronis in
 Ecclesia Sancti Dominici exitum horum
 tumultuum expectabat, soli metuebat pro-
 stanti in ara Diuinissimo Sacramento, cui
 vtiq; sacrilegæ manus perfidæ gentis par-
 cituræ non erant, fortasse nec pedes, qui
 illud ausu horrendo protererent, humique
 proiectum rabie blasphema proculcarent.
 Tristius interea nuncium superuenit vsque
 ad Rosam, nempe inimicos Fidei ex alto
 nanium in lembos, inde in arenam proful-
 tare manipulatim, & ad portas Ciuitatis
 globatim procedere. Inanem hunc rumo-
 rem ipsa publici timoris caligo pepere-
 rat, sed tamen sexum inermem qui cum
 Rosa in Templo substiterat, sic perculit
 vt propemodum exanimaret. Sola Rosa
 tantum absuit quod sibi metueret fugam-
 ne aut latibulum circumspiceret, vt potius
 triumphanti similis ingentis lætitiæ signa
 cohibere nequiuert, rata nimirum adef-
 se felicissimam totque suspirijs optatam
 horam, qua posset pro honore prostantis
 ibidem Sanctissimi Sacramenti vitam ani-
 mæque profundere. Itaque socias obiter
 se-

secum in D. Hieronymi Sacellum traxit, illic exporrecto in hilaritatem vultu pauidas hortari coepit ad subeundum secum martyrium, occasionem hanc nimis pretiosam esse ac fortunatam, videlicet non quomodocumque sed sub ipso S. Hostiae conspectu hostiam cadere, coram & pro Diuina illa victima victimam cadi pro exposito Christi corpore animam exponere. His facie rutilante prolatis exemit vagina forfices, sibiue vestem qua longiori in terram defluebat, alacriter praecidit, manicisque in cubitum vsque replicatis quod reliquum erat tunicae intra cingulum vsque ad talos attraxit, cothurnos subere subleuatos exuit. Interrogata quid ageret, quid sibi vellet hac nouitate, ad agone (inquit) me succingo, mihi nolo impedimento sint panni luctaturae ac moriturae pro Sacramento: in breui hac veste expeditior conscendam superiorem Arae crepidinem, illic pro Christi corpore corpus meum vulneribus obijciam, nec ceda: donec impiorum bipennibus vndique perfossa cadam; quinimo precabor hostes ne vno ictu repente me conficiant, sed lenta crudelitate articulatim corpusculum hoc totum deartuent, inque modicissima frustula partes singulas conminuant, vt dum in me excarnificanda occupabuntur, differant saltim iniurias quas eheu! postea irrogabunt praesenti Sponso meo.

Haec ita pronuntiabat, vt ex oculorum scintillis, ex impauidi vultus constantia, ex viuaci tono heroicæ vocis ceteroque gestu animosæ Viraginis facile conijcere

tur Rosam pro Eucharistico Altaris Agnoleanam induisse: nec circumstantes foeminae suismet credebant oculis, videntes Amazonem, quæ hæcenus nonnisi viua mansuetudinis idea fuerat. Mirabantur Virginem modestissimam in publico reuoluto circa humeros pallio, veste curta, proiectis crepidis, liberrimis brachijs, alto præcinctu, solisque Rosarij globulis precarijs ferociter obarmatam spe martyrij ultra laceffere fatalem horam, ac morti pugnacissimè minitari. Interim ipsa velut moræ iam impatiens nunc experiri incessum, nunc ad Aram Sacramque Hostiam, mox ad Ecclesiæ fores prospectare si quæ venirent hostes quibus velocior ad Altare cõuolaret, certa ibidem occumbere; iam venis arterijsque omnibus bulliebat Virgini sanguis effundi auidus, verum dum exspectat, dum agoni se præparat, dum socias exemplo, gestu, hortatu inuitat, nunciatur hostem longius abire à litore; & ita erat: nam Archithalassus morbo correptus receptui cecinerat, ac paulò post à suis in rupe portui opposita sepultus est. Rosa dispolso aliorum metu cœpit verecundari ipsa de breuitate truncatarum vestium, & vt decenter rediret domum, necesse fuit in prædicto Sacello noctem expectare cum dolore erepti martyrij, quamquam gratularetur patriæ liberatæ, ac præcipuè inuiolatæ Templorum religioni.

Defuit ergo non martyrio animus, sed animo martyrium toties & ante & postea votis ardentissimis exoptatum; nam crebrò desiebat sortem suam, quòd pro condicione

tione sexus infidelium regiones adire non poterat pro Christo millies mortem quaesitura: dolebat se non illis temporibus, locisq; natam ubi tyrannica persecutio Christianorum sanguine orchestras, fora, amphitheatra purpurabat; inestimabilis sibi videbatur illorum felicitas, quibus datum fuerat vltima gutta sanguinis obsignare fidei characterem, saepe cum gemitu dicebat familiari *D. Francisca Vrtado de Bustamante*: vtinam idonea ratio modusue occurreret adornandi fugam ad barbarorum prouincias, vt illic ab idololatriis pro Iesu Christo immanissimè trucidemur. Denique cum aliud non poterat, oblectabat se imagine, ac meditatione suppliciorum, quæ sigillatim omnia pro Sponsi amore desiderabat in se experiri. Ità cupiebat cum Sancto Martyre Ignatio mundus Christi panis inueniri pro illa charitate qua Christus *Panis Angelicus sit panis hominum.*

C A P V T XXIII.

Rosa eximius pro periclitantium animarum salute zelus.

QUÆ tam masculè ardebat circa Mysterium quo verum Christi corpus velatur, non poterat mystica eiusdem membra negligere, sicubi videbat hæc accipiti perdendæ salutis discrimini patere. Nouerat æstimare animas ex infinito pretio quo redemptæ sunt: hinc quoties ad
in-

interiora meridionalis Americę montana
 flebat oculos, cruciabatur medullitus,
 illachrymans perditioni tot barbarorum
 qui post illa niuosa altissimarum costarum
 iuga fornicatim innumeras sed inaccessas
 conualles populabant, auita adhuc idolo-
 mania obcæcati. Deplorabat inconsolabi-
 liter vicinū Chili regnum, vbi dietim per
 myriades peribant animæ; ex quo feroces
 incolæ excusso Regis & religionis iugo
 redierant ad pristinæ gentilitatis vomitū.
 Nec solis suis occiduis Indis condolebat,
 sed quidquid nationum vastissimi China-
 rum tractus, aut Orientis Imperia conti-
 neat, Rosę quotidiana plangendi materies
 erant. Optabat visceratim discerpi ac re-
 tis instar obpandi latissimę viæ qua tot mi-
 serabiles animæ ruebant ad infernum. Hic
 nimirū spiritus erat Seraphicę suę Magi-
 stræ, quæ & ipsa optauerat (: si fieri posset)
 suopto corpuseulo obturari gehennæ fau-
 ces, ne tam populosæ animarum cateruæ
 illuc deinceps immigrarent, suæque fru-
 strarent lytrum redemptionis.

Accidit, vnum ex Rosę Confessarijs
 tractare de sua missione ad annunciandum
 vicinis Barbaris Euangelium. Hunc ita-
 que ambire Virgo, hortari, stimulare
 verbis ardentissimis, obsecrare seriò, nil
 metueret, maturaret iter, subueniret pe-
 reuntibus, Deo acceptius obsequium
 præstari non posse, Apostolici pectoris &
 dignitatis id esse munus cui Diuina ad-
 stentia desse nequeat, denique in tanti su-
 doris mercedem ac solatium sat fore, si vel
 vnicum apud infideles infantem per Ba-
 ptismi

ptissimi ianuam ad superos transmitteret.
 E contra ille experimentum quærens eius:
 qui in Virgine loquebatur Christus, ve-
 lut ambigeni similis extenuabat vires
 suas ceu tanto ministerio parùm idoneas,
 exaggerabat difficultatem operis, famem,
 sitim, ferarum pericula, æstum, lassitudi-
 nes, exilia, demum & venena quibus gens
 illa truculentissima minimèque hospitalis
 in exteros Fidei præcones sæuire solebat.
 Verùm tamen subdebat, plurimum so-
 præsidij ac spei in Rosæ orationibus, ie-
 iunijs, ceterorumque bonorum operum
 fido suffragio collocasse. Hic Virgo, ta-
 met si de suis pijs operibus humillimè sen-
 tiret, nihilominus vt iturienti quantacum-
 que poterat calcaria figeret, concepta in-
 genti fiducia promisit vniuerso exercitio-
 rum suorum merito se illi in sancta expe-
 ditione succursuram, dummodo is vicis-
 sim pro rata ipsam participem vellet to-
 tius spiritualis lucri quod ex infidelium
 conuersione erat reportaturus. Annuic
 Confessarius, vtpote sat conscius quanta
 coram Domino spirituum ponderatore es-
 set Virgo, cum qua de mutuo fœnore
 paciscebatur. Sic tandem vtrimq; ex pa-
 cto conuentum est, quòd Rosa huic Con-
 fessario medietatem cederet omnium fru-
 ctuum quos interea ex toto bonorum o-
 perum exercitio se concumulaturam spe-
 rabat: ac vicissim ille dimidium lucri trā-
 scriberet Virgini ex conuersione anima-
 rum, quas sua prædicatione in viam
 salutis erat attracturus.

Eodem feruore spiritus nitebatur pia
 Vir-

Virgo Religiosos viros (:quotquot aptos nouerat :) ad gentilium conuersionem succendere: præsertim sui Ordinis Fratres rogabat, monebat, obtestabatur, huc huc suos in literis profectus intentione tempestiua destinarent, hunc generosum, præclarum, sublimem studijs suis finem scopumque præfigerent, vt residuis Americæ plagis quidquid idololatriæ vsquam supererat profligant, vt in horreum Domini copiosos Indorum manipulos comportent, vt millenas animarum chiliades ab æternæ damnationis voragine eripiant; non nimis hærendum esse in subtilitatum apicibus, non languendum circa inutiles vocularum controuersias, malè locari tot scholarum labores, tot noctes insomnes, tot disputationum clamorosas rauces, si tantis parta sudoribus eruditio proximorum salutis Fideique propagationi non impendatur, si ad metam inertis otij, ad vanitatem plausumque inanis pompæ, vel in temporario laureatæ frontis honore prætumidè conquiescat, oscitet, desideat. Asseruabat graui sensu & impetu, se nisi foeminam natura finxisset, hoc primum in votis fuisse habituram, vt decursa studiorum literariorum encyclopædia se totam missioni Euangelicæ deuoueret, cupida adire gentes ferocissimas, belluinas, anthropophagas, dummodo suis Indis adhuc gentilismo implicitis opem ac remedium sua catechesi, sudore, sanguine impertiret. Nec sinebat Virginem tantæ commiserationis affectus quiescere, vnde rationem excogitauit, qua (: nisi morte præuenta fuisset)

fuiſſet) ſperabat in Apoſtolicæ miſſionis negotio ſupplere per alium quod per ſemetipſam præſtare non poterat. Nimirum conceperat animo adoptare ſibi alicunde pupillum inopem & vndique deſolatum, quem à primis vnguiculis ipſa materno ſtudio ad virtutem & literas educaret ex pijs familiarium ſibi Matronarum elemoſynis: huic puero mox à teneris propoſuerat firmiter ac ſenſim implantare auida Euangelicæ miſſionis deſideria cum paruulo gradatim adultura, ac interim prouidere vt in pietate ſacriſque diſciplinis accuratiſſimè formaretur, donec grandior factus ac Sacerdotio ritè initiatus iam cenſeri poſſet idoneus operarius ad laborandum in conuerſione gentilium. Tunc verò ſtatuerat Virgo hoc vnicum ab alumno exigere diuturnæ alimonie maternæq; ſolitudinis præmium, iret, properaret ad Gentes Chriſtianæ legis ignaras, trophæum ſalutis in medio barbararum nationum erigeret, & quotquot poſſet animas à reſtibus diaboli ſtrenuè explicaret. Hoc ſupplemento credebat Roſa vtcumque ſatisfactum iri generoſo ardori ſuo, quo vltra femineam menſuram ac modum auidæ ſitiebat ſalutem proximorum.

Nec tepidior ei zelus & cura fuit erga periclitantes Chriſtianos, ſi quos nouerat aut per culpam mortalem à ſtatu Diuinæ amicitie infeliciter excidiſſe, aut capitali aliquo vitio ad certum interitum illaqueari. Pro his verè miſeris quotidie cruenta ſibi infligebat verbera, gemebat, ſuſpirabat coram offenſo Numine, nullique par-

parcebat lachrymarum sumptui, vt talibus
 sinceram scelerum pœnitentiam viteque
 feriam emendationem à Deo exoraret.
 Aiebat, si quoquo modo sibi licuisset Præ-
 dicatoris fungi officio, vtique se opertam
 horrido cilicio, nudipedem, squalidam
 interdiu noctuq; per omnes Limésium vi-
 cos, & compita circumlaturam crucifixi
 Redemptoris imaginem, & vbique per fo-
 ra, per triuia, per angiportus identidem
 clamore lugubri vociferaturam: resipisci-
 te, ò resipiscite peccatores, recedite à vijs
 pessimis quibus pecudum instar ducimini
 ad macellum stygij Lanionis, fugite decli-
 nate lubrica infelicissimæ æternitatis præ-
 cipitia qui vnico eoque incertissimo fuga-
 cis vitæ momento distatis à gehenna, a-
 gnoscite periculum cui vos implicuistis,
 misereamini vestrarummet animarum o-
 nes perditæ, quas bonus Pastor per spinas
 & tribulos, per sudores sanguineos, per
 vulnera & crucem requirit vt saluet; ò fe-
 stinate reuerti ad hunc propitium Redem-
 ptorem quem si nunc spernitis, nulla su-
 pererit in inferno redemptio. Hæc ple-
 rumque misericors Virgo tam luculento
 efferebat pectoris incendio, tantoque in-
 flammati cordis affectu, vt non rarò audiē-
 tes compunxerit, neq; iam Rosa priuatiim
 inter familiares, sed Ionas inter Niniui-
 tas videretur reipsa ordiri pœnitentiæ cō-
 cionem. Aderat fortè P. Fr. Antonius Ro-
 driquez titulo, gradu, officio Prædicator
 generalis: ad hunc conuersa Virgo pari tū
 feruore tum fiducia (:quam regebant mo-
 destia & charitas) sic illum affata est: Ad-
 uerte

uerte ò Pater, quòd Diuina clementia, te esse concionatorem voluit vt perditos ac obstipos peccatores ad frugem reducas. Igitur caueto, ne tuæ facundiæ diues talentum in plausibilibus acutorum conceptuum flosculis inutiliter consumas; apage hos inanium argutiarum calamistros, faceessant theatricæ ostentationis cothurni & phaleræ, memineris à Domino te constitutum piscatorem hominum, robustius tibi laxandum est rete in capturam peccatorum; hoc age obsecro, hoc vnicum, stude & conare, vt quàmplurimas flagitiosas animas vorticibus eximas, vt ab ima vitiorum charybdi perituros euoces, & ad salutaris poenitentiae securum litus educas.

Euenit, dum adhuc Matri cohabitabat Rosa, iuuenem genere quàm moribus nobiliorem *Vincetium Montem Venegas* in eadem platea haud procul à Rosæ ædibus sortiri domicilium. Is miratus Virginis eximiam pulchritudinem, at vnà certus nuptias sperari non posse, quærebat occasionem qua saltim oculos liberiùs pasceret Rosæ pudicissima venustate. Igitur Matrē adiit, prætexens aliquot sibi ex tenui carbaso pretiosis collaribus opus esse, hæc se velle à Rosâ confici, quam constabat eo opificio victum parentibus lucrari. Sedebat labori manuum cum puellis intenta Rosa, cui Mater innuit, audiret Vincetium, deque pretio ex more & æquo coram se conuenirent. Iuuenis coram Virgine sedere iussus comiter ex urbane ritu sciscitari cœpit qui valeret, venisse se pro de-

demandando opere conficiendorum aliquot collarium : petijt in singula quot vlnæ melioris telæ forent necessariae, quibus impendijs quo loco aptius emenda materies, intra quod tempus absolui possit opus. At Virgo diuinitus edocta secretum quod corde premebat Vincentius, efflictim misereri cœpit foetentis animæ, in qua stagnabant lubricæ iuuentutis impura desideria; oculisque cum gemitu in cœlum eleuatis, ò (: inquit) bone IESU! quàm longa nimis est patientia tua! tu verò nobilis Vincenti ignosce, & locum da veritati quam tibi dictura sum : longè aliasquàm de collaribus cogitationes versat cor tuum; vis ingenuè tibi dicam ad quid veneris? at parco rubori tuo; iuueniliter agis, & doleo vices tuas. Dole etiam tu, ac resipisce. Mendacium est quidquid ad Deum non ducit, animā interimit quidquid carni petulanti lenocinatur. Agnosce vincenti periculum tuū, corrige animum vanæ oblectationis nimio venatu districtum, stude cautiùs ambulare in semitis mandatorum Dei ne pereas; en quidquid coneris tegere, non latuit Sponsum meum intentio tua. Hac improuisa Virginis concione ictus Vincentius deiecit oculos, seseq; introspiciēs aliquantisper obmutuit. Denique iam mutatus ab illo qui paulò ante fuerat, sic Virginem affatus est: sentio in te loqui Christum, qui solus me tibi sic detegere potuit vt intima prauī cordis mei penetrares; cedo igitur pio & ignito hortatui tuo, sequar inuitantem ad meliora Deum, tu
 illum

illum mihi propitium fac reddas, ut quod hodie iu me coepit perficiat. Addixit Virgo suarum precum fida subsidia, comiterq; dimisit hominem, qui exinde iuuenilibus desideriis valesciens grauem ac sobriam viuendi rationem instituit, adeo ut singulis octiduis minimùm semel animam suam poenitentiae Sacramento expiare, ac Diuino epulo reficere adfueuerit, lætus incidisse in Rosam, quæ & cœlitus infelicis animæ suæ statum didicerat, & salubres aculeos seriæ compunctionis nouerat opportunè suffigere minùs expectati.

Prodigium erat si qua persona cuiumque vitio obnoxia Rosam accessisset nec ab ea melior discessisset. *Maria de Mesta* pictoris *Medori Angelini* coniux impatientiae ac præcipitis iracundiæ pugnaci morbo iam penè sibimet ipsi facta erat intolerabilis: quauis re minima turbabatur ac turbabat, manu prompta, minax clamoribus, & sonora rixandi intemperie totarum ædium implacabilis tempestas. Detumescute animi procella dolebat interdum, ac damnabat ipsamet suæ ferocitatis effrenam impotentiam, at biliosa complexio & assuetudo callum vitio induxerat. Aliorum suasu an casu incertum, semel Rosam in hortensi cellula degentem inuisit. Confestim Virgo arrepta occasione grauem ac neruosum de tranquillitate animi sermonem instituit, breues ac salubres acquirendæ mansuetudinis aphorismos præscripsit, æquanimittatis ac patientiæ apta consilia ingessit, sicque instructam à se dimisit. Mira res: femina ab illo die sedatior

clatior ac mitior vîsa est induisse tractabile pacis ingenium, tolerabat corde quietissimo domesticos tribulos ac molestias, & si repentino aliquo flamine succendebatur bilis, hanc sola recordatione mansuetissimæ Virginis mira facilitate sopiebat, breuîque eò peruenit in patientiæ studio, vt iam vltro à Deo plus ac plus aduersitatum postularet. Sanè Rosam verecundę taciturnitatis amantissimam solus animarum zelus disertam fecerat, nec vquam ei facundia defuit quâ sequelam virtutis fugamque vitiorum efficaciter persuaderet.

Virum quemdam professione Religiosum illa non minùs sordida quàm fatua ac monstrosa fumantis *Tabacci* inglauies vsque ad præsentissimam corporis animæque perniciem deduxerat, ita vt de vtriusque remedio conclamatum ferè putaretur. Os homini intus omnino fulgineum, camini speciem referebat, olidæ nares mucebant cremore fauillaceo, atræ nebula vexatum cerebrum stillabat in pectus, & obstructis pulmonibus raucum asthma vocalem obsidebat arteriam, nec tamen cessabat miser à noxio succtu accensæ fistulæ. Protestabatur Medicus, dissuadebant, rogabant amici, demum Prælati regulares seuerissimis inhibitionibus addere mulctas, præcepta, dirarum ac censurarum fulmina, sed in cassum, quia contumax vitium triginta & trium annorum possessione ac mora nimium inualuerat, nec videbatur aliud pereunti superesse remedium, nisi quòd Rosa post tot aliorum

har-

hortamenta , consilia inuectiuas , post tot
 Superiorum correptiones, minas , clamo-
 res, suam exfereret ardentioris facundiæ
 mirabilem suadam, hominique loqueretur
 ad cor , & eius saltim animæ salutem om-
 nipotenti Numinis dexteræ commenda-
 ret . Facile annuit Virgo miserta pericli-
 tantis, maximè quòd sciret , ipsum non
 iam obstinatione voluntaria , aut obedi-
 tiæ contemptu, sed sola infirmitate resi-
 stendi violento ac annoso vitio sic obbru-
 tuissè in absurditate intemperantiæ om-
 nium vecordissimæ . Et ecce , à Virginis
 alloquio vix quinque dies effluxerant ,
 quando Virum inuasit omnimoda *Tabac-*
ci nausea, mox & horror, ac vehemens a-
 bominatio , ita vt deinceps non modò fa-
 cillimè sese abstineret sorbitione tubi cre-
 tacei, sed neque ampliùs sufferre potuerit
 odorem huius infaustę fornaculę, quam
 delicijs & cupedijs humanæ fatuitatis ac-
 censere is solus potuit, qui Iob. 41. sic de-
 pingitur : *de naribus eius procedit fumus si-*
cut olia succense ; & denique hic etiam
 per Europam inuenit qui secum fumos
 helluentur . Rosa in vnico sanauit hanc
 insaniam , curatura plurimos vbi ritè fue-
 rit implorata . Neque hìc stetit Virginis
 beneficium , simul cum vitio inueteratum
 asthma pectoris, hæmorrhagiam, flatuum-
 que tormina depulit , quibuscum miser
 ille per annos plus-minus xiv. fuerat col-
 luctatus . Quin & vsque ad animam tran-
 sijt energia saluberrimæ correctiõis: nam
 mens illa ad sobrietatem mirabiliter re-
 uocata cepit tractare attentius æternæ sa-

lutis negotium, emundare conscientiam, reformare ignavos mores, veterum excutere gratulantibus cunctis qui umquam antea in tabe illius vitij putrescentem defleuerant. Nempe sic Rosam exaudierat qui nouit totum hominem sanum facere in Sabbatho.

Vnum addidero & finiam P. F. *Petrus de Loaysa* Dominicanus probè conscius zeli & charitatis qua flagrabat misericors Rosa in opem periclitantium proximorū, indicarat Virgini, decumbere in Cœnobio cumque mortis angoribus trepidè luctari N. eiusdem instituti Religiosum à Medicis pridie derelictum; addebat torqueri ægrum vrentibus scrupulis, affligi non certitudine vicinæ mortis, sed incertitudine vitæ melioris, eò quòd meritis se vacuum agnosceret, cōtremiscere pauidū, ac sudare ad cōtinuam feueri Iudicis, quē aditurus erat memoriam, denique subuerendum esse, ne nimia formido grauiori periculo implicet desolatum. Intimè hæc sauciabant cor Virginis prompto compassionis affectui tam flexile ac morigerū: vnde actutum iniunxit Petro, infirmum adiret, suoque ex nomine iuberet fidentius sperare de immensa optimi, & benignissimi Numinis misericordia: se quidem precaturam pro felici ipsius transitu, at simul ex nunc offerre se de suorum piorum exercitiorum qualicumque censu quidquid moribundo ad supplendam meritorū vacuitatem opus sit, imò totum is sibi vendicet, & si quod bonum opus à Rosa umquam per totam illius vitam hætenus pro-

prodierat , integrè à se in ægrum dono liberrimo translatum velle, hoc ipse velut suum Iudici exhibeat , desinatque interim abiectè & humiliter sentire de magnifica liberalitate Altissimi . His ad plenitudinem solatij adiecit , velle se (modò Deus permiserit) ab obitu conueniri à defuncti anima, vt si fortè vltioribus suffragijs eguerit , statim adiuuetur . Fideliter vniuersa ad infirmum retulit Petrus, & confestim immodicus ille pavor gaudio lætioris spei locum celsit, acceptauit ager munificam Rosæ largitatem , haud ignarus quantum opulentia in dono tot meritorū lateret, sicque munitus demum salutari-bus Sacramentis conceptaque ingenti salutis fiducia tranquillum, placidum , serenum spiritum reddidit Creatori , pactus ante cum Petro, quòd tam ipsum, quàm Rosam à morte inuiferet , si eam sibi facultatem Dominus indulgeret . Verùm post fratris decessum non leuis cura mordit Petrum quid esset , quòd iuxta còdictum defuncti anima non comparebat . Sed exemit solitudinem Petro securam, Rosa, dixitque cum defuncti anima feliciter ac bene agi , iam illam regioni lucis adscriptam frui perenni refrigerio , vt ei nequaquam opus fuerit redire ad alterutrum, pro stipe suffragiorum emendicanda . Nimirum tanto viatico illam hinc abeuntem ditarat profusa misericordis Rosæ liberalitas, cui nil tam pretiosum aut charum esse potuit , quod animarum saluti non impenderet .

*Rosa pro modulo facultatum corpora-
libus misericordiæ operibus
proximos iuuare satagit.*

Mirabitur, quisquis legerit, Rosæ pauperrimæ funus publicis mendicorum Limensium eiulatibus, thrænis, lachrymis fuisse celebratum, vociferante egenorum turba, verum pauperum Nutricem ac Matrem fato acerbissimo & præmaturo sibi ereptam fuisse. Quid enim tenuium parentum inops filia partiri alijs indigentibus potuit vix sibi alendisque genitoribus sufficiens? & tamen sibimet necessaria subtrahens dispersit, dedit pauperibus, ac memor cœlestis Lapidæ qui (: vt relatum supra Cap. XI. inter dotalia pacta sollicitudinem alendorum parentum à Rosa in se transtulerat, ipsa de consensu Matris manū suam aperuit inopi, & palmas suas extendit ad pauperem, cum his diuidendo eleemosynas, quas in speratō receperat.

Semel cuiusdam occulta seu arcta necessitas ad Virginem relata fuit, sed cum aliud vnde subueniret ad manum non esset, octo dierum alimoniam (: contenta interim solo pane & aqua) sibi detraxit pro egentis subsidio. Alia vice Gaspar flores Virginis Pater sat grande volumen candidioris telæ : (donatum an emptum nescio) domum attulit, vt inde coniux Maria de Oliua sibi gregique tot filiorū
de

de omnibus quæ ad munditiem spectant
 copiosius prouideret. Ille sciens filiam
 Rosam pro ægritudinum frequentia ac
 munditiei studio pluribus ex eodem lino
 indigere, seorsim huic notabilem illius
 telæ partem (xxxvi. vlnę erant) attri-
 buit, vt ipsamet sibi pro arbitrata ad v-
 sus proprios sudaria, pepla, fascias, gre-
 mialia, vela, mantilia, tegmina, vittas, cer-
 uicalia, mappas, omnemque necessariam,
 candidi nitoris suppellectilem formaret
 ac fueret. Rosa, vel admirata munus tam
 copiosum & affluens, vel vt humilius pa-
 renti gratias ageret, mihine (: inquit)
 omnem hanc lini portionem donas Ma-
 ter? respondit illa : Tibi filia, vtere prout
 lubet, fac inde quæ vis. Arripuit Virgo
 postrema hæc verba, statimque nec pal-
 mo illius telæ retento sibi, totam donauit
 secretò duabus Virginibus tam genere
 quam virtute nobilibus, at pauperrimis,
 quasque nouerat clam domi ingentem re-
 rum omnium penuriam pati. Mater vt
 vidit filiam nil minùs quàm de conficien-
 dis sibi lintheis cogitare, suspicata quod e-
 rat, causam quæsiuit, cur traditam sibi te-
 lam candidam, subtilem, bonam tardaret
 suis aptare vsibus; respondit filia : iam
 aptata est vt aptari meliùs non possit, qui-
 nimò nunc primùm illa decoré canduit,
 ex quo in eleemosynam conuersa est. Re-
 plicuit Mater, at ego tuis impendi vsibus
 præceperam, sollicita ne quid desit quan-
 do infirmaberis. Subrisit Virgo, & non-
 ne (ait) potestatem mihi disertè fecisti v-
 tendi vt vellem? vsa sum, nec miki

deinceps vbi decubuero ex morbo ,
 quidquam defuturum puta, Dominus a-
 bundè prouidebit . Ita planè accidit, nam
 paulò post à maternis ædibus translata,
 in Dominae Mariæ Vsetagui contuber-
 nium pietate Matronæ linea suppellectile
 adeo non eguit, vt etiam abundarit. De
 hac Virginis in diuinam prouidentiam,
 admiranda fiducia seorsim Capitulo
 sequen.

Possidebat Rosæ Mater in suo mundo
 muliebri duas pallas , seu oblonga & à
 vertice in terram vsque demissa pallia, fœ-
 mineum ac decens tegumentum quoties-
 cumque proceditur in publicum. Horum
 alterum domi fortè in sedili à Matre de-
 positum conspicata Rosa liberè corripuit
 & inopi cuidam Virgini donum fecit. Ma-
 ter vbi frustra totis ædibus suum requisi-
 uit pallium, suspicionibus indulsit, pene
 vsque ad temerarium iudiciũ, quòd vi-
 cinorum aliquis clam irrepsisset domui,
 pallamque neglectim à sede pendulam
 sublegisset . Filia ne quos innocentes o-
 neraret furti imputatio , lepidè affata Ma-
 trem, quid (: inquit) iacturam tuam in-
 certumque autorem dubitabunda incusas?
 ecce me pallij tui furem domesticam sed
 innoxiam, quia plus tibi proderit amissa
 palla, quàm si intactam possideres . Hanc
 interim ego donauĩ Montoyæ pauperrimæ,
 quæ quòd huiuscemodi velle careat , Ec-
 clesiam decenter adire , missisque & con-
 cionibus adfistere non potest. Tibi ò Ma-
 ter alterum superest pallium nouum ad-
 hac ferè intactum, quod priusquàm vel
 mo-

modiciū vetera scat, Diuina bonitas non vno sed pluribus te pallijs ditabit. Euenit quod Virgo prädixerat, nam exigui temporis interlapsu vir illis in ædibus nūquam antea visus nec aliunde cuiquam illic domesticorum notus intrauit, Rosæ Matrē poposcit, eidem xl. libras argenteas pro nouo pallio coemendo porrexit, abiit. Similiter ijsdem ferè diebus *D. Maria de Sala* vltro per famulum misit serici subtegminis aptam materiā, quanta conficiendę nouæ pallæ sat erat. Denique eiusdem materiæ totidem vlnas quæ pallio muliebri sufficerent, deuota persona obtulerat Limano Fratrum Prædicatorum Conuentui, hic Rosæ Matrem ea donauit: sic intra pauculos dies Maria de Oliua pro vnico suo pallio quod Rosa egenæ Montoyæ dederat, tria recepit noua ac meliora, didicitque animosius fidere tum vaticinio filiæ tum prouidi Numinis largitatī.

Extra mœnia in extremis Limanæ vrbis pomerijs habitabat *Ioanna de Obadilla & Azcuedo*, Virgo illustris parentelæ, sed orphana, ac virtute quā censu ditior, nam amissis parentibus in arcto res erant, miseramq; sat premebat occulta frugalis œconomiæ angustia. Accesserat in afflictionis cumulum vorax & purulentus sub mammilla cancer, qui liuidis ac tabificis incrementis vergebat in carcinōma, & tardante remedio exitium minabatur. Ioanna tam inops consilij, quā periculo & calamitatis impar non inueniebat rationem qua discrimini occurreret citra peius discrimen:

nam ut eò ubi habitabat ultra amnem, quotidie accerferet ex vrbe Medicum, obstabat viæ longinquitas, nec enim tunc (vti hodie) Limæ amplitudo vsque ad illa vltiora trans fluium spatia procreuerat; siue ad lentam curam migraret tantisper in Ciuitatem, deerant peregrinæ & inopi sumptus quibus semestre hospitium conduceret. Fuit qui gratis offerret ædes suas, at honesta & timida virgo se ignotâ ignotis credere noluit. Demum oranti in templo Sancti Dominici Rosæ innotuere omnia, sibi que hanc desolatam & perplexam referuari mox intelligens, modum quo subueniret promptè inuenit. Ioanna n̄ secretò adiit, metum anxietatemque ponere iussit, vacare in maternis ædibus locandum pretio conclaue idoneum & vsui peropportunum, eò concederet, ac de menstruo locationis sumptu pacisceretur cum Matre, sibi deinde curam procurandæ solutionis totam relinqueret. Paruit Ioanna, & insperatum beneficium verecunda hilaritate acceptauit. Hilarior tamen fuit Rosæ, quòd talem nacta esset cui tam occultè, & piè viscera suæ misericordiæ impertiret; sicque fidens Diuinæ prouidentia reperit quod in singulos menses clam Ioannæ adferret in exactam solutionem hospitij, pacta dumtaxat silentij fidem. Post menses quatuor aut quinque Ioanna integrè conualuit, suumq; foris habitaculū sana repetijt, hoc vnum dolens, quòd hospitæ palam referre grates minimè liceret. Verum post Rosæ obitum soluta promissæ taciturnitatis vinculo beneficium liberri-

mè

mè omnibus prædicauit .

Rosæ quoad Matri conuixit, nil iucundius accidere poterat, quàm si permitteretur cuiuscumq; sortis aut conditionis pauperes personas morbis afflictas paternis inferre edibus, vt illic suismet manibus assidue ministraret languentibus, nec solius testi, cubilis, strati, sed & medicamentorum, ciborumq; solatio egentes assatim reficere conabatur. Sicubi in vicinia aut nota domo rescuisset quodcumque vile mancipium ex ægritudine decumbere ac negligentius haberi, sibi confestim illius deposcebat curam, multisq; precibus exorabat Matrem, annueret languentem in suas ædes deportari ad curam sollicitiorem. Recusabat interdum austerâ parēs, quod existimaret filiam rarò sanam ac iugiter valetudinariam priusquàm in aliorum curam se intromitteret, debere charitatis ordinem à semetipsa auspicari, suæque magis quàm alienæ valetudini prospicere. Subinde tamē ne misericordem immisericorditer contristaret, ei indulgit pro domestica suâ tenuitate operari quæ posset, non quanta vellet. Mox illa primò obuium mendicabulum inuitabat ad lares proprios, huic abstergebat, vngebat, alligabat purulenta vlcera, huius mundabat vestes, reficiebat laceros pluderones, repurgabat subnatas plicatim fordes, lauabat pedes & impetiginosum verticem, nullique ministerio deerat quo illius fami, siti, pressuræ leuamen adferret. Nec (: quod ferè illi regioni præter morem est :) vllum Virginæ discrimen erat originis aut nationis, quin

ex aquo & indifferenter egentibus Hispanis & indis, Ætiopibus, candidis, mixtisq; (: quas *Mulatas* vocant) prompta charitate succurreret. Pari commiseratione vernaculas, peregrinas, serviles, ingenuas, notas, ignotas, agrestes, & indigenas prosequebatur, solo evidentioris indigentiae respectu habito. Inter has verò mendicas ac miserabiles nulla tam pammosa aut sordida, nulla tam deformis aut ulcerosa, nulla tam aspectu horribilis aut intolerabilis foetore, quam Rosa vel dedignari posset, vel præ nausea auersari. Nulla ægritudo tam putrida ac foeda, nullum vlcus tam tetrum aut saniosum, nulla scabies tam crustosa aut fluida, cui Rosam medellam, famulatum, curam offerre, cui virgineas admoovere manus, dimouere spurciciem, applicare, mundare, mutare emplastra defugeret. Hac ambitione pia Virgo obibat mulierum valetudinaria quotiescunque honestæ comitiuæ aderat occasio, quærebat per ambulacra infirmas præ ceteris horridas magisque porriginosas, his miralacritate componebat lectulum, eluebat vasa, parabat edulia, neque tam vile, tetricum, abiectum obsequium commodariis infirmis poterat quod non ipsa vltro presteret.

Accidit die quadam, ab infirmæ mulieris cura Virginem tantisper ad maternas ades diuertere: sensit curiosa Mater in veste filia insolitam mucidi pectoris graueolentiam; inde coniecto in illius togam attentiori oculo notauit hinc inde, respersum aliquid purulentarum sordium fortuitò adhæ-

adhæſiſſe pānis ex aliena ſanie quam Virgo
 in deterſione vlcerofæ mulieris inſcia
 contraxerat. Indignata parens ſubſtoma-
 chabatur filiæ, quorſum (inquit) hæc tuæ
 met incuria? non quidem ad hoc tibi re-
 ligioſus iſte candicat amictus vt eum alien-
 nis ſpurcitijs deueniſtes, neque Te Ro-
 ſam appellauimus vt ſic oleres, quando te
 murinis ac ſuaueolentibus chirothecis vt
 iubebam repugnasti paruula, at nunc adul-
 ta ſi muſco fragrare non vis, muco ſaltim
 ne foeteas alieno. Subriſit Virgo, blandè-
 que ſubintulit: Chriſti bonus odor ſumus
 dum miniſtramus infirmis; charitas deli-
 cata non eſt, nec proximum ſaſcidiſt, me-
 mor nos omnes ex eodem eſſe luto ac
 cœno; mortalitate hæreditaria cuncti pu-
 treſcimus, nec eſt qui ſuæ corruptionis nō
 circumferat ſentinam: itaq; Mater parum
 putato, quòd tunicam obiter maculaui im-
 prouida, longè foediùs ipſum Redempto-
 ris vultum rheumata, ſputa, ſaliuæ turpium
 carnificum pro noſtris ſcleribus defor-
 marunt.

Aliud in hoc genere vix imitabile præ-
 ſtitit Roſa quod ſilendum non eſt. De-
 cumbebat in ædibus viduæ *D. Iſabella de*
Mexia quædam ex domeſticis ſamulabuſ
 putri humore febriumque æſtu prætumi-
 da; huius miniſterium & curam vtpote
 in familiari domo permiſſu Matris ſibi
 Roſa aſſumpſerat. Contigit ex medicinæ
 conſilio agrotanti phlebotomiam adhibe-
 ri, extractumque vena ſanguinem in an-
 gulo ſeponi dum Medicus ad eum inſpi-
 ciendum rediret. Tardauit iſ ultra biduū,

:tque interea sanguis ab ipsa scatnrigine
 iam notatus de putredine horridius obpu-
 truit, seroso virore, flauis nigrisque macu-
 lis ac ramosa sanie vndequaque pinguis &
 cecolor. Tandem adfuit Medicus, obiter-
 que examinato sanguine ac notatis in eo
 periculosi morbi critirijs foetentem mas-
 sam de more proijci imperauit. Rosa pro
 compassionis affectu diligentius peluim-
 qua coagulus sanguis asportabatur intuita
 sensit ab imo fundo sibi euerti stomachū,
 alterari in faucibus saliuam, totisque se
 visceribus in vomitum propendere. Dissi-
 mulauit vt potuit, famulumque properē
 cum pelui abeuntem rogauit hanc sibi fe-
 rendam tradi, se non tantum vacuaturam
 quod inerat, sed insuper vas ipsum nitidē
 mundaturam. Facile consensit homo tali
 se putore exonerari: at Virgo sibimet
 indignata quod horruisset, cum pelui clam
 secessit in angulum foras, ibique semetip-
 sam durē obiurgans: itane (: inquit) stre-
 nuē ac seriō studuisti dilectioni proximi,
 vt nausæ tibi sit miserabilium infirmitas?
 hoccine te docuit Seraphica tua Magistra!
 sic nondū didicisti omni hac putredine
 te viliorem esse ac putridiorem? veni de-
 licata, veni tenellula, experire melius,
 disce plenius num te deceat sic fastidire
 miseram & coæqualem tuam, in qua non
 minus quā in te ipsa splendet imago tui
 Creatoris. His cum fremitu in se pro-
 latis (: obstrue nares lector :) peluim-
 ori apposuit, totumque illum saniosum
 cruorem (: dicam, an cruentam saniem))
 ausu heroico sensim epotauit; mox pan-
 no,

no, ne quid in labijs residuum notari posset, os absterfit, ac peluim elutam, defricatam, nitidam reportauit. Latuit eius Matrem generosum facinus, at Isabellæ (: Deo mirabiliter disponente) innotuit, quæ & pannum quo Virgo labia deterferat, fortuitò demum inuentum studiosius in facti memoriam asseruauit. Deinceps nemo (: opinor) dubitabit, Rosam B. Catarinæ Senensis fuisse germanam Discipulam.

Hinc sanè credibilia sunt, quæ sequuntur. Quæstori Gundisaluo tum, communione officij tum pari virtutis & amicitiae studio necessarius intimèque familiaris erat *Ioannes de Tineo Almanza* Regiæ (: quam vocant) Cameræ Charophylax & Quitensis Tribunalis supremus Circitor, vir pietate ac religione spectabilis. Hic ut erat in Quæstoris ædibus frequens ac penè domesticus, ibidè ex negotiorum occasione Rosam persæpe viderat, sæpius de illius sanctimonia vitæque singularitate mira audierat, ita de Virgine sublimiter, ut dignum erat, sentiebat, præsertim quòd sciret, Gundisaluum Rosæ precibus meritisque pluries grauissimis infirmitatibus fuisse liberatum. Contigit Ioannem ex cruciatibus stomachi periculosè ægrotare, ita ut accito Confessario tamquam vitæ incertus animam per exomologesim duxerit expiandam. Interea memor viscerum charitatis quibus erga ægrotos norat Virginem abundare, summis precibus egit per Quæstoris coniugem, ut Rosam adduceret in

tanto sibi periculo bene precaturam. E-
 uicit tandem illa accedente Confessarij
 nutu, vt Virgo Quæstoris vxori se comi-
 tem fore promitteret ituræ ad ægrum in-
 uisendum. Obstabat, quòd Rosæ pro pu-
 dore virgineo durum & insolitum erat vi-
 ri quamquam familiarissimi & infirmi su-
 bire conspectum, at superabat tum pia
 commiseratio quæ negare iusta solatia
 ægris nesciebat, tum humilis obedientia,
 quam Rosæ *Maria de Vfatéguez* velut se-
 cundæ matri deberi agnoscebat. Itaque
 his tuta præsidij cum honestissima Ma-
 trona & pedissequis in viam se coniecit,
 prius tamen ad Aedem Sancti Dominici
 Missæ sacrificio interesse voluit, ac inte-
 rim præmisit qui nunciaret egro, se vti pe-
 tierat, à templo mox ei cum Matrona
 adfuturam. Sensit infirmus illomet pun-
 cto temporis quo nuncium acceperat, do-
 lores suos mitigari. Intrauit deniq; Rosæ
 iacentis cubiculum, salutauit ægrum sed
 ea compassionis ac misericordiæ dolci af-
 fluentia, vt nec circumstantibus sanis am-
 biguum fuerit loqui in modestissima Vir-
 gine Deum totius consolationis. Verum
 Ioannes vultu Rosæ obseruato notauit in
 eodem maiestatem Angelicam, tesseram
 pacis, & viuam spem incolumitatis. Nec
 mora; confestim omnis dolor euauit,
 infirmum somnus qui omnino diffugerat,
 blandè corripuit, mox altum obdormi-
 scens (: Virgine interim cum comitibus
 domum reuersa) integrè sanus euigilauit.
 Compendium id fuit, quo Rosæ celeri a-
 diuta miraculo nec deesset operi miseri-

cordiæ, nec in alienis ædibus præter Vir-
ginum morem diutius hæreret. Nec mi-
nor ipsi cura fuit citissimè abeundi, vt
plausum effugeret quem meritò timebat.

Plura huiusmodi curationum mira-
cula in alium tantisper locum tempusque
differo, hìc vbi de sola Rosæ misericordia
agitur, vnum adijcere fas esto, sed lepidū,
nam vsque ad bruta animantia clemens
Rosæ suauitas & tenera extendebatur cō-
miseratio, siquidem teste Salomone
*Prou. 12. Nouit iustus inuentorum suorum
animas, viscera autem impiorum crudelia.*
Erat Mariæ de Oliua in suo domestico
gallinário miræ pulchritudinis pullus gal-
linaceus, ludebat in eius tergore, & alis
versicolor & amœna striatarum plumarū
varietas, collum quædam velut purpura
decorè incinxerat, postrema corporis pro-
pennarum arcuata venustate in iridem
videbantur desinere, denique toti domui
vna hæc speciosa bestiola in delicijs erat,
gaudebantque omnes hanc à Matrefami-
lias nutriri, & asseruari in spem sobolis
quando creuisset, nam sperabatur illi si-
millimos fore pullos, quos procrearet.
Crenit pullus, sed ea inerat ventricoso
pigritia, vt iugiter cubarit humi, & vix
vniquam visus sit vltro in pedes attolli,
numquam auditus cucurire. Pertaxa Ma-
ter, quòd crederet frustra ab ignauo pro-
geniem exspectari, in mensa coram mari-
to, & filijs constituit illo vespere pullum
ceterà inutilem iugulare, ac postridie co-
medendum apponere. Hic adstans Iuuen-
cula Rosa miserta est bestiæ, & innocent-
sim-

simplicitate conuersa pueriliter ad auem,
Canta (: inquit) *mī pulle, canta ne mori-*
aris. Vix puella verbum protulerat,
 cum sub oculis omnium pullus repente
 assurrexit in pedes, alisque fortiter excus-
 sis canorè & hilariter cucurriuit. Mox al-
 tis ac prætumidis passibus totum conclaue
 perambulans ad Rosæ nutum pluries toto
 distento pectusculo alacriter cantauit. Ri-
 sere quotquot aderant, reuocata subito
 mortis sententia, plaudebat cantu repetito
 pullus cum plaudentibus, spatiabatur ve-
 lut altè præcinctus, colloque arrecto stri-
 dulus idemtidem renouabat domesticorū
 acclamantium cachinnos. Exinde sæpius
 per diem sonoris cantibus impleuit vici-
 niam, numerabat vices familia & nonnum-
 quàm quindecies cantasse breui horarij
 quadrantis spatio deprehendit. Neque
 spem Matrisfamilias fefellit, cui nimi-
 rum paulò post à pulcherrimo hoc gallo
 pulcherrimi fuere pulli. Tantum vel in-

bruti animalis salutem valuit vnica

vox miserentis Rosæ. Profe-

ctò & hic quæri posset,

quis dedit gallo intel-

ligentiam, qua o-

bediret

sanctæ puellæ iubenti iugulum

dare cantui, ne daret

cultro? sed ad

grauiora.

*
 **

CAPVT XXV.

*Rosa magna in Deum fiducia, crebro
in suis suorumque necessita-
tibus explorata.*

A Prima pueritia Rosam suam præue-
nerat Christus in benedictionibus
dulcedinis, edocens confidere in adiuto-
rio Altissimi, vnde per totam deinceps vi-
tam securissima erat, se iugiter in prote-
ctione Dei Coeli commorari. Hinc tan-
topere afficiebatur initio Psalm. 69. *Domine
in adiutorium meum intende, Domine ad
adiuvandum me festina.* Hunc versum
iugiter ferebat in ore, hunc inter
labores manuum submissa vocula su-
uiter cantillabat, hunc sedens, stans,
ambulans deuotissimè iterabat, nec satia-
batur frequenti illius repetitione, præser-
tim cum aliunde rescieuit postea, eundem
versum Beatæ Catarinæ Senensi perpetim
in vlu, ac delicijs fuisse. Rogabat in-
terdum Latinam horum verborum em-
phasim doctiùs ac profundius sibi enu-
cleari, sed numquam in talem incidit in-
terpretem qui melius ipsa intimam fau-
huius dulcedinem aut experimèto nosset,
aut aptis iudicijs explicaret. Interrogata,
cur ex tot millibus vnice hunc versicu-
lum amasset præ cæteris, respondebat,
Seraphicæ Matris suæ totum illo sola-
tium contineri, singulas huius syllabas tur-
gere quodam arcano succo familiaris in-
Deum

Deum confidentiæ, nec suo palato aliud his tam proprijs verbis sapidius posse occurrere.

Tria potissima erant, de quorum affectione Virginem dubitare non sinebat coelitus concessa fiduciæ certitudo. Primum æterna sua Beatitudo, alterum perpetua & numquam interpollanda Dei amicitia, postremum infallibilis ex alto succursus in quibusvis tum necessitatibus tum repentinis periculis. Transeundum per singula.

Quærebat Sponsi pietas occasionem, qua charam Virginem privilegio singulari securam redderet æternæ felicitatis, quapropter semel eam permisit nonnihil concuti pauida formidine circa prædestinationis suæ arcanum omni animæ tremendum. Angebatur innocens Rosa considerans perire se posse, caligabat trepida, recogitans iudiciorum Dei abyssum multam; sed non tardavit festinus ad adiuuandum Dominus, quin cor illud contritum & humiliatum opportunè recrearet, blando affatu sic eam alloquens: *Filia ego neminem condemno, nisi volentem condemnari; igitur ex nunc tranquillo animo esto.* Dici non potest quàm sublimem, inuictā, solidam fiduciam hæc paucula cordi Virginis impresserint, plus enim ipso proferendi modo quàm verbis sibi significari intellexit, nec deinceps eam permisit Sponsus in æternæ salutis anchora fixam ullo incertitudinis fluctu turbari.

Doctor Ioannes Castellus aliquando inter alia sciscitabatur ex Virgine, an Prædestina-

destinationis suę certam notitiam cœlitus
 reuelatam accepisset? rudis iuencula
 hæsit ad *prædestinationis* scholasticum vo-
 cabulum, cuius propriam vim, ac etymon
 haud satis assequebatur, nec de illo aliud
 audierat, quàm significari mysterium im-
 penetrabile, nec temerè ulli mortalium
 perscrutandum. Itaque simplex ac timida
 negauit tandem, quidpiam sibi innotuisse
 de Prædestinationis subtilissima notione.
 Verùm vbi prudens examinatore per ido-
 neas periphrases dilucidius quid sciscitare-
 tur explicuit, Rosa diffiteri amplius nec
 debuit nec potuit, superna illustratione
 admodum tempestiuè se didicisse, quòd ab
 æterno electa erat ad cœlestem gloriam,
 idque miro Dei beneficio se tanta certitu-
 dine tenere, vt limpidiorem huius reuela-
 tionem nequeat desiderare. Manifestius
 hæc patuere in vltimo Rosæ moribundæ
 decubitu, siquidem felicissimè sui transi-
 tus ad beatam requiem adeo certa erat, vt
 etiam præscierit ab omni purgatorij mora
 immunem se fore. Cumque non nemo
 præsentium dixisset, prægrandem & om-
 ninò rarissimam esse hanc gratiam, sat pro-
 sperè agi cum animabus hinc migrantibus
 dum pro residua mortalis vitæ scoria de-
 tergenda ad purgatrices flammæ mittun-
 tur, se sibi id optare animitus: statim Vir-
 go præ ingentis fiduciæ alacritate se ipsa
 robustior animosè respondit: ego verò
 Spōsum habeo qui prægratia & rara dare
 potest, neque pusilla aut mediocria dum-
 taxat per dissidentiam ab illo speranda
 sunt. Hinc vicinam mortem non aliter

ac certam Paradisi iantricem lata aspe-
xit, nam ut primum Rosæ denunciarunt
medici naturam succubuisse morbo, nec,
aliud restare præter decretorium diem.
impauida nihilumque turbata respondit,
oppidò se latari tam grato nuncio, solum
mirari se, cur metuerint citius expectan-
ti indicare.

Memorabilius est quod Rosam dum
hortensem suam cellulam incolebat, salu-
tis æternæ securam reddidit. Orabat Vir-
go, & in mentis excessu vidit, circa se
vndique solum conspersum rosis. Admi-
ranti vnde ver tam repentinum adflorui-
set, en conspicuus adfuit paruulus IESVS
purissimæ Genitricis innixus vlnis, ac Ro-
sam blandè compellans iussit extemplo
sparsas Rosas in repandam sinuosæ vestis
laciniam colligere. Collegit illa, quas po-
tuit, sinuq; se pleno stitit Diuino puerulo;
Is ex omnibus vnicam sibi in donum po-
poscit, qua gratanter accepta subintulit:
*hæc Rosa tu es, huius prouidam curam mihi
assumo; tu de reliquis ut magis volueris di-
spenito.* Intellexit Virgo sapiens quorsù
delicati Sponsuli verba tam seria ac pre-
tiosa tenderent, gaudebat se teneri in
dextera Saluatoris velut Rosam electam,
meminerat de quibus ille promiserat,
Ioan. 10. *Non rapiet eas quisquam de manu
mea, ego vitam æternam do eis.* Porro præ
magnitudine gaudij, quòd se videbat Ro-
sam acceptabilem tutò vernare in pugillo
Paruuli, nesciebat nec anxie querebat,
quid de reliquis Ipsa Rosis ageret, nisi
quòd breui consilio subitaneum inde fer-
tuna

tum confecit, ac cœlesti Infanti reuerenter imposuit, qui Virgini suauissimè arri-
dens data benedictione disparuit. Suspica-
ta est postmodum, rosis ceteris quas per
terram sparsas viderat, significari pientis-
simas Virgines per Limam sparsas, quas
tandem aliquando colligi oportebat in
nouellum sanctæ Catarinæ Senensis Mo-
nasterium, vt illic religiosæ professionis
nèxu votiuo colligatæ Sponsum Virginū
casto famulatu coronent, vicissim ab illo
gloria, & honore coronandæ. Ità acci-
dit, verum nonnisi post Rosæ obitum.
Qua de re infra loco proprio Cap. XXVI.

Pari imperturbabilis certitudinis frue-
batur solatio felix Rosa in securitate gra-
tiæ, Diuinæque amicitie: nam præter-
quàm quòd post quindecennales illas hor-
rendarum obrenebationum eclipfes (:de
quibus supra Cap. XIII. quotidie in suo
ad diuinam vnionem reditu noua illustra-
tione comperiebat sese in Sponsi fauore
confirmatam, alijs quoque vicibus Rosæ
promissum fuit à Domino nunquam se
permisurum quòd vel ad momentum
dulci amicitie suæ fœdere excideret. Qui-
dam ex Virginis Confessarijs dono tam
inæstimabili tacitus adstupuit. Is erat
P. Fr. Petrus de Loaysa Ordinis Prædi-
catorum, qui cupiens euidentius experi-
ri, quàm firmiter in tantę promissionis
fide sibi met constaret Virgo, in quadam
eius Confessione rem puerilem ac mini-
mam cœpit attollere tamquam dubiam,
ac sollicitiori dignam examine, visurus
quid improuisus nec fortè inutilis hic

terror operaretur in Virgine, quam tanta (: vt nouerat) Diuinæ gratiæ securitas possidebat . Mirabatur cordata Rosa inusitatum rigidi censoris amphibolon, permisitque illum ad satietatem loqui . At demum certa se Dei amicitiam non violasse, animaduertit quo tenderet illa, ambiguae explorationis occulta industria ; vnde præfata veniam modestè replicuit : iustè moneor cum metu & tremore salutem meam operari ; atque vtinam sic operer vti debeo ; peccatrix sum, equidem, fateor, & vt fatear hic prouoluor . Verum (: quæ Sponsi mei summa est benignitas intra me sentio tam infallibiles suæ erga me non interruptæ hæctenus dignationis syngraphas, vt facilius mihi persuaserit quiniis me saxum esse aut paleam, quàm quòd dulce Numen à me auersum sit . Mi Pater, neque si vastos cœlorum orbes quis huic telluri complicuerit, in eam me sententiam flectet qua credere possim, Dei permisso me noxam mortalem commississe ; scio quid ille mihi tametsi indignæ pollicitus sit . Ego in Domino confido, non quòd ità præseruari merear, sed quia ille *fidelis est in omnibus verbis suis* : Adquieuit conscius veritatis Confessarius, breuiter excusans, quòd sola probandi spiritus gratia censoriam hanc disceptationem excitarat .

Eadem vis confidentiæ in Deum à prima ætate Rosam aduersus quaslibet mortalis vitæ difficultates, pauores, incommoda præualidè obarmarat . Maria de Oliua Rosæ Mater singulari complexio-

nis

nis indole tenebras & spectra metuebat,
 nec facile aut noctu prodibat ad secretio-
 ra domus, aut ad vesperam sine comite
 sese vel proprio fidebat horto. Idem
 pavoris genius Rosam filiam ex materua
 crasi velut hæreditarius infederat, nec ta-
 men ideo puella orationi dedita solitudi-
 nem ac loca obscuriora deuittabat. Acci-
 dit quodam vespere in noctem procliui &
 magis vmbroso, quòd Rosa adhuc tenera
 diutius moraretur in horto, quò se ad-
 meditandum receperat. Mater filiam
 quæsitura venit, sed comite marito, quia
 vt dictum est ad nocturnos terrores timi-
 dissima erat. Rosa vt vidit eminus vtrum-
 que parentem ad se venire, processit ob-
 uia, sed euntem occupauit cælitus immis-
 sa cogitatio quæ deinceps omnem exar-
 mauit formidinem, docuit fiduciam, in-
 fudit securitatem (: aiebat intra se) ve-
 nit per hortum Mater nec more suo tre-
 pidat, hoc solo iam impauida quòd mari-
 tum suum ad latus præsentē habeat, & ego
 quæ iugiter & vbiq; Sponsi mei præsentia
 muniorego, ego quæ tam fidelē, sollicitum, fortē
 comitem non ad latus sed in corde circū-
 fero, timebo in posterum à timore no-
 cturno? confidit illa in homine mortali, di-
 dicitque ad illius fragilem adstantiam
 tantisper solitos metus ponere, & non
 confirmabit ne pariter confidentia in Deo
 salutari meo, vt nil vmbrosum deinceps
 expauescam? tam profundè animo iuuen-
 cula insedit robusta hæc cogitatio, tam
 funditus enacuauit congenitam formidan-
 di procliuiratem, vt ex eo momento seip-
 sam

sam mirata sit Rosa, quod noctu, interdiu, domi, foris, ad nullius periculi, monstri, belluæ pauebat occursum, vnico præsentis Sponsi præsidio animosa.

Nec defuit occasio qua manifestaretur illa heroica virginæ pectoris soliditas inter discrimina ardua ac repentina. Degebat in quodam Indorum pago cum parentibus duodennis filiola, vbi die quadam cum Matre ac fratribus domum rediens in patenti area obuium vidit Taurum ferocissimum, qui elapsus stabulo vinculisque partim ruptis partim raptatis cursu præcipiti illuc ruebat vnde veniebat cum comitibus Rosa. Exanimis subito pauore Mater cum filiis circumspiciebat fugam. Sola Rosa impauido gradu fixa perstitit, Matremque ne fuga periculum iam nimis propinquum irritaret hortata est, vna promittens, immanem belluam innoxie transituram. Nondum Rosa (: fixis interim in cælum oculis.) verba finierat, cum ferox ac torosum animal terrifico mugitu instar turbinis præteruectum procul in alias personas impetum fecit, velut si Rosam eiusue imbellem comitatum ne vidisset quidem. Palpitabant ceteris anhelæ præcordia etiam post periculum, at Rosa nec mutato leuiter colore monuit sperandum firmitus in Adiutorio Altissimi, & maxime tunc, quando periculi vicinitas omne effugium interclusit. Alia vice Limæ cum Matre ac honestissimis Matronis in quadriga reuertebatur à festiua celebris Ecclesiæ statione. Transeundum erat per amplissimum vrbis forum, vbi tunc me-

tu dilapſa clamofì populi multitudo fero-
cienti Tauro ſpatiũ fecerat, cõfuſaq; vociferatione, & lapidum iactu furioſam be-
ſtiã pro voluptate ſpectaculi ſãuius irrita-
bat. Proſultu curſuque flexuoſo dextror-
ſum lauoſum properabat minax animal,
cauda rigidè arrecta, ſpumante ore, bo-
tu horriſono, naribus ira ſumantibus, are-
nas calcibus iactabat in aera, & ſicubi in
truncum, pannum, aut ſtudioſè obie-
ctam pileolum offenderat, atroci & cre-
bra impactorum cornium vi infodiebat
ſolo. Denique iam ſatis omnia terroribus
impleuerat Taurus, quando venientem,
eminus rhedam conſpicatus recta in illam
librauit curſum. Expalluerunt quotquot
cum Roſa erant foeminae, proſiliere fo-
ras quæ citiùs poterant, ſpemque ſalutis
in fuga collocabant, ipſe auriga circum-
ſpectabat trepidus qua parte tutiùs in-
terram descenderet ſeſeque in pedes co-
nijceret. Sola iterum Roſa oculis in-
cœlum iactis & illicò reductis exemit tre-
pidis metum, ſtitit fugam velut minimè
neceſſariam, affirmans Taurum uſque ad
rhedam neutique procuſſurum, ſed via,
quo veniebat retroceſſurum. Dixerat
& reſpondit euentus, ſtupentibus vni-
uerſis non magis Tauri velocem abſque
nocumento reditum, quàm Virginis ani-
mum quouis metu ſuperiorem. At ipſa
in ſummis periculis ſummè ſecura occi-
nebat cœleſti Sponſo: *non timebo mala
quoniam tu mecum es.*

Cui tanta inerat Diuinæ protectionis
fiducia in vitæ periculis, utique in neceſ-

farijs vitæ sperandis subsidijs minor esse non potuit . Die quadam in paternis adibus defecit numerosæ familiæ panis , neque vel tempus coquendi supererat vel nummi ad manum erant vt aliundè procuraretur . Nunciatum fuit 'Rosæ vacua esse penuaria , neque vel crustam reliquā esse ab vltima pistura . Mirabatur Virgo tam celeriter absumi potuisse annonam , quam pridie posuerant , vtique in biduum suffecturam . At iam certior facta penuriæ , nihilque territa breui labiorum motu visa est rem Deo commendare . Mox ingenti fiducia panariam arcam aperuit , plenamque reperit panibus vltra domus illius morem candidis , azymis , ac saporosis , testante eorundem figura illic inusitata ac peregrina , hos nequaquam à domestico panificio prodijisse . Alio tempore in eadem domo pernecessarium illis regionibus condimentum mel defuit , eiusque cupa fundo tenus exhausta arescebat . Maria de Oliua seu ignara seu iunmemor penuriæ bis ter in caueam misit qui de vase omnibus noto mel adferrent ; renunciarunt singuli , non nisi vacuam sese ollam reperisse . Compatiebatur 'Rosa communi tot capitum necessitati , & secretissimo instinctu iussa sperare optimè Dei prouidentia dixit matri : si mandas , descendam ego in nomine Domini , visura num quid residui mellis inueniam . Descendit , ipsamque cupam inuenit vsque ad supremū labrum recenti melle plenam . Hæsit in spectaculo verè mellifluo tota 'domus attonita , eoque magis , quòd nouo prodigio

gio mel cēlitus datum integris octo mensibus toti familiæ sat fuit in vsum quotidianum. Ecquis vidit vñquam, à Rosis suppleri apum officia?

Gasparem Flores patrem Virginis premebat molesta ægritudo corporis, simul marcebat afflictus merore animus ob 50. librarum debitum cui præ inopia soluendo non erat. Tristabatur perplexa mater, hinc importunitate creditoris inde necessitatibus domus, & cum primis ægri mariti sensim impar. Vtriusque angorem vt rescivit filia, claue qua solebat cordialis in Deum confidentiæ tentauit opulentum æterni Prouisoris gazophylacium: vixq; in Templo preces fuderat, cum inde domum redeunti adstitit vir planè ignotus at vultu modestè decorus ac voce comis; hic Virginem obiter salutans, simul inuolutum strophio argenti porrexit, iubens illo præsentem necessitatem parentum subleuari; nec aliud moratus illicò abscessit. Videbatur ex pondere & permodico inuolucris tumore parum metalli inesse sudario, at vbi Rosa id domi explicuit, ipsam argentearum librarum quinquagenam quam Pater debebat reperit, ægrique lectulum cum nummis adiens idemtidem repetebat, plurimum. Diuinæ bonitati fidendum esse, hanc modo succurrisse medio peropportuno, quantum sufficiat ad amoliendam duri creditoris molestiam. Videbantur Gaspari narrari insomnia, donec filia explicato linteolo 50. libras vti acceperat promptè adnumerauit.

Eiuscemo di peregrinis ac inexpectatis
 subsidijs pluries egena domus recreata
 fuit, ne sanctæ filia constans ac robusta
 in Deum confidentia fraudaretur. Hoc
 nimirum suæ quondam nouellæ Sponsæ in-
 ter paraphernalia & antidora pollicitus e-
 rat cœlestis Lapidida, de quo supra Cap.
 XI., adeo quòd Gundisalui Quæstoris v-
 xor, quæ Virginis arcana præ alijs no-
 uerat, rem in familiare adagium conuer-
 terit, dicere solita: *numquid iterum em-
 pyreus Lapidida tuo monitu excussit locu-
 los.* Quinimò erga locupletissimum hunc
 Sponsum ea erat Rosæ fiducia, vt ausu li-
 berali Virgo pauperrima frequenter &
 palam in se receperit providere de toto
 sumptu ad excitandum à fundamentis no-
 uum sanctæ Catarinæ Senensis Monaste-
 rium, dummodo in diebus suis appelleret,
 quod solum tunc deerat Regiæ permissio-
 nis diploma. Verùm ex quo in huius
 mentionem incidimus, seorsim Cap. seq.
 narranda sunt, quæ circa fundandum
 illud Monasterium Virgini cœlitus & pro-
 missa, & ostensa fuerunt: hic breuiter
 quod præsentì capiti sufficit superestque
 in coronidem, subnecto & finio. Domi-
 Rosa cum deuotis Virginibus mira ac se-
 ria fiducia sermocinabatur de fundatione
 præacti Monasterij at Mater fastidio im-
 par filiam quasi manifestè insomnijs rerū
 impossibilium delirantem obiurgauit co-
 ram omnibus, desine (inquit:) inepti-
 re fatua, memento non esse plebeia for-
 tis, aut patrimonij vulgaris negotium,
 cœnobìa fundare; tu verò ea præfidentia

loqueris , ac si in tantæ fabricæ sumptuosa impendia tibi in promptu iam essent bis centies mille libræ argenti . Humiliter replicuit modesta filia : utique si ad mortalem opem , si ad hominum manus respicerem, faterer vltro impossibilia esse, quæ tracto , at scito Mater, me altius collocasse fiduciam meam ; illum-ipsam in quo omnes thesauri, fideiussorem habeo, huius liberalitati diffidere mihi iam non licet . Successum videbunt hi oculi tui , lætaberis , imò tuopte experimento probabis quod dico .

C A P V T XXVI.

*Rosæ diuinitus reuelatur effloriturum
in Vrbe Limana S. Catinæ
Cœnobium, tempus occulitur.*

I Lustrioribus Limensis emporij ornamentis demum accessit nobile , spatiosum , elegans Beatæ Catinæ Senensis Monasterium , numeroso sacrarum Virginum collegio dicatum sub regulari S. P. Dominici instituto . Anuo salutis MDCXXII. (: hoc est quinquennio post Rosæ beatum ad superos abitum : (fundatrice illustri & opulenta vidua D. Lucia Guerra de la Daga loco situque commodissimo stetit in Lima celebre hoc Cœnobium , & introducto candidi velaminis nouitio Gynæceo cœpere Diuina celebrari . Creuit subitis ac prodigiosis augmentis recens Parthenon , ita quòd hodie vl-

tra ducentas numeret! Sanctimoniales Sponso Deo sub inuiolabilis clausuræ religiosa custodia militantes. Viget in hoc casto pietatis Sacrario diurnus & nocturnus Dei cultus, deuota festorum pompa, canonicus officiorum ordo, iugis virginæ echori psalmodia, sacræ suppellectilis, Ecclesiæ accuratus nitor, apparatus magnificientia copiosa. Nec ab extimo decore quidquam dissidet interior exactæ obseruantix pulchritudo, orationum, mortificationum, exercitiorum assiduitas, perfectionis studium, vniformis morum puritas & sanctimonia, disciplinæ rigidus tenor, perquæ omnes angulos viua & prorsus angelica virtutum omnium exemplaria. Porro celeberrimo tot illustrium heroinarum contubernio dignè aptèque respondet augusta nobilissimæ fabricæ amplitudo, fontes, horti, vireta, porticus, dormitoria, peristylia, officinæ, item possessiones, latifundia, seruitia, prouentus annui & instructissima tot us abundantia œconomia, sic quòd inclytum hoc Monasterium intra primam annorum quadragenam tot celi benedictionibus perpetim irrigatum exemplo, fama, splendore in eum profecerit gradum quò possit grãdioribus præcipuisq; totius Europæ Monasterijs æquiparari.

Denique istud est, quòd integro ferè ante foundationem decennio toties Rosæ nunc per symbola & figuras, nunc manifestè in propria forma ac typo fuit diuinitus præmonstratum. Istud est, quòd Virgo tam securè, ac fidenter, tam crebrò

brò & palam, tam libenter ac liberè dulci
 suæ patriæ vaticinando promittebat, ea-
 quidem asseuerationis firmitate atque cō-
 stantia, quasi illud iam constructum ante
 oculos habuisset. Sola temporis & anni
 quo construendum erat circumstantia ob
 altiores Diuinæ Sapientiæ fines Virginem
 diu latuit, seròque didicit se illud cor-
 poreis oculis non visuram; ceterà com-
 plures qui visuri essent digito monstrauit,
 personas quæ illic Deo famulaturæ essent
 (: ac inter has Matrem propriam) designa-
 uit, numerum diffiniuit, locum prædixit,
 futuræ ibidem fabricæ plantam ac systema
 in tabella delineauit, primam incruenti
 sacrificij mystam nominatim expressit,
 quid multa? primam futurarum Monia-
 lium Præfectam (: *Priorissam* dicimus)
 ex vultu agnouit, spiritu suo imbuuit, o-
 sculo pacis quodammodo initiauit. At
 pressus & seriatim currendum per sin-
 gula.

Dudum expertus propheta monuit, *in-*
tellectus opus esse in visionibus. Dan. 10.
 Hanc verò in negotio de quo agimus Ro-
 sæ non defuisse ad assequendum in sym-
 bolicis præuisionibus genuinum ostenti
 sensum. patebit ex sequentibus. Confe-
 derat, solitaria in horto domestico colli-
 gendis floribus intenta Virgo, iamque
 effrondibus rosis gremium impleuerat, cū
 arrectis in cælum oculis, & arcano intus
 dictante spiritu cepit non sine deuotis in-
 spirijs iactare in altum singulas rosas, ve-
 lut superno eas hortulano commendans.
 Superuenit germanus virginis frater, ac

flororem innocenti ludo se oblectare nec
 ferium quidquam subesse autumans acces-
 sit familiariter, quidque ageret interroga-
 uit. Illa mysterium celans, hoc (: in-
 quit (quod vides me agere ; perrexitque
 vt ante iactare in sublimē Rosas. Germa-
 nus nil vltra simplicem iocum & animi o-
 blectamentum suspicans replicuit : spar-
 gam & ego Rosas in aera, & fortè quam
 tu iaciam altius. Atticuit Virgo, sed lo-
 qui cepere prodigia, nam ecce quas fra-
 ter sursum proiecerat leuissimo delapsu
 mox reuoluebantur in terram, ex altera
 parte quas Rosa in sublimē sparserat, hæ-
 rebant in aere, ibidem in conspicuam
 sanctæ Crucis figuram aptissimè coibant,
 eidemque Cruci à succedentibus Rosis
 decorus per circuitum formabatur limbus.
 Mysterij *intelligentia* hic fratri defuit, non
 item Rosę, quæ postea à conscijs prodi-
 gij interrogata, quidnam putarit hoc ae-
 rio Rosarum suppendiculo portendi, re-
 spondit candore impauido, his præsigni-
 ficari futurum apud Limenses suos insigne
 Sanctę Catarina Senensis Monasterium,
 in hoc quamplurimas præstantis sancti-
 monię Rosas certatim commigraturas, vt
 in cruciformem arctioris vitę regulam
 coaptatę è sublimi perfectionis gradu ter-
 ram despiciant, ipsisque hic mundus cru-
 cifixus sit, & ipse mundo.

Alia vice oranti Rosæ diuinitus osten-
 sum fuit miræ amoenitatis pratum, vndiq;
 liliorum candore ac rosarum purpura (:ta-
 meti sparsim, & sine ordine) variegatum.
 Placebat Virgini bicolor tot vernantium
 plan-

plantularum venustas & gratia, maximè
 vbi deintus responsum accepit, omnes &
 singulas vni *Dilecto candido ac rubicundo*
 feruari in coronam. At displicuit patere
 spatiosum ac nobile pratum cuilibet Via-
 tori, imò communem, & publicum illic
 tam iumentorum quàm hominum quaquar-
 versus comineantium frequentari transitū:
 proinde seriò metuebat fosciculos tam de-
 coros, tam eximias terræ gemmulas præ-
 tereuntium vestigijs improvidè conculca-
 ri. Sed simul timorem exemit superna ir-
 radiatio, Rosam erudiens, tempus fore,
 quo selectum illud germen floridæ propa-
 ginis colligatur in vnum S. Catarinæ Se-
 nensis *hortum conclusum*, septoque proprio
 segregetur à profani seculi commercio, ro-
 sis porrò lilijsque significari puras ac Deo
 dilectas Linensium Virginum animas, quæ
 quidem hinc inde per Urbem sine ordine
 sparsim habitabant, & suo tempore in cœ-
 lum claustralem fore congregandas, vbi tu-
 tissimæ sint ab omni secularis calcanei pro-
 tritu, soliq; æterno Numini fragrent odo-
 rem suauitatis, donec inde translatae in
 Sponsi paradisum eidem nectantur in im-
 marcescibilem gloriæ coronam. Dum his
 cœlestium decretorum arcanis auidissimè
 inhiat auscultatque Rosa, videbatur inte-
 rim suis manibus floridum hoc fertū pau-
 latim connectere, Sponsoque imponere,
 qui vicissim ostendit illud sibi gratissimū,
 & intimè charum esse. Rosam ingenti so-
 latio perfudit hæc visio, quòd obliquè per
 eam intelligeret, suo præcipuè labori ac
 merito hoc donari Deo, quòd Lima tali

aliquando sacrarum Virginum asceterio
velut monili pretioso erat condecoranda.
Et quotiescumque hoc suaue ostentum
suis referebat, vnà testabatur florituras in
illo Monasterio præclaras Dei famulas,
quæ virtutum odore ac sanctitatis fama
gloriosè excellant.

P. Magister Fr. Ludouicus de Bilbao
Virginis Confessarius tametsi reliquis eius
dictis plurimum deferret, huic tamen eius-
dem vaticinio scrupulosius addubitabat,
eò quòd ad humana respiciens ne quidem
è longinquo videre poterat vel minimam
verisimilitudinis stricturem, quæ tanti mo-
luminis vllum aliquando successum pro-
mitteret. Quin potius omnis vndequaq;
tum ratio tum regiminis potestas videba-
tur inexorabiliter obstitura, præsertim cū
pro conditione temporis abundè sat Mo-
nasteriorum esset in Ciuitate nouella, cu-
ius tunc ætas primam annorum centuriam
nondum expleuerat, plurimumque adhuc
distabat ab ea qua hodie tumet amplitudi-
nis vastitate. Animaduertit Rosa Patrem
incredulum de euentu ambigere, ac gran-
di fiducia sic eundem affata est: quid hæsi-
tas mi Pater! te viuo ac vidente stabit in
Urbe hac illud quod sæpè dixi B. Catari-
næ Senensis Monasterium. Pone, suppose
vt volueris, obstitura vetantium imperia,
adde his in obnixum yniuersam hanc no-
stram Americam, imò totum potius terra-
rum orbem, adiunge per hypothesim totius
orci vires, artes, potentiam, denique finge
animo quidquid obstaculorum potes con-
cipere, attamen te superstiti, te viuo &
oculâ-

oculato teste Monasterium quod dixi ex-
 fruetur, habitabitur, florebit. Locum
 tibi designavi, illic erit. Et te quidem
 æterno suo decreto selegit Deus, qui pri-
 mus ibidem Sacrosanctam litabis hostiam
 in solemnitate, quia primus illic fabrican-
 da Ecclesiæ lapis ritu celeberrimo collo-
 cabitur in fundamentis. Tunc memineris
 hæc modò fuisse tibi prædicta à vili mu-
 liercula. Totum euenit prout Virgo præ-
 dixerat, nam anno 1622. accedens ad eam
 functionem Ludouicus inter sollemnna sub-
 missa recordatus est vaticinij, peractoque sa-
 crificio palam adstantibus enarrauit, quàm
 asseueranter, clarè, disertè ante complures
 annos Rosa superstes quod illa die locoq;
 gesserat, prænunciarit.

Aliquando coram domesticis inter fa-
 miliaria colloquia, dum B. Catarinæ Se-
 nensis tractabantur gloriosæ prærogatiuæ,
 & iusta encomia, sensim ad futurū sub eius
 tutelari nomine Monasterium deuolutus
 est sermo. Hic Virgo primū ingenuè
 falsa ac protestata est, se quidē illud mor-
 talibus oculis minimè conspecturam, attamen
 quotquot illic adstant reliqui cer-
 tissimè illius intuitu, præsentia, solatio
 fruituros. Res cum risu excepta ab omni-
 bus, nec deerant quibus Rosa videretur
 præ nimio in Seraphicam Matrem studio
 insanire; maximè postquàm is qui in se re-
 ceperat exorare Matriti facultates Regias
 nouæ fundationi necessarias, Limam vacu-
 us redijt, ne spem quidē permissionis vm-
 quam obtinendæ secum apportans. Terru-
 sent hæc quaecumque aliam, aut saltim

eripuissent loquendi fiduciam, sed Rosam nec terreri, nec dimidiusculè silere permittebat ipsa supernæ reuelationis firmissima certitudo, adeo vt quod verbis idoneis adstruere satis nō poterat, expressis in assula notis architectonicis conareretur euidentiùs adumbrare. Vnde arrepta coram incredulis tabella & cera, futuri Monasterij extemporaneum formauit archetypon, ea tum peritia tum securitate, vt spectantes rapuerit in stuporem. Describebat breui linearum ductu murorum ambitum, qui sub prima futuri Cœnobij exordia, minus spatij complexurus erat, notabat angulos, flexas, confines, quo loco templum, quo situ porta, officina, porticus, dormitoria forent disponenda, nec aliud dolebat quàm quòd ceteri non aequè vt ipsa totam Monasterij imaginem in viuo radio præsentem habebant.

Indignabatur præ ceteris Rosæ mater, nec a quo ferebat animo tã crebram, & seriā domi forisque mentionem fieri nouelli Cœnobij, quod filia tam asseritè & imperterritè notis atque ignotis præfigurabat. Nullus apparebat negotij tam ardui procurator, nemo fundator, nemo fautor aut suasor, nullibi auspex vel patronus abhorreere omnes tamquàm rem humanitùs impossibilem, taxare Virginem tamquàm aut chymeris delusam aut affectui pertinaciter indulgentem. Ipsemet Doctor Ioannes de Castillo (: quem Rosa ob notam viri sanctimoniam tanti faciebat) conabatur Virginem ab hac persuasione diuertere, quòd opinaretur difficultates.

eates planè insuperabiles fore. Idem.
 Quæstoris Gundisalui, idem Confessa-
 riorum erat iudicium. Hinc Mater an-
 xia, sibi que & familiæ probrum metuens
 arguebat filiam, quòd contra tot pruden-
 tum arbitria plus sola ipsa sapere velit quàm
 oporteat, concordì omnium peritorum
 sententiæ obstinatè refragandum non esse,
 Rosam ceu vanam prophetidem cum de-
 decore propediem vulgi fabulam fore,
 denique rationi non contumaciæ in his
 parendum esse, promissum Monasterium
 citius in Vtopia aut spatijs imaginarijs,
 quàm Limæ constiturum. At Rosa tot
 contradictionibus alacrior voce humili,
 sed lata replicuit: eya Mater dulcissima,
 hic demum cessent verborum pugna, tu
 magno tuo emolumento experieris quàm
 durus sit contra stimulum calcitrare, in
 Sanctæ Catarinæ Limensi Monasterio,
 quòd prædico tu ipsa inter primas candi-
 dum Sanctimonialium indues habitum,
 illic tu velaberis, ibi solemniter profite-
 beris, ibi Religiosa vitæ reliquum con-
 summabis. His auditis adeo exarsit Ma-
 ter irritari se putans, ut filiam à conspe-
 ctu suo abegerit, altum vociferans, ego-
 ne Monialis ero! ego ad quam regularis
 vitæ ac status nulla ymquâ cogitatio adi-
 tum inuenit, ego necessariæ dotis inops,
 cantandi ac psallendi ignara, curis secu-
 laribus innutrita, spiritu vacua, clausuræ
 impatiens, onusta prolibus, ego in clau-
 strum me abdā? hac ætate velabor, pro-
 fitebor religionem seueram, arctam, diffi-
 cilem? apage, sat nugarum est, ad Calen-
 das

das grâças hæc impleta videbimus . Initium anni MDC. XXIX. non vidit Calendas grâças , vidit tamen Mariam de Oliua Sanctimonialem in nouello Sanctæ Catarinæ Senensis Monasterio , vbi post mariti obitum sexagenaria religiosis S. P. Dominici filiabus deuotissimè aggregata , cum sacra Ordinis veste nomen Sororis *Maria de S. Maria* assumpsit, exactoque probationis anno solemnia vota emisit, ac plena dierum sancto fine quieuit. Carebat inops vidua dote legitima, quæ quater mille libris argenti in singulas ibidem velandas erat diffinita. Verùm ne Mariæ obstarer egestas prouiderat omniscia cura Numinis, inspirans Fundatrici, vt in ipso foundationis programmata referua rentur loca nonnulla gratuite receptionis digniorum sed inopum personarum, eoq; priuilegio gauisa est Rosæ mater .

Superest de ipsamet Cenobij Fundatrice ac prima eiusdem Præfecta memorabile ac luculentum Rosæ vaticinium . Illustri Matronæ *Isabella de Mexia* domi famula erat *Mariana* nomine , cui grauius ægrotanti Rosa (: vt pote illis in ædibus pene domestica) more suo ex charitate ministrabat . Ea occasione honestæ sceminæ tum Isabellam tum ægram inuisuræ frequentes accedebant . Die quadam inter alias adfuit prænobilis nec virtuteminus quàm parentela & opibus clara D. *Lucia Guerra de la Daga* . Hæc Rosam (: de qua memoranda audierat) illic infirmæ Marianæ seruitio piè districtam cōspicata, eidem cepit deuotius affici, & captata

tata affrādi occasione, post mutuos vltroci-
troq; vrbanae comitatis ritus impēsē Vir-
ginem rogauit, sui meminisse vt velit in
quotidianis ad Deum precibus sanctiſque
exercitijs. Rosa iam intus moneri se
sentiens, affectu reciproco Matronam
vinxit, offerendo modicum id quod pos-
set, illaque fortiùs instante promisit, se
in singulas hebdomadas peculiariter cer-
tum diem selecturam, quo ipsam Deo
commendaret. Lucia hoc solatio diues ac
domum reuerſa quiescere non potuit, dum
Rosam planè iam suam denuò conueniret.
Venit cum prætextu commendandi mari-
tum & filiola, nam Virginis apud De-
um suffragio tunc forsitan magis indige-
bant. Rosa, velut si Lucia cor penitiùs
inspexisset, eamdem familiaritiùs quàm
pridie complexa, nil de marito nil de
filiola filijſue tunc respondit, Matronam
verò nouo sibi beneficio implicuit, ipsam-
que tandem non in lucrum vnicae per
quot-hebdomades diei, sed plenè in
omnium suorum exercitiorum amicam
communionem & participium arcano Dei
impulſu stimulata admisit. Necdum
ſat capiebat ipſamet, vnde aut cur ita
ageret, donec præter morem oculis à
terra in vultum Luciae attentissi-
mè conie-
ctis coepit exultare spiritu, ſuſcendi co-
lore inuſitatae lætitiæ, palpitare calidis
præcordijs, ac demum hilaritate mode-
ſtiſſima Luciam deosculans, *Euge inquit,*
Mater ingenti ſuo operi te Deus reſeruauit.
Idque crebriùs liquenti gaudio replicans
ſimul decenti oſculo attonitam minimè
que

que repugnantem dissuauabat .

Dici non potest ex Virginis spiritu , quos quātosque mox spiritus hauserit felix Matrona : dirigit , sensitque Rosæ tum affatu tum afflatu mutari se medullitus , serpebant dulciter per omnes animæ suæ venas ignotæ flammulæ , cor in varias deliberationes repente dilatatum erigebatur totum ad coelestia , quasi pulsucitatori vociferans : *Domine quid me vis facere?* Sic affecta domum redijt , per viam sic Deum alloquens : Domine si ex tuo eterno placito tuique nominis gloria est , quod ego à seculari isthoc ad Religiosum aliquando statum transeam , perge operari in me , quod mirabiliter cœpisti , en toto cordis affectu meipsam tibi offero , vnà cum prolibus & vniuersa mea substantia ; tuum erit dimouere obstacula , quibus me tam ineluctabiliter nosti implicitam . Exinde in mulieris animum velut connexo agmine immigrarunt simul Religiosi status efficax desiderium , simul spes viuacissima , simul indubia certitudo pertingendi ad hanc metam , euadendi retinacula , perumpendi innumeros obices quos sola Diuina manus poterat dimouere . Nondum tunc Lucia trigesimum ætatis annum excefferat , superstes erat maritus in plurimos (: vti videbatur) annos victurus , circumstabat matrem soboles numerosa , quatuor nempe filij & vna filiola , premebat magnarum opum vasta œconomia , nec tamen hæc religiosa vocationis certitudinem in animo Lucie seu conuellere potuerunt seu deliba-

re , adeo quòd de sanctioris propositi executione cum suis tam secura tractare solebat , ac si dispositis omnibus de proximo velum sibi imponendum exspectaret .

Accidit interea , R. P. *Ioañnem de Vilalobos* , qui tunc Societatis Iesu Nouitiatui Limensi Rector præerat , ad ædes D. *Isabellæ de Mexia* diuertere , ubi in Rosæ colloquium incidens , postquam de certitudine futuri Monasterij Beatæ Catarinæ Senensis varius vtrunque alternarat sermo , didicit à Virgine , se illic pridie locutam esse cum *Lucia de la Daga* annis quidem iuvene , at maturitate indolis graui ; de ea nunc plura se nolle dicere . Intellexit vir religiosus , ac prudens quorsum Rosa tum loquendo tum reliqua subticendo alluderet , tacuit tamen , donec post Rosæ obitum Lucia pro more Sacramentali Confessione animam expiaturâ accederet . Hic Matrona Confessario detexit , se magni ac perardui moliminis opus animo versare foundationem noui Monasterij sub Sanctæ Catarinæ Senensis tutela ac nomine , huc se impelli diuinis stimulis , quibus omninò parendum sit ; huc se vires , opes , cogitationes omnes conuersuram . Vicissim Confessarius illo temporis puncto memor verborum , quæ pridem à Rosa audierat , Luciam edocuit , illud-ipsam esse , quod Virgo Matronæ promiserat , quando eidem prædicebat , magno cuidam operi ipsam à Deo reservari . Proinde non diffideret vaticinio tantæ Virginis : rem tam arduam validis-

simis

finis obstaculis, remoris, ac difficultatibus haud carituram, verum-tamen in ipso tempestatum summo furore ac motu tranquillissimè sperādum fore in superno auxilio, quòd Rosæ iam Sponso immortalì contegnas facillimè sit exoratura.

Ita fuit: nam Luciae maritum, paulò post & proles omnes ex ordine Deus ab hac luce enocavit, obstacula nouæ foundationis vndequaue innumera, & potentissima sustulit, duos repugnantium animos ad fauorem pij operis flexit: supererat Lucie nobilissima parentela, quæ viduam generis, ætatis, opumque intuitu ad secundas nuptias ita vrgebat, vt penè adigeret. Verùm ipsa Rosæ prædictionis memor, & consilij tenax restitit, vicit, triumphauit, rebusque ex voto imò supra votum feliciter compositis nouo Sanctæ Catarinæ Senensis Monasterio auspican- do, fruendo, dotando amplissimas suas facultates, denique & se ipsam dedit, & cum sacro velo nomen *Sororis Lucia de Sanctissima Trinitate* assumens prima nouelli sui Asceterij Præfecturam gessit, ac Religionis spiritum quem ab osculo Rosæ pridem conceperat, hortatu, cura, exemplo mirificè in subditas Moniales propagauit, ac demum sanctimonix fama celebris ibidem extremum clausit diem. Hunc successum habuit Rosæ prædictio, vnde factum est, quòd Sanctæ Catarinæ Senensis Monasterium Lime ex euentu apud consciam plebem sepissimè Rosæ Monasterium (hoc est diu ante vaticinio Rosæ

sa prænunciatum) promiscuè amet appellari .

C A P V T X X V I I .

*Rosæ alia] complura Deo reuelante
arcana patefiunt .*

I Dem (: de quo paulò ante) R. P. *Vilalobos* Societatis Iesu iurata fide testatus est, suo se experimento spiritum propheticum deprehendisse in Virgine . Petierat à Rosa precum suffragium pro felici exitu occulti negotij, sed ardui, quodque, vt sileretur à ceteris primus silebat ipse . At Rosa (: quod numquam solita erat) in loquentis vultum oculis paulisper defixis, velut si illic tamquam in aperto codice legisset arcanum, verecundè subrisit, ac taliter respondit Patri, quòd is haud obscurè collegerit, illo momento coelitus innotuisse Virgini totam secretissimi negotij seriem ; vnde stupore attonitus ad *P. Antonium de la Vega Loaisa* eiusdem Societatis Virum integerrimum rem detulit, qui R. P. Philippo de Tappia Callaoensis Collegij, Rectori similimum cum Virgine accidisse palam asseueravit .

Filia Quæstoris Gundisalui *Michaela de la Massa* secretam quamdam cogitationem versabat animo, quàm nulli mortalium communicarat, neque communicare decreuerat . Huic Rosa familiariter se applicuit, totamque illam cogitationem

nem velut ex pugillaribus accuratè recitavit, ac saluberrimi documenti aphorismos miranti præscripsit.

Mania de Mesta Pictoris *Medori Angelini* coniux cum solo marito nemine conscio tractarat de vtriusque profectio-
ne in Hispanias, deque necessaria pecuniarum quantitate ad vitam illic honestè, & commodè sustentandam. Inde *Rosam* adiit collocutura de alijs, quæ sibi tunc pressius instabant virgo sermone obiter deflexo etiam ad id, quod latere putabatur, ita respondit, ac si de eo pariter fuisset interrogata; nempe approbavit proficiscendi consilium commemoravit summam pecuniariam, quam femina cum marito in reliquæ vitæ sustentaculum pari arbitrati constituerant, dixitque, hanc ambobus (: eò quòd prole carerent) sat fore; Mirata est mulier, falsa plus à Virgine dici non potuisse, si ipsa amborum secreto consilio tertia adsedisset. Longè mirabiliùs videbatur. F. Ioanni Miguel Ordinis Sancti Dominici Religioso, cum è lōginqua peregrinatione Limam reuersus, atque in D. Hieronymi Sacello Virgini seorsim colloquens, ab ea seriatim, & exactè sibi narrari audiuit quæ Fratri procul in aliena regione acciderant, nec humanitus inde potuerant in Rosæ notitiam peruenire; quin & abditissimas suæ met conscientiæ latebras Virgini patuisse euidenter agnouit.

In Templo Sancti Dominici Rosæ cum Matre honestisque fœminis substitute-
rat, Deo precibus commendatura extre-
mum

num agonem *Maria de Vera*, quæ in adibus *Diaaci de Requena* Argentarij decumbens vltimam vitæ horam exspectabat. Superuenit triste nuncium infirmam expirasse. Territæ mulieres dolenter respexere in Rosam, hæc in Cœlum; at subitò ad circumstantes reductis oculis, non plan-gamus (inquit) nam amica nostra mortua non est, viuit *Maria de Vera*, tantum oremus Deum, vt conualescat. Vixit, conualuit, sed alio Rosæ miraculo, de quo in Mantissa.

Cuidam Religioso Societatis Iesu, viro planè Apostolico summisque virtutibus obornato infederat (: nescitur vnde) firma, tenax, & immobilis persuasio, illo se anno (: qui erat 1615.) certissimè ex hac vita migraturum; cupiebat sanè dissolui, & esse cum Christo, vnde captata occasione dum semel Quæstoris coniugè loquebatur adstante Rosa, & vtriusque orationibus humiliter & enixè commendabat suum ab hac vita transitum, velut ante proximi anni Calendas indubiè futurum; exhorruit Gundisalui vxor, at Rosa leniter subridens, nequaquam (: ait) mi Pater hic annus te nobis eripiet, ita tibi secura spondeo. Ille ex aduerso contendebat rem fore certissimam, nec aliud sibi accidere posse felicius, quàm si paulò post celebratum Missæ sacrificium iuberetur spiritum suo reddere Creatori, id vnum se ardentè optare, imò & sperare. Inualuit sensim apud optimum Patrem instantis sui termini concepta opinio, vt à Collegio ad Nouitium, seu Tyro-

Tyronum domicilium migrans non socijs tantum, sed ipsis quoque arboribus, muris, tectis valedixerit, velut domum priorem numquam reuifurus. Cruciabant hæc piam Gundisalui coniugem, quæ tantum suæ conscientiæ moderatorem dolebat præmaturè amittere, proinde in Rosam quotidie anxia respiciens quærebat millies, verane sint quæ ille prædixerat de Confessario suo diutiùs superuieturo. Vicissim millies replicuit Virgo, & Matronam iussit securam esse. Nihilominus hæc trepidabat, quoties Milsæ sui Confessarij intererat, metuens ne illius desiderij compos illamet hora peracto sacrificio abiret è viuis. Denique in sacratissimo Diuini Natalis peruigilo dum Matrona confessura Patrem adibat, per ipsam Rosa eidem significari iussit, deponeret iam tandem inanissimam vicini sui obitus persuasionem, sciretque se grandioribus Dei obsequijs reseruari non moriturum priùs quàm foris complures animas operosa conuersione in viam salutis adduxerit, interq; illas peculiariter eminere quinq; præcipuas suo Apostolatu dignas, & verò Numini acquirendas. Hoc Rosa centies timidæ Quæstoris coniugi ad solatium occantarat, hoc ipse demum euētus plenè comprobauit, nam & Pater post Rosam annis nouè superuixit, & in conuersione perditorum hominum, fructus quos illa prædixerat admirabiles reportauit, vtpotè qui ex viris sui instituti primus adiit montana, quibus hodiè nomen *Santa Cruz de la Sierra*, vbi plu-

plurimas Dæmoni animas eripuit, ac demum Limæ anno MDCXXVI. sancto fine quieuit.

P. Fr. *Bartholomæus Martinez* Ordinis Prædicatorum Limensis Coenobij Sanctæ Mariæ Magdalensæ Prior, & Rosæ Confessarius euentu ambiguo luctabatur cum morbo grauissimo, & extremè periculoso, iamque corporis cura ferè deposita Medicis suadentibus accelerabantur vltima migrantis animæ remedia. Inuisit ægrum P. M. F. *Ioannes de Lorenzana*, conceptoque repentinæ fiduciæ instinctu iussit infirmum bene sperare, eò quòd illo momento in Ecclesia viderat coram S. Hostiæ tabernaculo pro salute ægri luculentum ardere cereum, Rosam intelligens, quam illic ardentissimas fundere preces eminus obseruarat. Vix verba finierat, cum superueniens Sacrista F. *Ioannes Fernandez* ait à Rosa in Templo coram Sanctissimo Sacramento geniculata illuc se missum, vt Bartholomæum certum faceret, ex illa ægritudine quantumcumque iam complorata neutiquam sibi mortem imminere, bono proinde animo esset, valetudinem citiùs quam sperari poterat redituram. eò quòd priùs ipsum oporteat Diuinæ gloriæ in quodam singulari ministerio strenuè famulari. Bartholomæus, cui Virginis anima intimè perspecta erat, nil hæsitans fidem dictis adhibuit, eadem hora metum, & morbum abiecit.

Magister Fr. *Ludouicus de Bilbao* iidem per annos 14. Virginis Confessarius

rius sopitis quas extinctas crediderat febribus timere sibi desierat, cum velut ex insidijs morbus redijt multò quàm ante violentior, ac reciduum ad extrema reduxit pericula. Iam perplexi hærebant Medici, & pharmaca adhibere destiterant, iam ager (: cui natura vocem dederat sonoram, & liquidam) præ angustia obstructi pectoris, viriumque languore vix quæ intelligerentur proferre poterat, nihilominus qua licuit vocis tenuitate ac nutibus mandauit indicari Rosæ discrimen suum, quidque ipsa de morbi huius successu, & exitu sentiret, sibi liberrimè renunciare iussit, vt si moriendum sit continuo preparare se possit ad momentum, à quo pendet æternitas. Ceterà Virginem obsecrabat, ne in hoc anticipiti se destitueret, aut quidquam salutis suæ congruum dissimularet, hoc si vllum aliud dicendæ veritatis tempus esse, nunc vel maximè ab ea se filialis beneuolentiæ sancta obsequia expectare. Virgo tametsi spiritualis sui Patris angoribus condolebat, nihil tamen periculi commemoratione exterrita paucis at vultu alacri respondit: ad serium illud vltimæ respirationis momentum omni annisu, cura, sollicitudine se parare numquam intempesium, semper laudabile est ac salutare. Verùm tamen infirmitas ista non est ad mortem, conualescet infirmus, & in proximo Sanctissimi Rosarij triumphali festo coram vniuerso populo disertè è suggestu perorabit. Interim mittam illi medicum meum, hunc ad lectuli caput iugiter

giter sub oculis habeat, nec de recuperanda valetudine diffidat. Misit deinde Patri quam vnicè habebat in delicijs breuem paruuli IESV iconem decenter vestitam, suum (: vti aiebat) medicum, quem deinde à conualecente repetijt, nuncians absque hoc sibi nimium se solitariam videri. Credidit Rosq̃ vaticinio Ludouicus, Medicum deuotè coluit, vires omnium admiratione integerrimè recuperauit. Vnicum supererat in quo plurimùm hæsitabat, nimirum haud videns quomodo sibi obuenire iam posset concionandi munus in propinqua Sanctissimi Rosarij solemnitate, quandoquidem pro illo anno hæ vices non suæ erant, sed sui Prouincialis M. Fr. *Gabrielis de Zarate*, nam huic per sortem (: vt ibi moris est) vno mense ante hoc fermocinandi onus obtigerat. Nihilominus & hoc in Ludouico impleri debuit, siquidem Prouincialis paulò ante festum ægritudine correptus prædicare non potuit, ignarusque vaticinij sermonem habendum Ludouico demandauit.

Limæ in sancti Dominici Coenobio *Ioannes de Soto* Religionis habitum impetrarat, sed morbum comitalem cui obnoxius erat, silentio presserat. In probationis anno fraus deprehensa *Alphonsus Velasquez* coenobiarcham permouit, vt de Patrum consilio clam statuerit inutilem Nouitium honestè ad seculum remittere. Iam decreta erat executionis dies, & Nouitiorum Magistro *Petro de Loaysa* iniuncta dimissio, neque

humanitus quidquam horum Rosæ innotuisse poterat . Adfuit tamen pia Virgo primo diluculo , & per Fr. *Blasum Marinæ* Sacristam rogavit vnâ cum Priore Magistrum Nouitiorum ad se in Templû descendere , priusquam opus conceptum exsequeretur . Venère ambo , mirati quid Virgo hora tam insolita ac præmatura sibi vellet . Respondit illa , se occurrisset supplicaturam pro Nouitio iamiam exuendo , simulque rogavit decretum expulsionis rescindi . Substomachans ad hæc Patrum vnus replicuit : nescis Rosa quam malè hoc intercessionis beneficium colloces , at scito iuuenem pro quo rogas , emittendę professioni prorsus inidoneum esse . Æquanimiter hanc repulsæ asperitatem tulit mitissima Rosa , attamen subiunxit : Videbitur decretum Altissimi diuersum esse , vestroque fortius : nam Nouitius ille ad solennem Professionem ritè pertinet , & Ordinem Pietatis ac Religionis exemplo insigniter illustrabit . Totum euenit vti Virgo prædixerat .

Tres germanæ sorores, *Philippa*, *Catarina*, & *Francisca de Montoya* Rosę conuersatione & exemplo erudiebantur ad pietatem . Ex his *Philippa* & *Catarina* desiderabant spreto seculo Religiosum Sancti Dominici habitum ac tertij Ordinis amplecti institutum . Sola *Francisca* paulò tenaciùs adhærescebat mundo , totisque præcordijs abhorrebat à seculi diuortio : displicebat religiosa vestis pannosa simplicitas, oblectabat nitidioris cultus fimbriata ostentatio, tenebat venusti

capillitij foemineus amor. Coarguebat interdum Rosa nimium Franciscæ incrispanda cæsarie studium, ac dicebat: hos tuos, quos tanto nunc affectu colis capillos ego recisos aliquando visura sum, ne dubites. Demum sprædixit apertius. Franciscam (& si tunc repugnantem) vnâ cū germana sorore Catarina tertij Ordinis Sancti Dominici Monialem fore, at Philippam quæ tunc eiusdem instituti flagrabat desiderio in oblatas tandem honestas nuptias consensuram. Respondit successus vaticinio, nam Philippæ ardens Religiosi status desiderium cunctis adstupentibus migravit in Franciscam, illam maritum, hæc Sancti Dominici habitum vnâ cum Caterina Sorore obtinuit, capillos, pompam, seculum feruore ac lætitia inenarrabili eiuravit.

Aliud nobile par Virginum, *Maria & Ioana Vriado de Bustamante*, quamquam intima ac familiari Rosæ amicitia gauderent, nil minùs quàm de amplectendo Religionis statu cogitabant. Attamen cum his die quadam in domestico horto coambulans Rosa impetu superno ac repentino sic vtramque affata est: scitote bonæ Sorores, vos ambas vnâ cum Auia vestra *Ludonica* Sanctimoniales fore in Monasterio quod dicimus SS. *Trinitatis*, & ego diem illum victura, ac visura sum. His tertia supererat germana Soror *Francisca* nomine quàm è contratantum accenderat desiderium subeundi tertium Ordinem Sancti Dominici, vt vix aliud cogitare libuerit, aut loqui. Com-

municato demum cum Rosa consilio responsum ab ea retulit, quod postmodum euentus comprobauit, nimirum ipsam nec Sancti Dominici nec altetius Ordinis Monialem sed legitimi mariti coniugem fore: Ità accidit; nam anno MDCXV: nempe biennio ante Rosæ obitum binæ Sorores Maria & Ioanna vnâ cum Auia in Sanctissimæ Trinitatis Monasterio velatæ sunt, ac prior *Maria de la O*, altera *Ioanna à Iesu*, vltima *Ludonice à Cruce* nomen assumpsit. Francisca nupsit *Hieronymo de Villalobos*.

Ioanni de la Raya & *Mariæ Euphemie de Pareias* vnicius adolefcebat filius *Rodericus*, quem ipsi à teneris destinant sacre militiæ Societatis Iesu tempore suo adscribendum. Creuit puer, at nullo religiosæ inclinationis indicio. Applicatus scholis manifestius tam Ecclesiasticum statum quàm litteraria quauis exercitia abhorrere visus est quidquid ex aduerso vterque parens seu palam cuperet, seu operosius suaderet. Afflicta mater delitescentem in hortensi cellula Rosam adiit, dolorem exposuit, precum subsidia enixè flagitauit. Rosa, vt erat accelerandis moestorum solatijs promptissima, statim quidquid suæ apud Deum orationes valerent Euphemie addixit. Mox aliquantulum coelos intuens, postq; breuem morulam in se reflexa, nil (: inquit) ambigito, Rodericus tuus post menses admodum paucos Religiosam induet togam, sed non illam quam tu vnice volebas Societatis Iesu. Sanctiarunt

postrema hæc verba Euphemiam, vnde replicuit : ah quàm medullitus mecum tristabitur mârîtus meus, vt audierit filiû nostrum illi Societati non fore aggregandum . Respondit blandè commiserans Virgo : quin tu potius adora Diuinam prouidentiam quæ tibi hæc tempestiuè constare voluit , vt sensim maritum ad iustam æquanimitatem disponas, ne frustra abstrigillet spiritui vbi vult spiraturo. Sinite in Roderico operari Diuinam potiùs voluntatem quam vestram ; & quàm primum filius tuus regulare institutum amplexus fuerit, vide me moneas, & vt Altissimo grates referam pro beneficio quo nos affecit . Tres circiter abiire menses quando Rodericus inflammari se sensit impetuoso ac subito Religiosæ vitæ desiderio , iamque vltro parentes , quandoquidem ita ipsis collibitum erat, incunctatè seriòque agerent cum Patribus de sua in inclytam eorum Societatem admissione . Resciuit hoc Rosa, iterumque dixit Euphemix : certò certius Religiosum videbis filium tuum , at æquè certum est, ipsum Societati Iesu adscriptum non iri , rudior Seraphici Francisci tunica illum expectat . Nil minus tunc aut cogitabat Rodericus, aut optabat cum marito Euphemia . Quin potiùs cum primorioribus Societatis iam pertractata, conclusa , parata erant omnia , solæ consensuri P. Prouincialis expectabantur litteræ, sed (: Numine sic disponente) tardarunt illæ , atque interea Rodericus clam parentibus Cœnobium Sancti Francisci

adiit habitum petijt, admissionem obtinuit, monitisque & demum flexis ad consensum parentibus octiduo post solemniter in pauperem Fratrum Minorū Ordinem adlectus est. Mater de Nouitij constantia moestè anxietateque subdubitans, quod delicatum puerum tantis metuebat austeritatibus vix parem fore, denuò Rosam adiit, sollicita, pusillanimis, inquieta, praefertim ex quo rescuerat filium inter Quadragesimales rigores nonnihil infirmari. Sed Virgo diffidentiam mulieris leniter perstringens, tam modicam (ait) fidem habes in auxilio Reginae Sanctissimi Rosarii, cui nouitium Rodericum commendavi? scito illum in ordine suo perseveraturum, & suppone te illum iam videre professum. Quid multa? Rodericus mox ut lineam subuculam cum lanea commutauit, conualuit, exacto probationis anno solemniter vota emisit, diuque in Seraphica Religione pius & exemplaris Sacerdos superuixit.

Nobilis Hispani Leonardi de Royamancipium Maria Perez cum hero clam uiuebat in statu damnabili. Compuncta demum, suaeque animae salubrius prospectura, cum modum non videret quo aut periculoso contubernio se explicaret, aut seruili conditione pressa ingenui viri legitimas assequeretur nuptias, Rosae calamitatem suam fidenter aperuit. Compassa Virgo ancillam bene de Dei misericordia sperare iussit, fore quod Leonardus ritè ipsam uxorem duceret. Credidit afflicta mulier in spem contra spem, felici-
que

que experimento comperit, Rosam non ex vano prompsisse solatium.

Marię de Mesta Medori Angelini Piętoris coniugi duę simul ancillę Aethyopissię domo aufugerant, earumque altera Antonia nomine etiam clauēs herę tunc pernecessarias asportarat. Quęsta est Virgini iacturam suam, quodque domum rediens aut arcam vestiariam cuius clauis subducta erat vi effringere, aut in diem posterum aliunde necessariam vestem mutuò petere cogebatur. At subito respondit Rosa: neutrum facies, nam reuersa ad limen tui domicilij priusquam de fella prodeas, occurret tibi in ostio, qui Antoniam à fuga sponte in ades rediisse nunciabit; alteram fugitiuam scito-cras ad te reducendam. Abijt *Mesta*, & in domus suę limine, antequam gestatoria fella exscenderet maritum in valuis obuium habuit nunciantem rediisse cum clauibus Antoniam. Vicissim marito reposuit *Mesta*: & crastinus dies alteram nobis restituet profugam. Vtrumque contextu Rosa predixerat, vtrumque *Mesta* pōstri die impletum vidit.

Decreuerat Peruani Regni Excellentissimus Prorex Gundisalum de la Massa Quęstorem implicare procul à Lima functioni honorificę at perarduę, quęque virum exigebat summę tum experiętię tum fidei ac integritatis. Misit igitur qui Gundisalui consensum elicerent Regiæ (: quam vocant) *Audientia* Senatorem, & Fiscī procuratorem, quibus honoris & auctoritatis gratia proprium suum

adiunxit Confessarium . Quæstor legationis dignitate perculsus , simulque tum seriam Proregis mentem tum negotij difficultatem probè intelligens, spatium quasi deliberaturus petijt, maximè quòd tunc ob classem propediem inde Hispanias petituram expediendis infinitis litteris suisq; officij ratiocinijs distringebatur ne domo, vel ad vnum diem abesse posset : reuera, autem hæc prætexebat, vt per longioris moræ inducias effugeret ipsum periculosa plenum opus alexæ. Profecta classe tres supradicti non iunctim sed singuli ad Gündisalum rediere, ac pluries quidem, premebat enim negotij grauitas & Regis obsequium. Tandem 15. Aprilis quasi peremptoriè monitus, postridie hora præfixa sese à Prorege ad colloquium in palatio exspectari, facile agnouit iam nullum superesse exosa profectionis effugium, vnde illomet vespere post coenam cogitabundus ac tristis angorem sui animi solis coniugi Rosæque aperuit. Vxor metu dispalluit, sed neutiquam Rosa, quæ die postero ab Oratorio veniens, Quæstorem iam-iam domo exiturum ac Proregi sese stitutum vultu alacri affata est : vade inquit, nec formides, lætior ad nos redibis è palatio, quàm hinc exieris; & ne superfluis te morer, securus esto, arduum illud negotium quod subuereris, in alium transferetur, tu planè immunis eris. Dubitanti Quæstoris coniugi idem bis ter constantissimè inculcauit, adiiciēs: nec si videris vtrumque mariti pedem immissum stapedi, aut plateæ iam adequi-

tantem, credideris profecturum. Manebit is tecum Limæ, nec emittetur foras ad molestissimæ functionis periculum. Mirares: Quæstor subito intronissus ad arcantum Proregis colloquium, ab eodem varijs sermonibus detentus per horam & dimidiam, illo momento temporis quod iam adamantini decreti insinuationem pauidus expectabat, comiter dimissus est, nec Prorex toto seriæ confabulationis spatio odiosam illam commissionem verbulo attigit, tametsi quatuor integris mensibus studuisset hanc per supramemoratos Quæstori inuito efficacissimè persuadere. Eadem longo post tempore sic alteri iniuncta fuit, ac si de illa nunquam tractatum fuisset cum Gundisalvo.

Ferdinandus Flores de Herrera germanus Rosæ frater Patris exemplo militiam secutus vsque in *Chile* Regnum penetrat, vbi & vexilliferi honore in sua centuria functus est. Huic leucis plus-minus quingentis *Lima* distant. Rosa soror epistolam scripsit, (: nam diuinitus didicerat, illum in *Chile* honesto matrimonij iugo succollasse). Hac sollicitè hortabatur fratrem, quandoquidem hunc statum amplexus erat, Christiani patrisfamilias obligationi inter militares strepitus accuratè satisfacere haud negligeret, Domum suam ad Dei timorem ac pietatis observantiam studiósè formaret, liberos quos illi superna benedictio data erat, optimis moribus imbuere, sanctèque educare satageret, ac primum quidem matrimo-

nij sui fructum filiulam fore, à Deo pecu-

liariter signatam in facie quam videlicet purpureus conspicua Rosæ character esset ornaturus. Hanc itaque mox ab ortu parens dicaret offerretque Augustissimæ Deiparæ, siquidem hæc filiola puritate & innocentia vitæ multum placitura erat Altissimo. Ita euenit: nam post biennium circiter nata est Ferdinando prima hæc soboles, secumque ab utero matris attulit Rosæ typum in vultu tam bellè & accuratè effigiatum ut nec penicilloq̃ venustius depingi potuisset. Adoleuit cum hoc signo paruula, mirantibus quotquot Rosæ litteras pridem viderant. *Vidacius Gonzales Montero, Christophorus de Aranda Valdiuia*, aliique centuriones ac Chilenfis militiæ Præfecti certatim adibant Ferdinandi ades, deuotò hoc spectaculo coram fruituri, nam & puella (: iuxta Rosæ vaticinium) mirè à teneris propendebat in religionis ac pietatis exercitiis. Tandem præmaturè utroque parente orbata remansit sub tutela pupillari, donec *Franciscus Lasso de la Vega* Chilenfis Regni Gubernator & præses ob Rosæ tunc defunctæ piam & vsque in Chile celebrè memoriam in se officium curamque suscepit ultro, ut orphanam suo sumptu è Chile Limam transmitteret, vbi Auia *Maria de Oliua* (: iam tunc Moniali) in S. Catharinæ Sēensis Monasterio sanctissimè conuixit, ac singulari virtutum exemplo mirabiliter coruscavit.

Isabellæ de Mexia nobili Matrona ancilla erat Aetyopissa, *Speranza* nomine, quod ultro sibi (: ac si Christiana esset)

esset) imposuerat. Hæc à promontorio Africa Hesperium olim, nunc *Caput viride* appellatur, ab interiori Lybia per mare Atlanticum abuecta in Indias, primum, quidem in Isthmo *Panamae* seruierat exinde Limam deducta iam à sexennio ancillabatur Isabellæ. Accidit eam grauius infirmari, quapropter supplex Rosæ tum Isabellam tum suam Matrem exorauit, concedi sibi Speranzam in maternis ædibus suo ministerio commodius procurandam, Vt allata fuit, repente Virgo perplexum quid secum mulans, demum apertè dixit Matri: sentio, Speranzam non esse baptizatam Aegra ex aduerso malum pudorem obstinatione peiori obarmanis contendebat peruiacaciter, in *Panamâ* se sacro Baptismo tinctam fuisse, & vt fidem conciliaret mendacio, fingebat nomina plurimum quos interfuisse iactabat, comminiscabatur Paternos numquam natos, locum, annum, ritum, omnia, præter veritatem. Perfacile ipsi fuit tum Dominæ suæ tum Mariæ de Oliua ceterisque imponere, adeo vt Rosam velat importunè molestam arguerent. Verùm lingemiscebat Virgo identidem suspirans ac palam deplorans infirmam non baptizatam. Superuenit providente Numine post dies vndecim Gundisalui Quæstoris mancipiū Franciscus qui Speranzæ ex Africa Panamam, inde Limam iugiter comes fuerat: is interrogatus respondit simpliciter, se semper credidisse, quod utique intra hoc sexennium Speranza Limæ baptizata sit, nam quod in Panamâ Baptisinus ei

nō obtigerit, habere se compertissimum. Hic tandem conuicta mendacij, sed admirans vnde id Rosa potuerit diuinare sic coram omnibus orsa est loqui: dum ex Panamā huc in ædes Isabellæ veni, reliquæ ibidem Aetyopissæ me per ludibrium *equam* appellitabāt quod baptizata nondū essem; at ego conuicij impatiens replicui audacter, æquè vt illas Christianam me esse. Abinde ne pudefierem, mendacium meum pertinacia tueri conata sum vsque in hodiernum diem. At nunc à Rosa (: nescio quo modo) deprehensam me fateor, & Iaptissimum flagito. Confestim Virgo acciuit vicinum Sancti Sebastiani Parochum Licentiatum *Quixanu*, huic rei seriem infirma annuente exposuit; baptizatur Speranza, moriturque postridie.

Nemo audebat interrogare læram, hoc successu Rosam, vnde arcanum Speranzæ statum didicisset, nam hunc ei non potuisse humanitus Linæ innotescere, apud omnes in confesso erat, ex altera parte Virginis cœlitus infundi abstrusas notitias pridem constabat Matri, quæ inter alia legendi scribendique scientiam non acquisitione sed Diuina infusione irrorassè minorenni filix grato experimento compererat. Res demum ita patuit. Docuerat Mater filiulam Rosam vtcumque singulas nosse alphabeti literas, iamque in eo erat, vt de iisdem in syllabas combinandis puellam instrueret, simulq; in pagella rude exemplar dederat, vt inde calamo characteres formare disceret.

Male-

Malebat Rosa totum hoc tempus orationi dare, sed Mater suspicans filiolum puerili more discendi tedium ac laborem defugere, induxit Confessarium ut coram se iuuenulam de neglectu redargueret. Fecit ille bona fide quod iussus fuerat, sed Rosa postmodum oratione prænitiâ Matrem adiit, librum oblatum expeditissimè legit; insuper programma exhibuit suam manu eleganter conscriptum; nempe melius docuerat Vnctio quàm Oliua, & idem qui Sanctæ Catarinæ Senensis artem legendi scribendique supernè infuderat, dignatus est & Rosam pari infusionis compendio diuinitus erudire. Porro ne his minutioribus immoremur, tandem hoc Magistro suæ mortis diem, locum, horam edocta nemini dulcius quàm sibi suoque funeri felix vates præcinnit. Verùm id commodius proximo Capitulo seruatum esto.

C A P V T XXVIII.

Rosa mortis suæ præscia grauem ultimæ ægritudinis luctum fortiter excipit, inuictè sustinet.

DVriusne premat certitudo mortis; an horæ ac diei incertitudo, problema sit, illic decretum hinc secretum affligit mortales, nisi quod solis Dei amicis mori sit lucrum, & insuper nonnullis horum eximio fauore Numinis secretum diei & horæ reuelatur. Hinc & Rosa quo-

quotannis festum Diui Bartholomæi
 (: quo se morituram præciebat) tam-
 pretiosum & charum fuit; hoc studio sin-
 gulari colebat deuotius, nec suo conten-
 ta ieiunio, aliquot innocentes puerulos
 induxit, vt secum in huius festi peruigi-
 lio ieiunarent, hi verò etiam post Rosæ
 obitum, perrexerunt eiusdem Apostoli
 recurrentes Vigiliis spontaneo celebrare
 ieiunio, nec aliam norant piæ consuetu-
 dinis rationem dare, quàm quòd sic à Ro-
 sâ fuerant instituti. Mirabatur curiosa
 Mater, quid filiæ tam peculiare cum
 Sancto Bartholomæo verteretur, donec
 tandem audiuit à Virgine, hunc sibi diem
 aliquando fore nuptialem, quoad Sponsi
 thalamum esset euocanda.

Adhuc mortalitati Virginis supere-
 rat circiter triennium, quando ex graui
 morbo decubua videbatur omnibus iam
 vitæ marginem extremum attigisse; nemo
 dubitabat intra pauculos dies e viuis abi-
 turam: domestici velut iam mortuam
 plangebant, cum subinde num adhuc spi-
 raret ambigerent. Adstitit inter alios
 Confessarius P. Magister Fr. Ludovicus
de Bilbao, cœpitque voce lachrymosa
 affari Virginem ijs. formulis quibus ad
 postremum agonem sollicitius animari so-
 lent moribundi. Audiebat quietè & a-
 uidè Patris spiritualis vltima solatia ge-
 mens Rosâ, illiusque hortatui promptè se
 accomodans nunc contritionis actus fer-
 uentissimos, nunc humillimæ resignatio-
 nis tranquilla suspiria, nunc anhelæ super-
 ræ patriæ desideria facili conatu frequen-
 tabat.

abat. Verùm vt vidit circumstantes ve-
 ut re perdita liberiùs singultire, ipsumq;
 Confessarium lachrymas tenere non pos-
 se, cohibere nec ipsa potuit roseum com-
 miserationis affectum, vtque consolare-
 tur ceteros, ita allocuta est Patrem: de-
 sione metum, abige intempestiuum mœ-
 orem, ac certus esto, me nequaquam
 ex hac licet tuo omniumque iudicio com-
 plorata ægritudine morituram. Heu!
 longius abest meta ad quam propero, at-
 tingam demum, sed non modò. Quòd si
 nunc morerer, bis mihi moriendum fo-
 ret, nam qui vltimò lethum mihi allatu-
 us est dies, procul distat, nec opinan-
 dum, hanc Sponsi voluntatem esse, vt bis
 moriar. Mirabatur Confessarius hæc tan-
 ta cū securitate ac fiducia proferri à Vir-
 gine, quam sciebat nec temerè loqui so-
 litam, nec in re tam abdita quidquam
 seueraturam, nisi idiem sui transitus
 iuina reuelatione compertum habuisset.

Annum denique suæ ætatis trigesi-
 num-primum Rosà attigit, quem mini-
 mè se finituram dudum prænouerat. Vnde
 quatuor ante obitum mensibus valens ac
 sana Gundisalui vxorem sic allocuta est:
 cito Mater, me quarto ab hinc mense
 iam vniuersæ carnis certò ingressuram.
 Vltimæ infirmitatis meæ dolores qui me
 conficient atrocissimi erunt, sed omnium
 erit immaniissimum tormentum sitis, cui
 tunc tunc subuenias, ex nunc obnixè & an-
 xiè te precor. Memento ne mihi torri-
 dis faucibus arridisque visceribus tua
 materna viscera imploraturæ lympham

deneges qua indigebo. Pollicere hoc Mater, quod in illo mortifero extremæ fitis incendio me non destitues, quin poscenti aquam præbeas. Attonita his dictis Matrona, & Virginem attentè intuita, ut vidit tam seriò cernuèque supplicem, promisit fide bona, se poscenti daturam quoties & quantum aquæ foret petitura. Interim dolebat tam prope imminere decretorium Rosæ diem.

Porro & locum (: sed integro anno ante) eidem Matronæ prædixerat: nam quodam vespere inter spiritualia colloquia subitò præter morem interpellans. Rosa vultu amoenissimo modestisque lætitiæ signis diducto in hæc verba erupit: scito Mater, me non alibi quàm hîc in domo tua & hoc loco naturæ debitum soluturam, & si videris me in parentum meorum ædibus vltima ægritudine corripi, non ambigas, hîc non illic soluar mortalitatis nodo. Nunc ergo per omnia nostræ amicitiae iura te obtestor, ne quando hîc exspirauero corpusculum meum alijs foeminis committas vestiendum fere retroque aptandum, soli tibi ac genitrici meæ hanc curam pro amore Dei assumito, vobis solis vltimum hoc pietatis in me officium supplex commendo.

In celebri arcuum visione (: de qua supra Cap. XVII.) pius Saluator tempestiuè coram fulgido ianuerabilium Angelorum exercitu reuelauit Virgini totam seriem immanium dolorum quibus vltimò lancinanda ac præparanda erat ad beatam immortalitatem; hos tam acutos, & sauos,

sauros, multiplices fore, ut ceteri quos illactenus pertulerat istis collati vix nomen doloris mereantur, singula exhausti sui corpusculi membra proprium habitura equuleum, ut nullum alteri aut succurrere possit aut cruciatum naturali consensu partiri, sitim eandem quæ in Cruce exanguem torsit Redemptorem arida Rosæ viscera faucesque occupaturam, intimas ossium medullas ardore intolerabiliter depascendas, nec ullum ex tot simul atrocibus morbis solitum naturæ ordinem, periodum, leges, aut intervalla admissurum, eò quod præternaturalis futura sit tot mortalium tormentorum exlex congeries. Rosa ne tantæ amaritudinis calicem expauesceret in Sacello Rosarij velut in horto Gethsemani sese tum voluntati Patris æterni, tum adiutorio Virginis Matris ardentem commendavit, quando annuente Deipara ibidem apertius didicisse prope adesse diem, quo totum hoc mortiferi promulsidarij absynthium sibi strenuè sit epotandum. Superuenit fortuito Iannes de Tineo Almanza familiaris, quæ Virginem obiter salutans eius se precibus commendabat. Vicissim Rosa flammante vultu (: quem serium istud Deiparæ colloquium vehementer accenderat) precum subsidia ab illo flagitavit perplexè aliqua interferens, quæ Ioanni sat erant, ut intelligeret, tunc Rosæ præcisum vicini obitus sui diem fuisse reuelatum.

Denique triduo ante fatalem postremæ ægritudinis syncopem Rosa ultimò adiit parentum ædes, fortè clam valedictura

Etura suæ ibidem hortensi cellula tot secum caelestium deliciarum conscia. Illic se Virgo solitariam ac sine arbitris putans cygnæos exorsa est modulos, suæque morti iam propinquæ dulciter præcantillauit. Obseruabat insciam è vicino angulo Mater, audijsque filiam arguto fluidorum rythmorum iubilo blandientem. Sancto Patri suo *Dominico*, cui impensè commendabat Mariam de Oliua Matrem suam, crebrò inculcans ac repetens; hanc breuè (: se moriente) mansuram solam; proinde huic orbæ ac derelictæ suam è Coelo impenderet tutelam, quam tandem adoptaturus esset in filiam. Percelluit Matrem arcanus horror, & tunc quidem dissimulauit, fortè subdubitans non admodum seria esse, quæ metricè ac per cantilenam efferuntur non quia vera, sed quia obuia: donec tertius dies (: qui mensis Augusti primus erat) aperuit non poeticè sed propheticè cantatos fuisse migraturi oloris thrænos, ni mauelis dicere iubilos.

Calendis Augusti Rosa sub vesperam sana ac vegeta suo sese cubiculo incluserat, expectatura illic promissos ultimi sui accubitus dolores, quorum antambulones ac strategos sentire iam coeperat. Et ecce sub noctis medium auditur miserrimè eiulare. Accurrit Quæstoris vxor cum filiabus & ancillis, inueniuntque agram toto corpusculo extensam per solum; rigeabant membra sine motu sola pectoris anghela palpitatio & languidæ vocis querula raucedo Virgini scintillam vitæ

vitæ inesse arguebant. Instabat anxio
 Matrona, interrogabat, ubi quid potissi-
 mum doleret, quid demum haberet mali,
 sed Rosa præ tenuitate spiritus tunc re-
 spondere aliud non potuit, nisi quod ver-
 bis intercisis diceret: malum quidem se
 nullum habere, at ipsissimam mortem in
 intimis viscerum suorum penetralibus li-
 berrimè dominari. Interrogata, velitne
 aduocari Medicum? *Cælestis* in respondit,
 & obtulit. E terra interim sublata in
 lectulum nec mouere se poterat nec quie-
 scere, frigidus sudor stagnabat in pallida
 fronte, luctabatur velut ingenti mole
 oppressa spirandi facultas, discordes arteri-
 carum temporumque pulsus certabant de
 palma vehementiæ, & incertis interual-
 lis nunc tumor nunc tremor exangue cor-
 pusculum oberrabant. Tantùm in hoc
 Virgini bene erat, cum subinde libero
 IESV nomen tenerrimè pronunciabat.
 Manè facto acciti Confessarij infirmæ ad-
 titerunt, mirantes viuum illud ac taci-
 urnum omnium dolorum simulachrum.
 Adfuere & Medici, statimque explorata
 vi pugnantium morborum hærebant in
 mutuo intuitu marcelli, fatentes aceruum
 pot cruciatuum omni humana patientia
 superiorem videri, neque dolores illos
 omnino naturales esse, altiores hinc faui-
 re paroxysmos quos artis suæ experien-
 tia nondum agnouerat. Nimirum hic il-
 le calix erat quem Sponsus biberat, quem
 sponsæ miscuerat, ac tam diu ante præ-
 monstrat.

Confessariorum vnus rogauit Virgi-
 nem,

nem. saltim Medico exponeret quid sentiret; cunctantem adegit imperio, credens ab humili modestia non à tormentorum excessu prouenire silentium. Audito præcepto mox obedientia doloribus robustior fuit, & quamquam Rosa creberrimis experimentis omnium penè morborum nomina didicerat, hunc tamen (: utpote peregrinum) nonnisi per similitudinum periphases explicare valens ita respondit : scio me commeruisse quæ patior, at nesciebam tantum poenarum in corpus humanum cadere ac per singulos artus distribui posse ; videtur candentis ferri globus mihi per tempora adigi, & à summo vertice vsque ad infimam plantâ dextri pedis ignitum veru transmitti, cuius me vehementia quodammodo in altum attollit : simili ardore transuersim à sinistro latere per medullium cordis ignitus pugio me peruadit, (: obseruet lector in hoc duplici ac decussato ardoris tormento Crucis formam exprimi) caput meum candenti galeæ videtur inclusum, illic sine intermissione validis puncturis ceu malleorum ictibus vndique contunditur ; ossa mihi sensim resoluuntur in puluerem, medullæ instar cinerum aruerunt, singulas iuncturas singuli obsident cruciatus quibus nec nomen, neque tormentum cui eos comparem inuenio. His quidem ad extrema paulatim me deduci comperio, sed quia dolorum meorum intensiori accessura est certa in plusculos dies extensio, simul efflictim compatior labori ac molestiæ qua domum istam diutius

tius quàm vellem oneratura sum. Cetera consummet in me Dominus totum quòd collibitum est sacrosanctæ voluntati suæ, ego neq; mortem nec morte diriora supplicia hæc recusabo.

Auxere hi sermones vertiginem Medicorum, fluctuabant in mutuo aspectu confusi, perplexi, attoniti, nam hinc notissima Rosæ virtus & sanctitas non sinebat quemquam de dictorum suorum veritate ambigere, inde aberant indicia quæ lethalis morbi suspicionem confirmaret, cum nec febrile quidquam pulsaret in venis, nec insolita tot simul alterationum vicissitudo vllum foras emitteret critirion alicuius morbi quem scola Aesculapij nosset. Ceterùm Virgo clam suo Confessario P. Magistro de Lorenzana aperuit, frustra Medicos in exploranda huius morbi specie laborare, cum totus præter naturam esset, ac aforis immissus via multiplici vndequaque à peripheria ad centrum tenderet, mutuisque occurribus alij alios paroxysmi summa affectionum varietate interfecarent, proinde non alia hinc quàm immedicabilis lobi patientia sibi opus fore, vt quoquo modo singulos Crucifixi Sponsi sui dolores membratim experiretur. Ergo rogavit obnixè Gundisalvi coniugem, sibi permitterent saltem per aliquot dies sic iacere absque humano alloquio, fortè vt sub solitario hoc silentio quietius intimos & inexplicabiles suos dolores intingeret ultimis doloribus crucifixi Amoris, cui semembratim confixam in Cruce sentiebat.

Verùm interrupt qualemcumque istam Crucis quietem superueniens Rosæ Mater, qua intromissa ingenti suo terrore infirmiorē reperit filiam quā sibi fuerat nunciatum ; itaque moleste & anxie urgebat ægram, diceret qua parte grauius doleret. Breuiter respondit filia, omni ex parte sibi malè esse, hoc solo dempto quòd verè hi Crucis dolores erant. Sed neutiquam hoc responso contenta Mater, ac fortè persuasa ex tacurnitate patientis filiæ retardari operam medicinæ, voluit exponi sibi minutim singula, vidensque luctari infirmam, eò quòd nesciret vnde incipiendum aut quæ nomina danda morbo tam anonymo ac præternaturali, imperiosius per virtutem sanctæ Obedientiæ adstrinxit filiam eloqui secreta, quæ non nouerat. Rosa memor nullibi quā in Cruce ampliorem obedientiæ patere locum ; ab ipsa mutuauit loquendi vires & spiritum, perque eadem similitudinum compendia (; siquidem aptius non poterat) explicuit Matri, se velut oblongo ignito iaculo à vertice vsque ad calcaneum transuerberari miris ardoribus, quibus totum sinistrum latus videbatur eleuari, simillimo torrese se transuersim penetrari à latere ad latus, hac vstulatione sibi ossa incinerari, (: nimirum Crucis holocaustum erat) medullas ac tendines frustillatim candenti forcipe euelli, passim per fibras oberrare acutissimum gelu, ipsaque tot flammularum antiperistasi sauius irritari, mandibularum cardines tamquam filo chaly-

bro

eo arctissimè strictos ad omnem oris
 otum luxari à iunctura , aures & tem-
 ora velut ingelto candenti orbiculo di-
 unctim torrerì , os & fauces interiùs
 antibus plagis cruentè vlcerari , guttur
 m tunfillis instar pumicum emarcuisse
 æ ariditate ac siti, (: & quidni in-
 uce audiatur S:ro ?) **cranium** velut in-
 dem ictibus creberrimis ac lacertosiss
 atim contundi , nec vllum ex omnibus
 pplicijs vel ad momentum interquie-
 ere . Hæc sunt (: inquit) Mater mea
 lcissima , quæ tibi vtcumque aduni-
 are potui , vt obedirem , cetera ne ru-
 ter quidem possum , nec si possem cape-
 s . Fleuit turbata Mater , hoc maximè
 orans quòd præter lachrymas non ha-
 bat quo filia dolores inungeret . Sed
 irgo pietate faucia conabatur has inuti-
 s afflictæ Matris lachrymas sistere ro-
 ns cohiberi fletum , quasi Sponsi verbis
 ceret *Nolite flere super me .*

Illuxit interea sextus Augusti dies,
 hristi Transfigurationi sacer , at Rosam
 non in Thabor sed in Caluarix Monte
 uenit , fortiusque defixit . Videbantur
 timi Virginis dolores aduocasse in suū
 iutorium reliquam naturalium morbo-
 um cohortem , ne aut vllum poenarum
 enus tantę patientiæ deesset , aut vlti-
 us ambigeretur infirmitatem Rosæ le-
 alem esse . Prima ad hoc festum acci-
 comparuit lateris sinistri paralyfis , quā
 tius corporis læua pars à summo deor-
 m eneruata in lethalem stuporem dista-
 it , vt inde inciperet Rosa per partes e-
 maci .

mori. Sola lingua singulari Dei beneficio intacta ad pietatis usum viguit usque; ad extremum halitum, reliqua ex eo latere membra sic obtorpuere ut numquam ad officium redierint, quidquid demum unguentorum, defrictionum, fomentorum magis ad cumulandam molestiam quam ad conciliandum leuamen impenderetur. Ex solo pondere sentiebat ægra, adhuc se brachium pedemque alterum habere, cetera, siue erigenda tantisper in lectulo, siue in alterum latus vertenda manibus egebat alienis, plus condolens aliorum incommodo quam dolens ex proprio. Successere aut potius accessere paralyfi varia minoris notæ symptomata, verum.

37. Augusti inflammata utrimque costarum membrana notabilem adiunxit pleuritidem, huic se paulatim adsociavit raucum angustæ pectoris asthma, ut ardores qui intus velut in clibanò assabant viscerum reliquias, non sine nouo cruciatu leuamen admitterent rari suspirij. Pleuritidem auxit ischiadum acerbus dolor, cholica, hypochondriarum dira commulsiō, accensa in pede dextro nodosa arthritis; denique continuæ febris caustica intemperies reliquorum morborum confudit distinctionem, tamque potenti, varia, & concumulata vredine opus fuit, ut vnica hæc Rosa fatali demum marcori succumberet; mirum, non succubuisse citius, at gloriosissimum martyrij genus est lentè, imò articulatim mori.

Aceruatos tot dolorum ac morborum cumulos æstimabat, acceptabat resignato

animo

animo serena, & constans Rosa, velut ma-
 nu Christi admensos sibi ex illa mirabili
 latera, quam in visione Arcuum attentis-
 sime obseruabat, secuta tantis afflictioni-
 bus successuros totidem cumulos gratia-
 rum, nempe *eternum illud gloria pondus*, de
 quo Apostolus 2. Corin. 4. cui nomen
Gratia consummata. Hinc illa inter acer-
 bißimos cruciatus placida ac suauis anime
 quies, hinc illud fiducia ac spei infractum
 robur, quod multos, ac præcipue spiritua-
 les suos Patres abripuit in stuporem, hinc
 illa festiua & blanda cum Dilecto solilo-
 quia, *Domine plus, plus: imple adorandum*
sanctum beneplacitum iustissimæ voluntatis
tuæ, imple iustitiam, superaccumula doloribus
dolores, at memento simul augere meam pa-
 tientiam. Suspirabat interdum, at sine ge-
 nitu: *Domine in adiutorium meum intende,*
et sine illo nil possum. Subinde cum la-
 terum dolore urgebatur ad sanguinis vo-
 mitum, familiari idiomatis sui rythmo al-
 loquebatur Sponsum, *Domine, tantum ne tra-*
cta corripias me, nec arguas in furore, dñe
quis quod mea crimina detergam hoc cruore.
 Audita est aliquando Crucifixum quem
 iugiter gestabat inter amplexus, dulci te-
 neritudine sic affari: *mi Iesu, quando à te*
noscebam dolores, credebam illos mihi mittē-
dos quibus à prima inuentura me exercuisti,
et nunc aliter tibi visum est. benedicta sit
abundantia tam copiosa misericordiæ tuæ.
 Cuidam ob rigidos paralyfis stupores sibi
 familiariter compatiēti mira vultus ani-
 mique serenitate respondit: aliquando se
 tractasse cum Deo, de adoptando mend-

co puérulo, quem ipsa educaret in spem Evangelij inter barbaros propagandi (: vt supra Cap. XXIII. narratum est) verum nunc binos sibi datos esse, quorum vnum sinistro genu, alterum lauo brachio exceperat portandum ac nutriendum. Hoc penè ioco indigitabat molem emortui genu & brachij, quibus grauiori pondere sua paralyfis infederat.

Paulatim subuerebatur (: nec sine causa) Virgo sapiens, ne tot simul morborum cōtinua & atrox violentia sibi rationis vsum eriperet; totamque cerebri temperiem dissiparet; maximè vbi tot dies noctesq; planè insomnes, tot motuum vicissitudines, tanta occipitis inflammatio, ac temporum inquietudo certam ferè caliginem ac iudicij eclypsim minabantur. Itaq; humilis Rosa voce tremula flebiliq; supplex obsecrauit domesticos, secum rogarent Deum, vt ex ea duntaxat parte mitigaret vim morborum qua menti liberoq; vsui rationis nocere poterant. Respexit humilitatem ancillulæ suæ Diuina pietas, illiq; integrum expediti iudicij & linguæ vigorem peculiari prodigio inter assidua exhausti cerebri deliquia immunem seruauit vsque ad extremum halitum. Attamen sæpè inter hos angores Virginem ab vsu exteriorum sensuum adduxit vel morbi vehementia vel contemplationum excessus, adeo vt somno leniter sopita putaretur, vnde nonnullis etiam de infirmæ salute paulò meliùs sperare collibuit, quòd eam crederent pauxillum dormiuisse. Præ ceteris sollicita Mater laborabat persuade-

re filiae, hac reditura valetudinis signa
 esse. Verum subridens, morique certa
 Virgo replicuit, nil minus quam soporem
 fuisse quod viderant, nec tales esse crucia-
 tus suos, qui aut vnici momenti starent in-
 ducijs, aut cum somno possint vel tantil-
 lam inire societatem; proinde non dubita-
 rent breui se consummandam iri, at prius
 amarum hunc passionis suae calicem amo-
 re Sponsi ad imum vsque fundum sibi ex-
 hauriendum fore.

Crucis archipincerna sitis immanissimè
 Rosam torquebat imò torrebat in dies
 vehementius; itaque in Gundisalui con-
 iugem obtutu miserabili, cernuo, lachry-
 moso, frequenter, languidè, dolorosè res-
 piciens orabat supplex, tantillum aque ad
 refrigerium sibi porrigi, fel (: cui pridem
 assueuerat) cum aceto iam in delicijs re-
 putatura, si impetrari potuisset. Matrona
 quàmuis commiseratione efflictim saucia
 negabat id sibi per Medicos licere. Vr-
 gebat Rosa, meminisset datae fidei, qua
 quarto ab hinc mense promiserat valentè
 ac sanæ, quantum aquæ in vltima egritu-
 dine flagitaret, se promptæ daturam. Ac
 excusabat illa, se iam promissum implere
 non posse. Vnde Virgini cruciabiliter are-
 scienti vnum id superfuit, cum moriente
 Sponso clamare: *Siris*.

Rosa marcor extremus , suaue deliquium , & mors pretiosa .

AD fuit demum acceptabile tēpus, quo Rosa non tam Sirij, quā sitis ardoribus exsucca, dolorum spinas cum vita exueret in Sponsi Paradiso amœniūs renascitura. Lethalia decumbentis signa dissimulari iam non poterant, erantq; Virginī acceptissimā, quōd his quasi fideiussoribus liberior sibi concedebatur campus submota corporis cura tractandi de sola anima. Igitur crebrius accitis Confessarijs tenerrimam conscientia exomologesi pluries iterata quā diligentissimē expiauit, semel quidem generaliter de tota vita sua, deinde frequentius at breuius, semper tamen cum sonoro poenitudinis intimæ singultu & lachrymis se accusans, ita quōd procul auditi gemitus non paucos compunxerint, mirantes Virginem in summis corpusculi tormentis adeo gemendi parcam nunc in leuissimis animi morbis enarrandis tam amarè altūmq; inegemiscere.

Posthac triduo ante felicem transitum complicatis in supplicādi ritum manibus, voce flebili Diuinum Viaticum, extremamque Vnctionem petijt. Ut audiuit, epulum Eucharisticum sibi adferri, viuido colore suffusa coruscantis auroræ instar gratiosè rubuit, mox gaudio suo impar in altissimam extasim dirigit, attonitis quotquot aderant, quōd nihilominus

aptē

aptè expeditèque responderet Sacerdoti qui de mōre Sacratissimam Hostiam manu tenens interrogabat quæ sub illo articulo solent interrogari. Suscepto Diuino Sacramento pallida & exanguis nullo vel minimo labiorum motu sic fixa hæsit, vt diu inter adstantes dubitatum fuerit, num Sacram Hostiam in stomachum trāsmisisset: denique P. Magister *de Lorenzana*, metuens ne fortè Virgo tã aridis morboque adstrictis; faucibus glutire non posset, quæsiuit sollicitè quo statu res esset. Rosa, ad Confessarij vocem repente sibi reddita respondit, iam Hostiam sacrosanctam per guttur ad intima descendisse. At ipse memor admirabilium effectuum quos instar solis operari solebat in Virgine hoc viuificum Sacramentum, (: vt fatentè ipsam retulimus supra Cap. XXII.) breuissimè illam hortatus est, stueretur nunc Sole suo. Appositè; nam vno eodemque die in Zodiaco Sol mēsis Augusti ex *Leone* transibat in *Virginem*, & Sol Eucharisticus verè Augustus ultimò Virginem Rosam virgineo suo corpore adimplebat. Certè & hæc Virgo inter morbū & mortem velut inter *Leonem* & *Libram* media erat, nam ille *quasi Leo sic contriuerat omnia ossa eius*, hæc æternum gloria pondus appendebat Virgini in statera, de qua Cap. XVII. sed ad alia.

Quàm immobilis riguit dum sacrum Viaticum sumebat in extasi, tam alacri omnium sensuum officio Extremam Vnctionem moribunda excepit, verè *oleum letitiæ*, quo sese potiùs ad triumphum quàm

ad agonis conflictum sensit animari, utpote salutis adeo iam certa quod insuper nosset absque Purgatorii ignis contactu se recto itinere ad Sponsi nuptias profecturam. Sapius coram adstantibus voce quantum potuit elata & clara orthodoxæ Fidei professionem replicuit, non sine iubilo ac pene addito cygneo cantu protestans, se uti hactenus vixerat ita iam mori filiam Sanctæ Romanæ & vniuersalis Ecclesiæ, se credidisse sæper & credere quidquid credendum proponit ac docet Magistra fidelium Apostolica Sedes, numquam se (: dū sui compos sit) ab huius fidei solidissima firmitate recessuram. Proxima huic cura fuit, se palam ac deuotè S. P. sui Domini sobolem profiteri, vnde candidum sui Ordinis inter signa quod *Scapulare* dicimus, foris super stragulas coram se continuo (& patulè extensum videre ac videri voluit, tamquam proprium religiosæ militiæ vexillum, sub quo meruerat vsq; ad extremum spiritum, estque hæc vestis illa, qua Virgo-Mater nascentem Fratris Prædicatorum Ordinem ceu pannis infantia fuisset manibus inuoluerat. Porro gauisa est Rosa, cum à P. Lorenzana suo Confessario quod numquam sciuerat tunc primum didicit hunc perpetuum in Ordine morem esse, quod moribundis Religiosis illo modo sacrum Scapulare insternatur. Hinc Rosa moritura tenerius suum osculabatur Scapulare, quo quasi *viam lætæam* sibi signari ad sedes empyreas sentiebat.

Inuiserat Rosam morti vicinam P. F.

Bar-

Bartolomæus Martinez Prior Limeris
 Cœnobij ad Sanctæ Mariæ Magdalenæ,
 vir admodum religiosus & Dominicanæ
 ibidem Observantiæ vigil zelotes, cui per
 quinquennium Virgo conscientia suæ la-
 tebras solita fuerat aperire. Ab hoc egra
 humillimis precibus flagitavit sibi verba-
 tim prælegi formulam exquisitissimam
 summèque efficacem, qua moribunda ve-
 niam à Deo exoraret pro omnibus, qui
 Rosam in totius vitæ suæ decursu mole-
 stijs, damnis, vlloue genere iniuriarum
 affecerant. Annuat pius Pater, illiusque
 præeuntis verba sequebatur Virgo Cruci-
 fixi iconem manu stringēs, nec satiari po-
 terat his verbis tenerrimis : *Pater. igno-
 scis illi*. His illanguibat tota affectuum dul-
 cedine, horum repetitione inardescibat
 medullitus, nec fatigabatur orationis pro-
 lixitate, modò in eadem verba sæpius re-
 curreret. Expleto hoc pietatis officio
 blādè ac suauiter Patri gratias egit, quòd
 in opere tam pretioso ac serio aptam sibi
 methodum viamque recitando præiuerat,
 qua utcūque imitaretur Diuinum in
 Cruce Agnum pro suis aduersarijs extre-
 mè deprecantem. Hinc in se reflexa do-
 mesticos Gundisalui Quæstoris acciri de-
 missè petiit, & quamquam ex his neminē
 verbulo aut minimo vñquam nutu offen-
 disset, à singulis & omnibus voce lachry-
 mosa ac supplici orauit sibi condonari, si
 qua in re vlli nocuerat siue incōposito
 mœrum exemplo, siue tarditate obsequio-
 rum, aut tetrica singularitatis molestia;
 dolebat se ipsis adhuc ferè per biduum

oneri fore, rogabatque ne prope terminū amittere velint longanimitatis suæ fructū, ac patientiæ meritum, haud procul abesse horam quæ domum Gundisalui à foetidæ Rosæ longo fastidio inutilique pondere liberaret. Nemo aderat, cui tantæ humilitatis verba lachrymas non excuterent, nam vt tenerrimè Rosam suam diligerent, fat fuerat singulis ipsam nourisse, eiusq; sanctitatem, innocentiam, animi demissionem, candorem, & obsequendi affectum tantis experimentis comprobasse.

Sciebat Quæstor, Virgini (: prout sub Dominicani Ordinis habitu atque Obedientia vixerat) in votis esse, non alibi quàm ad Fratrum suorum pedes sepeliri, at metuebat vir prudēs, ne fortè post Rosæ obitum de condendo tanti funeris thesauro lites inter Parochiam & sancti Dominici Conuentum exurgerent; nec tamen audebat humillimæ Virgini honorificum illud periculum aperire. Tandem ingenioso consilio suggessit Virgini, quòd legitimum obtinendæ apud FF. Prædicatores sepulchræ desiderium potius mendicando quàm testando notificaret per scripturam in hunc vsum à Gundisaluio iam præparatam. Facile consensit ac subscripsit Rosa, existimans agi de solo humilitatis exercitio, eumque Ordinis sui morem esse. Alias de corporis sui aut cura aut loculo ne quidem cogitabat, intenta soli spiritui, adeo vt familiares Matronarum visitationes difficilius quàm noua dolorū auctaria admitteret, siquidem vt illas tanquam onerosas ac superfluas honesta sapius

pius excusatione rogabat impediri, ita hæc magis magisq; gaudebat cumulari. Hinc inter acutissimos ischiadum cruciatus vox illa frequens : *ne preme, stringe Domine, ne parcas, quantumcumque pungas aut velli- ces, pro meo demerito parum est*. Notarunt pleriq; in Virgine, iisdem gradibus quibus debile corpusculum fatiscebat in mortem, attolli spiritum in vigorem & securam hilaritatem, adeo vt penè horaria lætitiæ incrementa nec voce nec vultu satis potuerit dissimulare, velut protestans cum Apostolo, *cum infirmor tunc fortiter sum*. Quidam vir Religiosus diris eius torminibus compatiens hortabatur pati fortiter, terminum iam in prospectu esse, hoc æstu animam feliciter purgari à cruditate vt Sponsi palatum æternum oblectet. Respondit Virgo : at hoc ipsum est quod Sponsum rogo, ne cesset me exquisitis ardoribus excoquere, donec ei mature- scam in fructum qui rectà hinc mensæ ip- sius inferri mereatur.

Sub vitæ finem crebriora Virgini fue- re dulcissimorum raptuum interualla qui- bus paratæ cælestis gloriæ saporis iam sū- mis labijs prælibabat. Paucis ante obitum horis ab eiusmodi prægustu in se rediēs ac suis gaudijs impar P. Fr. *Francisco Nie- zo* cum alijs iuxta ibidem vigilantibus inge- nuè at secretò dixit : proh ! Pater, si resi- duæ vitæ meæ breuitas id permetteret, quàm excelsa, quàm pretiosa, iucunda, exi- mia tibi de Dei suauitate, de læta ipsius Curia, de regione æternitatis narranda, haberem, vado nunc enim tripudio ad pe-

renniter contuendam pulcherrimam illam faciem, quam toto peregrinationis meæ exilio quasiui, toto desideriorum æstu cōcupiui. Aderat morienti filiæ afflicta mater, aberat Pater, quem lecto decubuum propria infirmitas cohibebat domi; attamen rogatu Virginis, quæ ultimā vtriusq; parentis benedictionem expectabat ad Gūdisalui ades portari se fecit. Hic ad primū conspectum attenuatæ & exanguis filiæ itum in singultus & lachrymas, nec ulli circumstantium ea fuit pectoris durities quam ista lugubris spectaculi teneritudo non emolliret in plorandi societatem. Interea fletuum nimbo utcumque discusso Rosa placidè summaq; reuerentia Parentis manum deosculata est, simul blandè ac imperturbatè exposuit, sibi nunc modicissimam vitæ quam parens dederat partem superesse, in huius extrema linea sese amborum benedictionem supplici demissione præstolari. Hanc ubi obtinuit, pari obseruantia in Gundisalum eiusq; uxorem respiciens, quandoquidem & hos uti secundos parentes coluerat, pariter ipsorum benedictione voluit ad arduum illud iter communiri. Deinde propiùs accitis qui aderant duobus suis germanis fratribus seriam, gravem, ac sententiosam paranesim dixit, ac inter alia sollicitam parentum curam, honorem, obsequium efficacissimè commendauit; quasi ad Crucifixi Sponsi exemplum dixisset: *Ecce Mater tua*. His expeditis aduocauit ambas Quæstoris filias quas ob innocentiam rectamq; indolem impensè amauerat, his energia mirabili

bili inculcabat timorē Dei , virtutis studium, amorem parentum, quibus satagerēt tranquillam & lætam conciliare senectutem . Nec minori emphasi reliquos per ordinem domesticos affata est , quemque decenter admonentes officij & christianæ pietātis ; videbatur non fœmina se Apostolus prædicare .

Tantus in Rosa concionandi spiritus ac vigor P. Magistro de Lorenzana Confessario persuaserat , ipsam ea saltim nocte haud morituram. Nox erat, & sancti Bartolomæi peruigilium, vnde Confessarius solemni Matutinarum officio domi interfuturus parabat discedere ad cœnobium , postridie rediturus. At Virgo sciens non integras quatuor horas sibi tunc superesse, postremā ab eo benedictionem enixè flagitavit quasi paulò post ad Dominū migratura . Sed respondente illo commodius hanc differi posse in crastinum, tēpus non de fore, sat tempestiuè se pokero manè adfuturum, Rosa grauitèr modestèque arridens subiecit: scito mi Pater, hac nocte cum ineunte sancti Bartolomæi festo me abituram ad festa sempiterna , iam cœlitus inuitata sum ad splendidum illud ac solemne conuiuium, iam præfixa est hora, & non vis quòd vadam dum patent fores? Hæc vultu tam sereno ac gratioso, tranquillitate tam securā & hilari proferebat, quasi iam in Paradisi vestibulo expectaret cum lampade, dum *media nocte clamor fieret : ecce Sponsus veniet .*

Et reuera vbi mediū noctis adfuit, Rosa hoc sese clamore sensit accersiri , can-

de lā benedictam placidissimo nutu petijt, crucis signaculo velut rem magnam aggressura, frontem, os, pectus communijt, germano fratri quid ageretur adhuc dubitanti innuit se migrare, iussitque cervical subtrahi, vt capite ad nudum lecticæ lignum acclinato sentiret in cruce se mori: denique sensibus planè integris, plerò iudicio, fixis in cœlum oculis, nullo vel minimo pauoris aut horroris signo in facie, dum postrema hæc verba pronuntiabat: *Iesus, Iesus, Iesus mecum sit*, quietissimè expirauit. Nimirum vt Rosa infans ab his verbis auspicata fuerat primā orādi formulam, ita his ipsis immortua quasi tesseram suæ innocentiae ac infantilis simplicitatis ad Limen supernæ patriæ inuariatam reportauit, anni sui trigesimi secundi quinto mense vix inchoato.

Eodem festiuæ noctis diluculo *Aloysia de Serrano* procul in ædibus parentum matutino somno implicita rescuiuit deposuisse tunc Rosam cum S. Bartolomæo mortalitatis exuias. Inter vtramq; pactum fuerat, quòd quæ prima ex hac luce migraret, Deo permittente alteram sui transitus admoneret. Stetit promissis Rosa, & illamet nocte in forma corusci luminis Aloysiam suauiter excitans sese ad lucis regionem tunc perrexisse indicauit. Verùm de luminosis Rosæ post obitum apparitionibus sermo copiosior Mantisse reseruetur. Redeundum hìc ad virginèu Rosæ cadauer, quod respirare credebatur quando spirare desierat. Viuidus faciei color, labella rubentia modicèque velut
in

in suauem risum diducta, oculi integri lucidaque amœnitate subfulgidi diu ambiguum reddidere præsentibus Rosæ mortem, donec adhibito speculo nullum in ea superesse halitum innotuit. Apud Rosam ut ultimus sic primus hic speculi usus fuit.

Dum vestitur tractabile cadauer, dum aptatur in feretro, dum floribus inspersum effertur in anterieus conclave spectante, Matre, ingerebatur vniuersis luctuosam plangendi licentia, nec tamen vlli præsentium libuit planctibus indulgere, siquidem repentino prodigio sic omnes peruasit arcanus quidam latitię sensus, ut tota domus insperata metamorphosin deuotis turgere solatiis, ac nuptiali propemodum gaudio innatare videretur. Matri quid acciderit, iam superius in fine Cap. III. relatum est. Idem reliquæ Gundisahui familiæ, idem extraneis quotquot aderant intimæ ac secretæ iucunditatis inhæsit stimulus. Vniuersam decem & nouem personarum ingenique præter domestica promiscui sexus mancipia Rosæ morientis lectulum moesto silentio ambierant, & ubi Virgo spiritum reddidit, singulæ occulta quadam spiritus suauitate à planctu in plausum ultro se adigi compererunt. Vna præsentium ut viderat expirantis Rosæ grabatum numerosa Angelorum corona circumdari, ita notauit iam circa defuncta feretrum eodem alternante concentu festiuissimè tripudiare. Eadem Quæ storiis coniugi clam facta est, aulam perambulam in qua prostrabat expositum Rosæ cadauer, vndiq; totā

mi-

micuisse luminoso illapsu cælestis gloriæ,
iuratò asseruit, religiosæ cuidam personæ
triduo ante felicem Rosæ transitum à
Christo fuisse reuelatum, Virginis mortē
fore admirabilem & sepulturam glorio-
sam, insuper vetuisse ne Virginis funeri
circumponantur panni atro colore lugu-
briter pullati, sed candidi, niuei, solemnes,
quique non exequias indicent sed trium-
phum. Denique inualuit eòusque prodi-
giosa lætandi sympathia, quòd dum ex-
spectabatur diei ad radiantis diluculum,
nonnullæ ibidem deuotæ fœminæ sacro-
rum hymnorum sonoro cantu per vices
liberrimè se oblectarint, protestantes non
lesso illic sed iubilo esse locum.

Illuxit demum clarior dies, & ecce
Quæstoris palatium subito hominum con-
cursu plenum fuit nemine vocante. Mira-
bantur domestici, vnde aut quo modo nū-
cium defunctę & calentis adhuc Rosę to-
ta Vrbe diffundi potuerit hora tam intem-
pestiua. Nec publici præcones, si viciatim
emissi fora & compita stentoreis implessēt
clamoribus, primo mane tam densum col-
legissent populum, quantus vltro ex omni
platea ad Gundisalui ædes confluit, nulla
humana diligentia excitus. Adfuit inter
primos vir grauiissimus P. de Lorenzana,
& in feretro similem dormienti Rosam
conspicatus vocem tenere nō potuit, quin
palā exclamaret: benedicti genitores qui
te procrearunt, benedicta hora quæ te na-
scentem excepit, benedicta tu à Domino
felicissima *Dominici* filia, quæ nunc siueris
vultu beatifico tui Creatoris; obijsti pro-
ut

ut vixisti, baptismalem gratiam nulla vnamquam lethali noxa interpunctam, immaculatam totius vitæ innocentiam, virginæ candoris infantile puritatem intulisti cœlo, sequere sequere nunc Agnum quocūque ierit . Interea circumfusi promiscuè nobiles, ignobiles, aduenæ, ciues, Indi, Hispani certatim Rosaria sancto corpusculo applicuerunt, flosculos religiosæ iacentis vesti instratos carptim vndique diripuerunt, hic manū ille pedes raptim deosculari studebat, nec deerant qui pio furto hinc limbum tunicæ, inde veli extremitates paratis forficibus modò clam mox palam inuaderent, vt breui stipatoribus opus fuerit contra rapacem deuotionem . Qui remotius substituerant, defixi hærebant in niueo & gratioso Rosæ vultu, quem florida corona velique candor venustissimè commendabat . Tentarant pluries familiares Matronæ adductis palpebris oculos defunctæ Virginis obtegere, sed frustra, nam sensim eò redibant vnde attractæ fuerunt, solamque oculorum medietatem operiebant, quasi Limenses suos etiam post mortem Virgo pupillis columbinis amaret dulciter intueri .

Creuit accurrentium multitudo & cū multitudine importunitas, vt nec ostia domus sat laxa paterent confertim irruentibus, nec abituri exitum in tanta pressurâ inuenirent . Omne atrium, ambulacra, angulos confusa turba impleuerat, vt Gundisaluo necesse fuerit, posticum suarum ædium aperire, quo per aliam viam sese euokerent qui venturis locum cedebant.

Aliquādiu remedium istud profuit, donec etiam illa ex parte ingressum tentare coepit confluxus spectaculi auidissimus, qui neq; insignioribus personis intromittendis aut emittendis spatium dabat. Igitur Peruanæ Regni Excellentissimus Prorex armatæ suæ custodiæ prætoriam cohortem eò celeriter destinavit, portisque ædium adstare iussit, ne indigesta tot agminum collisio exardesceret in tumultu. Mirata est vniuersa ciuitas, tantopere se totam sponte commoueri ad cohonestandum funus pauperrimæ Virginis, obscurorum parentum humilis filia, quæquæ dum vixit adeo sese ab omnium oculis, notitia, plausu occultarat; sed impleri debuit, quod cælitus prædictum erat, fore sepulturam illius gloriofam.

C A P V T X X X.

Rosæ funebris conductus, exsequia, tumulus.

TOti iam Limæ buccinante fama innotuerat, Rosæ cadauer sub vesperam Quæstoris domo efferendum esse ad sepulchrum, & ecce plateas, fora, vicos quæ trāseundum, aliquot horis ante impleuerat effusa populi multitudo. Viæ pro dignitate Urbis spatiosæ & amplæ; à Quæstoris domicilio vsque ad sacram Ædem Prædicatorum mille circiter passuum iter erat, nec tamen sat capiebant numerosam plebem tempestiuè per omnia compita agglomeratam, quam nec praco, nec templo-
rum

rû excelsa tintinnabula, sed sola cuiusq;
 singularis deuotio inuítarat. Illustrissimu
 Linæ Archiepiscopus prodierat (funebri
 pompæ honorem suæ præsentia imperti-
 turus, sed vsque ad Gundisalui ædes per-
 densissimas spectatorum myriades elucta-
 ri diffidens, permeat frustra tentato ma-
 luit ad D. Dominici Templum desce-
 dere, ibique virgineum funus sub valuis
 exspectare. Interim non secus atque
 ad publicam supplicationem longis ag-
 minibus diuersisq; vijs ad ædes Quæstoris
 confluxere pia variorum titulorum Soda-
 litia, nemine aut iubente aut rogante,
 vel stipendium offerente; Processerunt &
 Religiosorum Mendicantium Ordines
 sub distinctis Labaris: mox & Metropo-
 litanum collegium vltro adfuit præter
 expectationem & morem, cum alias nū-
 quam (: nisi dum effertur proprius Ar-
 chiepiscopus,) soleat humanis corpori-
 bus interuenire. Accessit demum am-
 plissima Senatorum Curia ad obsequium,
 quod vix alteri præterquam suis Prære-
 gibus vita functis præstare consuevit. Cæ-
 terorum qui eadem spontanea deuotione
 confluerant illustrium ex omni equestri
 ordine virorum ratio aut numerus in-
 conferta multitudine iniri non potuit; cū-
 ctisque vnum fuit stuporis argumentum.
 illic se videre congregatos quò nullus
 conuocarat. Eadem Matronarum cæte-
 rique foeminei sexus ambitiosa pietas, ac
 visendi ardor: quacumq; funebris pro-
 cessio ducenda erat, vtrunque palatiorum,
 ac domuum fenestras, pergulas, arcus oc-
 cupa-

cuparant numerosæ prospectantium facies, vndequaque ex porticibus, muris, transennis eminus venturo spectaculo inhiabant centeni milleni oculi, ipsa ædium tecta leniter accubua sub imbelli ac populosa omnis ætatis turba procul nigricabant. Tanti nimirum erat, obscuri & vix noti militis pauperem filiam efferri ad sepulturam. Certè nunquam aliàs sic visa est vniuersa Lima commoueri.

Prodiit denique sub vesperum è Gundisalui laxatis foribus mortuale pretiosi pignoris feretrum, cui spontaneos humeros primum supposuit Capitulum Metropolitanum, eo honoris obsequio quod solis Archiepiscopis vita functis præstare solet. Inde post emensam graui tardoque incessu primam plateam ventum ad quadriuium, vbi feretro deposito successit in piæ sarcinæ baiulatum Senatus Curie Secularis. Post hunc deuotissimè succollarunt primores Ordinum religiosorum, partiendo vices per vicos & terminos cõpitorum. Muniebant vtrique portantium latera Excellentissimi Proregis armati stipatores, tum vt per densam multitudinem vi & clamore laxarent vias, cum verò vt à deuota rapacitate populi reliquias poscentis protegerent virgineū cadauer, nam vt singuli velut in tumultu Rosam acclamabant *Sanctam*, ita violentiores ac valentiores passim inhiabant sadapilæ, auidi paratique indè decerpere quidquid possent, ni hastatorum bipennes quasi sepem obiecissent. Certè si cupidissimæ huic turbæ quod libuit licuisset, peri-

ericulum erat ne sacri corpusculi pars
modica aut nulla ad Templum perueni-
et. Nec tamen sub tam vigili ferreaque
custodia caueri potuit, ne ubi ad Valuas
ecclesiæ ventum est, cadaueri partes ve-
tium corona, & palma deesse notarentur,
ibidemque pro ablatis alia fuerint repo-
nenda.

Dum in Templi limine (; quod Rosa
adhuc mortalistam sedulò triuerat) mor-
tua sistebatur, ad asperionem lustralis a-
que quibusdam videbatur noua hilaresce-
re iucunditate virginea facies in niueo ve-
ri candore rosea, inque purissimi amictus
nitida serenitate formosior, collo totoque
corpore flexilis, vt pene exclamarentur :
non est mortua puella, sed dormit. Illatam
Sacello maiori excepit tumulus gradatim
pauimento eleuatus, at illustriori osten-
so ibidem Virgo Deipara videbatur ex-
cepisse Rosam suam, nam sub ijs ferè mo-
ribus in alio Sacello prodigiosa Imaginis
cui à Rosario nomen est, repente splen-
didus vultus micuit spectantibus qui pro-
priùs adstiterant vniuersis. Mox eò con-
duxit torrens ingentis populi, & pauori
gaudioq; mediis palam soluitur in la-
chrymas; inualefcit supplicum clamor, vt
non defuerint qui suspicarentur Imaginē
portentoso insuper sudore commaduiffe;
sed re diligentius explorata compertum
fuit nonnisi meros splendores esse, at inso-
ritos, festiuos, benignos, quibus Virgine
ipsa Regina Virginum publicè ap-
plaudebat. Sed redeundum ad Rosam.
In suo iam tumulo spectabiliorem, & re-
cipro-

ciproca accensi vultus suauitate reniden-
 tem, huc enim rotus populi refluxus in-
 cumbebat, sed opportunè tumultum cir-
 cumfederant coenobij Patres dignitate,
 ac senio grauiore, tum ne thesaurus ille
 diriperetur, tum vt eidem decenti ordi-
 ne admoquerent debiles & mancos, qui spe
 (: haud inani) obtinendæ curationis ac-
 cedebant. Verùm de his in Mantiffa
 Paulò remotius cōstiterat hastatum Pro-
 regis satellitium, vt confusam molem ir-
 ruentis populi distineret si posset. Vix ta-
 men potuit, nam prementium tanta vis
 fuit, vt Lessi mortualis cantoribus in al-
 taris crepidinem eluctandum fuerit ad
 lugubre officium vtcumque solito cantu
 explendum.

Assistebant ritui funebriū Limanus Ar-
 chiepiscopus, Regius Senatus quē *Audien-
 tiam* vocant, Collegia Metropolitanum
 & Curiale, Regularium Prælati, & eque-
 stris ordinis nobilitas conspicuè numero-
 sa. Itaque dispositis omnibus, dum inchoā-
 dum erat officium sepulturæ, quo Rosa
 corpus è Templo efferretur ad fossam in
 Aula Capitulari præparatam, subito per
 omnes latissimæ Ecclesiæ angulos tanta
 insonuit promiscuæ multitudinis vocife-
 ratio, tam inconditus ac flebilis deprecā-
 tium vlulatus, vt metu confusionis ac tu-
 multus superfedendum, funebrique pro-
 cessione abstinendum fuerit, admonito
 populo, vsque in posterum diem charissi-
 mi illius pignoris sepulturam differri. Sub
 huius promissionis ac certæ spei solatio
 persuasum multis vt domum secederent
 postri-

ostridie ad tumbæ spectaculum commo-
 ius redituri : Sic agminatim & sensim
 lapsa plebeia frequentia proceribus a-
 eriri cœpit liber aditus spatiumque ac-
 edendi propius ad venerandum corpus
 mulæ Dei, manusque innocentissimas
 osculandas. Rursus interea succreuit
 varia multitudo, rursus etiam circa tu-
 mulum conglomerationibus impetuosæ
 armæ, quas ut vidit Archiepiscopus, ge-
 nu, signis (: vox enim audiri præ sono-
 strepitu non poterat) Patribus innuat,
 corpus Virginis in Sacristiam depor-
 arent. Verum nec ibi sat tutum fuit se-
 quentē ac premēte turba. Igitur ad secu-
 iores pluribusq; valuis disclusos recessus
 fra Nouitiorum adyta comitante cum
 paucis Archipræsule transportandum fuit;
 instabant sequacium agmina, vim portis
 illatura, nisi Religiosorum cuneus loci-
 que reuerentia intercessissent. Demum e-
 iam inde ultimo simplicium Nouitiorum
 Oratorio illatum est, ibique sub excubi-
 toribus à Priore constitutis pernoctauit.
 Hic tandem Archiepiscopus solitudine
 ium feruorem acuate in genua procu-
 buit, manus Virginis reuerenter appre-
 hensæ pluries deuota oscula fixit, eamque
 non solum in iunctura, sed in singulis
 digitorum articulis ac si viueret, tracta-
 bilem sensit. Aderant nonnulli è Sena-
 torio ordine, magnæque felicitatis loco
 habebant, posse illic de genu fimbriam
 virginei habitus osculari, nec ulli horum
 ea fuit pectoris constantia quæ lachrymas
 temperaret.

Postridie adliuente matutino crepusculo iussi custodes venerabile pignus, Nouitiorum domicilio in maius Ecclesiæ Sacellum vbi pridie constiterat reuulerūt. inque eiusdem tumuli reclinatorium sublimarunt. Deinde laxatis templi foribus admissus populus vndatim irruit cancellos omnes, subsellia, pegmata, scamna confertim impleuit, felicem se quilibet arbitrabatur, sicubi loco editiori potuisset stationem occupare. Verum vbi æs campanum solito maturius funebri Missæ & solemni exsequiarum officio signum dedit, subito reliqua templi capacissimi amplitudo superuenientibus angusta fuit, neque enim (: vti pridie) soli incolæ, sed & remotiores accolæ à sex & amplius leucis accurrerant, nemine inuitante. Circumstetere denuo Proregis stipitatores at i si pridie impetum plebis sustinere vix potuerunt, hac die ne vix quidem potuere. Certatim omnis ætas & sexus urgebat aditum, hic calculos precarios, ille cerea Agnorum Dei amuleta, alius fidarium, numisma, coronulas & quidquid charum ad manus erat, contingendo sacro corpori eminus cominus suppliciter prætendebat. Hinc turba languensium aut mutili corporis vitio miserabilium penè cum iurgio flagitabat accessum, vt feretrum contrectando speratam apprehenderet sanitatem; inde infantes per obstantium capita sublimes mittebantur ad salutiferum contactum sacri cadaveris. Nec tanta militum ac religionum cautela, vigilia, custodia sat fuit

pluries Rosæ defunctæ vela, capilli
 estes frustillatim à solertioribus diripe-
 ntur captandarum reliquiarum prætex-
 , adeò vt ante sepulturam de integro
 xies fuerit reuestienda. Tota deinceps
 ra erat saluandi exanime illud corporu-
 lum ne ante sepulturam importunis
 ellicationibus discerperetur, iam enim
 otatum erat, vnum ei deesse digitum, fer-
 o an morsu occultè detruncatum, non
 quet.

Inter hos motus collectis in chorum,
 enobitis proceditur ad solemne Missæ
 crificium, adistente in Pontificalibus
 rnementis Illustrissimo D. Petro de Va-
 ntia Guatimalæ Episcopo, qui aduene-
 t (: inromissus per Sacristiæ posticū;
 am aditus per oppletum multitudinē
 mplum haud patebat) officium sepul-
 ræ post Missam propriis manibus pera-
 urus. Resonabat vndequaque Ecclesia
 erpetuis vocibus Rosam *sacram* pro-
 lamantium, ita vt neque canentem Re-
 giosorum Chorum foris audiret popu-
 s, neque ad chorum pertingeret; vox
 acerdotis aut Ministrorum Altaris pul-
 ac tintinnabulis signum dabatur choro
 um respondendum erat Sacerdoti, sed
 ustra fuere omnia prævalente seculariū
 amore: tandem necesse fuit cantores
 oro egressos ipsummet altare vbi lita-
 tur circumdare, vt è propinquo vicif-
 m audirent & audirentur. Sic agrè de-
 um inter sonoros templi strepitus qua-
 canoro quodam silentio ac rituum nutu
 onsummata fuere Diuina mysteria. De-

inde Antistes è throno progressus ad fere-
trum, thuris & lustralium aspersio-
ceremonias inter consuetos psalmorum
& Responsoriorum modulos obibat de-
centi pompa, velut mox ad vltimam effe-
rendi humandique sacri corpusculi pro-
cessionem accingendus. At rursus nouis
ac validioribus ingemuit clamoribus sti-
pata turba, rursus densato cuneo vndique
irrueretur in suggestum tumuli, Rosam
suam alij vltimò contrectare, alij extre-
ma eius manibus (: si possent) aut vesti-
bus dare oscula, alij saltim postremo eam
intuitu eminus salutare importunissimè
contendebant, iterum laborabatur sub a-
uido tot Rosariorum, crucum, numisma-
rum affrictu, denuo Virginis habitus ten-
debatur forficibus. Ergo prudens Anti-
stes vltioris violentiæ proclui metu
conuersus ad Priorem & grauioribus Pa-
tres monuit diuertendum esse præsens pe-
riculum hac altera dilatione sepulturæ, si-
bi nequaquam id tempus videri idoneum,
quo possit sacrum illud cadauer per tot
hominum globos ac manus integrum de-
duci in fossam. Assensere consilio Patres,
statimque nutu, signis, vocibus persuasum
vulgo, Rosa sepulturam ex placito Illu-
strissimi Præsulis in horam commodiorè
consultò referuari. Gratissimis auribus
hoc nuncium admisit turba, maximè ve-
vidit Episcopum depositis omnino Pon-
tificialibus ornamentis rhedam conscende-
re, ac domum properare.

Fauerat confirmandæ populari credu-
litati publicum argumentum ex constanti

virginei cadaueris tum pulchritudine, tum suaueolentia miraculosa, quæ duo veluti fide-iubebant nullam fore seu deformitatis seu corruptelæ aut graueolentia periculum si vel in plusculos dies sepultura differretur. Omnium hætenus patebat oculis inuariata defunctæ Rosæ species qualis à primo exhalati spiritus momento fuerat, per triginta & sex horas idem perstiterat placidissimi oris decolor, labiorum venustas, oculorum semipatentium viuax fulgor, & manuum candor; inter tot suffitus halitus & lumina, sub aere tam humido, calido & ex concurrentium refluxibus puluerulento nulla Rosæ vultui infederat fuligo, nulla genas tinxerat flauedo vel horridus pallor, in maxillis, in naribus, in palpebris nil flaccidum, decolor, triste, aut emaciatum, perseuerarat eadem flexilium membrorum tractabilitas, eadem niuei vultus gratia & amenitas, denique videbatur adhuc non mortua sed sopita. Porro mirifica celestis odoris, qui à sacro corpusculo spirabat, fragrantia ne quidem cessauit in sepulchro, nam post decem & nouem menses (: vt cap. seq. narrabitur) exhumata Rosa eundem seruabat ac præsens adhuc labat odorem, quem quidem in die sepultura alij rosaceo simillimum, alij velut ex liliorum, rosarum, balsamorum totiusque florilegij mixtura compositum perceperunt, verum cordatiore his altiore, suauiore, nobisque Paradisi exilibus peregrinum & incognitum iudicarunt.

Hinc populus dilationis iam securus.

imminente meridiē à templo diffluit ad
ades proprias . Euacuata utcumque Ec-
clesia de more adducta pectusque firma-
tae sunt fores, nec alia sperari poterat tu-
mulanda Rose opportunior hora, quā qua
totus Religiosorum Conuentus regulari-
ter pransurus existimabatur . Itaque ubi
tantilla ab incurſibus libertas fuit, repente
adornatur funebris processio, silent cam-
panæ, at cantu submisſo psallunt Fratres,
deportantur in ædem capitularem pretio-
sa Virginis Rosæ lipsana, illic in præpara-
tam è cedro arcam reclinata ferreis vindi-
que clauis occluduntur, denique fossa ob-
turatur, & cocti lateres tenaci calce re-
uincti insternuntur . Sic tandem in tuto
locatis Rosæ exuiis, omniq; precū & hym-
norū ritu ex rubrica Ordinis peracto itū
ad refectionē. Verū non diu stetit vn-
da, populi quin post meridiē velut ex in-
ducijs ad templum copiosior afflueret. Ast
ubi illic quæsitum oculis charum pignus
abesse cōspexit, turmatim in clauſtri peri-
stylium irruit, eodem capitularē impleuit,
& Rosam liberrima vociferatione *Santā*
inclamans, dum plus non poterat, puluerē
sepulchri terramq; reliquiarum loco cer-
tatim asportauit. Inde continuo rhedarum
ordine & comœatu per mensem & am-
plius personæ illustriores proficiscebatur
ad paternam Rosæ domum, visurę ac vene-
raturę hortensem cellulam quam Virgo
solitudinis studio inhabitarat; conquisitum
vndique apud Rosæ parentes, apud Quæ-
sorem Grudisalum, si quid suorum, vtē-
tilium, pannorum, aut pauperrimæ supel-
lecti-

lectilis obtineri posset, grata memoria
asseruandum.

Augebatur quotidianis incrementis deuota populi frequentia circa sepulchrum, ob eximia quę palam inde crebrescebant beneficia curationum, nec videbatur tantę Virginis debitis honoribus satisfactum, quoadusq; solemniiores exequię (: quibus ipse Prorex interesse poposce rat) nondum fuerant celebratę. His igitur constituta dies 27. Augusti, velut quę Proregi minùs videbatur negotiis suis impedita. Sed quia hæc Dominica erat, quę (: nisi pro præfenti defuncto) lugubribus officijs interpolari facile nõ debet, hortatu Archiepiscopi eligitur dies vicinior minùs impedita. Verùm hac deinde non vacauit Proregi, sicque pluries inter hunc & Archipræsulem variata die tandē ambo in quartā proximi Septembris ex abrupto cōueniunt, quod vtrique postea tanto fuit iucundius, vbi intellexere hanc diē ex Romani Calendarij censu alterius S. Rosę Viterbiensis anniuersario honori esse dedicatam, neque in illam se humano consilio sed diuino impulsu concorditer incidisse. Adfuere igitur ambo die prefixa, cum vniuerso tum Ecclesiastico tum seculari Magistratu. Rursum tota sedibus emota ciuitas Sancti Dominici ecclesiam impleuit. Dictum illic pro concione de felicitis Rosę mirabili vita & encomijs, peractum pompa funebri Altaris ministerium, temperauit sonoras confusi populi inquietudines dolorifica sacri cadaueris absentia, sed nihilo segnius itum in vota,

& dum ad Aram Sacerdos pio Numini commendabat defunctam Rosam, voce non impari sese populus commendabat Rosæ.

Quando hæc agebantur Lima, celeberrima Rosæ fama rapido cursu totius penè Regni oppida, vicos, municipia permeauit, vbiq; festiuis applausibus ac publicæ lætitiæ signis nouæ calorū ciui acclamatum. *Potius* trecentis leucis à Lima distitum illactenus Rosam neque de nomine nouerat, verum vbi beatum Virginis transitum percepit, totum repente impulsu altiori in communem gratulationis impetum efferbuit, sonuere in turribus æra campana, micuere luminaria, increbuere voces & laudum acroamata. Sic passim regio Peruana (: etiam vbi Rosa dum vixit penitus ignorabatur) mortuam celebrauit vniuersali iubilo, acclamatione, votis, quod sibi cuncti populariter ab ea solatium, tutelâ, suffragium pollicerentur. Nec fefellit pia fiducia, vt in appendice Mantissa summam recensetur.

C A P V T XXXI.

Rosæ sepulchrum Ordinarij autoritate mutatum solemnī corporis translatione.

Vltimis Exequiis tã magnificè splendideque peractis credebatur, populū sensim à confluxu & importunitate destitutum, vt pleraque solent tractu tempo-

ris elanguescere : sed contra euenit ; nam ipsa miraculorum celebritas & multitudo in dies ad inuiscendum Rosæ sepulchrum plures pluresque accersebat . Quin vulgaris tota Vrbe fremebat querimonia, sacrū Virginis corpusculum loco nimis abdito situm esse, vbi ob clausuræ leges nec omnibus horis nec ab omni sexu visitari poterat. Idem paulatim cum querula plebe censuere nobiles, ac primores , demum & Ecclesiarum Prælati, Præfecti regulariū, Senatores , alijque celsioris notę priuatis suffragijs in eam conuenere sententiam , constantibus tam accolarum quàm incolarum votis condescendendum aliquando fore , de pretiosi illius pignoris in locum celebriorem Translatione iam seriò tandem esse cogitandum, Rosam communem Limensium thesaurum, piorum solatium, afflictorum remedium publico deberi. Sed exspectandum erat Limensis Archiepiscopi officiosum arbitrium. Is verò de statu rei ardentissimoq; omnium studio admonitus confestim eadem die 27. Februárij 1619. Decretum expediri iussit huius tenoris : *Coram Illustriss. Dom. Bartolomeo Lobo Guerrero Archiepiscopo Limano Regia Maiestatis Consiliario &c lecta & inspecta fuit petitio &c. Dixit, quòd attentis rationibus in ea relatis, vniuersaliq; & publica acclamatione, qua in tota hac ciuitate & Regno Resa de S. Maria monialis tercij Ordinis S. Dominici proclamatur Sancta, dabat facultatem, illius corpus è sepulchro quod nūc occupabat, transferendi in alium decentem locum intra S. Dominici Ecclesiam, vbi ma-*

gis videbitur Patri Magistro Fr. Augustino de Vega dicti Ordinis Provinciali. Signatū ab eodem D. Archiepiscopo coram me Doctoro Ferdinando Veceril. Gratis.

Ergo Translationis actui designatur ipsum S. Patriarchæ Ioseph peruigilium, dies nimirum xvij. Martij; citius enim noui conditorij. fabrica cum suo ornatu absolui non poterat. Vt obitus Virginis mortem Christi expirantis in Cruce per complura symbola expresserat, ita & sepulchrum eius fore gloriosum diu antefuerat reuelatum. Nunc verò etiam quædam Resurrectionis dominicæ reuiuiscibat imago, nam vt Christus parte ferix vj. toto Sabbatho, & initio Dominicæ iacuerat in tumulo, sic Rosa parte anni MDCXVII. toto anno MDCVIII. & initio anni MDCXIX. quieuerat in sepulchro, in quo & datum ei fuerat non videre corruptionē, & corpus æquè odoriferum inde prodijt sicut intrarat. Solæ Virgineæ manus tot osculis fidelium milles obtritæ, (: forsan & auidorum ferro dentibusue vndique pertentatæ) nonnihil de primo candore remiserant. Hæc notata fuere ab ijs qui ipso translationis die summo mane effossum Rose cadauer è veteri tumba lignea transposuere in nouā itidem cedrinam at intus forisque deauratam & duplici sera præmunierant. Igitur omnibus ritè ordinatis die qua supra domesticus Religiosorum cætus frequentissima vndique cæterorum Regularium cæterua stipatus à Choro recta processit ad Aedem capitularem, præeunte Crucis vexillo

xillo cum acolythorum quaternione, binisque thuribulis, subsequente Prouinciali in sacra diploide cum sacris Ministris itidem pretiosè tunicatis. Adfuit paulò post Archiepiscopus cum suis, comitante S. Officij Iudice ordinario D. Feliciano de Vega Canonico Metropolitano, & Archipræsulis Vicario Generali. Recitatis de more Orationibus, dataque aspersione & fufitu sex Sacerdotes linreati stolisque ac manipulis decori Arcæ cedrinam subleuarunt in humeros, itum ad Ecclesiam conchiliatis peristromatis, holosericis aulæis, velis byssinis à summo deorsum ob palliatam. Premebat baiulantium vestigia Archiepiscopus, inde reliqui ex ordine proceres Virique illustres, ubi sub templi foribus tumba de aurata promiscuæ multitudini in conspectum venit, festiuus vndique clamor ad astra increpuit, confusæque vociferationes plaudentium, lachrymantium, implorantium omnem reliqui cantus ecclesiastici auditum surripuerunt. Dum sarcophagus corâ principe Ara in sublimem tumulum huic vsui sumptuosè adornatum attollitur, Archiepiscopus ad latus Euangelij confedit in throno; Prouincialis assumpta *asula* cū Ministris ad altare facturus accessit, Phœnasci & cantores ex dispositis odæis symphonie modulos inchoarunt, verum populus vni Virginis tumbæ iconibus ac Rosarijs contingendæ intentus circa tumulum laborabat. Huius circuitum faces cereæ xxx. occupant, tumbæ verò gradatim circumstabant in xxiv. argenteis cadelis.

bris totidem bilibres candelæ ; totum denique contabulationis systema contegebant phrygij operis peripetasmata, & stragula auro turgido latè fimbriata. Denique vniuersa hæc scena non tam funeris quam triumphi videbatur .

Post decantatum Euangelium in edictiori suggestu comparuit facundus prædicator dicturus ad populum ; is erat P. M. Fr. Ludouicus de Bilbao primarius Limanæ Vniuersitatis Cathedraticus, & in S. Officio Censor , qui vt pluribus annis Rosæ confessiones exceperat , ita plus ceteris illius spiritum , exercitia, arcana lumina, Sponsique fauores habebat exploratos . Vidisses mox omnes arrectis auribus diriguisse immobiles, & in multitudinis tam verbosæ frequentia repentinum silentium desertæ solitudinis quietem figurabat , solo ardentissimo studio auscultandi . Dictum ibi de Virginis baptismali innocentia nullo vmquam mortali piaculo violata, de illibato mundissimæ pudicitix flore , de pœnaliū exercitiorum austerâ duritiæ, de miris illustrationibus, de seraphicis ardoribus, & quidquid intra horarij sermonis compendium substringi potuit . Rari erant , quos sub concione tum sacri cadaueris præsentia tum recens ac viua gestorum memoria non medullitus compungeret , multis etiam lachrymæ fluebant, ab omnibus reuerentiæ repetitū in suggestu Rosæ nomen patulo sed taciturno gestu excipiebatur .

Finita panegyri, & solemni sacrificio ad Aram consummato Archiepiscopus Pontifi-

rificalem assumens habitum cum pedo & infula processit ad tumulum, sacris Ministris & quatuor ex Metropolitano Collegio dignioribus mediis. Peracto ibidem reliquo precum, antiphonarum, psalmodique ritu Prouincialis cum ceteris religiosorum Ordinum Prælati (: Sacerdotali singulos amiciente stola) tumbam è tumulo demissam suscepit in humeros, sicque adstante Archiepiscopo, & circumstante diuersorum Tribunalium & ciuiliſ Curie Magistratu illata fuit proprię cryptæ ad dextram summi altaris affabrè in hunc vsum elaboratæ, quæ tota intus oblita auro reddebat fulgores quos arcuato sinu recipiebat à luminibus. Eandem foris muniebat ferrea crates itidem inaurata, & inclusi pignoris tã patula prospectui quàm raptui arcti & aduersa. Sanè deuoto populo, nil hac translatione gratius potuisse accidere testatus est confluxus, qui exinde vt liberior sic quotidie numerosior fuit, adeo vt tandem de alia translatione fuerit cogitandum, ne vicini summi Altaris ministeria interturbarentur quotidie immodesto concursu populorum, quos partim veneratio partim miraculorum & gratiarum frequentia attrahebat.

De Altari ad Altare tantisper se transire protestabatur S. Hieron. quando à suo Tractatu de altari thymiamatis transibat ad scribendam epist. 8. Virgini Demetriadi. Idem videbatur circa Virginem Rosam accurrentium sensus: nam ab ara maxima subito conuertebantur ad propinquum Virginis sepulchrum. *re-*

Int ad secundam aram, hic perpetuus tumultus erat offerentium vota, suspendentium anathemata, deponentium grallas & scipiones, deniq; aliter consulendum fuit reuerentiæ sacri Tabernaculi prostantis in ara maiori; ne huic assidue obuerterentur dorsa hærentium ad Virginis sepulchrum quod & locum presbyter ij incommodabat, siquidem hoc in Ordine Prædicatorum *ad cornu est sola* (: vt vocant) construi solet. Ergo collocandis Rosæ exuijs alius demum commodior electus est locus, ipsum videlicet B. Catharinæ Senensis Sacellum ab ara maxima ad læuam sat distitum; Videbatur tam simili filiæ deberi iste sinus Seraphicæ suæ Matris ad quietem, si tamen quies dicenda erat, qui tanti quotidie strepitus, & clamores deuotæ plebis circumsonabant, licet minori impedimento rituum Ecclesiasticorum, quibus solis aræ maximæ spatium esse liberrimum oportebat.

Interea Limam peruenere litteræ Apostolica, quibus auctorati Indices commissarii nouum ibidem erexere tribunal ex formula à S. Rituum Congregatione præscripta ad effectum examinandi Testes de Vita & gestis ancillæ Dei Sororis Rosæ à S. Maria. Itaque examini datum initium anno MDCXXX. die xvij. Maij, sed ob multitudinē Testiū (: CLXXXII: fuere:) variosque morarum obices usq; in Maium anni MDCXXXII. durauit perquisitio: cui de more ad complementum supererat uisitatio tūbæ & reliquiarum famulæ Dei. Igitur, deputati inspectores

Flores Ioannes de Texeda & Ioannes de
 Vega Doctores Medici, Ioannes de Va-
 lenzuela & Bartolomeus de Iuicio Se-
 cretarii cum Aloyfio de Molina chirur-
 go. Hi coram P. Magistro F. Gabriele
 de Zarate tunc Prouinciali aperta arca
 lignea repererunt Virgineum corpuscu-
 lum expleto ferè post obitum anno quin-
 todecimo consumptis vndequaque indu-
 mentis, at ossibus integris, & adhuc sic-
 ca hinc-inde carne obductis. Porro o-
 dorem exhalabant non qui cadauerum
 esse solet, sed quo fragrant siccatae ad So-
 lem rosae; Iurauit tamen primus Medi-
 corum, peculiarem simul interhalasse
 suaueolentiam, quae praesentium non olfa-
 ctum dumtaxat mirificè recrearit, sed &
 animos improviso solatio perfuderit. at-
 que arcano deuotionis sensu omnes de-
 mulserit. Hinc iidem inspectores aulae
 Capituli adiere lustraturi primum Vir-
 ginis sepulchrum, è quo fideles certatim
 hauriebant puluerem ad varia morborum
 genera depellenda. Illic singuli successi-
 uè manu immissa explorarunt cauam mo-
 dice scrobis profunditatem, ex qua non-
 nisi quatuor aut quinque pondo terrae vi-
 debantur eruta aut asportata. Caterum
 aliundè plurimis constabat testimonijs,
 complures pulueris medios ex illo met-
 foramine (: quod vnicum patebat, ubi
 Virginis defunctae caput iacuerat) fuisse
 illactenus effossos varièque per Regnum
 distributos. Vnde non leuis coniectura
 fuit, ut S. Raymundi ita & Rosae veteri
 sepulchro hoc datum esset diuinitis, quod

in locum sublatis pulueris alius continua scaturigine perpetim subnascatur .

Accidit demum anno MDCXL. quod Ord. Præd. in Romana Curia Procurator generalis litteris priuatis Limam scriptis admonuerit Patres , habendam esse rationem exactissimam Apostolicæ Constitutionis Urbani VIII. anno MDCXXXIV. die v. Iulij emanatæ, quæ incipit : *Celestis Hierusalem curis* &c. Dolerunt Patres , integro ferè sexennij spatio nullum penitus exemplar imò nec tenuissimam famam huiusmodi Constitutionis in illum vsque diem Limensibus innotuisse : sed quid mirum in tanta regionum distantia, perque tot hostium classes, piratarum insidias, & naufragiorum crebra discrimina ? Verumtamen Patres ad primum saltem priuatæ illius epistolæ conspectum subito parendum rati, ex norma dictæ Constitutionis, quidquid intempestiuum Venerabilis Rosæ cultum sapere forsan videbatur, eadem nocte aboleuerunt. Repentina in hac mutatio postridie deuoto populo visa est intolerabilis, quærebat loco solito Rosam, asylum ac solatium suum, reposebat à Sancta Catarina Senensi alteram hanc Limensem Catarinam, impletur Sacellum questibus, & quæ vulgi sub pietatis obtentu esse solet suspicandi, iudicandique temeritas, spargitur, Rosæ veneranda, lipšana aut furto inscijs Patribus sublecta, aut his conscijs clam in Hispaniam destinata esse . Inde credula & ignara multitudo densatur concursu, inualeseit fre-

mi-

mitus, nec leue imminuit periculum innoxijs Religiosis, dum rudis & impetuosâ plebs iam ad conuicia & minas ferociter progressa primo affatu aut non capiebat aut abnuebat capere facti rationem. Tardè demum, nec sine labore persuasum est importunis, sic consulendum fuisse illustrioribus qui ab Apostolico throno sperantur Rosæ honoribus, nullum in Romanorum decretorum obedientia detrimentum esse, inobedientiam sanctæ Virgini placere non posse, huius pretiosas exuias loco tutissimo sub primi sepulchri custodia Limensibus adseruari, verùm circa illas (: Summi Pastoris mente in similibus iam percepta) nihil extra lineâ SS. Rituum audendum fore vel permitendum. Ægerrimè adqueiuit vis populi, hoc vno contenta, quòd acceperat, Rosæ suæ reliquias in tuto esse.

C A P V T X X X I I.

Et ultimum.

Rosæ elogia ex pluribus notiora.

ANno quo Rosâ mortalitatem exiit, Prouincia Peruana Ord. Prædicat. Linæ in Comitijis suis congregata libello Actorum ibidem impresso apud Franciâ Canto 1617 S. *Denunciations*, hæc primo loco inseruit: *Denunciamus, admirabilem quamdam Sororem nostram obiisse, & post pauca; habitum tertii Ordinis nostris; una*

institutum in domo paterna manens, & Re-
 gule & S. P. N. Dominici constitutionibus
 inhaerens observavit, ut omnibus alia Cata-
 rina Senensis (: quam ab ineunte etate totis
 viribus imitari conabatur) in hoc terrarum
 orbe degens videretur. Orta fuit celebris haec
 Virgo piis parētibus Lima anno Domini 1586
 a quibus religiose educata, & maxime à
 Divino Sponso ita illuminata, ut quintum
 annum agens ad perfectionis culmen affi-
 dus ieiuniis ac poenitentia asperitate pertin-
 gere conaretur. Pertigit ergo mirabili ab-
 stinentia, poenuentiaque insigni. Pro le-
 gulo equuleo variis testulis intertextio u-
 rebatur, urgenteam coronam ad modum
 spinea coronae capiti circumpositam habe-
 bat; ferrea catena usque ad sanguinis effu-
 sionem corpus singulis noctibus crudeliter
 affligebat. Patientia suis incredibili, hu-
 militate rara: puritate tam animae quam
 corporis insignis. Divinis revelationibus
 admirabilis, Orationi ac contemplationi ita
 semetipsam dedit, ut ad vitam puniti-
 mam summa cum animi tranquillitate
 & omnia admiratione pervenerit, ad
 cuius orationis exercitium eam per mul-
 tum temporis, sacra Deipara Virgo sin-
 gulis noctibus excitavit. Prædita fuit spi-
 ritu prophetico, quo multa futura prædi-
 xit. Ac tandem ceteris virtutum gene-
 ribus insignita, præclara sanctitatis suae
 relinquent exempla, feliciter in eadem
 civitate obdormivit in Domino, die 24.
 Augusti. Humata est in hoc nostra Con-
 gregatio eiusdem Limensis civitatis in Capi-
 tulo Fratrum. Adfuit Illustrissimus Ar-
 chie-

chiepiscopus Limensis & Illustrissimus Episcopus de Guatimala; ceterisque Cathedralis & Secularis propriis humeris foretuum Sanctissima istius Virginis magna animi deuotione portantes: cuius purissimum corpus pra multitudine gentis, languentiumque omnium incredibili & inaudito affectu illud tangere ac deosculari desiderantium biduo insepultum remansit &c. clarissimis miraculis illustratum.

Anno dein proximo, nempe MDCXVIII. Generalia eiusdem Ordinis Comitia Vlyliponæ celebrata in suis Actis Hispali apud Franciscum de Lyra 1619. impressis, S. Fra res & Sorores qui gloriosè obierunt. succinctè idem denunciant his verbis: In prouincia S. Ioannis Baptista de Piræ obiit Soror Rosa de S. Maria tertii Ordinis, quæ in omnibus S. Catherinam Senensem ad vitam expressit. Eadem ad verbum habet appendix Dominicano Martyrologio Indiculus Beatorum &c. pag. 103. S. Soror Rosa de S. Maria &c. Iisdem vitur Illustrissimus F. Ioannes Lopez Episcopus Monopolitanus in sua Historia Or. Præd. par. 5. lib. 3. cap. 31. Rosam appellans. *viuentis ættypon seu effigiem vite ac Sanctitatis S. Catherinæ Senensis.*

Venerabilis Conuentus Limensis religiosorum PP. S. Mariæ de Mercede capitiuorum, litteris ad Vrbam VIII. Pont. Max. prolixè ac eleganter se diffundit in laudes huius Virginis: merebatur illæ (cum aliis aliorum haud imparibus, totæ huc trāscribi, sed ne in panegy-

rim videatur desinere Synopsis historica ,
 sufficiet hic pauca excerpisse . *Rosam*
 (: inquit) *auream* Sanctitatis Vestra ma-
 nibus immittit quarta Dominica Qua-
 dragesimæ , iisdem hodie D. Dominus
Rosam pariter immittit *auream* , quæ ut
 auro cælesti abundauit , post aurum ter-
 restre non abiit , fecitque mirabilia in *rosa*
sua . Hanc suo *Rosario* implantauit Dei-
 para , promouendo eam ad gloriosum
 habitum Prædicatorum , in quo admiran-
 da suorum heroicorum opetum *mysteria*
 ipsammet in *Rosetum* aptè transformarunt ,
 & (: ut de Eugenio dixit Calliodorus)
gerbat nomine quam possidiba : meritis ac-
quiritatem , sicq; (: ut in B. Agnete quon-
 dam mirabatur Ambrosius :) *eius ne ro-æ*
quidem vacuum est l. ce laudis . Sic totus
 hic nouus orbis sentit de benedicta Vir-
 gine *Rosa* , cui (quod terra non potuit)
 cæli dedere nomen *Rosa de S. Maria* ,
 Crucem ipsius filo appenderunt rigores
 verberum , cilicia , clauis , aculei , zona
 ferrea , obsonia fellea . Tota illius vita
 protestabatur cum Paulo : *absit mihi glo-*
riari , nisi in Cruce Dom. N. IESV. Christi ,
 siquidem nil ei iucundum erat extra cru-
 cem , in hac vnica cum dolorosis versabat
mysteria tum *Gaudiosa* tum *Gloriosa* . Mi-
 rum ; huic *Rosæ* tam humili sese inclinasse
 procerarum arborum cacumina dum
 orabat in horto , sed mirabilius quod ea-
 dem *sicut palma exaltata* (: vel iuxta
 aliam lectionem *maritata*) fuerit in Cades ,
 quando pronuba Cœli Imperatrice *Rosam*
 sibi in *Sponsam cordis sui* iubarit . Fi-
 lius

lius Dei. Hęc filia *Oliua* numquam oleo caruit, *neque extincta fuit in nocte lucerna eius*, nam gratiam in Baptismo semel accensam vsque ad obitum nulla ei obtenebratio interpolauit. Prophetici sui spiritus æternum monumentum est Limense S. Catarinæ Senensis Monasteriũ, in quo demum & Mater Virginis (: vti hæc prædixerat) velum assumpsit potita sacrae clausuræ *horto concluso*, quem filia optarat sibi, dum quinquennis votum puritatis virginalis emisit: at Sponsus maluit ipsam *speciosam in campis*, vt plurimas adolescentulas odore secum traheret ad sequelam. Lima Regum ciuitas felicissimam se arbitratur, dum Sanctitati Vestræ supplex hanc Virginem sibi dari flagitat Tutelarem, ambit habere Matrem, quam genuit filiam, Ciuitas Regum Regina florum, ita huic Rosæ inscriptum, nomen ciuitatis Regum lepidè soluet ænigma Menalcæ apud Virgilium: *Dic quibus in terris nascantur nomina Regum inscripti flores?* huiuscemodi floribus quidni sperare liceat *fructus honoris & honestatis?* nec tuis Beatissime Pater gentilitiis *Apibus*. quidquam ad mellificandum offerri potest aptius hac Rosa, quam iustis Ecclesiæ honoribus insigniendo mira dulcedine fideles implebis vniuersos. Hoc orant.

Præsentatus Fr. Didacus de Boerques Commissarius Prouincialis.

Magister Fr. Gaspar de la Torre.

Magister Fr. Ludouicus de Teca.

Anno MDCXXXI. litteris prima Iunij

nij Limæ exaratis Don Petrus de Bedoja & Guevara suo & reliqui Limensis Magistratus nomine sic eundem Pontificem alloquitur : *Gratias immensę Dei potentia, cui in his remotis Occidentium Indiarum partibus quondam idololatrię spinoso obsis complacuit plantare Rosam tanta virtutis odore celebrę, quę sub tertio Ordine Fratrum Predicatorum, usque adeo horum irrigatione profecit, ut ad perfectionem seculo nostro rarissimam perlegerit, fidem in dies magis magisque faciente celo, per nova prodigia quibus sepulchri sui terra coruscat. Debet natalem suum huic Ciuitati Regum Angelus iste incarnatus, & nos illius urbani Gubernatores attentatam eluium nostrorum, quàm uniuersi Regni communi acclamatione Sanctitati Vestra humiliter supplicamus &c.* Eodẽ tenore ac publico nomine iterũ Limensis Senatus anno MDCXXXII. xij. Iunij supplices ad Urbanum VIII. litteras dedit.

Hoc pariter anno MDCXXXIII. die xx. Aprilis, Ordo B. Ioannis Dei epistolam qua Rosę apotheosim efflagitat, sic orditur : *Beatissime Pater, Venerabilis Rosa de S. Maria tertij Ordinis, Sancti Dominici, nata in hac Peruana Metropoli, Virgo fuit tam admirabilis virtutis in vita & post mortem tam miraculis illustris, ut ad omnes Limę incolas quę seculares quę Regulares pertineat eius procurare honorem & exaltationem &c.*

Eodem anno, i. Iunij ex nomine totius Societatis Iesu in Regno Peruano Nicolaus Mastrillus Duran Prouincialis

Apo-

Apostolico throno sic preces suas exposuit: ut communibus Urbis & Regni huius desideriis mea meorumque adiungam, obligatione trahor, singularem cum ceteris famorem ac spirituale solatium in eo recepturus, si Virgo à Deo huic regioni data in peculiarem omnigenae virtutis ideam, postque felicem suum transitum dotata calius tot eximiiis prodigiis per manus Sanctitatis Vestrae honorem Canonizationis ac titulum Limanae Theolae adepta fuerit, quo vigor ac stimulus addatur eiusdem patriae, ut maiori ardore incitentur fidem & virtutem Sanctae Virginis &c.

Eodem anno ac die Prouincialis PP. Eremitarum Sancti Augustini, hac(:scribit:): ferulis Rosa primus est parius, quem cum notorie sanctitatis auctario haec patria caelo dedit, seu fidei sua promissas. Tamen si enim inter huius regionis vernaculos plurimum & porro insignium Seruorum Dei reueremur memoriam, antecellit benedicta haec Virgo in iure patrie. Nata est in hac Peruana Metropoli, in eadem adoleuit & vixit approbante simul natura & gratia. Sanctitas in ea annorum praetergressa est terminos, ac moriendo in gratia vere, demonstrauit eximiiis miraculis quantum cursus suarum virtutum temporis velocitatem antecuerit. Ad eius sepulchrum infirmi & aramnoni vitam & salutem inueniunt &c.

Quinta Iulij eiusdem anni Minister Prouincialis PP. Minorum S. Francisci ex nomine sui Ordinis atq; Prouinciae suis ad Urbanum VIII, litteris hac interfecit:

Cane-

*Canonizationi ancille Dei Rose de S. Maria
tertii Ordinis Predicatorum causas suggerunt
vita eius tam inculpata, mors tam gloriosa,
miracula tam numerosa & eximia, denique
summa & incomparabilis edificatio huius
Regni tam in Fide nouelli &c*

Die xij. eiusdem mensis & anni epi-
stola nomine Ecclesie Metropolitanae Li-
mensis eidem Christi Vicario inscripta
sic orditur: *Iustum non est, uniuersali ho-
rum Regnorum acclamationi vocem deesse
huius Aedis Metropolitana, pro apotheosi
Venerabilis Virginis Rosa de S. Maria con-
cuius nostre, cuius vita admirabilis & post
obitum prodigiosa miracula tantum in om-
nibus his Regnis accenderunt deuotionis affe-
ctum, ut perspicue appareat, velle Christum
D. N. eandem pariter glorificare in terris,
perq; liberalissimas manus Sanctitatis V. Stra-
dare nobis Tutelarem & Aduocatam huius
patria sua, cuius ex hoc primo fructu precla-
rus honor velut à capite harum amplissima-
rum Regionum ad singulas pertingat. &c.*

Anno MDCLIII. Antonius de Leon
Pinellus in supremo Indiarum Regio Se-
natu Relator &c. Libro suo de Vita Ser-
ui Dei Turibij Alphonsi Mogrouecij Li-
mensis quondam Archiepiscopi impresso
Matriti sic de Virgine nostra commenta-
tur: *Soror Rosa de S. Maria tertium S. Do-
minici Ordinem professa monialis, Virgo pu-
rissima, Limes patria sue splendor, pœniten-
tia, oratione, extasi, supernis illustrati-
bus admirabilis, celo in eius vita ac morte
grandia per ipsam prodigia operante. Obiit
coronata virtutibus, opulenta meritis &c.*

Illius

Illius funetribus interfui, ubi is fuit concursus & acclamatio, qualis Sanctorum corpora solet comitari &c. Refert se deinde ad Didacum de Corduba in Theatro Limensis Ecclesiæ cap. 11. Bonauenturam de Salinas in memoriali Peruano cap. 5. & alios, qui huius Virginis cum laude meminere.

Denique huic tum Capiti tum Libro grauem ac decorum aptet epilogum honorifica Relatio facta per Eminentissimū ac Reuerendissimum D. Cardinalem Azzolinum in Congregatione Sac. Rituū habita coram S. D. N. die xv. Septembris MDCLXIII. hoc tenore: *Serva Dei Rosa de S. Maria die 20. Aprilis anno 1586. Lima orta catholicos, honestos, ac pios parentes habuit Gasparem Flores & Mariam de Oliua Nomen ei ex baptismo Isabella: sed propter roseam vultus speciem à Matre Rosa nuncupata, ex suo in Deiparam obsequio Rosa de S. Maria voluit appellari. Sexus ætatisque ineuntes teneros adhuc sensus firmavit virtute robusta, & parentum monita simul ac vota adulta probitate, & multiplici pieratis usu prauenuit puella, iuuenis excessit. Tanta enim eius amor in Deum, tantus in Deiparam cultus, tanta sensuum & carnis castigatio, morum & cogitationum munditia, ut argentea corona caput redimita, ad instar spine quam Christus passus est, ferreaque catena Virgineum corpus singulis noctibus dilanians, sicut lilium inter spinas virginitatem custodierit, quam cum se tota & Deo vovit perpetuam & seruauit.*

Annum agens vigesimum S. Dominicus certio Oedini nomen dedit, cuius institutum in edibus paternis mirę pietatis & virtutum omnium exemplo cœuit. Oratio rerum Diuinarum contemplatio, ieiunia corporis afflictio, Mundi contempus, proximorum bonum, Deo per charitatem prorsus heroicam adhesio eius vita fuit, pro statu via perfectissima. Ac proinde prophetico spiritu, ekstasi, raptuque multiplici, signis aliisque supernaturalibus donis à Deo aucta, in hereditatis suę consortium tandem euocata, post prolixi morbi constantem in Domino tolerantiā, Ecclesię Sacramentis ritę pięque susceptis obiit die 24. Augusti, anno 1617. insignem in ipsa morte suę sanctitatis famā relinquens, quę & in eius vita & post obitum plurimis fuit signis à Deo cœlitus confirmata.

De Sanctitate, Virtutum ac Miraculorum fama, Processibus auctoritate ordinaria confectis, & referente bo. mem. Cardinale Peretto in S. Rituum Congregatione examinatis decretum fuit die 22. Martii 1625. posse si Sanctissimo videretur ad specialem inquisitionem auctoritate Apostolica deueniri. Precibus inde Regis Catholici, Ciuitatis Limanę, & Ordinis Predicatorum prodit Commissio sel. rec. Urbani VIII. & eius vigore data fuerunt litterę Remissoriales & Compulsoriales ad Archiepiscopum Limanum, eoque imp. duo vel absente ad Episcopum. Quamangę cum duabus Dignitatibus. Confectus uidem coram Archiepiscopo. Decano, & Archidiacono Ecclesię Limanę Processus in specie anno 1632 die 12. Iulii, & 23. Iulii

231. Iulii anni 1634. Sacra Rituum Congregationi Romæ exhibitus seruatis seruandis recognitus, apertus, & per interpretem à Cardinale de Torres (: Peretto defuncto) subrogato explicatus. Verùm superuenientibus anno 1634. nouissimis eiusdem Urbani decretis destitutum hactenus in causa.

Cum autem fama sanctitatis Seruæ Dei, deuota in eam populorum studia, unâ cum diuina signorum confirmatione in dies augeantur, per Procuratorem ad id specialiter constitutum humillimè petitur à Sanctitate Vestra admissi & signari Commissionem, qua proponitur pro reassumptione Cause in statu & terminis in quibus reperitur, ad formam nouissimarum Decretorum.

Et videtur esse locus gratiæ, cum omnia afferantur ex eisdem Decretis prærequisita, nempe supplicationes

Novem diuersorum Ordinum, ac illud
strium Virorum Limensium.

Tres Regis Catholici,

Tres Reuerendissimi Cardinalis de
Aragonia,

Bine Magistri Generalis Ord. Prædic.

Fides decreti Capituli Generalis eiusd.

Ord. ad idem à Sanctitate Vestra
communè nomine petendum.

Mandatum Procura in personam Fr.

Antonii Gonzalez specialiter
per solemne instrumentum constitutum, à Generali Ordinis
confirmatum:

Denum perseverantia & augmentum fidei
Sanctitatis, Venerationis, & Dilationis
populorum, & Miracula supra CXXIX.

*ex processu Remissoriali in specie autoritate
Apostolica confectis, inter quę habetur sana-
tio à lepra, & plurima à paralyse aliisque
grauissimis morbis.*

(L. S.) D. Cardinalis Azzolinus.
Bernardinus Casalius Sac.
Rit. Congr. Secr.

Claudit Virginis Rosę mortalem vitam
annus ætatis suę trigesimus secundus, clau-
dat pariter vitę historiam Caput trigesi-
mum secundum. At liceat finire melli-
fluis Bernardi verbis, serm. de S. Mala-
chia: O Rosa electa, magna fuit super
Te Divina dispensatio pietatis, quę Te par-
uam fecit in oculis tuis, magnam in suis;
quę magna fecit per Te saluans patriam
tuam, magna fuit Tibi introducens Te in
gloriam suam.

F I N I S.

MANTISSA

Signorum, Gratiarum, Miraculorum, quibus Diuina Bonitas ROSAE Sponsæ suæ immortalem Gloriam dignata est mox ab illius obitu creberrimè manifestare.

T *Empori tacendi tempus loquendi* ponè subiungit Ecclesiastes cap. 3. Bonum factum. Nede *Miraculis* Rosæ scriberem, huc-usque *tempus tacendi* attinuit calamum. Nunc maiorum admutu *tempus loquendi* successit. Ergo quod pollicebar in Prolepfi hic præsto, adiecta hac paucorum capitum Mantissa, quæ ex authenticis Processibus *Signorum, Gratiarum, Miraculorum* delectum exhibeat: non plenum catalogū. Dabunt alij copiosiora.

CAPUT I.

Rosa post mortem & sapissimè & multis apparet Gloriosa.

A Loyfia de Serrano (cuius memini supra Cap. XIX.) vt Rosæ adhuc mortali familiaris & chara fuerat, ita ab immortalī meruit frequenti apparitione familiarius honorari. Inter eas hæc illustrior fuit, qua vidit coram Diuino solio angustissimam cœli Reginam stantem, ac miri fulgoris coronam manu gestantē, velut nouam hospitem expectaret ad il-

lius solij limbum solemniter coronandā. Parte altera niueus candidarum Virginū chorus mediam complexus Rosam tunc recens defunctam hilari & canoro agmine deducebat ad Deiparam. Singulis Virginibus singulæ erant in manibus palmæ, in verticibus coronæ, Rosa palmam deferebat vt ceteræ, at nondum coronā. Aloysia gaudio ac stupori impar dum reliquo inhiat coronationis spectaculo, disparuit visio. At postridiè tertia Rosæ apparitio gaudium cumulauit. Nimirum vidit tunc Aloysia Rosam eodem quo pridie nuptiali ac festiuissimo Virginum agmine decorè circumdata, nec sola iam palma, sed & immensæ gloriæ corona insignitam, cui seorsum applaudebāt dispositæ Angelorum phalanges, & beata plurimorum Sanctorum caterua iubilo publico suauissimè gratulabatur. Aloysia sibi reddita, at sibi non sibi spiritualium suorum Patrum arcano examini vtramq; visionem exposuit: hi verò ex effectibus concorditer decreuerunt, fuisse immissam diuinitus, omnique fallaciæ periculo caruisse.

Quæstori Gundisaluo de la Massa (: qui coram Apostolicis Iudicibus id verbo scriptoque testatum reliquit) secretò fassus est vir illis diebus mysticæ Theologiæ peritia & contemplationis sublimitate clarus, quòd intra tres hebdomadas ab obitu Rosæ proximas minimum viginti & duabus vicibus conspicua sibi fuerit gloria huius Virginis intuitu nunc imaginario nunc intellectu;

at inter reliquas visiones vnam excelluisse purè intellectualem, qua puritatis suæ virgineus candor cum sua inastimabili dote & floridissima aureola ostendebatur absque omni figura corporea, perque simplicem irradiationem tranquille notitiæ. Hunc reuelationis modum vt planè defæcatum sensuque superiorem, ita ineffabilem fuisse, taliquè obiecto apprimè dignum existimauit, & vt par erat æstimauit.

Doct̃or Ioannes del Castillo Medicus, anno post felicem Virginis transitū quindodecimo iurauit coram Apostolico secundi examinis Tribunali, sibi per visionē imaginariam apparuisse Rosam in medio cuiusdam fulgidissimi luminis quod ipsamet Diuinæ Maiestatis claritudinem ac speciem referebat. In huius amœnissimo centro comparebat Rosa amicta habitu S. P. sui Dominici mirabiliter candente ac radiofo, cuius incomparabilem decorem protestabatur se verbis assequi non posse. Facies Virginis gratia ac splendore micabat infinito, corpus eiusdem vndiq; circumdederant rosæ candidæ atque purpureæ sine numero; manum dexteram occupabat ramus index nitidissimæ virginittatis, nec minùs è ramo quàm de rosis continuo scintillabant densa gloriæ fulgetra. Quin & pluries sub eiusmodi visione Rosa suauiter affata est spectatorem suum, multa ac sublimia illi edisserens de felicitatis suæ excelso fastigio, quæ humana lingua idiomate efferi non possunt. Quidā ex Virginis Confessarijs ab ore eiusdem

Doct̃oris accepit, plus quàm quinquagies gloriosam beatæ Rosæ apparitionem sibi cœlitus illuxisse. Ipsemet vltro in postrema anni 1631. depositione corâ iisdē Iudicibus persanctæ asseuerat, integro sex mēsum spatio interdū noctuq; se diuinitus admissum ad tantæ Beatitatis spectaculum, ac toties, quoties mentem destinatis horis eleuabat in adyta contemplationis, ostensam sibi fuisse Rosam inter agmina Beatorum. Vt paulatim cessauit hæc apparitionum gratiosa frequentia, non cessauit tamen ex lege vrb̃anitatis Rosa per aliquot exinde dies cœlesti ephabo suas vires committere: Angelus erat tenera, duodennis pueruli specie quotidie inuisēs Doct̃orem ex Rosæ nomine, deque huius ineffabili gloria semper nouum aliquid edifferens. Sicq; his demum visionibus comiter impositus est finis. Porro eandem Rosam videre in Sponsi sui paradiso vernantibus rosis floridè circumseptam, aureoque diademate redimitam pluribus à Deo concessum fuit, præsertim Viduæ cuidam fama virtutum tunc celeberrimæ, cui se Rosa sæpius in cœlesti lumine stitit conspicuam, non sine officioso Angelicarū myriadum comitatu. Semel hanc in imaginaria visione sic allocuta est virgo: *Laborandum est ò Mater, nam permagna res est cœleste præmiū. Mihi quidem hic abundè retributum est pro eo quod laboraui.* Dixit facie in serenum risum festiuè diducta, ac niueo Dominicanī habitus sui nitore admodum speciosa: Interdum huic visa est Rosa in hortis empyreis iucundè spatiari cum

cum Christo, qui pauculis passibus ante se Virginem præmittebat. Aliquando conspiciebatur deliciari inter garyophyllos & lilia, velut cum ijs certans de floridæ amenitatis immarcescibili prærogativa.

Consideratione haud perfunctoria dignum puto, quod in his visionibus de Rosæ erga patriam affectu ac sollicitudine cōpertum lego. Vidua supradicta paucis à Virginis obitu diebus priuatim orabat in Ecclesia, ac Rosæ quam pluries in choro Beatorum conspexerat, Limanam ciuitatem & Regnum Peruanum supplex commendabat: mox rapta, intellectuali visione conspicata est Rosam Diuina luce coruscantem; audiitque blandè respondentem sibi: *Planè sic fiet ò Soror, & quidquid cōsentaneum fuerit gloria huius dulcissimi Numinis quo fruor, me petente summa illa Bonitas concedet. Probe memini eorum quæ mihi ut peterem fuisse commendata.* Concordat huic visioni altera, quæ ex depositione iurata Sororis Caterinæ de S. Maria refertur in Processu: nimirum, piæ cuidam personæ sæpius (: at per soporem) apparuerat felix Rosa, edocens quàm iucundo bonoque statu res suæ erant. Bis tamen eidem solito clarior illustriorq; apparuit, primò quando venerat illius animum cōfortatura inter aduersitates quas quidem tunc patiebatur grauissimas. Secundò, cum supra Virginis sepulchrum manifestè eadē vidit in aëre flexis poplitibus ritu supplicum intercedentem apud Deū pro Lima dilecta patria sua. Nec mirum, duabus his vicibus Rosam solito fulsisse gloriosio-

rem, nam ubi in priori de patientia agebatur, ostendenda fuit eodem quo Seraphica mater sua *patientie speciali privilegio decorata*, in posteriori quæ patriam concernebat, debuit utique ardentissimus erga conciuēs amor post mortem loculētius rutilare. Porro ut visionis sincera affereretur veritas, in muliere comperta fuerūt à peritis vera diuinę reuelationis critiria, profundior humilitas, agnitio sui nihili, alta mentis tranquillitas, gaudium spirituale nouis diuini amoris incendijs inflammatum.

Prodigiosus est, ac plurium signorū benefico concursu fœtū quod referam. Decumbebat in Limano SS. Rosarii cœnobio, iamq; extremis agonibus se præparabat P. Magister F. Augustinus de Vega Ord. Præd. tunc Prouincialis Peruanus. Conclamatum erat de vita hominis, cessatum à pharmacis, & ab omnibus Medicis desertus infirmus, sola Rosa sui iam in paradiso securā curam ægroti totā in se trāstulit. Dormiebat procul suis in ædibus Christophorus de Ortega homo secularis ac fortunæ infra mediocrem; huic Rosa nocte concubia se clarè visibilem obijcit, mandat primo diluculo cœnobium, adeat, Prouincialem moribundum conueniat, ei denunciēt, ex hac quantūuis cōplorata infirmitate nequaquam ipsum è viuis abiturum, prius illi sub Episcopali infula tantisper sudandum fore pro Dei gloria, antequam huius mortalis vitę molestijs exuatur. His dictis gloriosa Virgo disparuit. At Christophorus tantæ præsentia

sentia mira dulcedine ac cœlesti gratiosæ
dignationis affatu præproperè destitutus
erupit in clamores: ah (:inquit) Sâcta Vir-
go Rosa nunc nûc à me recessit. Experge-
factus hac vociferatione filius Thomas de
Mesa qui propè dormiebat, à Patre totam
rei gestę seriem percepit, sed incredulus
multis obtestatus est Patrem vanitati in-
somnia temerè ne crederet. Réplicuit
Pater, se verò non per insomnia, sed ex-
peditis liberrimisq; sē sibus & vidisse & au-
disse Rosā hec sibi seriò præcipiētē. Insta-
bat filius, saltim interea quieti ac sopori
se redderet. Negavit se posse Christo-
phorus, ac visione ruminanda intentissimè
occupatus vigili impatientia diem expe-
ctabat. Vt illuxit, monita à filio coniux
omnia dixit egitque, ne maritus visionem
relaturus domo abscederet, nunc obsecra-
tione nunc iurgio Virum interpellans, ne
ludibrium sibi ac familiæ ineptissima fab-
læc iōmni narracione accerseret, nil fore
certius, quàm ipsum febrilis enthūsiāsmi
aut delirij arguendum iri. Verùm Chri-
stophorus tam propositi sui tenax quàm
de nocturni spectaculi veritate indubius
hilari fiducia cœnobiū adiit, infirmum
salutavit, imperata exposuit, ea frontis
constantia, animique securitate, vt breui
vel sola dicentis alacritas omnem ambi-
gentibus excusserit credendi formidinem.
Mira res, non tardarunt manifesta expe-
rimenta conciliare dictis integram fidem,
nam ab illo ipso momento quo Christo-
phorus loqui desierat, capit æger Pro-
uincialis morbi discessum lentis indicijs

aduertere , deinde Virgini Rosæ se commendans totus conualuit, denique ad Episcopalem mitram assumptus in Paraguay satur vitæ in Domino obdormiuit .

Doctor Balthasar de Padilla Metropolitana Limensis Canonicus & Poenitentiarius de mandato sui Archiepiscopi domum viduæ cuiusdam adierat cum Notario, sub iuramenti fide excepturus quæ de Rosæ vita ac prodigijs afferrentur . Dum igitur examen peragitur , apparet viduæ fulgida Rosa , vultu hilari ac familiariter iucundo , gestu verò ac nutu hortatorio , velut mulieri animum faciens ad dicenda quæ poscebantur , & singula approbando ratificans quæ de suis encomijs ad tabulas referebantur. Seorsim id postea anno 1630. Vidua Iudicibus Apostolicis aperuit, addens , Virginem tunc quidem sibi fuisse conspicuam eo vestimentorum schemate quo viuens dignosci ac regi consueuerat , facie tamen multò lætiori, & exporrecta, quasi quæ pro obsequio gratiam spiraret .

Alteri personæ spiritualibus exercitijs gnauiter addictæ obtigit alibi conspicari visione imaginaria Beatam Rosam eo loco quem tunc deputati Iudices excipendis testium de ea responsis ac depositionibus destinarant. Videbatur ipsamet Virgo conclaue perambulare, cum cura omnia circumspicere, suis candidis manibus ordinatè singula disponere, polire, adornare, simulque indicabat ista se agere, quòd illic iusta honoris ac veritatis tributa à mortalibus eo die erat receptura . Simillimū est , quod refert D. Maria de Vfatogui
Gun-

Gundisalvi Quæstoris vxor, hoc addens, gloriosam Virginem in ea functione visâ alacriter ipsa graphiaria instrumēta Notarijs disponere, chartamq; digerere, protestando gaudium, quo ex Diuinorum in se beneficiorum iuridica in terris comprobatione mulcebatur. Verum an hæc visio à superiori diuersa sit an eadem, haud facile discreuerim.

Hic verò subticendum non est, quod anno 1631. Mariæ de Bustamante in Limensi Sanctissimæ Trinitatis Monasterio professæ Moniali accidit, ipsa iuratò id referente. Bona fide hæc coram Apostolicis Iudicibus in causâ Venerabilis Rosæ explicarat omnia quæ norat. Verum vt sexus iste ad seueram publici iuramenti religionē facile trepidat, ac velut inter fulmina censurarum suæ conscientia metuit, post examen anxiam Mariam graues inuasere scrupuli, ne fortè aut per imperitiam respondendi, aut per linguæ memoriæ cespitationem plus vel minus quam exacta veritas & rigor illius Tribunalis exegerant, dictitasset. Fluctuabat misera inter saxum & sacrum; hinc urgebat animi inquietudo ad nonnulla ex dictis seu moderanda seu retractanda, sed vnà cum reluctante summa verecundia obstabat, quòd determinatè quid in suis dictis corrigere teneretur nesciebat; inde dictabat animus nulla opus esse retractatione, at interim delicatæ conscientia deerat securæ tranquillitas. Inter has angustias dum nocte quadam in sua cellula solitaria obdormierat, sensit alieno se motu & impe-

rio (: at absque terriculamento) blandissime à somno excitari . Excitata confedit in lectulo, totoque sopore facile discussa & attenta mirabatur, ad quid, unde, aut à quo illa hora fuisset in vigiliam reuocata; dumque sic omnia versans animo auscultat & hæsitat, ecce vox lenis ac dulcissima sedenti allabatur ita inquires : *nihil dubitas Maria, neque angaris, etenim Rosa verè sancta est.* Mirum dictu: eodem momento sensit Maria se scrupulo suo liberatâ, euauit inquietudo & timoris anxietas, redijt cordi suo tranquillissima, malacia, ita vt noctis residuû potuerit sub placido latæ securitatis silentio trâsfigere, certa tantam tamque repentinam animi quietem aliunde quàm desursum infundi sibi non potuisse; sciebat præterea, scrupuli sui morsus nemini præterquàm sibi ac cælo notos fuisse, cumque maximè nocturnis horis solet ad omnem peregrinum strepitum expauescere, sub voce præmemorata non tantum nihil expauit, sed planè refecta est.

Plura huius generis superessent, at coronidem imponat Didacus Hyacinthus Paceus Hispalensis, qui Limæ ex quotidiano hypographica artis lucello victitâs à Didaco Morales in Causa Venerabilis Rosæ Notario exemplandis transcribendisque Processuum seu Actorum voluminibus adhibebatur. Itaque iussus fuit in Causa prædicta bis mille folia intra certum temporis spatium scribendo absolueret, eo quidem pacto ne illo cui semper assueuerat caractere uteretur fluido,

laxo,

laxo, faciliq̃ue, sed alio morosiori, quadro, & adstricto, quem illic *nothum* appellat amanuensium vulgus. Paruit scriptor, at primo die quo laborem orsus est, præ difficultate insueti characteris desperavit se vñquam tot folijs exarandis parē fore, siquidem (:vt disertè ipsemet coram Iudicibus Apostolicis sub iurata fide deposuit) adeo sibi inter scribendum lassabantur digiti, stupebat brachium, diuariabantur nervi, vt sēpius exclamarit, vereri se, ne ex tanta fatigati pulsus attractione citiùs ipse deficeret, vñque manus perderet, quàm iniūctum opus absolueret. Igitur die quadam, cum a primo diluculo vsque ad vesperam scribendo laborasset, enormiter fessus, totoque brachio dolens cubitū se recepit, dubius ne fortē postridie vltiori scriptioni inutilis surgeret. Sub eo tadio obdormiscens vidit felicem Rosam ad se intrantem gradu placido ac festiuo, vultu propitio ac læto qui terrere nequaquam posset; & vt certius noscetur quæ esset, illa effigie, habitu, ornatu apparuit, prout ipsam in tabula scitē depictam aliquot diebus ante Scriba noster conspexerat. Tacuere ambo, sed Rosa leniter accedēs dextrum iacentis brachiū inter cubitum ac pugnum comiter arripuit, validē at successuē strinxit, diuque sic attinuit, nec nisi post moras admodum prolixas placidissimē dimisit, simulq; disparuit. Euigilans Paccus, ac mysterij ignarus voluebat animo quid sibi voluerit hæc dulcis apparitio, quid brachij apprehensio, quid illa diuturna & tenax cōhisi-

Etio ? an fortè (: inquiebat) conscia meæ instabilitatis, & indolis, qua facile ab vna ciuitate in aliam, de Regno in Regnum, transcurrere soleo, constantiæ me admonuit, firmitatem imperauit ? Inter has cogitationum vicissitudines sese veltiens sensit dextrum lacertum solito agiliorem, at necdum suspicatus quid rei esset, prosequendæ scriptioni vtî pridie se denuo totum applicuit : Scripsit ab aurora vsq; ad Salutationis Angelicæ pulsū vespertinū nulla digitorum lassitudine, nullo neruorū cruciatu, brachio leuissimo ac supra morē expedito. Agnouit ex tunc salutiferæ apparitionis opportunum beneficium, perrexit totos reliquos dies scriptioni laboriosæ citra laborem impendere, comperit infatigabile robur manui suæ inditum ex imaginariæ visionis contactu virgineo, sicque consummauit opus bis mille foliorū, quæ amodò pauca sibi videbantur præ admirabili scribendi facilitate. Finito volumine obstupere omnes quotquot Pacecū nouerant, eiusque quadrum characterem festinè, fluidè, indefessè tot chartis illium considerabant. Hinc ad grandiora miracula transeundum.

C A P V T I I.

*Rosa à morte in peccatorum subitis
conuersionibus & obstinatione cor-
dium emollienda mirabilis.*

Q Vale quantumq; Diuinæ omnipotentia molimen & opus sit Cōuersio
sio

sio peccatoris , & quàm altè coeli terræq;
creationem excedat , item quando ipsa
miraculosa censenda sit, legat qui voluerit
apud S. Thomam 1.2. q. 113. art. 9. & 10.
Ex his ad Rosam , celebrem Peccatorum
apud Deum caufidicam vt conuertantur
& viuant .

Præsentatus P.F. Nicolaus de Agüero
in sua encyclica ad totū Ord. Præd. Pro-
uinciam Peruanam (:cui tūc vti Vicarius
generalis præsidebat) scripta die primo
Septembris 1617. dum admirabilem Ro-
sæ vitam, obitum, prodigia strictim suis de-
nunciat, inter alia refert, ad solum Virgi-
nei corpusculi in feretro contactum quā-
plurimos repentino compūctionis stimu-
lo ita fuisse percussos, vt statim ibidem co-
ram vniuersa multitudine coeperint elatis
vocibus detestari sua scelera, deplorare
vitam ante actā , resolui in gemitus ac sin-
gultus , humiliari coram Altissimo in la-
crymosam criminum confessionem, audiē-
te, spectante, mirante innumera circumstā-
tium turba . Nonnulli (:vt fit) liberioris
vitæ, solo curiositatis spiritu adducti vt de-
functam pulcherrimam Virginem propiūs
cum alijs contuerentur in sandapila , ad
ictum primi intuitus exarserunt in subitū
intimumque dolorem peccatorum , riga-
runt ora lachrymis, protestātes alio quàm
venerant spiritu se iam recedere , posthac
emendationi vitæ ac emundationi morum
se operam daturōs efficacem . Forsitan id-
circo prouiderat Deus pater misericor-
diarum, quòd toto ferè biduo palam pro-
staret in tumultu inhumatū Rosæ suæ cor-
pusculi

pulsculum, ut eius spinæ tam multis fierent in salutem, nam iuxta mellissuum Bernardum felicius numquam pungeris quam ubi compungeris.

Mater Virginis Maria de Oliua anno MDCXVIII. xv. Februarij coram deputatis Iudicibus inter alia recensuit, post exequias filiaë successivis intervallis ad se venisse complusculas etiam ex regulariū Ordinum familijs deuotas personas antea sibi penitus ignotas, quæ ut suam notoriā egestatem liberali aliquo subsidio subleuaturæ accesserant, ita singulæ profitebantur, hac ratione se mera gratitudinis tributa pendere Virgini Rosæ, cuius intercessionibus vitæ suæ optimam se mutationem debere sciebant, lætæ nunc alias se esse ab eo quod fuerant, eoque felicitatis nonnisi post imploratum Rosæ in cœlesti curia interuentum se pertigisse asseuerabant. Certè operosius & fortè rarius miraculum est languidum ac tepentem in Dei obsequio spiritum repente ad seria religiosæ perfectionis studia erigi validèque succendi, quàm criminofum ab enormitate sceleris ad qualemcumque frugem reuocari, siquidem hic plerumq; nouit periculum suum, ille inertia ac securitati altius indormiscit.

Admiratione præ multis dignum est, quod de quodam insigni peccatore iisdem Iudicibus eodemq; mense & anno ex certis suis (: uti protestatur) scientia aperuit P. F. Bartolomæus Martinez Rosæ quondam Confessarius & Linæ tunc cœnobio, FF. Prædicatorum ad S. Mariæ Magdalene

lenæ Præfectus . Quidam profligatæ conscientiæ vir assiduè quidem cum alijs viuificæ Poenitentia & Eucharistiæ Sacramenta frequentabat , sed nonnisi in animæ suæ mortem & exitium , numquam enim toto sacrilegæ vitæ suæ decursu ritè integrèue confessus fuerat , ac longissima annorū serie in hoc luto cōputruerat. Accumulabātur sceleribus-scelera, at videbatur omnis occalluisse synteresis , imò in dies obrutescebat magis , & prolapsa vsque in profundum impietas contemnebat . Non defuit tamen aliena pietas, quæ miserrimū Rosa recens tumulatæ commēdaret. Mox ille quasi ab annoso lethargo euigilans cepit sentire intus sibillū illius auræ tenuis at potentissimæ, qua Deus afflat corda obstinatorum vt instar ceræ liquecant. Exhorruit infelix vbi se circumspexit immersum labyrintho tam cænofo & ineluctabili , verū Diuina bonitas vnā cum acutissimis poenitentia stimulis misericordiæ fiduciam ingerebat. Quid multa ! generalem de totius vitæ suæ delictis exomologesim amarissimo doloris sensu perfecit, ex horrendis omnemque modum ac numerū supergressis flagitijs nullum subticuit, & conscientiam quam callus obduxerat, timor Domini in eam emolliuit terneritudinem, vt deinceps minimos quosq; excessus tanquam prægrandes pauidissimè senserit atque eluere festinarit .

Idem P. Martinez in eodem examine sanctè asseruit, sibi non tantum proprio in excipiendis Confessionibus experimento , sed & aliunde ex concordi plurimorum

Confessariorum testimonio constare liquidò , post imploratum Rosæ in cælis auxilium innumeros tum Limæ tum in vniuerso Regno ex infima scelerum abyssò emersisse in portum veræ penitentia, sinceraque confessione & lacrymis animâ expiasse. Iam ante (: nimirum 11. Decembris anno 1617.) idipsum Iudicibus indicarat P. Antonius de la Vega Loaysa Societatis Iesu, quòdam Sancti Officij Commissarius, diuersorumque Collegiorum successiuè rector, qui & singulariter ponderandum esse monuit, hoc genus beneficii inter validiora & excellentiora solidæ sanctitatis argumēta ex communi SS. Doctorum sententia meritò computari. Eidē relationi disertè in illo Tribunali subscripsere P. Fr. Franciscus Nieto, & Magister Fr. Ioānes de Lorézana, ambo Virginis olim Confessarij, de quibus supra. Consonat his per omnia P. Fr. Petrus de Loaysa, additq; duo notatu digna: primum est, paucis à Virginis obitu diebus tantam fuisse eiusmodi conuersionum frequentiam, quòd Limæ in publicis officinis vbi- cumque tortilia disciplinarum flagella, fetarum cingula, & variæ sortis cilicia vēdebantur, subito defecerint, hæc mortificationis ac penitentia instrumenta, ob emptorum multitudinem. Alterum, quòd ipse ex plurimis ad seriam poenitentiam tunc conuersis duas nouerat insignes peccatrices, quas probrosæ vitæ deuia nodosis inferni retibus tenacissimè implicuerant, sed ambæ ad odoriferam Rosæ famā compunctæ, eiusque validis coram Altissimi

mi throno precibus commendatæ nodos
 impuritatis feliciter exuerunt, & in calle
 virtutis constantem fixere pedem . Non
 potuit, vti in miraculosis corporum, ita
 in his animarum curationibus annotandis
 procedi vsque ad singularia personarum
 nomina, imò nec decuit, sat esto Limenses
 aliosque in vniuersa Peruana regione Sa-
 cramentalis penitentia administros com-
 municatis generatim indicijs adstupuisse
 tantæ morum mutationi in populo, à die
 qua Rosa in Spōsi sui paradiso capit age-
 re suorum ciuium aduocatam: vidiſſes cer-
 tatim fēminas abiecto vestium luxu sim-
 plicioris modestiæ habitum domi forisq;
 ostētare, audiuiſſes in regularium peristy-
 lijs & claustris nocturno tēpore per om-
 nes angulos cruentis flagrorum ictibus
 penitentiam velut tympanistriam acediae
 ac tepori bellum indicere, comperiſſes
 Confessariorum vbique sedilia planctu &
 gemitibus obsideri. Denique tam publi-
 cè notum tamque populariter crebrū fuit
 hoc prodigium, vt prænominatus Marti-
 nez vir grauissimus & religionis pietatisq;
 fama inter eximios clarus neutiquam in
 dicto Tribunali dubitarit iuratus asserere,
 videri sibi, quòd à tempore quo Peruuia
 nostris detecta patuit, nullus vñquam cla-
 ruerit prædicator, qui tot ac tantis stimu-
 lis gentes illas ad virtutem impulerit, tãq;
 vniuersalem penitentia spiritum, tam lu-
 culentium deuotionis incendium excita-
 rit. Mira res, tantum valuisse vnius Rosæ
 salutiferos aculeos ad tantorum compun-
 ctionem.

Accidit (: referente apud iudices con-
 iunge Quæstoris Gundisalui) duas Matro-
 nas cosedere obiter ad confabulandum.
 Harum altera correpto qui fortè patulus
 adiacebat libello vidit succinctè in eo vi-
 tam, gesta, obitumq; Virginis Rosæ conti-
 neri. Cæpit ergo per otium lectitare au-
 scultante altera; sed huic ferè euenit quod
 olim duobus aulicis vitam Sancti Anto-
 nij Abbatis fortuita curiositate legetibus:
 nam dum altera quasi fallendo tempori
 lectitabat, hæc velut subiectis cælestium
 flammarum tædis succendebatur, sentiebat
 tam inusitatis at planè Diuinis ardoribus
 paulatim se imparem fieri, dissimulauit ta-
 men, ne pretiosæ lectionis ignitam dulce-
 dinem intempestiuè abrumperet. Succre-
 uit interim flamma charitatis, nec celari
 vlteriùs potuit arcanum incendium; ex-
 clamauit mulier, hæud assueta sic in Deo
 liquefieri & bullire. Mirantur amba; in
 roseis illis breuium pagellarum foliis
 tantum latuisse ignitabulum, sed Rosam
 meritò dici *Lampadem amoris* non sat in-
 tellexit qui primus dixit Philostratus.

P. Ioannes de Villalobos è Societate
 Iesu, Rector Limani Tyrocinij seu Do-
 mus Nouitiorũ vir in ascetica palæstra ex-
 exercitatiſſimus de semetipſo hæc recensuit
 eidem Iudicum Tribunali: se Rosæ vlti-
 mos spiritus trahenti adfuisse prope mor-
 tem, eaque occasione clam petiſſe à mo-
 ribunda, confestim vbi ad Sponsi cæleſtem
 thalamum pertigiſſet, ſatageret impetrare
 ſibi à Numine gratuitum illud ac ſingula-
 re donum quod ipſe tunc mente volebat.

Sponndit intrepidè agonizans Virgo, ac paulò post quàm expirasset comperi (: inquit) manifestis indicijs, spiritui meo donum illud ob Rosæ in celis interuentum fuisse mirabiliter impertitum . At Quæstor Gundisaluus sacramento affirmat, sibi falsos esse complures tum seculares tum Regulares quibus rogata Virgo idem in agone promiserat, statim ab eius felici transitu se ex superno Sancti Spiritus myrothecio sensisse arcanas cordis sui vñctiones, supernorum luminum stricturas insolitas, noui nominis calculos candidos, quos (: vt mōnemur Apocal. 2. v. 17.) nemo scit nisi qui accipit . Nimirum apophoreta hæc erant quæ Rosa promiserat, dum moriēs ad solemne conuiuium se dixerat euocari . Confirmat ista (: sed breuiter) laudatus supra P. Antonius de la Vega Soc. Iesu, alijque. Sed ad emollitiones cordium obstinatorum, Rosa mediatrice factas reuertamur .

Francisco & Alexandro de Coloma germanis fratribus matertera erat Maria de Xuara mulier prædiues & opulenta, sed animo in cōsobrinos implacabiliter auerso & obstinato . Alebat idem Franciscus suis impendijs Linæ lex consobrinas, & duos consobrinos, sed neque illarum nec horum vlli afficiebatur pertinax femina, adeo vt neque dignaretur alloquio : quinimo vbi testamētum suum condidit, perquàm studiosè cauit, ne quid vlli prædictorum (: tametsi posteriores octo notoriè indigerent) de suis facultatibus legaret, sed ne meminisset quidem . Accidit
demum

Accidit (: referente apud iudices con-
 iuge Quæstoris Gundisalui) duas Matro-
 nas cosedere obiter ad confabulandum.
 Harum altera correpto qui fortè patulus
 adiacebat libello vidit succinctè in eo vi-
 tam, gesta, obitumq; Virginis Rosæ conti-
 neri. Cæpit ergo per otium lectitare au-
 scultante altera; sed huic ferè euenit quod
 olim duobus aulicis vitam Sancti Anto-
 nij Abbatis fortuita curiositate legetibus:
 nam dum altera quasi fallendo tempori
 lectitabat, hæc velut subiectis cælestium
 flammarum tædis succendebatur, sentiebat
 tam inusitatis at planè Diuinis ardoribus
 paulatim se imparè fieri, dissimulauit ta-
 men, ne pretiosæ lectionis ignitam dulce-
 dinem intempestiuè abrumperet. Succre-
 uit interim flamma charitatis, nec celari
 vlteriùs potuit arcanum incendium; ex-
 clamauit mulier, hæud assueta sic in Deo
 liquefieri & bullire. Mirantur amba; in
 roseis illis breuium pagellarum foliolis
 tantum latuisse ignitabulum, sed Rosam
 meritò dici *Lampadem amoris* non sat in-
 tellexit qui primus dixit Philostratus.

P. Ioannes de Villalobos è Societate
 Iesu, Rector Limani Tyrocinijs seu Do-
 mus Nouitiõrũ vir in ascetica palæstra ex-
 exercitatiſſimus de semetipſo hæc recensuit
 eidem Iudicum Tribunali: se Rosæ vlti-
 mos spiritus trahenti adfuisse prope mor-
 tem, eaque occasione clam petiſſe à mo-
 ribunda, confestim vbi ad Sponsi cæleſtem
 thalamum pertigiſſet, ſatageret impetrare
 ſibi à Numine gratuitum illud ac ſingula-
 re donum quod ipſe tunc mente volebat.

Spondit intrepidè agonizans Virgo, ac paulò post quàm expirasset comperi (: inquit) manifestis indicijs, spiritui meo donum illud ob Rosæ in cælis interuentum fuisse mirabiliter impertitum . At Quæstor Gundisaluus sacramento affirmat, sibi falsos esse complures tum seculares tum Regulares quibus rogata Virgo idem in agone promiserat, statim ab eius felici transitu se ex superno Sancti Spiritus myrothecio sensisse arcanas cordis sui vñctiones, supernorum luminum stricturas insolitas, noui nominis calculos candidos, quos (: vt monemur Apocal. 2. v. 17.) nemo scit nisi qui accipit . Nimirum apophoreta hæc erant quæ Rosa promiserat, dum moriès ad solemne conuiuium se dixerat euocari . Confirmat ista (: sed breuiter) laudatus supra P. Antonius de la Vega Soc. Iesu, alijque. Sed ad emolliuones cordium obstinatorum, Rosa mediatrice factas reuertamur .

Francisco & Alexandro de Coloma germanis fratribus matertera erat Maria de Xuara mulier prædiues & opulenta, sed animo in cōsobrinos implacabiliter auerso & obstinato . Alebat idem Franciscus suis impendijs Linæ sex consobrinas, & duos consobrinos, sed neque illarum nec horum vlli afficiebatur pertinax femina, adeo vt neque dignaretur alloquio : quinimo vbi testamētum suum condidit, per quàm studiosè cauit, ne quid vlli prædictorum (: tametsi posteriores octo notoriè indigerent) de suis facultatibus legaret, sed ne meminisset quidem . Accidit demum

demum Francisco & Alexandro necessitas aliò tantisper proficiscendi relictis interim Limæ tot inopibus consobrinis. Hic Franciscus suis orphanis acerbè condolēs, & quò se verteret ignorans, Rosam vnicā suę perplexitatis Ariadnā implorauit, inuenit ; ipsa videlicet proxima ante discessum nocte Virgini (: cuius effigiem corā habebat) totam miserabilium ærunnam anxie commendans obsecrabat, suo apud Onnipotentem cordium domitorem interuentu emolliret saxeam illius auersi cordis duritiem, sanguinis ac humanitatis sensum obstipæ materteræ inderet, innocentibus ac pauperiei lubricitate periclitaturis succurreret. Mira res: postridie summo manè Franciscum matertera accersit, quem toto xvij. annorum spatio videre noluerat, venienti exposuit noctem se duxisse inquietissimam, tristem, insomnem, iugiter sibi ante oculos obuersante suorum consobrinorum desolatione ; quos considerarat omni humana ope tam indigos quàm destitutos ; itaque domum quanto-cyus repeteret, totam horū calamitosorū cateruam in conspectum suum adduceret, velle se omnes amplecti ex ordine, domique suæ honestè alere .

Insuper Francisco iniunxit, vnā publicum Notarium aduocaret, aliud se coram eo testamentum rescisso priori condituram . Franciscus tot simul gaudia non capiens, inque matertera matrem Rosam tacitè deuenerans paruit festinus & lubens, catenam miserabilem adduxit , hic itum in oscula, in dulces lachrymas, in teneros

neros amplexus, recipiuntur in domesticū contuberniū octo inopes, mutaturè vestigio inofficiosū testamētū, cōsobrinę cū cōsobrinis totius opulentix scribuntur ex assæ hæredes; ipsi deniq; Francisco (:nani ordine presbyter erat) Capellaniæ titulo 140. Patacones (:quos vocant) in annuū redditum assignantur certis ædibus transcriptis in hypothecam. Rosis ad corda subigenda, mulcēda, concilianda vim philtri inesse obscure innuit Dioscorides, clariùs ostendit Rosa nostra Limana.

Ludouica Barba nil minùs versabat animo quàm candidum S. P. Dominici assumere habitum. Eius confessorio Rosa dum vixit, aliquando prædixerat certòq; asseuerarat, Ludouicam omnino illomet habitu fore amiciendam, imò hunc ardentissimè ambituram. Hoc vbi Ludouicæ ex ore sui Confessarij innotuit, cepit vaticinij euentum anxia metuere, habitum ipsum cordicitus abhorrere: imò si qua eminus illius suscipiendi aut præteruolaret mentio aut illaberetur cogitatio, velut ad Medusæ conspectum obrigescebat. pauida, repugnabat animo, cor obdurabat. Interim Rosa clausit extremum diem, & quasi mors vatis mors esset vaticinij, cepit Ludouica euacuare inutilem metum, securam numquam suę menti incidere posse huiuscemodi propositum, faciliùs Poëtarum fabulosas metamorphoses quàm talem obfirmati sui cordis mutationem reipsa euenturam. At fefellit mulierem ipsa rêsistendi fiducia ac pertinaciæ certitudo: ecce enim subito à morte Virginis elan-

elanguit illud contumaciæ robur, euauit annosus horror, patuit vltro cordis ianua cælesti inspirationi . Exclamauit cū Paulo, *Domine quid me vis facere ?* Inde Rosæ sepulchrum adiit, Virgini causam supplex commendauit, obtineret sibi à Sponso salubrem electionem illius status qui maxime ipsā aptaret Diuinis obsequijs, promoueret in via æternæ salutis. Nec mora, exaudiuit Ludouicā Rosa, Rosam Deus, ac repente illius cordi impluit ignitum, at peregrinum desiderium sacri habitus Dominici . Æstuauit repente mulier, bullijt, arsit illo affectu quem semper fugerat, & si vñquam timuerat de eo vel leuiter cogitare, grauius nunc timebat pij propositi exequendi opportunitatem sibi aut selabi aut retardari . Discruciabatur suspicioso angore, quasi nō posset appropinquare felix hora, quæ ipsam voti conpotem efficeret . Igitur Confessario suo eminus conspecto festina accurrit, cor effudit, multisq; lachrymis obtinuit accelerari gratiā, qua confestim adhuc illamet die in numerum Sororum Tertiariarum adlegeretur, assumpto nomine *Ludouice de Maria* . Porro vt primum in cādido S. P. sui Dominici habitu se circumspexit, solatijs ex alto copiosis tota permauit, nec sufficebat explicare animi sui contentissimam voluptatem, hoc vnum dolens, quòd tantæ felicitati diu obstiterrat corde pauido & obstinato .

Ludouica de Mendoza coniux Alphonsi Gonzalez de Sācto Martino paulò post Sanctæ Virginis obitum videns eandem popu-

populariter tot encomijs celebrari, incredula, seu pro fœminea resistendi dulcedine seu pij affectus contumaci algore fidem sanctitatis eius concipere aut nequibat aut nolebat. Quantulum enim (: cogitabat) perfectionis gradum spatio vitæ tam exiguæ assequi potuit fragilis puella annum ætatis trigesimum primum vix nuper egressa : vnde Rosæ inter plebeios natæ & educatæ, manuum suarum labore sustentatæ, in seculari domo domesticè moratæ ac mortuæ tantarum virtutum schola patuit, aut scala tam sublimium contemplationum in promptu fuit : clament miracula, at Ludouica dubitabat, acclament populi, magis ipsa obsurdescebat : ergo quæ ita cor suum ne crederet obloricarat, validiori pulsanda fuit ariete vt se dederet. Repentino angore correpta est vt manibus pedibusque se putarit demutilatam ; neque id satis grauiorem sensu in suo spiritu procellam, caligo, paupor, tempestas mentem obsederant, cor turbatum quodam velut terræ motu succutiebatur. Hic demum illa, euidenter agnoscens ab vnica sua pertinaci incredulitate hos esse paroxysmos subito manus dedit, duritiem posuit, animoque trepidè in Deum eleuato supplex protestata est, se credere, se corde toto fateri, quod Rosa verè Sacta sit. Et en repete cōquieuit horrida cōmotio, siluit tēpestas, redijt serena trāquillitas. Sic pro Sponsæ honore zelabat ille Spōsus cui vêtī & mare obediūt. Verū à spiritualibus ad corporalia Beneficia tandē hic descendendum.

CAPVT III.

Rosæ defunctæ attactu, odore, veneratione, mors, morbi, pericula depelluntur.

TAmetsi P. Antonius de la Vega Loaysa Soc. Iesu in suis facundissimis Responsis disertè ac sapius monuerit deputatos Iudices, totam Rosæ vitam à primis incunabulis vsq; ad extremum habitum continui perpetuique *miraculi* loco censendam atque habendam esse, attamen visum ipsis progredi ad specialiora, quæque micuere post eius vitam in beneficio alieno.

Primum his meritò sibi deposcit locū resuscitatio mortuæ filiolæ semestris, Magdalenæ de Torres. Huic pater erat Gregorius de Torres agricola, mater Ioanna Michaela, ambo victitantes opere rustico in suburbanis Limæ ad viam *Melambò*. Hi dum anno 1627. mense Octobri prope Urbem rusticabantur in prædio Balthasaris de la Cona, ibidem febris cum diarrhæa tenellam filiolum inuasit demum & extinxit inter materna brachia. Nil profuerant adhibita pro illius ætatis captu remedia, nil matris sollicitudo & lachrymæ, charæ prolis animulam mors delibauit in vlnis afflictæ genitricis. Iacuit ab illo vespere vsque in claram postera diei lucem exanime corpusculum, sine calore, sine

motu. Iam ad effodiendum tantillo cadaueri sepulchrum paratus adstabat sarculus, comportabantur flosculi nectendi in modicam corollam. Sed mater ipso noctis illius conticinio memor aliquid penes se esse reliquiarum quæ Rosam attigerant, inopiæ suæ scriniola excussit, particulam vestis cum ramusculo Ginestræ (: cui Virgo olim indormierat) inuenit, cum his properauit ad algidum cadauer: cepitque longis & anxijs precibus Rosam inuocare in auxilium, denique fide iam robustior ac velut Rosæ viuificos è reliquijs odores prolicitura, patellæ carbones, his ramusculum & alterius particulæ aliquot filamenta imposuit, mox defunctam filiolum suffumigauit. Fumo viui occludunt oculos, mortua aperuit, nam ecce illo momento quo suffusus infantem attigit, hac reuixit; & diductis ocellis quos dolens mater pridie occluserat, latam respexit. Interfuere spectaculo infantis pater, soror, aliusque inuenis, qui iunctim in genua prouoluti, suoque gaudio ac stupori impares sublati in cœlum vocibus laudarunt Dominum in sua Rosa tam odorifera. Interim paruula Magdalena pauxillo aquæ, cui mater puluerem sepulchri B. Rosæ inspererat, auidè epoto sana confedit vbi supina iacuerat, nec præteritæ infirmitatis vllum in ea superfuit vestigium.

Anno 1631. Antonius Bran municipiū Dominæ Ioannæ Barrettæ decumbebat ex febribus & angore pectoris, iamque

R

per

per tres menses & ampliùs morbi contumacia variorum medicamentorum vim omnem eluserat, ac parum spei residuum erat. Obseruabatur ab vxore & consobrina, qui dum noctu circa infirmum excubabant, repente notarunt ambo Antonium iacere sine motu, sine respiratione ulloque vel minimo signo vitali: inuocabant ægrum ex nomine proprio, vellicabant, pulsabant, sed nonnisi responsa mortis extundebant à corpore iam gelido. Vxor horrore ac mœrore grauis cucurrit ad heram, & cum eiulatu breuissimè indicauit maritum suum efflasse animam. Exterrita Domina lecto exsiliit (: nam iustè media nox erat) cumque D. Ludouica Baretta sorore sua germana ad Antonij cubile properauit, illic Antonij consobrinus ad caput lectuli placebat mortuum, & intrantibus fœminis mœsta voce occurrit: nolite (inquiens) vos incommodare, iam enim Antonius noster spiritum reddidit Creatori. Accedit propius Ioanna, explorat, tangit, exclamat; sed vt extensum, frigidum, rigidum inuenit, velut suæ iacturæ sat certa sorori dixit: *iam & hunc mihi seruum, iam vtilem & necessarium Deus abstulit, sit nomen eius benedictum.* Inde conuersa ad caput lectuli vidit appensam Venerabilis Rosæ chartaceam imaginem ex iisque Romæ superiorum permissu excusæ & in Indias delatæ fuerant. Hinc ingenti concepta fiducia cœpit inuocare Rosâ sonoris vocibus, ac liberè flagitare resurrectionem sui mancipij. Mox correptâ

ima-

imaginem reuerenter pectori iacentis imposuit, cumque tribus reliquis ibidem tristi silentio euentum expectauit. Sic horę dimidium tacitis circa lectulum votis exactum est, cum ecce Antonius, qui integro duarum horarum spatio algidus, pallidus, immobilis iacuerat, alto cum suspirio (: quale admodum lassorum esse solet) oculos aperuit, circumspexit, ac miratus heram illo noctis incommodo tempore sibi adstantem, interrogauit quid rei ageretur? mox percepto quid acciderat, animatus consedit in lectulo, nec solum incolumem, sed & sanum se vegetumque sensit, nec febris deinceps redijt: attamen vrgentibus quę aderant foeminis medicinam ante preparatam tametsi iam superfluum sumpsit, quieuit, ac post biduum lecto doloris valedicens Rosę sepulchrũ adiit, totumque ibi diem in gratiarum actione transiegit.

Elyzabeth Duran vidua Iacobi Carlos à multo tempore siccum & inutile brachium gestabat fascijs obuolutum, cuius non solo inertī pondere sed & iugi dolore vexabatur. Vt ergo audiuit Rosę virginium corpusculum in Æde FF. Prædicatorum feretro impositum parari ad sepulturam, plena fide, ac duabus stipata filiabus eò properauit vt potuit, circumfusa multitudini vltro se inuoluit, si quo modo ad tumultum Virginis penetraret: peruenit, filiabus alijsque viam aperientibus, iisdem auxilijs egrè in tumuli gradus eluctata brachium vultui Rosę bis terue applicuit, mox eodem temporis

puncto exclamauit : *euge brachium meum sanatum est, reuixit brachium meum.* Utque miraculo fidem faceret, lacertum tuum, qua quauersus iactauit expeditè, viuide, & celeriter, spectante ac plaudente confertissimo populo. At præ omnibus vehementius obstupuit Melchior de Amusgo Medicus, qui in turba fortuitus aderat, multoque tempore diuersas sed frustra neas mulieris brachio medelas applicuerat, fassus illud humanitus curari non potuisse. Porro Elyzabeth successu læta, exinde per complures annos palam visa est brachio suo uti ad quæuis officia, quasi numquam languisset. Miraculum istud inibi tot habuit testes quot Rosa tunc in suo feretro spectatores.

Licentiati Didaci Ayala seruus Æthiops (: nomen expressum nusquam reperi) dextri brachij manusque vsum explicat, & neruorum attractione dudum perdiderat; audita fama defunctæ Virginis ad Ecclesiam Sancti Dominici cum alijs conuenit, Rosæ precibus se commendauit, statimque in signum obtentæ sanitatis brachium aitè sublatum & exporrectum toto templo circumtulit reiectis vetustis pannorum inuolucris; spectabat vniuersus populus, & dum hinc vna vox omnium erumpit in publicas Dei laudes, dum inde mixti consurgunt gratulantium clamores, nonnulli qui seruum familiarius nouerant, manum eius festiuè arreptam deosculati sunt coram turba, piaque curiositate lustrabant vetusta signa, vbi attractio manum Æthiopis cum brachio in plicas

plicas tenacissimè quondam curuauerat .

Verùm à dextro ad brachium sinistrũ. Presbyter Georgius de Aranda Valdiuia ante Clericatum in bellis Chilensibus contra Infideles complura sinistro brachio exceperat vulnera , quæ deinde malè curata paulatim saniem , conuulsiones , tumores attraxerant , vt iam præ inflatione brachium neque extendi potuerit nec plicari . Vsque in digitos proserpserat molestissimus tumor , vt afflictissimus Sacerdos in Missa nec Diuinam hostiam commodè satis tractare , nec sine alterius brachij suffulcimento alterum potuerit eleuare . Igitur ipso die quo Rosa sepulta fuit , sub vesperam à Religioso germano fratre adiutus irrepsit in ædem Capitularem , orauit ad sepulchrum Virginis , implorauit opem , subitoque obtinuit : nam repente frigido sudore madidus , dum successiuè digitos , manum , brachium motu lenissimo pertentat , omnia sana , vegeta , flexilia reperit . Mox religione ac lætitia tremulus in Ecclesiã (: vbi tunc fortè P. F. Christophorus de Azevedo Prior Panamensis cum plurimis secularibus substiterat) se proripuit , ibique coram Altari SS. Rosarij elatis vocibus in gratiarum actionem procubuit . Accurrunt spectaculo qui propiores aderant , atq; inter hos Bartholomæus de Toro Regius tabellio . Nec multum rogari se passus Georgius , coram his (: & plerisque notissimus pridem erat tum ipse tum brachij sui stupor) fideliter totam rei seriẽ exposuit : simul

rogati Notarius & testes priusquā aliquid in tabulas referretur, miraculum penitissimè explorarunt, iusserunt Georgiū in pedes se erigere, inspexere brachiū omni tumore liberum, quod presbyter sursum deorsum, dextrorsum leuorsū & in omne latus pari qua dextrum agilitate rotabat sine dolore, manum aperiebat claudebatque promptissimè, digitos stringebat, diducebat, motitabat celerrimè & nec quoad vixit, in his vllum pristini languoris vestigium notauit.

Alphonsus Diaz mendicus toti Limæ tunc notissimus humili nixus fulcro, manumque & pedem ex attractione inutiles per solum trahens non gradiebatur sed serpebat humi, stipem per domos flebiliter quærens. Hic ipsa die qua Rosæ sepulturę fossa operuerat, ad Ædem S. Dominici anhelus venit, in ea aliquādiu amarissimè lachrymatus ac de loco sepulturę sciscitans, demum vt potuit in aulam Capituli prorepfit, Rosæ sepulchro pronus incubuit, per horam sic orauit, gemit, fleuit, denique sudauit, ignarus se iam curatum esse. Superuenit is cui cura erat Virginis sepulchrum latere coctili obtegere: iubet Alphonsum loco abscedere, negat iste se posse, contendunt ambo, sed prior ille integris viribus Alphonso robustior hominem circumplectitur, & repugnantem abstrahit, sensimque at molliter in pedes erigit. Hic primum sensit Alphonsus se curatum esse, nihilominus ob longam standi desuetudinem proximo parieti acclinis
bre-

breuiterque miratus seipsum erectum,
ac sine fulcro, simul in clamores simul in
lachrymas erupit, iubilans atque vocife-
rans: *Benedictus Deus, valeo, sanus sum,*
quod à quatuor annis circiter numquam po-
tui nunc possum, meis infirmotalis, plantas
que terram nosse desueuerant, humi nunc fi-
go; laudetur Dominus in Sanctis suis In-
terim toto corpore sudabat adhuc, &
quia sub plantis pro callo mollior caro
succreuerat, terram passibus nonnihil su-
spensis calcabat idque alij infirmitate n-
rati euntem subiectis brachijs iuuare ni-
tebantur. Renuit ille, protestans, se iam
sibi abundè sufficere. Fit concursus, &
inter plaudentium hymnos Alphonsus in
Ecclesiam reducitur spectandus ab om-
nibus. Processit grauitè, qui num-
quam aut felitior aut spectabilior am-
bularat.

Dum Rosè cadauer prostabat in tumu-
lo, adrepsit puer Æthiops duodenni ma-
ior, ac de attractatorum pedum vicio quā
de nomine per urbem notior; dumque
sub feretri tabulato orat (: siquidem nec
palium à terra se erigere, nec ad sacri
corpusculi attactum in gradus potuerat
eluctari) repente prodijt alacer, erectus
in pedes, quos ante nonnisi reptans miser-
rimè per terram traxerat, dum ne quidē
grallis uti, sed dimidio corpore dumta-
xat solum verrere licebat. Exsiliit dein-
de sanus, medijsque se turbis fidenter im-
miscuit, Rosam identidem suam libera-
tricem altis vocibus inclamans. Inde
per octiduum visus est quotidie adire se-

pulchrum Virginis, ad gratias palam & ex debito persolueudas .

Huius exemplo alius puer itidem Æthiops simillimaque pedum inualetudine calamitosus (: nisi quòd grallis utcumq; se librabat à terra, non tamen à parietum subsidio) post humatum Rosę funus accessit, iuxta fossam in angulum Capitularis aulae se proiecit , orauit , & ultra duarum horarum spatium ibidem supplex accubuit ; tandem in conspectu multitudinis quę aderat lentè se erexit , vociferans : *Sanus sum , videor mihi posse incedere , sentio tibias meas carere impedimento , quinimò in cursum pruriunt .* Respondit quidam ex vicinioribus : si ita est surge in pedes, ambula, & obtentę gratię fidem facito . Nec mora , neglectis grallis surrexit puer , stetit, ambulauit, neque præ lætitia seipsum capiens subsiliit, tripudiavit, denique turbam densissimam rogauit , tantisper in partem secederet , sibi que spatium currendi daret Obtinuit, ac susque deque per aulam ceu leuis caprea cucurrit . Vix suis credidere oculis qui puerum ante nouerant , attolluntur in sublime voces laudantium Deum, accurrunt Religiosi , abducunt puerum in Ecclesiam, totoque personant templo canorę gratiarum actiones .

Ioannæ de Castillo Viduę filiulus erat bimus Franciscus Fernandez de Sigura , catalepticis palpitationibus ab anno integro frequenter ac periculosè diuexatus. Cassa & irrita fuere humana remedia, donec recursum fuit ad Rosam tunc recens

tumulatam : Huc igitur afflicta mater paruulum suum detulit, ad sepulchrum stitit, orauit. Filiolus interim vltro se sepulchro instruit ore prono, ibidem mox hilarescere cepit, cumq; post sesquihoram interrogaretur à matre, num iacendo lassus erigi vellet ac abduci, petijt adhuc paulisper ibi relinqui. Demum surrexit sponte, sanitatis indicijs latus, neque ex eo tempore vsque ad ætatis suæ annum 17. (quo vnà cum Matre hæc apud Iudices Apostolicos testificatus est) hac aut alia quacumque infirmitate impetitus fuit.

Rufina Braua filiolum genuerat Petru Tamayo: vix quintum-decimum à natiuitate diem infans attigerat cum deprehensus est hernia miserabiliter laborare. Magis in dies laxabatur lacerum peritonæum, propendebant viscera, nec nisi magno labore atq; periculo retrudebantur introrsum mox iterum proditura. Vagiebat continuo paruulus tanto dolori impar, ac sæpè toto triduo nauseabundus vbera nutricis omnino respuebat. Biennium ferè applicandis remedijs insumptum est magno impendio, profecto nullo. Denique biduo postquam Rosam vitam functam terra exceperat, ad illius sepulchrum delatus ferè per duas horas quietus insedit, dum Mater cum cognatis feminis in Templo hæsit Deo & Virgini Rosæ sobolem commendans. Redditus Matri filiulus occluso reticulo visceribusq; repositis inuentus est sine hernia, solum in beneficij memoriam conspicua remanserat cicatrix, quæ tamen etiam firmabat reparati peritonæi

gritatem ne ampliùs rumpi posset .

Petro de Vega grauitèr à quatuor mè-
sibus filiola quinquennis decumbebat ex
febris, neque mitiùs deuenistabat par-
uulam asperrima quædam morosæ indolis
conditio cum annis in vitium periculosè
adultura . Hanc febrientem parentes an-
xij detulere ad tabulatum vt Rosæ non-
dum sepultæ virgineum cadauer attinge-
ret : attigit , statimque pulso febrili paro-
xysmo coram omnibus conualuit, nec re-
lata domum nouis morbi accessibus ten-
tata fuit : quin & illa congenita indolis
asperitas eodem simul correctâ miraculo
in summam transijt mansuetudinem &
suauitatem .

Videbatur his prôdigijs Rosâ clamare
de tumulto : *sinite paruulos venire ad me .*
Veniebant vtique, ac certatim porrigebân-
tur de manu in manum vt ad salutiferum
Rosæ contactum infirma pertingeret pu-
pulorum innocentia , cum salute ad suos
reportanda . Inter hos Franciscus Cardo-
so nouem mensium tenellus infans conti-
nua febrium vicissitudine à tribus mensi-
bus nunc rigens nunc æstuans , subitò vt
sacro cadaueri admotus fuit, plântum si-
mul & febrim posuit mirante populo .
Neque id solùm, sed & postridie Æthio-
pissæ ancillæ vlnis implicitus infans nutu
gestuq; indicauit velle se in terram depo-
ni: vix plantulis humum attigerat, cum
cepit ambulare solus per atrium , neque
ab illo die indiguit ope aut vlnis baiulæ .
Nimirum tantas pridie vires adhalauerat
Rosâ puerulo tam diuturnis febribus co-
cto

At & medullitus exhausto. Certè ex ore infantium & lactentium perfecit sibi laudem . Ad adultos reuertamur .

Anno ante Rosæ obitum Petrus de Vega lapsu præcipiti ac graui luxarat iūcturam ossis in scapula, simulq; exinde vsū brachij ex ea parte amiserat , nec nisi ad dolorem & onus lacertum sibi superesse iugiter querebatur . Demum nocte quadam recordatus , sibi in domo esse Rosarium, quod paulò ante in feretro exanime Rosæ corpus attigerat , illud vbi acutior doloris sensus erat deuotè applicuit. Illico cessauit cruciatus , quietè obdormijt Petrus, ac manè euigilans aduertit inutili brachio redijsse vires, quæ nullo alio adhibito remedio sic creuere, vt intra dies paucissimos perfectè conualuerit, nullumque inter sinistri ac dextri brachij agilitatem senserit residuum discrimen . Eundem Petrum alia vice inuaserat ischiadū atrox tormentum, ac simul dolorifica inflatione tumuerat altera tibiæ: Pressus his malis nec cibum sumere nec somnum capere infelix potuit . Tandem Rosæ, & Rosarioli sui memor loca dolorum offricuit, quieuit, posteroq; diluculo expurgiscens vndèquaque se sanum inuenit, tibiæ verò molestus tumor ita defederat, vt iurasses hanc numquam tumuisse .

Helenam Æthiopissam Ioannis Merini mancipium continua & copiosa subnascētium lumbricorū (: quos vocant *de Guinea*) scaturigo septenni fluxu ita viribus, egesto cruore, exesis visceribus exhauserat, vt actum de illius vita omnino putaretur.

retur, maximè quatrìduo ante Rosæ obitum,quâdo tot morbis ardentissima febris & (: mortale signum) inflatio talorum ac tibiæ accēsserant . Toto septennio omnifaria tentata fuere medicamina, sed hæc morbum irritando noua in dies perniciē non ægram sed ipsam ægritudinem adiuuabant . Deniq; hera vtilissimi mancipij iacturam non ferens Helenæ suāsit ac persuasit, ad Rosæ biduum ante sepulchræ monumentum *Nauenam* exigeret; ita nouendialem cum certis precibus stationem vulgò appellant . Infirma vitæ ac valetudinis percupida maiori animo quàm viribus aggressa est opus , at quarto mox die se perficiundo imparem protestata est : nam diuturno lassa morbo , exanguis cruentis & crebris egestionibus, perusta febris, destituta anhelitu , pedibus tumidis adire se posse reliquis diebus Rosę sepulchrum omnino disiderat . Nihilominus hinc spe inde hera animante resumpsit spiritum, ac residuis diebus accessum quamquam difficillimum cōtinuauit modo quo potuit, nullo interim conualescētiæ signo vel eminus comparente, quin potius maiorem in dies lumbricorum vim effundebat cum sanguine . Donec Tandem vltima nonæ diei statio ad Rosę sepulchrum in momento simul vniuersam tot morborum cacohimiam funditus absterfit . Redijt domum Helena planè altera, nempe lumbricis ad vnum vacua, pedibus sana, febrium ignara, sanguine, vigore, corpulentia mirabiliter instaurata, nulliusque deinceps ex his symptomatis conscia va-

letur.

letudinem possedit integram ac diuturnam.

Nauigabat cum P. F. Dominico de Leon Ord. Præd. famulus & comes itineris Ioannes annorum 14. adolescens, oppressus quartana febris, quam ipsa deinde maritima iactatio periculosius accēderat, ut die quadam paroxysmi violentia animam puero extudisse crederetur: nam subito clamore Dominicus ex superiori naui tabulato deorsum vocatus ut moribundo suo famulo adisteret; dum in opertum nauigij sinum descendit, obuium habuit virum coniugatum Franciscum Flores, qui Ioānem iam expirasse asseuerabat. Perrexerit tamen sollicitus Pater, at famulum sine loquela, colore, spiritu supinum & immobilem reperit, dubius num viueret, pluries utramque iacentis auriculam validis clamoribus tentauit, at frustra se vitalia signa exspectare videns ad Rosæ confugit præsidium, vitam puero supplex petijt, Nouenam promisit: & ecce illo momento respirauit Ioannes, resedit, cibum sumpsit, attonitis qui spectaculo interuenere viris religiosus P. Agnello de Olina Soc. Iesu, P. F. Laurentio de Texeda Ord. S. Francisci, & secularibus utriusque sexus non paucis, Stupere quotquot in naui erant præsertim ut viderunt paulò post comparentem in superiori tabulato sanum, incolumem ac sine humano remedio integræ valetudini restitutum.

Beatrix Gaues continuo quadriennio vexabatur molestissimi humoris iugi scilicid, idque remedijs peius irritatum.

spem

spem curationis suffulerat . Ergo inops consilij penetrauit cum reliqua turba in ædes Quæstoris Gundisalui, vbi tunc Rosa prostabat in feretro iam iam efferenda; illic se Virgini toto cordis affectu commendauit, loculum tetigit, domum sana redijt , nec vnquam deinceps ea de fluxione se sensit infestari .

Anno post Rosæ felicem transitum Fr. Ioannes Miguel Ord. Prædicatorum causa Oeconomix ac negotiorum obequitabat vallem *de Xauxa*, sed transeūtem iuxta pascua vaccarū circa locum *Vera seguri* improuisò erumpens Taurus ferociter infecutus est . Extimuit, adactisque calcari- bus fugam iniijt Ioannes magnis vocibus periculum suum Deo & B. Rosæ commēdans; at Taurus velocior iam prope aderat , nec vltra quindecim passus distabat ab homine. Perditus erat ni Rosam denuo & multò ardentius inuocasset . Mira res, ad Rosæ nomen immanis bellua ceu fulmine retroacta substitit, Ioannem lassitudine ac pauore exanimem toruē intuens, nec loco se mouit, donec is procul abiisset .

Eidem aliud sed lepidius accidit in amne qui locum *Misque* præterlabitur & piscibus (: maximè autem Bocis seu candidioribus mœnis) abundat. Huc ille cum socio religioso F. Hieronymo Iambrano alioque Indo piscatum ierat . Iaciebant pariter sua retia Hieronymus & Indus, atque hic prædam aliquam traxit, ille vacuo reti adfremuit . Hortabatur Ioannes vt iterū iaceret, & ad singulos iactus clara

voce *eya* inquebat in nomine benedictæ Ro-
 sa cadat feliciter. Parebat Hieronymus sed
 non pisces, siquidem plus quàm duodecies
 iacto reti nullum prendidit. Hic Ioānes
 id quod erat suspicans, obsecro (:ait) *ni Hie-
 ro. yme dic liberè, nonne cor tuum hesitat in-
 credulum circa sanctitatem Virginis Rosæ?*
 affirmavit ille, sub stomachans tot certos
 extare Cēlites quorum nomini vtiliùs di-
 cari potuissent hi iactus, nec ad incerta
 nomina fuisse confugiendum. At Ioannes
 replicuit: *Tu verò mi frater de sanctitate
 Rosæ fidem indubiam fac concipias, sicque in
 eius nomine iterum ac serò rete immerge, &
 mira conspicias.* Fecit, iecit, ac subitò Bo-
 carum & Armadillo-*rum* tantam vim tra-
 xit, vt pondus impleti retis vix potuerit
 sustinere.

Liceat hinc breuissimè diuertere ad pi-
 scationem hominum. Anno 1630. intra
 Limense Sanctæ Claræ Monasterium an-
 cillabatur Christina Angela, inuitum mā-
 cipium. Contigit, huic ad fugam patuisse
 fortuitò posticum cēnobij, quo ceu elap-
 sus nassa pisciculus tacitè se proripuit, &
 foris in Vrbe se occultauit. Raphaëla
 de Esquiuel monialis tunc ianitricis mu-
 nere fungebatur, quæ fugæ istius damni
 offendiculum, dedecus vnico simul confu-
 so metu complexa, cum post pluriū die-
 rum quæstionem profuga nusquam reperi-
 retur, ad Rosæ opem confugit, suamq; illi
 commendans angustiam, Monasterio per-
 ditum mancipium restitui flagitauit. Por-
 ro eadem nocte Raphaëla per soporē
 vidit Rosam candido amictu facieq; præ-
 ful-

fulgida gloriosam, dicentem sibi : crastino
manè Christina recuperabitur . Monialis
à gaudio pulcherrimæ visionis euigilans ,
iterum (:concepta iam ingenti spe) Virgi-
ni rem deuotè commendauit , rursusque
dormiuit. Manè facto ancilla circa horam
quintam ante meridiem inuenta , repre-
hensa, reducta est .

Non minori quamquam dissimili Rosæ
beneficio rem amissam germani fratres
Alexander & Franciscus de Coloma re-
cuperarunt. Quingentorum coronatorum
censum annuum Guamangensi Sæctæ Cla-
ræ Monasterio ritè persoluerāt, ac de mo-
te apocham solutionis testem ab Oecono-
mo receperant . Post interuallum tempo-
ris illudmet debitum rursus exigitur , ob-
tendunt solutionem germani fratres, quæ-
ritur apocha, sed nusquam apparet. Certus
erat Franciscus illam se reposuisse in tali
loculamento sui scrinioli, extimuit ne for-
sā inde aliena fraude sublecta disparueris;
itum reditum centies ad idem scriniolum,
chartæ omnes sigillatim excussæ , prótra-
ctæ , repositæ , aderant omnia præter apo-
cham . Anxius itaque Franciscus breui
oratione recurrit ad sibi notissima Rosæ
præsidia , dehinc spe plenus Alexandrum
rogat, noua vltimaque diligentia scriniolū
oculis vndeunque peruadat : respondet
iste , operam perdi . Instat alter; flagitans
suo id saltim dari solatio vt iterum quæ-
rat . Quæsiuit obiter velut re desperata ,
& ecce in illomet loculamento vbi ambo
toties quæsierant, supra reliquas scripturas
in propatulo reperitur Apocha pulcher-
rimæ

rimę inscriptioni peregrinę manus decen-
ter inuoluta, non secus ac si illo momento
clam ad scrinium fuisset relata. Sed reuer-
tendum ad valetudinaria .

P. Fr. Didacus de Arrasia Ord. Prædi-
catorum è Panamenſi ad Limanum Con-
uentum in summo æſtu proficiſcēs ex mu-
tatione climatis duplicem tertianam con-
traxerat, quæ ipſum per compendia breui
ſtitit in mortis veſtibulo, iubente Medico
accelerari Sacramenta , maximè quia &
venter infirmi ex nimio aquarum hauſſu
altū extumuerat, & quidquid medelæ ſeu
ventri ſeu febri adhibebatur, morbum au-
gebat . Itaque ægrum extremi periculi
admonuit P. Magiſter Fr. Gabriel de Za-
ratæ tunc Prouincialis . Verùm Didacus
occultè ſupplices ad Roſam preces, ad
Deum vota conceperat, iamque altiùs ſpe
ſalutis quam aquis tumebat . Tentandum
ſupererat vltimum ſubducendo ventri re-
medium ſed violentum & acre, cui perfe-
rendo Didacus ſe parem fore diffidēs Ro-
ſam denuo ac iſtantiſſimè implorat . Et
ecce omiſſio illo remedio detumuit vëter,
abſceſſit duorum menſium poſſeſſione ra-
dicata febris , & cum ſtupore omnium .
Didacus ad vota ſua implenda lætus exi-
ijt .

Iſidora de Montaluo ætate grauis inſu-
per ab octo menſibus grauabatur febri cō-
tinua & admodum violenta . Negabant
Medici, vetulam tot annis onuſtam ac vi-
ribus effoetam per methodica remedia
morbo liberari poſſe . Ergo ab ijs dereli-
cta ad Roſam pro vita ac valetudine ap-
pella-

pellauit, & illo temporis puncto integerrimè conualuit, diuq; incolumis superuixit .

Iosepham de Torres torrebat toto corpore volaticus ignis ex putrido sanguine febribus inflammato: surgebant vndiq; lucentes bullæ, triumque hebdomadarum spatio infirmam eò adduxerant, vt coram domesticis sine loquela sine arteriarū pulsu iacens immobilis putaretur efflasse animam . Circumstantes exterriti Rosam pariter implorarunt, obtineret Iosephæ spatium quo saltim accito iam Sacerdoti possit sua peccata confiteri . Verùm plus Rosa præstitit quàm rogabatur: nam subito ægra in se redijt, exomolegesim ritè peregit, ac breui integram valetudinem recuperauit .

Mariam Indam puellam duodennem è Chilensi Regno oriundam, ac Limæ in Monasterio Incarnationis famulantem rigores, tormenta stomachi, demum & spasmi, gutturis angustia, conuulsiones eò redegerant, vt nec cibo potuue refici, nec minimum quid potuerit deglutiræ. Desperata à Medicis muniebatur vltimis morientium Sacramentis. Verùm sub ipsa extrema inunctione à presbytero & monialibus admonita fuit, Virgini Rosæ angorem fide ac effectu quo posset maximo commendaret . Paruit, ac sine alio quocūque humano remedio cœpit ex illo momento conalescere, intraque pauculos dies ad consueta sui famulatus officia redijt .

Antonio de Vmbela operario annosa, paralytis brachium manumq; attraxerat,

vt nullis vñquam remedijs potuerint explicari. Auditis quæ ad Rosæ sepulchrum quotidie coruscabant prodigijs, eò demum se contulit, brachium sepulchro imposuit, breuiter orauit, statimque manum diu clausam sñauiter aperuit, mox & brachium explicuit, suæque artis exercitia sanis repetiuit.

Mariam Sanchez nouennem fortuitus in terram lapsus ita afflixerat, vt exinde attractis tibijs, omniq; erepto pedum vñu nec stare nec sedere vsquam potuerit, quin conninuò iacendum fuit in lectulo. Totum triennium frustra datum remedijs. Demum vterque parens Nouena ad Rosæ sepulchrum promissa filiolarum eò faciunt deportari ac virgineo monumento pronam insterni. Adueniens nonus dies puellæ salutem parentibus gaudium attulit, nã vt sepulchro de more incubuit, repente sana in pedes se erexit, ambulauit, cucurrit ad patrem, qui manu apprehensam diu circumduxit per Claustrum, inde domum. Præcurrebat vltro filia, quasi numquam pedibus languisset.

Maria Farfan triennis puella, dum anno 1617. indigestis cruditatibus periculosè oppilata curatur à Matre infusione argenti viui, (: quod alia fœmina suggererat) inflatis mox tibijs gressum perdidit, adeo quòd ab vmbilico deorsum velut emortua solis manibus reptaret tractis per terram cruribus. Sex menses integros sic dimidiata languit, donec in templo Sancti Dominici exaltato in sandapila

Rosæ corpusculo illuc deportata fuit, vbi
 vt defunctæ Virginis faciem bis terue
 attigit, repentè inflatio detumuit, & par-
 unla suis parentibus reddita post biduum
 per ædes sana cucurrit, nulla interim alia
 medicina adhibita.

Agnes de Figueroa (: Rosæ, dum vi-
 uebat amicissima) immani cruciatu lan-
 cinabatur in coxendicibus, & ignara
 quid mali esset, iam eò deuenerat, vt toto
 triduo vesicam exonerare non potuerit.
 Longa dolorum acerbitas pene mentem
 foeminæ euerterat, quando suggerente
 marito se se efflictim multisque cum la-
 chrymis coepit charæ suæ Rosæ interces-
 sionibus. Statimque, velut substratis
 prunis insideret tota feruidissimè estua-
 nit, ac subitò infra vnica Salutationis
 Angelicæ moram enixa est calculum
 magnitudine nucis auellanae punctum vn-
 dique cuspidatum. Eodem momento ces-
 sauit dolor, consopita quieuit Agnes,
 quæ diu neque dormire potuerat nec ia-
 cere. Chirurgi & Medici quotquot vi-
 derunt calculum testati sunt, illum haud
 aliter quàm vel morte vel miraculo po-
 tuisse extrudi.

Ludouicus Rodriguez Mexicanus opi-
 ficio sartor in ædibus Viduæ Ioannæ de
 Vargas dolorifica neruorum attractione
 laborabat, ita vt nec incedere, nec pedem
 humi figere per duos menses vmquam
 potuerit. Adducti Chirurgi postquàm
 viliora remedia sine profectu applicue-
 rant, protestati sunt, hominem non ali-
 ter quàm vnctione magistrali (: quæ sùptu
 non

non mediocri paranda fuisset) curari posse . Flebat amarè Ludouici Mater , conscia tantis impendiis longè imparem fore suam filiique inopiam . Itaque vidua suggerente cernua sursum respexit in Rosam , promittens vna cum filio Nouenam peragere ad sepulchrum ; quam vbi exorsa fuit postridie , domum rediens inuenit filium pedi attracto iam solidè insistere , & aliquantum ambulare . Nondum vltimus nouenarii dies illuxerat , & Ludouicus iam perfectè sanatus exibat domo , Virginitisque sepulchrum inuisebat .

Simillimo beneficio & ipsa prenominata Vidua ex vtriusque pedis dira inflatione & cruciatu repente conualuit , mox ut Rosam auxiliatricem flebiliter inuocauit , promisso simili dierum seu stationum nouenario , quem & postridie votiuis onusta donis est auspicata , sanisq; pedibus alacriter peregit .

Isabellæ Morales parienti (: iamque partum effuderat) secundæ remanserant in vtero . Expauit obstetrix , nullumque omisit remedium vt membranam eliceret . Tribus horis laboratum frustra , rebusque iam desperatis Isabella se mori sentiens ad lectum reportari petijt decentiùs illic moritura . Adfuit vocatus interea Confessarius , cumque omnia in peius vergerent , monetur Isabella ad Rosæ præsidium recurrere in discrimine tam complorato . Paruit , & illo temporis puncto omisso alijs remedijs vltro secundæ prodierunt , totumq; subitò discussum est periculum .

Christophorus Perez Aula criminalia

Secretarius cum vxore & domesticis ad pradium suum in valle *Larigancho* secesserat, hinc die quodam ad vicinos colles virore amœnissimos iter faciens, tellure ex pluuijs madente & lubrica cum equo in fossam xvi. palmos altam prolapsus est. Accurrit cum domesticis puida coniux, viditq; marito equum incumbere. Secuta fuerat labentes mollior terra, & pene vtrumque operiebat. Dum equus (: vt erat generosus & iuuenis) terram nititur excutere, dum magnis conatibus tentat surgere, Christophorum grauius premit relapsu, & nonnumquam calcibus improvidè ferit. Per quadrantem horæ sic iacuit Perez, neque vt erat manibus pedibusque ex arthritide nodosus, ac debilis, quidquam iuuare seipsum potuit.

Interim supra fossam eiulabant domestici, plangebat vxor, denique omnes Rosam in subsidium aduocarunt. Audiit Christophorus, coepitque & ipse sub equi terræq; pondere Rosam inuocare. Et en confestim surrexit equus in pedes homine intacto, descendunt in fossam vernæ, extrahitur Perez incolumis, quem alij iâ mortuum, alij intra horam moriturum, liberè clamitabant. Ipse verò solius Rosæ beneficio tam se illæsum professus est, vt nec phlebotomiam nec quidquam fomentum sibi adhiberi permiserit.

Antonij de Terrabiâ grādæui mācipij vt lapsus miserabilior, ita mirabilior fuit subleuatio. Huic in extremo ferè agone laboranti Maria de Oliua Rosæ mater concubia nocte assidebat sola. Antonius dum

conatur fessum mutare latus ex lectulo perangusto in pauimentum decidit. Anxia mulier, quod nec seruo moribundo nec sibi vires essent quibus denuo in lectum subleuaretur, filia Rosæ validum, è cælis implorauit auxilium, statimque fide plena vtrumque ponderosæ sarcinæ brachium supposuit, Antonium senem, corpulentum, semianimem, ac si trium mensiū esset infutulus, è solo sola sustollit in lectum, accommodat, operit, ac tum demum admirabunda suomet operi tota adtremit, experta suam sibi Rosam adfuisse.

Claudat hoc Capitulum Rosa veneni coelica excantatrix. Limæ crudelis foemina (: cuius nomen in processu vbique subticetur :) maritum suum extremè oderat, & vt ignarum è medio tolleret, clam ei toxicum in potu commiscuit, sed præualidum quod antequam possent remedia circumspici breui mora hominem extingueret. Vix maritus pestem auferat, cum intercepto anhelitu tympani instar extumuit, mox deliquio abreptus aluo in fluxum soluta sudauit algidus, tremuit, distortisque oculis nil nisi mortis ultimos spirabat angores. Verum sic per horæ quadrantem periclitanti opportunè incidit Rosæ memoria, & dum virus per viscera cordi adserpebat, extremo conatu se colligens erupit clamorosè in has voces : *Sancta Rosa succurre, & Nouenam polliceor.* Expauit ad Rosæ implorationem vxor venefica, iamque veneni sui effectum desperans seipsam lethali vulnere

sau-

sauciauit. Maritus absque alio alexi-
pharmaco venenum eluctatus, postridie
lectum deseruit, ac promissi memor ad
Virginis sepulchrum properauit.

C A P V T I V.

*Rosæ defunctæ cingulum, zela, par-
ticulæ vestium, agris, partu-
rientibus, debilibus medi-
cinam distillant.*

A Sanato morbo capitis Capitulum
istud ordiamur. Eleonora Ruiz de
Saudosa discruciabatur atroci cephalæa,
sed ne iubilæi lucrum amitteret, à Rosæ
(: quæ pridie sepulta fuerat) sacro pha-
go recta ad ædem Metropolitanam sibi
eundum fuit. Iuit, sed prius infirmo
capiti particulam ex Rosæ vestimentis
imposuerat, subq; huius galeæ fiducia iter
ingressa postquam in summa Æde nonni-
hil confederat, aduertit omni se capitis
dolore penitus liberatam.

Philippa de Vargas ex intolerabili æ-
stu febrium simul toto sincipite diris ve-
lut aculeis incessanter dispungebatur: tan-
dem ex Rosæ reliquijs particulam vertici
applicuit & obdormuit: euigilans non
solis doloribus capitis sed & tota febrium
vexa se reperit penitus liberatam.

Luciam à SS. Trinitate Sanctæ Catari-
næ Senensis Monasterio Præfectam à dex-
tro tempore grauis torquebat cranij do-
lor, cum intemperie cerebri & guttosa
de-

defluxione: sed ubi modicam ex Rosæ habitu laciniam affectæ parti applicuit, illomet instanti distillationem stitit, dolorem fugauit. Eadem sub noctis conticinio quondam repentinis stomachi vulsionibus tortâ, ac penè exanimis, subito ut dictam particulam pectori affricuit, tormina sedauit.

Marina de S. Ioseph Excalceata monialis improviso in terram lapsu oculorum, neruos utrimque grauiter offenderat, ut neque dextrorsum neque laeuorsum oculos potuerit conuertere, simulque in iisdem continuus sauebat dolor. Tandem ex Rosæ reliquijs frustulum arripuit, & experiar (inquit) num reuera ea sit sanctitas Rosæ quæ passim deprædicatur. Idem temporis momentum fuit, quo frustulum oculos attigit mobilesq; & sanos reliquit, neque vel stupor illis, vel dolor umquam rediit.

Virgo Lucia de Montoya ab ineunte pueritia fœdo ac fluído marcere oculorum non sine excitationis periculo liepiebat. Aciei infirmitas ac palpebrarum iugis dolor puellam nec in apicem diei prodire nec candelarum lumini propius accedere permittebant. Augebat morbum perpetua cephalæa; quibus incommodis dum solito molestius die quadam granaretur, à Rosæ indumento remedium ingenti fide quasiuit & reperit. Habebant domi inter pretiosiora cimelia particulam pallij quod Rosam adhuc mortalem amicerat; hanc Lucia capiti reuerenter ad-mouit, & eadem oculos defricuit, & illo

temporis puncto simul cum lippitudine & omnem capitis dolorem absterxit, inquit & miraculi fidem ipso adhuc suæ curationis die acum arripuit, & ante vesperam subtilioris telæ quatuor quadra consuendo absoluit: imò exinde oculos semper tam limpidos clarosque habuit, vt videretur numquam antea lippuisse.

Apud Isabellam de Mendoza tenebrosus cecutiebat triennis paruula Margarita nomine. Hæc altero oculorum (: cui nubecula infederat) omnino cæca, altero obscure & vix modicum nictitando videbat; collyrijs nil proficientibus credebatur paulatim omni videndi facultate caritura. Eius hera (:nam puella seruilis conditionis erat) sæpius protestabatur, Margaritæ suæ mortem quàm vitam vtiliorem fore; siquidem ab anno & amplius claræ lucis impatiens clausis plerumque oculis per ædes oberrabat. Quodam vespere cubitum itæram domesticæ sceminæ cælitæ Rosæ commendarunt, & particulam virginei indumenti fascia inter oculos puellæ alligarunt, sicque fasciatam composuere in lectulo. Manè factò, dum reducta fascia oculos Margaritæ inspiciunt, primò notant euanuisse nubeculam, deinde in altero oculo miratæ sunt claritatem: denique compererunt hinc cæcitatem inde visus debilitatem prorsus ablatam, paruula enim acie vtriusque firma & irretorta sudum exinde acrem lucemq; intuebatur cum voluptate.

Ioannæ de Velasco mordax è capite salugo gingiuas impleuerat, inde acerbissi-

bilissimus dentium dolor miserā nec somnum capere, nec vlllo patiebatur loco consistere. Dilatabatur crescens malum, angabatur languens Ioanna: donec recordata particulam ex Virginis Rosæ lineo velo se habere, eam ori applicuit, & subito omnis abscessit dolor, successit somnus, & euigilans mane Ioanna se sanam demirata est.

Viduæ Ludouicæ Faxardo morbus caducus binas proles, masculam annorum xvij. foemellam mensium x. extinxerat. Superfuit trimus filiulus nomine Franciscus de Contreras, quem idem morbus simili parabat exitio, nam puer interdum continuis xv. horis iacebat sine loquela, & sensu, spumans ore, brachijs ac tibijs immane palpitans, interdum & occiput solo illidens. Anxia mater, iamque omni humano diffusa remedio ad coelicam Rosæ pharmacopeiam vltimò recurrit. Particulam scapularis aliunde quasitam obtinuit, arbitrata filio profuturum quidquid olebat *Rosam*. Et sanè profuit: nam vt particulam Francisci tunc fadè spumantis tremulo pectori imposuit, in ictu oculi conqueiuit puer, in se redijt, consedit in lectulo, haustum aquæ petijt, conualuit, nec deinceps vniquam hoc morbo tentatus fuit.

Septennio circiter post felicem Rosæ transitum euoluto Aloysiam de Escobar Sanctæ Clara monialem tormento instabili diseruciabat ignis volaticus, nunc temporā, mox genas, inde oculos aliasque partes non sine periculo oberrans. Variè

diuque sudatum est in remedijs, ac maiori semper damno, fructuque prorsus nullo. Denique Abbatisa seruata ex Rosæ tunica particulā de scrinio protulit, ac vul-tui decumbentis præmissa oratione molli-ter illigauit, sicque per eam noctem quie-scere iussit. Postridie fasciam soluens, to-tam Aloysiæ faciem ardore ac tumore vndeque non secus ac manuum volas reperit liberam, nullo vel minimo vesti-gio hesterni mali residuo. Eidem Aloy-siæ tertiana febris aliquando diros ac ve-herementissimos stomachi dolores inuexe-rat, adeo vt præ conuulsionum angore moltem sibi crederet imminere: sed con-festim, vbi alio quocumque omisso me-dicamine ad Rosam confugit, dictamque particulam stomacho applicuit, simul cum dolore febris abscellit.

Eandem prius opem aduersus erysipe-lam senserat Maria de IESV Excalceata Carmelitana; huic facies tota hoc inflam-mata morbo tumuerat, simul reliquum corpusculum febres exurebant. Denique vt ægrotanti modica ex Rosæ indumento laciniola fuit applicata, desedit tumor, te-puere infesti calores, vt infirma mox som-num capere potuerit, è quo sana extin-ctis cum erysipela febribus euigilauit.

Anno quo Rosa in coelestem Sponsi Paradisum transplantata fuit, Ioannem Rodriguez Samanes pictorem asthma in-uerteratum pene stringendo suffocabat. A triennio ferox malum pulmonibus & brō-chis ponderosè tenaciterq; infederat, nec nisi per tusse & raucos sibilos ægerrimam

spi-

spirandi facultatem oppressio pectori indulgebat. Opportunè Maria de Mesta, quasdam Rosæ reliquias (:) à quibus ipsa pluries salutem hauserat, infirmo suo domestico obtulit, quando arctius laborabat. Has pectori deuota fide adhibuit iuuenis, dormiuit quietissimè thorace libero ac sine ronchis; expergefactus sensit laxata, vndique pulmonum vincula, nec vllam deinceps grauioris anhelitus in se comperit molestiam aut pressuram.

Fr. Ioannes Garzia laicus Ord. Præd. quarto post Rosæ obitum die superiorum iussu hortensem Virginis cellulam intrarat, asportaturus inde modicum scabellum, cui Rosa dum vixit insidere solitaria consueuerat. Verum ostioli angustia videbatur scabello negare exitum, vnde laicus mucrone quem attulerat, assulatim cœpit obstantia ligna incidere, sed dum festinus instat operi, ferrum incautus sinistræ manui immerfit, ea profunditate, vt vnà cum cute lacera caro penderet à iunctura. Exterruiť circumstantes atrocitas vulneris, nā vbertim manabat cruor, & ex hiatu ambiguum erat spectantibus, numquid fortè neruorum aut venarum vna truncatum fuisset. Solus non expauiť saucius Ioannes, præsentis remedij conscius, & habeo (: inquit) efficax certumque cataplasma, quòd illicò mihi sanabit manum. Simulque è sinu protulit recisam ex lineo Rosæ velo particulam, qua sinistram extemplò obuolutā adstrinxit fasciis, ea fidei securitate & constantia, vt inde mox in cellulam redierit, reli-

S 3

quum

quum operis perfecturus. Vix horulam illic exegerat, cum rursus ad expectantes prodiens vltro dissoluit fasciam, ostendit manum vndequaque sanam, incolumem, nec iam alterius chirurgi ope indigentem.

Pictoris Angelini Medori coniugem Mariam de Mesta viginti circiter diebus exhauserat copiosi sanguinis fluxus admodum periculosus. Memor tandem, se ex Rosæ candidis indumentis reliquias possidere, has reuerenter deosculans & Virginis intercessionem efflicti se commendans periculum euasit, pristinis viribus actutum restituta. Eidem alias fluida è capite distillatio scapulam immensis cruciatibus vellicabat, nec segnius in occipite sauebat cephalæa, sed eiusdem particulae beneficio post imploratum Rosæ auxiliū morbus vterq; fugatus est. Grauius aliquando foeminam afflixit inflati cruris acutus dolor, vt per quindenam & amplius nec interdiu vsquam potuerit consistere, nec somnum etiam breuissimum noctu libare; recursum ad solitum Rosæ virtutis emplastrum, & applicitis cruri Virginis reliquijs cessit inquietudo & dolor, succellit cum placidissimo somno perfecta & stabilis valetudo.

In conuallibus Chinchæ Magdalena Chimasso Inda ex Regulorum Chincensium (quos *Caciquos* vocant) nobili prosapia viro Hispano Francisco Morales matrimonio copulata triennium & amplius ab vmbilico deorsum adeo languabat attractione corporis, vt nonnisi

lanato velleri potuerit insidere, nec aliter
quàm cum eo huc-illuc raptanda fuerit,
& ad necessaria corporis officia manibus
domesticorum deportanda: numquam si-
ne his mutare latus, numquam se sponte
erigere visa est. Denique post singentes
sumptus frustra in remedia erogatos è
Chincha Limam in ædes Petri de Vega
se fecit transportari, quòd illic speraret
Medicos peritiores. Nec fefellit opinio:
vix enim per mensem Linæ sic decubue-
rat, quando Rosæ tunc recens sepultæ o-
dor sanctimonix & publica miraculorum
fama quotidie grandior ad ægram hanc
penetrauit. Concepta exinde fiducia
supplex nōnullas Rosæ ad se reliquias de-
ferri petijt. Allatus fuit pertenuis ramuscu-
lus ex palma quam Virgo in mortuali
suo pegmate gestarat exangui manu, item
binæ candidi scapularis & veli particulæ.
Hæc vnà cum sepulchri modico puluere
Magdalena fide ac deuotione qua decuit
sibi arctissimè circumligauit. Sic repen-
tè sopitis doloribus etiam ipsa placido so-
pore totam noctem quietissimè præter
morem exegit. Euigilans tametsi vege-
tas in rediuiuis partibus sentiret vires, di-
mouere tamen reliquias noluit, velut salu-
tiferi effectus plenitudini quietem reli-
quæ illius diei perlubenter indulgens. At
postridie, quidquid repugnarent famuli,
quidquid reclamarent domestici, lecto se
robusta proripuit, vestes petijt, Rosæ be-
neficio se integerrimè sanam constanter
asseuerauit. Dum adstantes horror ac
frigidus stupor defigit immobiles, iam

Magdalena suis insistebat pedibus, mox nemine iuuante liberrimis passibus incedebat per conclaue. Demum ut vestimenta (: quibus pene desueuerat) impetrauit, domo cum honesto comitatu exijt, rectaque ad Sancti Dominici Ædem solidis gressibus properauit, vbi visitato Rosæ sepulchro domum, inde post mensem ad suos in patriam alia quàm exierat redijt.

Mariam de Morales viduam Marci Antonij non sola neruorum attractio, sed insuper varij aliorum membrorum cruciatus integro quinquennio acerbissimè diuexabant; nec hilum profuere remedia quæ plurima tanto temporis ærisque impendio conquisierat. Tandem particulam ex Rosæ indumento sibi residuam alacri fide manuque arripuit, hac subitò neruos attractionis vinculo exsoluit, inde per reliqua membra eandem circumferens quò successiuo ordine loca dolorum obibat contingendo, languor & cruciatus illicò fugiebant, donec ad extremum se vndique totam mirata est sanam.

Alphonfi Braui legitimæ coniugi Andree de la Massa tussillas & guttur atrox angina reliquum corpus ardentissimæ febres periculosè inflammabant. Accesserat vehemens prurigo, qua semper unguis in vlcere, nunquam somnus comparebat in oculis. Habebat domi villosam pelliculam quæ quondam Rosæ apoplecticæ obuoluerat brachium. Hanc igitur fiducia reuerenti corripuit, molesto pruritu vbi fortius urebat applicuit, toto hunc

corpore successuè depulit, eodemque simul affricu tam febrium quàm anginae suae incendia restinxit.

Vxor Basilij de Bargas Francisca del Pulgar à partu repente mariscarum vlcerosi tuberculis grauissimè torquebatur. Nec malo inueniebatur remedium, nec à malo requies. Demum anulo osseo quem à Rosa acceperat, salutem debuit, hunc enim vt digito indidit, confestim morbus euauuit, nec in reliquis partibus (: nam saepius deinde peperit) vlli mariscarum mordacitati subiacuit.

Didaco de Requena domi æger decubebat filius, æstu febrium & continuo incipitis dolore pene exanimatus, parenti ad manum erat Rosæ cingulum quo Virgo postremis vitæ annis tunicam adstrinxerat. Hoc filio præbuit sæuiente paroxysmo temporibus circumponendum. Paruit ille, caputque vbi acutiùs dispungebatur cinxit, & vnico hoc ceromate febrim simul cum cephalea abegit.

Andrean Lopez à multo tempore per molesta quamquam occulta premebat infirmitas, nec morbi genus in Processu exprimitur, nisi quòd multum diuque ægrum affligerit. Verum vt ad Rosæ opopanaceam confugit, eiusque calceamenti ligulam prauia oratione sibi applicuit, & vestigio morbus abscellit.

I Prouinciæ de *Guailas* in Regno Peruanò Gubernator præerat D. Antonius de Contreras, eoque titulo vicum *Lungas* cum vxore Blanca de Zuniga incolebat. Hæc in octauum mensem grauida sensa

manifestis indicijs fœtum in vtero suo immobilem defuisse viuere. Dum inter ea discrimina ac pauores Blanca in quintum vsque diem miserrimè distabescit, opportunè marito Gubernatori adferuntur è Lima nonnullæ ex Rosæ vestimentis reliquiæ, quas veteri amico Didacus de Cãtoral mox ab obitu Virginis dono miserat. Has subito Antonius periclitanti coniugi apportans vt (: præmissa Rosæ deuota imploratione) ventri imponeret facile persuasit. Vix mulieris vterum reliquiæ attigerant, cum intra breue spatium quod recitandæ semel Angelicæ Salutationi sufficeret, enixa est infantem mortuum ac putrido virore totum subliuidum. Paulò post effudit etiam secundas, comite fœtore qui adstantes penè exanimabat. His sarcinis planè mortiferis exonerata Blanca respirauit, & quæ suscepto poenitentiæ Sacramêto iã sese morti certissimæ prepararat, intra pauculos dies abacta febris lectum deseruit, integreque valetudinis beneficio diu potita est. Eadem alia vice, cum partu infeliciori fœtum quadrimestrem abortiuisset, retentis in vtero secundis, per duos menses & quinque diestantam vim corrupti sanguinis protrusit aluo, vt prope actum de sua vita existimarit. Memor itaq; opis quam aliàs Rosâ præstiterat, rursus ad eam supplici deuotione respexit, nouenam ad eius sepulchrum Lime peragere, & utrūque miraculum publico euulgare testimonio pollicita. Et ecce, postridie cum ingenti fœtidi cruoris profluuiò vnâ prodire

dierē secundā iam putrefactā, sensitque Blanca, iterum se morti ereptam, & Liam profectā votum exsoluit.

iv Felicius Rosæ obstetricantem sibi in partu experta est opem Bernarda de la Sierra, vxor Ioannis de Quixano Zeuallos. Hæc ad portum Gallao marito cohabitans, ipsa die, exequiarum defunctæ Rosæ anno 1617. cœperat angisæuis puerperij doloribus quorum vi proles in vtero transuersim acta, dum neque retineri neque emitti potest, se vnā cum matre præsentissimæ mortis laqueo implicabat. Iam foras prodierat intestinum (: euidens imminentis lethi indicium :) & adhuc detorta infantis obliquitas suamet obstabat genesi, propiusque exitum quā exitum reperiēbat. Frustra pauidæ obstetrices vltimum suæ artis tentarant quò prolem aptarent ad egrēsum; iam Bernarda inter summos cruciatus tam sibi quā soboli illum diem ominabatur extremum, quando improuisus Ioannes de la Massa Bernardæ maritum domi conueniens dixit se Lima pau- culas ex Rosæ vestibulis adferre particulas. Confestim tota domus in spem erigitur, parturientis germana soror Maria de la Sierra susceptis reliquijs periculō aduolat, Bernardæ quid ferat raptim exponit; concipitur firma in Rosæ opem fiducia, funditur breuis precatio, imponitur ventri periclitantis allata particula, & subito nullis obstetricum suppetijs dirigitur sponte in vtero proles ad exitum, nascitur facilitate prospera,

vixit, valuit, adoleuit, pueroque in baptismo nomen fuit Petrus de Quixano. Nec silendum, quod in dextra nascentis palpebra conspicue apparuit rosa ad vivum effigiata, diuque velut beneficii indelebile sigillum remansit.

1 Mercator Basilius de Vargas Hispanensis dum negotiorum causa ab emporio Linnensi Potosium tendit, per viam grauatatur ex incipite iugibus stillicidijs, quorum acrimonia sensim naribus cancrenam minabatur, & iam quinque mensium spatio mordax humor eò usque inualuerat, ut os nasi perfregerit, coeperitq; cartilaginem (non sine cruciatu depascere. Nec ullum voraci malo inteniebatur remedium, donec ad Rosæ pharmacopeiam, anxia pulsaret deuotio. Habebat vxoris dono Basilius modicum lanæ ex puluillo in quo Rosa nere aut flores acu pingere consueuerat. Hanc rudij papyro obuolutam ut fronti obligauit, fontem corrosive defluxionis funditus exsiccauit, & plenè conualuit. Erat huic Basilio collybistes Didacus de Burguinis natione Cantaber, qui anno 1619. in eodem vico Potosij quadam ignoti defluxus intemperie sensit sibi guttur intus adstringi & foris extumescere. Nullę proderant vnctiones, nulli tenacissimum phlegma, sindebant gargarysmi, quin nocte quadam propemodum intercluso anhelitu suffocaretur. Ergo à Basilio pugillum lanæ (: de qua supra :) petiit, collo circumligauit, & inuocato Rosæ auxilio reliquam noctis quieuit. Manè à contraber-

bernali suo repertus est iugulo catharris
liberrimo, tumor omnis descenderat, respi-
randi patula redierat facultas, statimque
Basiliq sua restituta est lana, de qua illud
inter alia dignum est notari, quòd cu-
ius-nam aut villi aut velleris ea sit discer-
ni haud possit, natiuo colore nec bomby-
cem refert nec gossypium, sed sparsis auri
fulgoribus filatim interlucet, denique
creditur ex eo puluillo esse, in quo nen-
ti Virgini pusillus IESVLVS aliquando
familiariter solebat assidere,

C A P V T V.

*Rosa sepulchro exemptus puluis dy-
senteriam, synanchen phrenesim,
cancrum, herniam, febres, pa-
pulas, aliaq; id genus caco-
syntheta mirabili-
ter curat.*

ALtiùs nonnihil hic repetenda sunt
aliqua. Limensis SS. Rosarii Con-
uentus, vt Religiosorum abundat nume-
ro, (: plures trecentis plerumque
numerantur :) ita sepeliendis tot Fra-
trum successiue decedentium cadaveri-
bus nimis arctum foret vnice capitularis
domus spatium, nisi de industria talis a-
liunde terra illuc fuisset illata, quæ citis-
simè funera sepulta absorbat, vt subsequen-
tibus locum concedant. In hunc usum
procul ab agro Panamæ nauigijs aduecta

gleba totum illius Capituli pauimentum profundè infarfit, terra mollicula, tenuis, soluta, & arenosa, sed innato calore subtiliter vorax; quo fit, quòd illata corpora mox depulpet ossumque duritiem extemplò resoluat. Talis erat quæ ibidem virgineum Rosæ corpusculum excepit. Sed mirum dictu, vnico totoque illo spatio vbi sacrum istud cadauer immissum fuit, gleba mutauit indolem, ac ferè pumicea soliditate in se coacta obduruit, vt solum ibi digitis leuique manu teri aut frangi nequeat, quin ferro opus sit vt excauetur. Non sic reliqua illius cemeterij suburra, tritu facillima, tractabilis, fluida.

Porro in hoc Rosæ cenotaphio ad perennæ humani generis beneficium viuam salutiferi pulueris latere scaturiginem id argumento fuit, quòd anno 1632 post exportatos inde totoque Regno distributos terrarum cophinos (: & quidem ab ea distaxat parte foueæ, vbi caput Virginis collocatum erat :) vix tria vel quatuor pondocauo scrobiculo eruta videbantur: & cum P. F. Bernardus Marques pauculis ante diebus totum immisisset brachium, foramini, paulò post succrescente intus puluere vix manum immergere totam potuit. Nunc ad curationum historiam.

Decennem Æthiopissam, 50. argenteis Rosa emerat pro parentum domesticis seruitijs. Mater abhorrebat inutile mancipium, vtpote varijs languoribus ac præferim crebræ dysenteriz obnoxium. At Rosa bono esse animo iussit, adfore tēpus, quo

quo puella Diuino beneficio integrè conualefceret. Adfuit certè, verùm poſt Roſæ obitum, quando petitus de Roſæ cenotaphio puluis ancillulæ datus eſt cum frigida epotandus. Bibit, & continuò à morbis omnibus ſanata eſt.

Sexenni virgini Iosephæ de Zarate miſculos gutturales atrox vndique inflammabat ſynanche, vt nec cibum glutire, nec os ſine tormèto potuerit aperire. Adnucatur chirurgus Ortega, qui vlcere inſpecto cancrenam ſe plagæ inſinuaſſe deprehendit, negauitq; puellam curari poſſe, nam eroſæ carnes frutillatim vlceri excidebant, atque in dies ſerpebat malum. Anxia mater filiolæ ſalutem opidò complo ratam Roſæ ardenter commendauit, inde paxillum terræ quam de Virginis ſepulchro in hunc vſum auia Iosephæ attulerat, in aqua diſſoluit ægræque adhibito cochleari inſudit. Puella vnico hauſtu facilimè traiecto ſtatim liberrimo hiatu os diduxit: iamque bene ſibi eſſe affirmauit, ac cibum petiit. Mater vt cum auia parulas fauces diligentius inſpexit, cancrenam mortificatam reperit, plagæ magnitudinē demirata. Interim Iosepha eſculētis (que allacriter glutiebat) reſecta ſine alterius mēdelæ adminiculo conualuit, promiſſamque Nouenam fideliter exſoluit.

In Limenſi Sanctæ Claræ Monasterio Soror Grimaneca de Valuerde duplicis tertianæ ardoribus, & copioſo ſanguinis profluuiο poſt inſomnem xv. dierum & nocturnum inquietudinem ſibimet erepta miſerrimè delirabat, ſolum expectabatur lucidum

cidum mētis interuallum vt extremis cōmuniretur morientium sacramentis, nam Medici vitæ horas nonnisi octo ei residuas esse constanter asseuerabant. Igitur Abbatissa Isabella de la Fuente ad celi præsidia confugiendū rata in vnius Rosæ thau-maturgis fauoribus spem fixit, corrasos de Virgini sepulchro pulueres ingenti fide produxit, Confessori innuit, vt eos in puram lympham excussos infirmæ bibendos porrigat. Factum est, & en Grimaneca repente sibi reddita primò sensit aruisse penitus cruenta profluvia, inde & febres deferuescere, sicque nullo alio tentato remedio post placidum soporem postridie mente & corpore sana fuit.

Ibidem Soror Raphaëla de Esquiuel æstu bilioso torrida, & insuper arctata faucium angustijs dum nimijs phlebotomijs, & euacuationibus exhauritur, vnà iudicij mentisque sanitatem perdiderat. Desperata à Medico iussa est è communi valedudinario in aliud conclaue deportari, vt à frequentiori alloquio libera vltimis Sacramentis percipiendis (: si fieri posset) quietius aptaretur. Illic puluerem è Rosæ sepulchro dilutum aqua bibendum porrexerit sollicita custos, & subito discussa phrenesi resipuit Raphaëla, cibum petijt, liberisque faucibus alacriter manducauit, ac sine alio remedio integerrimè conualluit.

P. F. Ferdinandus de Esquiuel Ord. Prædicatorum Limensis cœnobij ad S. Mariæ Magdalenæ Subprior ab utroque peritonæi latere diram passus rapturam, hernia

hernia (:quam enterocelam vocant:) acerbissimè vexabatur, vt nec prædicare, nec iter agere potuerit, quantiscumque subligaculis ac fascijs conaretur dependula in scrotum viscera coarctare. Hoc ærumnoso tormento semilacer at non minùs fidelacer vespere quodam Rosæ tumbam adiit, deuotè orauit, terramque inde arreptam inguinibus applicuit, nec ab illo temporis momento pristini doloris vllū notare potuit vestigium; quin resumpto prædicationis officio ad laborem vegetior induruit, equitaturus à terra in sellam agilissimè se librauit, quatuor millia leucarū terra marique sine impedimento aut herniæ sensu robustè confecit, liber à ligaculis, vbi quotidianæ precis votiuo penso se illigarat.

Virginem Annam Cortes ex continua duorum mensium feбри simul in costarum membrana pleuritis, totoque sparsæ corpore liuentes papulæ (: quas dicunt enipnyctidas:) lethaliter dispungebant: omnem cibi potusque orexim grauis nausea peremerat; soporis & quietis spes aberat, laxis passibus ibatur ad mortem. Mater cum filiarum altera Laurentia Cortes humanis remedijs frustra tentatis respexere demū ad celestia: puluerem (: quem olim dum è sepulchro Rosæ collegerat, suauissimè fragrare notarat :) protraxit è scrinio, eandemque tunc suaueolentiam denuo percipiens in spem obtinendi auxilij fortior affurrexit. Antè infirmæ lectulum pro cubuere ambæ in genua, & in honorem Rosæ orationem Dominicam cum Angelica

Salu-

Salutatione recitarunt. Inde mater infusos aquæ pulveres languenti præbuit exhauriendos. Haussit, plus solito incaluit, quiescit, ac postridie discussa pleuritide, abacta febris, deterfis papulis Anna incolumis surrexit.

Costam Stephano de Cabrera fortuitus lapsus perfregerat : tumebat infirmo quasi saturatus latus, feruebat per incrementa somnumque adimebat horribilis dolor. Sed statim ut Rosei sepulchri terram offensæ parti imposuit, placidè consopitus totam noctem quieti indulgit. Manè ut se doloribus liberum sensit, inspecto ac palpato latere omnem pariter fugisse tumorem lætus deprehendit.

Catarinam de Sancta Maria Ordinis S. Dominici monialem Tertiariam diuersa graviorum morborum genera penè membratim à quadriennio occupant. Costarum tormento accreuerant dolores ischiadum, cor quotidie septies vel octies suis cruciatibus laborabat, stomachus bis per diem flaccescebat in deliquium, ut subito ad auroram festinato ientaculo fuerit instaurandus, reliqua viscera torrebat lentus calor, ac præcipuè caput crebris accendebatur ardoribus, denique ex profunda melancholia contumax & adusta grauedo sensim vergebat in tabem. His malis pressa Catarina tertio post Rosæ depositione die accessit ad tumulum, preces fudit cum lachrymis, pulveres scypho intritos ebibit, primòque sensit depulso melancholiæ tabifico pondere cor suum hilarescere & confirmari, mox & capitis restingui ardor-

res quos tunc patiebatur intensissimos, de-
mum eadem hora totum illud multipliciū
morborum collegium cessit. Roseo pulue-
ri, feminamque reliquit valentem & per-
fectè sanam .

Simillimam ab his pulueribus experta
est opem. Isabella de Peralta in. Limensi
SS. Incarnationis Monasterio professa
monialis, quā ab annis xx. præter assiduos
præcordiorum dolores apoplexia (:maxi-
mè brumali tempore) quotidie exagita-
bat; sed illico ut cordi palpitabundo mo-
dicum illius terræ applicuit utroq; mor-
bo se explicitamprehendit .

Ibidem. Beatrix de Montoya Sactimo-
nialis stomachi dyspepsiam annis xx. passa
demum conuulsionum atrocitate ad ex-
trema properabat, iamq; vltimis sese mu-
nierat Sacramentis, certa mori, nisi traie-
cto in stomachum terræ illius haustu simul
omnem inueterati doloris equuleum mi-
raculo perfregisset .

Presbyter Mauritius Rodriguez dicti
Monasterij Confessarius importuna vexa-
batur capitis vertigine ac cephalea, nullū-
que è pharmacopeia omisit remediorum
genus: at tandem didicit morbo suo vnicū
Rosæ sepulchrum pharmacopeiam esse .
Inde igitur allatum puluerem non modò
hausit, sed & vertici infricuit, vnāque &
vertiginem & dolores fugauit .

Virgini Lucie de Mōtōya habat pro-
funda in umbilico plaga magnitudine ar-
gentei philippi: at huic ubi Lucia modi-
cum terræ è sepulchro Rosæ insperxit, tri-
dui spatio plaga coaluit, relictā sola in-

bene-

manifestis indicijs fœtum in vtero suo immobilem desisse viuere. Dum inter ea discrimina ac pauores Blanca in quintum vsque diem miserrimè distabescit, opportunè marito Gubernatori adferuntur è Lima nonnullæ ex Rosæ vestimentis reliquiæ, quas veteri amico Didacus de Cãtoral mox ab obitu Virginis dono miserat. Has subito Antonius periclitanti coniugi apportans vt (: præmissa Rosæ deuota imploratione) ventri imponeret facile persuasit. Vix mulieris vterum reliquiæ attigerant, cum intra breue spatium quod recitandæ semel Angelicæ Salutationi sufficeret, enixa est infantem mortuum ac putrido virore totum sublimidum. Paulò post effudit etiam secundas, comite fœtore qui adstantes penè exanimabat. His sarcinis planè mortiferis exonerata Blanca respirauit, & quæ suscepto pœnitentiæ Sacramêto iã sese morti certissimæ prepararat, intra pauculos dies abacta febris lectum deseruit, integreque valetudinis beneficio diu posita est. Eadem alia vice, cum partu infeliciore fœtum quadrimestrem abortiuisset, retentis in vtero secundis, per duos menses & quinque diestantam vim corrupti sanguinis protrusit aluo, vt prope actum de sua vita existimaret. Memor itaq; opis quam aliàs Rosâ præstiterat, rursus ad eam supplici deuotione respexit, nouenam ad eius sepulchrum Lime peragere, & utrūque miraculum publico euulgare testimonio pollicita. Et ecce, postridie cum ingenti fœtidi cruoris profluuio vnâ prodire

dierē secundā iam putrefactā, sensitque Blanca, iterum se morti ereptam, & Liam profecta votum exsoluit.

— Felicius Rosā obstetricantem sibi in partu experta est opem Bernarda de la Sierra, vxor Ioannis de Quixano Zeuallos. Hæc ad portum Gallao marito cohabitans, ipsa die, exequiarum defunctæ Rosæ anno 1617. cœperat angisæuis puerperij doloribus quorum vi proles in vtero transuersim acta, dum neque retineri neque emitti pōtest, se vnā cum matre præsentissimæ mortis laqueo implicabat. Iam foras prodierat intestinum (: euidens imminentis lethi indicium :) & adhuc detorta infantis obliquitas suæmet obstabat genesi, propiusque exitum quā exitum reperiebat. Frustra pauidæ obstetrices vltimum suæ artis tentarant quò prolem aptarent ad egressum; iam Bernarda inter summos cruciatum tam sibi quā soboli illum diem ominabatur extremum, quando improvisus Ioannes de la Massa Bernardæ maritum domi conueniens dixit se Lima pauculas ex Rosæ vestibulis adferre particulas. Confestim tota domus in spem erigitur, parturientis germana soror Maria de la Sierra susceptis reliquijs periculo aduolat, Bernardæ quid ferat raptim exponit; concipitur firma in Rosæ opem fiducia, funditur brevis precatio, imponitur ventri periclitantis allata particula, & subito nullis obstetricum suppitijs dirigitur sponte in vtero proles ad exitum, nascitur facilitate prospera.

vixit, valuit, adoleuit, pueroque in baptismo nomen fuit Petrus de Quixano.

Nec silendum, quod in dextra nascentis palpebra conspicuè apparuit rosa ad viuum effigiata, diuque velut beneficii indelebile sigillum remansit.

Mercator Basilius de Vargas Hispanensis dum negotiorum causa ab emporio Linnenfi Potosium tendit, per viam grauiatur ex incipite iugibus fillicidijs, quorum acrimonia sensim naribus cancrenam minabatur, & iam quinque mensium spatio mordax humor eò vsque inualuerat, vt os nasi perfregerit, coeperitq; cartilaginei non sine cruciatu depascere. Nec vllum voraci malo inueniebatur remedium, donec ad Rosæ pharmacopeiam, anxia pulsaret deuotio. Habebat vxoris dono Basilius modicum lanæ ex puluillo in quo Rosa nere aut flores acu pingere consueuerat. Hanc rudi papyro obuolutam vt fronti obligauit, fontem corrosive defluxionis funditus exsiccauit, & plenè conualuit. Erat huic Basilio collybistes Didacus de Burguinis natione Cantaber, qui anno 1619. in eodem vico Potosij quadam ignoti defluxus intemperie sensit sibi guttur intus adstringi & foris extumescere. Nullę proderant vnctiones, nulli tenacissimum phlegma, sindebant gargarysmi, quin nocte quadam propemodum intercluso anhelitu suffocaretur. Ergo à Basilio pugillum lanæ (: de qua supra :) petiit, collo circumligauit, & inuocato Rosæ auxilio reliquam noctis quieuit. Manè à contu-

ber-

bernali suo repertus est iugulo catharris
liberrimo, tumor somnis defederat, respi-
randi patula redierat facultas, statimque
Basilio sua restituta est lana, de qua illud
inter alia dignum est notatu, quod cu-
ius-nam aut villi aut velleris ea sit discer-
ni haud possit, natio colore nec bomby-
cem refert nec gossipiuni, sed sparsis auri
fulgoribus filatim interlucet, denique
creditur ex eo puluillo esse, in quo nen-
ti Virgini pusillus IESVLVS aliquando
familiariter solebat assidere,

C A P V T V.

*Rosa sepulchro exemptus puluis dy-
senteriam, synanchen phrenesim,
cancrum, herniam, febres, pa-
pulas, aliaq; id genus caco-
syntheta mirabili-
ter curat.*

ALtius nonnihil hic repetenda sunt
aliqua. Limensis SS. Rosarii Con-
uentus, ut Religiosorum abundat nume-
ro, (: plures trecentis plerumque
numerantur :) ita sepeliendis tot Fra-
trum successiue decedentium cadaueri-
bus nimis arctum foret vnicae capitularis
domus spatium, nisi de industria talis a-
liunde terra illuc fuisset illata, quæ citis-
simè funera sepulta absumat, ut subsecu-
turis locum concedant. In hunc usum
procul ab agro Panamæ nauigijs aduecta
gleba

gleba totum illius Capituli pauimentum profundè infarfit, terra mollicula, tenuis, soluta, & arenosa, sed innato calore subtiliter vorax; quo fit, quòd illata corpora mox depulpet ossumque duritiem extemplò resoluat. Talis erat quæ ibidem virgineum Rosæ corpusculum excepit. Sed mirum dictu, vnico totoque illo spatio vbi sacrum istud cadauer immissum fuit, gleba mutauit indolem, ac ferè pumicea soliditate in se coacta obduruit, vt solùm ibi digitis leuique manu teri aut frangi nequeat, quin ferro opus sit vt excauetur. Non sic reliqua illius cemeterij suburra, tritu facillima, tractabilis, fluida.

Porro in hoc Rosæ cenotaphio ad perennæ humani generis beneficium viuiam salutiferi pulueris latere scaturiginem id argumento fuit, quòd anno 1632 post exportatos inde totoque Regno distributos terrarum cophinos (: & quidem ab ea diraxat parte foueæ, vbi caput Virginis collocatum erat :) vix tria vel quatuor pondocauo scrobiculo eruta videbantur: & cum P. F. Bernardus Marques pauculis ante diebus totum immisisset brachium, foramini, paulò post succrescente intus puluere vix manum immergere totam potuit. Nunc ad curationum historiam.

Decennem Æthiopissam, 50. argenteis Rosa emerat pro parentum domesticis seruitijs. Mater abhorrebat inutile mancipium, vtpote varijs languoribus ac præsertim crebræ dysenterix obnoxium. At Rosa bono esse animo iussit, adfore tēpus,

quo puella Diuino beneficio integrè conualesceret. Adfuit certè, verùm post Rosæ obitum, quando petitus de Rosæ cenotaphio puluis ancillulæ datus est cum frigida epotandus. Bibit, & continuò à morbis omnibus sanata est.

Sexenni virgini Iosephæ de Zarate multos gutturales atrox vndique inflammabat synanche, vt nec cibum glutire, nec os sine tormèto potuerit aperire. Aduocatur chirurgus Ortega, qui vlcere inspecto cancrenam se plagæ insinuasseeprehendit, negauitq; puellam curari posse, nam erosæ carnes frustillatim vlceri excidebant, atque in dies serpebat malum. Anxia mater filiolæ salutem opidò complo ratam Rosæ ardentè commendauit, inde paxillum terræ quam de Virginis sepulchro in hunc vsum auia Iosephæ attulerat, in aqua dissoluit ægræque adhibito cochleari infudit. Puella vnico hauustu facilimè traiecto statim liberrimo hiatu os diduxit: iamque bene sibi esse affirmauit, ac cibum petijt. Mater vt cum auia parulas fauces diligentius inspexit, cancrenam mortificatam reperit, plagæ magnitudinē demirata. Interim Iosepha esculētis (que allacriter glutiebat) resecta sine alterius medelæ adminiculo conualuit, promissamque Nouenam fideliter exsoluit.

In Limensi Sanctæ Claræ Monasterio Soror Grimanea de Valuerde duplicis tertianæ ardoribus, & copioso sanguinis profluuiò post infomnem xv. dierum & noctium inquietudinem sibimet erepta miserrimè delirabat, solum expectabatur lucidum

cidum mētis interuallum vt extremis cō-
muniretur morientium sacramentis, nam
Medici vitæ horas nonnisi octo ei residuas
esse constanter asseuerabant. Igitur Ab-
batissa Isabella de la Fuente ad celi præsi-
dia confugiendū rata in vnius Rosæ thau-
maturgis fauoribus spem fixit, corrasos de
Virgini sepulchro pulueres ingenti fide
produxit, Confessori innuit, vt eos in pu-
ram lympham excussos infirmæ bibendos
porrigat. Factum est, & en Grimaneca re-
pentē sibi reddita primò sensit aruisse pe-
nitus cruenta profluvia, inde & febres de-
feruescere, sicque nullo alio tentato reme-
dio post placidum soporem postridie
mente & corpore sana fuit.

Ibidem Soror Raphaëla de Esquiuel
æstu bilioso torrida, & insuper arctata fau-
cium angustijs dum nimijs phlebotomijs,
& euacuationibus exhauritur, vnâ iudiciij
mentisque sanitatem perdiderat. Despe-
rata à Medico iussa est è communi vale-
tudinario in aliud conclaue deportari, vt
à frequentiori alloquio libera vltimis Sa-
cramentis percipiendis (: si fieri posset)
quietius aptaretur. Illic puluerem è Ro-
sæ sepulchro dilutum aqua bibendum
porrexit sollicita custos, & subito discussa
phrenesi resipuit Raphaëla, cibum petijt,
liberisque faucibus alacriter manducauit,
ac sine alio remedio integerrimè conua-
luit.

P. F. Ferdinandus de Esquiuel Ord.
Prædicatorum Limensis cœnobij ad S.
Mariæ Magdalena Subprior ab vtroque
peritonæi latere diram passus rapturam
hernia

hernia (:quam enterocelam vōcant:)acer-
bissimè vexabatur, vt nec prædicare, nec
iter agere potuerit, quāticumque publi-
gaculis ac fascijs conaretur dependula in
scrotum viscera coarctare. Hoc ærumno-
so tormento semilacer at non minùs fide-
alacer vespere quodam Rosæ tumbam
adiit, deuotè orauit, terramque inde arrep-
tam inguinibus applicuit, nec ab illo tem-
poris momento pristini doloris vllū no-
tare potuit vestigium; quin resumpto præ-
dicationis officio ad laborem vegetior in-
duruuit, equitaturus à terra in sellam agi-
lissimè se librauit, quatuor millia leucarū
terra marique sine impedimento aut her-
niæ sensu robustè confecit, liber à ligacur-
lis, vbi quotidianæ precis votiuo penso
se illigarat.

Virginem Annam Cortes ex continua
duorum mensium febris simul in costarum
membrana pleuritis, totoque sparsæ cor-
pore liuentes papulæ (: quas dicunt enpi-
nyctidas:) lethaliter dispungebant: omnem
cibi potusque orexim grauis nausea pere-
merat; soporis & quietis spes aberat, laxis
passibus ibatur ad mortem. Mater cum
filiarum altera Laurentia Cortes humanis
remedijs frustra tentatis respexere demū
ad cælestia: puluerem (: quem olim dum è
sepulchro Rosæ collegerat, suauissimè fra-
grare notarat :) protraxit è scrinio, eam-
demque tunc suauolentiam denuo perci-
piens in spem obtinendi auxilij fortior as-
surrexit. Antè infirmæ lectulum pro cu-
buere ambæ in genua, & in honorem Ro-
sæ orationem Dominicam cum Angelica

Salu-

Salutatione recitarunt. Inde mater infusos aquæ pulveres languenti præbuit exhauriendos. Haussit, plus solito incaluit, quiescit, ac postridie discussa pleuritide, abacta febris, deterfis papulis Anna incolumis surrexit.

Costam Stephano de Cabrera fortuitus lapsus perfrigerat : tumebat infirmo quassatum latus, feruebat per incrementa somnumque adimebat horribilis dolor. Sed statim ut Rosei sepulchri terram offensa parti imposuit, placidè consopitus totam noctem quieti indulgit. Manè ut se doloribus liberum sensit, inspecto ac palpato latere omnem pariter fugisse tumorem lætus deprehendit.

Catarinam de Sancta Maria Ordinis S. Dominici monialem Tertiariam diuersa graviorum morborum genera penè membratim à quadriennio occupant. Costarum tormento accreuerant dolores ischiadum, cor quotidie septies vel octies suis cruciatibus laborabat, stomachus bis per diem flaccescebat in deliquium, ut subito ad auroram festinato ientaculo fuerit instaurandus, reliqua viscera torrebat lentus calor, ac præcipuè caput crebris accendebatur ardoribus, deniq; ex profunda melancholia contumax & adusta grauedo sensim vergebat in tabem. His malis pressa Catarina tertio post Rosæ depositione die accessit ad tumulum, preces fudit cum lachrymis, pulveres scypho intritos ebibit, primòque sensit depulso melancholice tabifico pondere cor suum hilarescere & confirmari, mox & capitis restingui ardor-
res

res quos tunc patiebatur intensissimos, de-
 mum eadem hora totum illud multipliciū
 morborum collegium cessit. Roseo pulve-
 ri, feminamque reliquit valentem & per-
 fectē sanam .

Simillimam ab his pulueribus experta,
 est opem Isabella de Peralta in Limensi
 SS. Incarnationis Monasterio professa
 monialis, quā ab annis xx. præter assiduos
 præcordiorum dolores apoplexia (:maxi-
 mē brumali tempore) quotidie exagita-
 bat; sed illico ut cordi palpitabundo mo-
 dicum illius terræ applicuit utroq; mor-
 bo se explicitam deprehendit .

Ibidem . Beatrix de Montoya Sāctimo-
 nialis stomachi dyspepsiam annis xx. passa
 demum conuulsionum atrocitate ad ex-
 trema properabat, iamq; vltimis sese mu-
 nierat Sacramentis, certa mori, nisi traie-
 cto in stomachum terræ illius haustu simul
 omnem inueterati doloris equuleum mi-
 raculo perfregisset .

Presbyter Mauritius Rodriquez dicti
 Monasterij Confessarius importuna vexa-
 batur capitis vertigine ac cephalea, nullū-
 que ē pharmacopeia omisit remediorum
 genus: at tandem didicit morbo suo vnicū
 Rosæ sepulchrum pharmacopeiam esse .
 Inde igitur allatum puluerem non modō
 hausit, sed & vertici infricuit, vnāque &
 vertiginem & dolores fugauit .

Virgini Lucie de Mōtōya hiabat pro-
 funda in vmbilico plaga magnitudine ar-
 gentei philippi: at huic vbi Lucia modi-
 cum terræ ē sepulchro Rose inspersit, tri-
 duī spatio plaga coaluit, relicta sola in-

bene-

beneficij memoriam cicatrice .

In Cusco P. Fr. Blasio Acoſta Luſitano Prædicatori generali cõmiſſus fuerat ſermo ſinebris ob felicem Roſæ tranſitum, (: qui ibi tunc innotuerat) prædicandus . Huic, dum incautus thema concionis habendæ ruminat, inter prandendum tranſuerſus in epiglottide bolus ſpiritum intercluſerat . Accurrerunt periculo P. Fr. Ioannes de Agüero Præſentatus, & P. Fr. Thomas Marcos; cumque nec liquidorũ infuſione, nec valida ſucceſſione doſi quidquam dimoueretur bolus, ſemianimè Refectorio extractũ hortati ſunt ad edenda pœnitentiæ ſigna vt ſacramentalem abſolutionem reciperet . Procubuit ille in genua conatus conſiteri, interim Agüerus paxillum huius ſalutiferæ terræ anhelos in aquæ vaſculo obtulit, quo ſumpto ſtatim fatalem bolum exſpuit, ac mortem cuius frigido ſudore iam permaduertat, excreando euasit .

Catarinæ de Artiaga anno 1618. die 21. Martij in plurium matronarum præſentia riui ſanguinis fluxu prodigioſo ſcaturiebant è naribus, videbatur nonniſi cū vita finièdum profluvium, adeo latè paui-mentũ inceſſabilis cruor purpurarat . Denique vna fœminarum terræ illius pugillum fronti Catarinæ illigauit, & illo momento ad primum ſacri pulueris attractum ſterit ſanguis, exaruit ſcatebra, nec deinceps hoc malum redijt . Adſtitere miraculo Notarius, vnusque ex Iudicibus ad examinanda Roſæ prodigia ab Archiepiſcopo deputatis .

Anno 1631. in SS. Incarnationis Monasterio ancillabatur puella Æthiopissa annorum plus minus xxiv. Huius fauces angina accenderat, carnem totam operuerant liuētes papulæ, insuper toto corpore vultuque inflata tympano quā foeminae similior extimuerat, ore, naso, oculis vbertim feda sanies profluebat, & si qua parte leuiusculè attingebatur, decoriabatur, lacera pelle manum sequente. Sic putrescenti nulla spes vitæ supererat, vnde confessione expiata, sacroque munita victico, & vncta oleo solam exspectabat horā qua per tot vlcera emitteret animam.

At Confessarius in se beneficiorum Rosæ conscius hortabatur infirmam tantæ celiti vt se commendaret, missurum se eius sepulchri pulueres, ab his ope Virginis salutem speraret: missos agra liquore superfuso deuotissimè hausit, & in ipso mortis vestibulo conualuit.

Limæ puella innupta carnis voluptatem pudori malè prætulorati instāte partu vix vni Matri suæ delictum fassa, dum caret obstetricibus vt celaret crimen, discrimen vitæ subiit, nec parere valens nec retinere. Pauca Mater binos Religiosos illac fortè transeuntes rogauit, num quid pulueris ex Rosæ sepulchro secum ferrent. Allatum puluerem filia dolorum ac moræ impatiens stictum abliguriuit lambendo, eodem temporis puncto sobolem effudit, crediditque discussum omnino vitæ periculum. Sed Mater secundas in parturientis vtero remansisse aduerterat. Ergo recursum ad eosdem pulueres, & statim
puel-

puella etiam secundas enixa est, sibi & infanti gratulata incolumitatem.

Ibidem (:at lôgo post tempore) Æthiopissa olitrix multis horis euentu ancipiti ac pene complorato laborabat in partu: casu id rescuit Mauritius Rodriquez Presbyter per forum olitorium transiens, suasitque Eleonore de Villa forti, vt periclitanti sociæ terram è Rosæ tumulto petitam celeriter apportaret. Factum est, statimque vt parientis ventrem terra imposita attigit, fœtus breui ac facillimo nixu erupit, matremque periculo simul & onere liberauit.

Anno 1631. FF. Antonius Montoya & Ioannes de Estrada sacris Ordinibus initiandi mittebantur *Guamangam* per viâ hospitij causa ad Praefectum loci *Quando* diuerterant. Et ecce quarta circiter post meridiem hora quidam ex incolis precipiti cursu adfuit, ac sonoro eiulatu rogabat Fratres, (: quos credebat iam esse Sacerdotes:) citò accurrerent *Carique* Indæ vicinis in ædibus animam agenti, vt moribundam saltim penitentiæ Sacramento expiarent, neque enim alius tunc in oppido Sacerdos aderat. Doluerunt Religiosi, nondum se illo ordine insignitos esse cui absoluedi potestas annectitur, nihilominus cum aliquot secularibus Hispanis Indum secuti sunt, vt saltim (: quando plus non poterant :) agonizanti mulieri adfisterent, Letanias, preces, commendationem animæ super migrantem recitarent, damnumque insulens aqua lustrabili abigerent. Ingressi domum repererunt

Indam

Indam sine loquela aut motu supinam, ob-
rigidam, sanguinea labiorum spuma horri-
bilem, ac mortuam quam viuam similiorem.
Frustra videbatur omne consilium, plan-
gebant circumstantes Indæ, singultiebat
maritus cum afflicta familia, sed Fr. Anto-
nius memor penes se esse non nihil pulue-
ris ex Rosæ cenotaphio, præfatus ad astā-
tes paucula de Virginis apud Deum va-
lore & gratia, de crebris eiusdem prodi-
gijs, de concipienda præsentaneæ opis fi-
ducia, demum arrepto cochleari dilutam
terram decumbentis ori (: quod ferro
violenter aperiendum fuit :) operoso co-
natu infudit & abiit, suadens domesticis,
Rosæ interea succursum ardentius implo-
rarent. Post duas horas ad infirmæ habi-
taculum reuersus cum socijs, maritum cū-
tota familia reperit in iubilo : ingressus
cubiculum vidit Caciquam hilariter in-
fidentem lectulo, & auidè manducantem;
fatebatur ipsa disertissimè, sibi insciæ Ro-
sæ salutem fuisse, huic se vitam debere, nec
alius tam extraneorum qui cum Antonio
accesserant, quam inquilinorum sensus
fuit.

Aliam in Panamensi emporio inflam-
mata exulceratorum viscerum putredo
cum sanguinis excretionem propè ad ex-
trema deduxerat: remedium aliunde nul-
lum supererat; hausit eosdem pulveres,
& in ictu oculi sese integerrimè sanatam
vidit.

Didacus de Moreno Costilla Quiten-
sis olim in bellis Chilenibus ab impacta
ferrea claua immane vulnus capite exce-
perat

perat, cui paulatim ex cura imperita spasmus, suppuratio, stupor innascebantur. Linam itaque veniens ut melioribus chirurgis se subderet, in S. Andreae Nosocomio per sex menses frustra sub varijs vñctionibus & emplastris laborauit. Demum excitus fama prodigiorum quæ ad Rosæ sepulchrum quotidie coruscabant, eò accessit, fufisque de genu deuotis precibus tégmen cum fascijs à capite resoluit, detracto malagmate terram ibidem excauatam vulnere insperfit, meliùsq; ab eo momento se habere sentiens domum alacer properauit, ac post biduum solidè vulnus coaluisse, sanamque induisse cutemprehendit.

Abbatissa Monasterij Sanctæ Claræ in ciuitate Truxillo ab annis circiter xx. miserrimè torquebatur ex inflatione tibiæ, in qua sparsim plus quam xl. vlcera habant ora ciceris magnitudine, nec alio tam veteri idoneus reperiébatur Chiron, præsertim vbi cruris affectum reliqui sanguinis secuta est intemperies cum molestissima febrilis rigoris atque ardoris vicissitudine. Itaque agra de creberrimis Rosæ edocta miraculis puluërem Lima, sibi allatum in lympa cum fide bibit & repente febrim tunc frigore per medullas fauentem funditus extinxit. Lata hoc successu tibiæ pariter eodè puluere defricuit, statimque detumescere cœpit inflatio, coire chasmata, relictis dumtaxat in beneficij memoriam nigricantibus signis, quæ ut ab extima cutè diluèrentur, aquam huic vsui distillatam chirurgus Ioannes

annēs de Lezana suggessit . Verūm hac adhibita mox redijt cum doloribus inflatio , rursū patuerunt hiulcæ fistulæ , expauit infirma , satisque intelligens miraculi complementum non à chirurgo sed à Rosæ fuisse expectandum , denuo eosdem pulueres recidiuæ insperfit tibiæ , denuo hæc detumuit & vndequaque vlcera siccando conclusit . Prodigium hoc triplex Abbatissæ salutem , toti Monasterio stuporem & gaudium , Truxilli ciuibus cum gratulandi affectu nouam deuotionem instillauit .

Miles quidam officio ac dignitate vexillifer suo Confessori P. Fr. Francisco Nieto fassus est , aliquando sibi instar dolioli tumuisse tibiā , sed auditis quæ ad Rosæ monumentum in dies crebrescebāt signis ac virtutibus , eò se perrexisse cum alijs , breuiterque precatum correpta sepulchri terra perfricuisse obiter suram pedis immane turgidā , eodemque puncto temporis molestissimum tumorem planè defedisit .

Triennis puerulus Alphonfus Cortes adeo languebat pedibus , vt eos manibus reptans per solum traheret ceu pondus inutile . Hunc mater Francisca de Leon plena fide ad Rosæ tumulum stitit , scrobi vnde eruebantur salutiferi pulueres , alternos immittere fecit pedes ; deinde etiam domi singulas eius corpusculi iuncturas eodem puluere defricuit , sicque Virginis intercessionī commendatum in lectulo cōposuit . Manē paruulus exiliuit sanus , ambulauit , expeditèque percurrit domum ,

ac si nunquam pedibus languisset .

Isabellam de Peralta pluribus annis ex acri capitis stillicidio cruciabat immanis gingivarum dolor , præcipuè è molaribus vnus cū crepuisset medius , nec chirurgis ad eum euellendum ars animusque sufficerent, interdium noctuque vexabat miserā vt nec dormire nec cibum masticare potuerit. Monitu sui Confessarij dictos pulueres denti, cum maximè furebat dolor , admouit, & illico dimouit omne tormentum, liberisque gingiuis solida queque esculentia manducauit .

In Monasterio SS. Incarnationis No-uitia Ioanna de Villosa probationis anno prope expleto dolebat anxia, se ad solemnem professionem pertingere non posse , eò quòd durus Pater (: qui procul degebat in *Porosì* :) cunctabatur circa filiaē dotem sese resolvere . Sæpè Ioanna per litteras monebat Genitorem, vrgebat, instabat lachrymans , sed ille Marpesia caute durior aut responsa denegabat , aut punctum cui respondendum fuerat obscuris inanum verborum ambagibus solertissimè declinabat . Inops consilij Ioanna postremo confugit ad Rosam , inde arrepto calamo cum vltimam Patri scripsisset epistolam, Rosei monumenti pulueres magna fide inspersit paginae , vt si paternum cor exarata illic argumenta non emollirent , præstaret officium iniectus puluis. Mirares , subito ex *Porosì* responsum quo suauius desiderari nō pouerat, adfuit, dotem & quidquid filia postulauerat , concessit emollitus Pater , longaq; dilatione feliciter

ter abrupta monialis quòd ad solennia,
vota emittenda pertigerat, modico pulue-
ri se debere agnouit.

Porro febricitante s, quos eorundem,
puluerum haustus à vitæ periculo inter-
dum extremo reuocauit, hic sigillatim,
distinctis paragraphis recensere prolixum
foret, sat est summatim & obiter nomina
perstringere. Ioseph de Castro confestim
vt bibit, noxias cruditates omnes euomuit
& valuit. Petri de Vargas cognata Ioâna
de Mendoza cum filiola hoc remedio fe-
bres abegerunt: eiusdem ancilla dentium
acutissimos dolores fugauit: P.F. Didacus
de Palomino Ordinis Prædicatorum du-
plicem tertianam depulit; Maria Velas-
quez vxor centurionis Didaci Ruiz de
Campos febrim continuam vnàque san-
guinis fluxum mortiferum euasit; Ursula
de terra *Feluppa* ancilla Marianæ de Sea
febrim cum diarrhæa, Francisca ancilla,
Angelæ de Aguirræ tertianam cum inue-
terato asthmate in termino peremptorio
incunctanter proscripserunt. Ioannem de
Palomares tertiana cum asthmate morti
destinabat, paulò post eiusdem conitigem
à septem mensibus grauidam ideoq; phar-
macorum iuxta medicinæ canones inca-
pacem idem corripuerat malum cum fre-
quenti vomitu; denique vnico post partum
mense filiolum Hieronymum idem mor-
bus stitit in vitæ limine, at successiue his
singulis eorundem puluerum haustus re-
pentinam salutem reddidit. Eandem
opem puer Ioannes Ascensus, Virgo Bea-
trix de Zuniga, adultus Antonius de Vni-

blea effectu vniformi at locis diuersis cō-
probarunt. Quindecenni puellæ Catarina
Inda febrilis ætus omnem ademerat
sensum, loquelam, & spem vitæ, insuper
constrictis mandibulis aditum cibo inter-
cluserat, ferro ad hiantes os diducendum
fuit vt vltimum remedium puluis è Rosæ
tumulo sumptus infunderetur nescienti
quid fieret. Postridie summo manè respi-
rans Catarina tot simul malis se ereptam
experta & fastā est.

Denique vt multos globatim consarci-
nando compendium & finem faciam, sacra-
mento coram Iudicibus firmavit Ioannes
Lobo Presbyter se diuersissimis locis Chu-
quisaquæ, Potosij, Oruræ, alibi flagitanti-
bus promiscuè omnis ætatis, sexus, condi-
tionis infirmis præbuisse huius viuificæ
terræ potum, vnicoq; isthoc catapotio pa-
lam in omnium conspectu tot fuisse cura-
ta languorum genera, tot quotidie febriē-
tes integri valetudinem reportasse do-
mum, vt nimia horum multitudo omnem
superarit annotandorum nominum

diligentiam, cassumq; reddide-

rit catalogi laborem. Ex-

clamet hinc præ stupo-

re Rex citarœ-

dus : num-

quid

constitebitur tibi puluis ;

aut annuntiabit ve-

ritatem tuam ?

aio, & per-

go.

& vltimum .

Rosæ imagines contactu lepram, apostemata , impetigines abstergunt , arthritidem , hydrocelam, anginam sanant, dentiũ, stomachi, cranij doloribus medentur.

P Erfidis nostri seculi iconoclastis hoc Caput capitilauium esto . Fidelibus Peruanis commune studium fuit, in prodigiosæ virtutis memoriam passim per ædes Rosæ effigiem habere, nec Lime dumtaxat sed toto Regno inualuit vsus non inutiliter; nam in primis Vidua Aloysij Nugnez Maria de Vera profluuiio, feбри, dolore stomachi, & lethali vomitu ad ipsum mortis deducta vestibulum vltimis Sacramentis ad emigrandum se parauerat, iudicante Medico in diem posterum minimè supervicturam . Interea à vicina sartoris coniuge Mariana Inda (: quæ cum Rosâ à teneris educata fuerat) Virginis pictam in tela effigiem petijt , allatam vultui applicuit, osculis deuotè libauit, demum in eius amplexu dulciter cõsopita dum manè expergiscitur , se vnde quaque sanam mirata refectionem petijt, lectoq; exiliijt, ac imaginem festiuius deueneratura arulæ stratæ decenter imposuit accensis luminaribus ; nempe credebat hoc deberi tum priuato beneficio, tum cõmuni lætitiæ illius diei, siquidem illo manè solemni tótius Vrbs

inbilo in æde Metropolitana publicabantur litteræ Apostolicæ, quibus vndique Fideles ad testificandū de notis Rosæ prodigijs *compellebantur*. Et ecce imago quæ pallentem Rosæ vultū semper retulerat, illo momento venustè in genis rubuit velut publico ciuitatis tripudio serenè congaudens. Accersitur vnà cum Apollonia coniuge Didacus de Requena, tanquæ conspicuo miraculo diu adstupuit.

Simillimum in portu *Callao* eadem die circa aliam Rosæ imaginem accidit: hanc Virgo Petronilla de Quisano in ædibus centurionis Aluari de Lugares circumpositis lemniscis ac floribus exornarat, vtpote illa die comparituram in principis Ecclesiæ pulpito dum supradictæ litteræ *Cōpulsoriales* collectæ multitudini prælegerentur. Vsq̃ue in illam horam vultus imaginis is erat, qui Rosæ in suo mortuali feretro pallentis fuerat, sed repentè exanguis pallor in viuidum colorem sub oculis spectantium transijt, omniumq; animos hilaritatis suæ blando fulgore accendit. Pulchrius tamen eadem tot ægrorum beneficio vbique immicuit.

Anno 1631. mense Decembri nouenni puellæ Mariæ de los Reyes anno prope integro saniosa ac foeda porrigo totum vndequaque verticem occrustarat; remedijs diū in casū tentatis demū in Ædem Sancti Dominici adducitur, illic coram lignea Rosæ icone procumbens lineam calanticam suo detractā capiti admouit suppliciter Virgineo simulachro, ac rursus capiti imposuit. Post biduum domi Melchiora

chiora de los Reyes caput filiola detegēs
nullum in eo reperit impetiginis obdura-
tæ vestigium, nitebat sana vndique cuticu-
la, densum fulgebat capillitium, videbatur
puella non tam carere porrigine quàm
semper caruisse.

Eiusdem anni mense Nouembri aliam
Mariani decem mensium infantem orpha-
nam Hieronymus de Soto Aluarado in
suis alebat quibus deformi lepra toto cor-
pusculo horridè maculosam; in ea curāda
omnis ars medica desperarat; sed ancilla
domestica Bernarda in thaumaturgo Ro-
sæ myrothecio efficax infanti malagma in-
uenit; in æde S. Dominici siccarum rosa-
rum foliola per ligneam Rosæ iconē spar-
sa collegerat, his domum allātis clam sin-
gula leprosæ paruulæ operuit vlcera, sicq;
diligenter fasciatam in lectulo composuit
ad soporem. Manè Hieronymum Bernar-
da admonuit puellam ab omni lepra mū-
datam esse. Aduolauit attonitus, nec suis
credens oculis teneram Mariam Aposto-
licis Iudicibus coram exhibuit intuendā,
ipsamque in perenne beneficii monumen-
tum deinceps *Mariam de Rosa* appellari
iussit.

Michaële de la Massa cum dirum sub
brachio succreuisset apostema, chirurgi
cantharides intriuerūt; mulier quamquam
mordacissimo dolori impar horis non mi-
nus xxiv. tormento subiacuit: verū
vbi postridie ad eisdem cruciatus redeū-
dum fuit, arrepta chartacea Rosa imagine
(: ex ijs quæ Roma in Peruiam illatæ
fuerant:) dolenti plagæ apposuit, & exin-

de quidquid acrimoniæ inspergebatur ,
omni doloris sensu caruit, tamet si pluribus
adhuc diebus curæ illius acerbitas fuerit
continuanda .

Marianam de Requena opprimebat in-
tolerabilis præcordiorum dolor, cui per-
petuus erat fomes ab inordinata quadam
moestitia, sanguinisque malencholici pon-
derosa grauedine, quam sequebatur & su-
spiriorum violenta frequentia, & respirā-
di poenosa difficultas . Irritum cadebat
quidquid subleuandæ molestiæ ingesserat
medicina . Donec correptam Rosæ ima-
ginem deuotis osculis dissuauiatam, eam-
dem arcto cōplexu adstrinxit cordi. Exin-
de sensit alijs sibi remedijs opus non esse,
nam vnica Rosæ effigies & detergebat in-
ueteratam moestitiam, & dimouebat car-
diagliæ cruciatum .

In Limano S. Catarinæ Senensis Mo-
nasterio Soror Angela de Haro continuis
tribus mensibus lancinabatur cardiogino
seu conuulsione stomachi, sed cum despe-
rato omni alio medicamine appressit pe-
ctori eandem imaginem, abscessit dolor .

Seruilis conditionis foemina Francisca
eodem correpta morbo, & insuper febriū
onusta auctario rugiebat noctibus, impar
tormento: dumque ipso conticinio noctis
grauius torquebatur; surgens hera detra-
ctam parieti Imaginem languenti attulit,
stomacho superponi iussit, ac Rosæ opem
implorauit . Francisca post imaginis am-
plexum somno obruta cum horis duabus
quietissimè dormiuiisset, sana euigilauit,
nec deinceps hoc malo infestata est .

Seba-

Sebastiana de Vega aliquando cum marito Doctore Cypriano de Medina Regij tribunalis Aduocato peregrè *Succacaram* profectura dum itapedi insistens sellam nititur conscendere, mula recedente varicauit, ac osse circa inguinem luxato intolerabiles dolores passa est, vt neque in lecto mutare latus, neque robustiori cuiquā operi manum adhibere potuerit. Nocte quadam, acrius sæuiente ossis cruciatu papyraceā Rosæ imaginem Romæ Superiorum permisso excusam ac inde multiplicatis exemplaribus Peruiæ importatā sibi ocys adferri petijt: hanc dum affectu religioso circumplectitur, obdormiscit inter preces, & manè experrecta miraculum subito clamore testata est, marito indicans perfectè se doloribus liberatam esse.

Ancilla Elyzabeth Biafora prægna ac vicina partui dispungebatur immani costarum & leuitide, ardebat febribus, cruorem & saniem vomebat ore, & denuin à Medicis derelicta ac munita Sacramentis properabat ad mortem cum extremo foetus maturi periculo. Tandem vt è S. Catarina Senensis Monasterio chartaceam Rosæ obtinuit imaginem, tota nocte dolenti lateri obpansam tenuit. Manè redeuntes Medici, vt desperata Matre saltem nascituræ proli quoquo modo si possent consulerent, ancillam reperiunt sanam, valentem, cibosque sibi afferri postulantem. Inde vbi vegeta lecto se proripuit, tertio post die feliciter infantem enixa est incolumem.

Anno 1632. Angela de Albildo coniux Francisci de las Cuentas grauida portabat vtero gemellas, at vbi ventum est ad partum die Dominica 16. Maij duabus horis ante meridiem, altera prolium erupit sola, remanentibus intra puerperam secundis vnà cum foetu residuo. Hoc parturienti mortale esse iussitabant circumstantes foeminae, iamque maritus vltimum vale dicturus charissimae coniungi petebat aditum, sed impeditus planxit foris. Sub hac perplexitate calamitosa infertur Romanum Rosa ectypon sed in tela, sistiturque ex aduerso periclitantis infirmæ, vt commodè ab ea videretur. Vix Angela conceptis mente supplicibus precatiunculis imaginem deuotè respexerat, cum subito nouis pressa doloribus partu celerrimo residuam sobolem cum secundis effudit in lectum quo iacebat, deficiente spatio temporis quo obstetricem nutu accerferet. Gemellæ erant filiolæ, sanæ, formosæ, corpulentulæ, ac in Baptismo Mariæ & Franciscæ de Rosa nomen sortitæ sunt in beneficij memoriam.

Anna Maria filia Viduæ Mariæ Morales onustum fetu mortuo gestabat vteru, ac prius sepultum quàm natum anxia circumferebat. Irruerunt dolores partus, at proles sine motu exanimis, frigida, ponderosa obstabat naturæ conatibus, matremque vitimo vitæ discrimini pariter implicabat. Sic misera per biduum suis colluctabatur: ingoribus, lentèque se mori sentiens animum poenitentiae Sacramento expiarat. Iam vultu pallida distabescebat lethali-
liquijs,

liquijs, omnis arteriarum pulsus interquieverat, spes vitæ exciderat, quando afflicta Mater promptam è scriniolo chartam Rosæ effigie ruditer lineatam attulit moribundæ filiæ . Itum deinde in preces & lachrymas, & ecce in momento Anna mortuum puerulum, deniq; & secundas effudit, illicoque discusso periculo respiravit. Fetus corpore grandiusculus, cranio molli, pectusculo flaccido, nigris pedibus iam ceperat membris extremis putrescere, ac fetorem exhalabat intolerabilem, extincturus indubiè matrem ni Rosæ imago subuenisset .

Puellam Æthiopissam Mariam nomine in ædibus Didaci de Requena impetuosissimus apoplexiæ defluxus totâ à summo deorsum peruaserat, nervis stupentibus brachia & crura immaniter palpitabant, iâ à quatrIduo loquela exciderat, sensus aberat, ac opinione medicorû vitæ vltima imminebat hora . Sed mater familias paginam itidem chartaceam cui Rosæ imago inerat produxit, hac faciem infirmæ operuit, simulque Rosæ imploravit auxilium . Et en subito conquieuit pedum, manuumque distorta agitatio, surrexit reddita sibi puella, comedit, totamque morbi vim euanuisse indicavit . Hanc facere Imaginis virtutem admirans Didacus eiusdem in se experimentum fecit . Sub dextro poplite dolorificus ipsi obdurerat humor, quo multùm impediiebatur gradiendi facultas: igitur illamet Rosæ imaginem dolori leniter imposuit, & ad primum attactum è vestigio se liberum

lenfit. Didaci coniux Apollonia non alio quàm isthoc simplicissimæ Imaginis cataplasmate stitit mordacissimum capitis stillicidium, quod sibi dentium ferè radices vtrunque eroserat. Eadem moniali Annæ Mariæ à IESV aduersus diurnos & acutissimos dentium dolores medicina fuit.

In Autumno anni 1630. Franciscus Gutierrez Magan Hispalensis presbyter graui coxendicum dolore pressus, dum calidis emplastris nimium fidit, irritatum humorem descendere in dextrum pedem coegit, vbi arthriticum quo laborabat cruciatum vehementissimè succendit; turgabant venæ, rubebat, ardebat tumida, & dirè inflammata tibia, vt nec stragulum, nec lodicis tenue operimentum valuerit sustinere: & quia insimul cruenta dysenteria exhauriebat miserum, extrema Sacramenta petijt Medico annuente, nam actum esse de vita vterque persuasum habebat. Flagitauit æger vltimo suo solatio apportari ex S. Catarinæ Senensis Monasterio (: cui erat à sacris confessionibus:) pictam in tela Rosæ imaginem, allatam iussit appendi intra lectuli sui conopeum, & attractis cortinis ita in præsentī effigie absentem Rosam affatus est: Virgo sancta & gloriosa, quæ tantum vales apud Altissimum quo beatè frueris, respice in me, qui si aliud de te numquam merui, saltem Genitricis tuæ sum Confessarius, illi vt in Monasterio ad sacrum habitum susciperetur opportunus adiutor fui, illius solemnem Professionem nigri veli

veli benedictione autorauit . Tu ergo
 Sponsum tuum exora , vt mearam im-
 mensor culparum me valetudini qua ipsi
 queam famulari restituat . His dictis
 magna vi at robustiori fide vtramq; sup-
 posuit manum tumentis tibis , & veniam
 præfatus vsque ad picturæ marginem sub-
 leuauit ægerrimum pondus ; postque bre-
 uissimi contactus morulam demisit lentè
 in culcitram , & (: quod dudum non
 potuerat) placido sopore per dimidiam
 horam quieuit . Euigilans hilari vocife-
 ratione accitis domesticis pedem fasciis
 euolutum ostendit podagra , tumore , ru-
 bore vacuum , sinistroque pede nihil dis-
 similem . Valetudo redierat integra , neq;
 in posterum læua arthritidis Francisco vt
 antea Scipionis vsum imperauit .

Idem Franciscus patrinus erat Ludoui-
 ci Cortes filioli Mariana de Sea . Hunc
 mense Augusto anni 1631. quinquennem
 puerum excoquebant febres , exanimabat
 pleuritis . Adhibitis vunctiones , phlebo-
 tomia , cucurbitula , clysteres , potiones
 magis puero obfuerunt , nam inde ipue-
 bat ore sanguinem , dolebat costis , auri-
 bus , stomacho , iecinore . Intranit Medi-
 cus Franciscus Ximenes primoq; aspectu
 indissimulanter paruulum habuit pro de-
 plorato . Superuenit Franciscus Gutie-
 rez , allataq; Rosa imagine præiit egro
 Ludouico verba quibus se Virgini effli-
 ctim commendaret . His quanto potuit
 conatu pronuntiatis infirmum dulcis cor-
 ripuit somnus hora circiter dimidia , quo
 discussio petijt admoueri sibi propius sa-
 cram

cram Imaginem, quod osculo eam cuperet reuereri. Admotam innocentibasio deuotè salutans illico recepit vires, cessauit pleuritis, euanescere febres, ac breui temporis spatio nulla alterius medicinæ ope perfectam recuperauit sanitatem.

Catarina de Vera continuis viginti diebus atrocissimos cerebri temporumq; sustinebat aculeos vt nec cibum nec somnum valens admittere breui putaretur mortis faucibus immigratura. Hoc Proregis Archiater, aliusque Medicus Rocca sentiebant. Itaque peracta sacra exomologesi Franciscum de Coloma presbyterum obnixè rogauit Catarina, tantisper sibi afferret quam domi suæ habebat Rosæ effigiem. Attulit, intraque lecti cortinas prope infirmam collocauit. Mox illa vt potuit reuerenter picturam deosculans, dum ei successiuè ceruicem tempora, vultum admouet, somnum (: quo III. ferè dierum hebdomadibus caruerat) eumque somno dolorum inducias, denique perfectam valetudinem attraxit à sacra Imagine.

Anna Maria de Torres non fecus ac si torrem aut sudemignitam cranio operiret, affligebatur acutis in capite doloribus; obtenebrabatur oculorum acies, pulsabant accensa tempora, videbatur ardere coelum, neque mulier sat sui compos remanebat. Nihilominus premente necessitate ceu conscia periculi hoc sapuit, vt omni alio medicamine omisso in sola Rosæ imagine medelam quæreret. Inuenit, ac presentaneam quidem, nam

vbi cſtypon amplexa eſt capitiſque applicuit, repente liberata eſt.

Anna de Herrera quantum olim incredulitate obſtinata pugnat aduerſus Roſæ miracula, tantumdem poſtea explorato in ſemetipſa beneficio eorumdem tuba & buccinatrix fuit. Diu aſſueverat gratias ac quotidiana prodigia quæ ad Virginis monumentum crebre ſeebant, aut contradicendo eludere, aut ſpernendo exſufflare. Sed correxit pertinacem nocturna in ſomnis viſio putabat horriſono terramotu totam ab imis fundamentis everti Limam, interque hos pauores vel inuita ſe Roſæ commendabat præſidio, ac tanta quidem contentione vocis, vt de ſolo vociferandi conatu fuerit expergefacta. Tum verò patentibus oculis vidit Roſam (: quam ex viſis hinc-inde imaginibus nouerat) in genua procubuant orare pro Urbis ſuæ incolumitate. Dehinc Anna in Virginem animæquior, priſtinumque errorem deprecata illius ſe protectioni religioſius commiſit. Nec diu capillata occaſio defuit. A ſiniſtro tempore diuexabat Annam vehemens ac doloroſa defluxio quæ ſenſim adeo caput obtudit, vt per triduum ſomni experta de ſtatu mentis ſe prolapſuram aduerteret, ni Roſa ſuccurrere feſtinaret. Igitur huius arreptam imaginem ſiniſtro tempore bis terue induxit, mox in cervical recidens obdormiuit, ac media nocte euigilans omnem fuiſſe dolorem comperit.

De febribus id compertum eſt, ad Sacra

capitem allata ex Monasterio Rosæ effigies, quæ ut iuxta *Aspiciam* aspicienda in lectulo collocata fuit, eodem adnutu prostravit febres, erexit infirmam. Idem Philippo Ægidio tertiana duplici molestissimè aggrauato præstitit chartacea Rosæ imago, sub ipso rigoris paroxysmo capiti trementis imposita. In portu *Gallao* Licentiatum Ioannem de Quisado continuis xl. diebus torrebant æstuosæ febres, neque ab humanis remedijs spes vlla reparandæ salutis affulgebat. Infertur decumbentis conclauis prædicta Rosæ effigies, quam Ioannes ut præuijs deuotis basijs capiti imposuit, pectorique fortiter adstrinxit, febrem extrusit, locumq; reduci valetudini statim cedere compulit.

Claudat historiam ipsa quæ Rosam genuit Maria de Oliua. Hæc pauculis diebus postquam S. Catarinæ Senensis Monasterio velanda intrarat, tota penè facie in erysipelatem deformiter exarsit; a naso vsque ad dextram auriculam ebullijt inflammatus tumor, inde per caput & maxillas oberrabat inquieti vlceris velox incendium, cui febris, dyspesia stomachi, aliaque cognata symptomata facile accesserunt. Sic afflicta per octiduuna lecto decubuit, quotidianis tot morborum incrementis haud leuiter adtremscens. Monasterij Præfecta ut Rosæ matrem amabat tenerrimè, sic febrientis mœsta periculo, dum nocte quadam stipata monialibus infirmam visitat, post dulces affatus sensim de apportanda Virginis

ginis benefica imagine quæstionem intene-
 necit. Nec ægrè assensit egra, quin ad-
 ductam lecto exciperet. Digressæ Mo-
 niales post horæ dimidium redierunt, vi-
 deruntque Mariam dulci sopore vin-
 ctam, at simul copiosissimo sudore ma-
 didam. Postridie lecto exiliens dum
 Missæ sacrificio interuentura ad Odæum
 properat, Præfectæ occurrit miranti ac
 sciscitanti cur & quò iret, præcipuè au-
 tem quì valeret. Hic fassa est Maria sibi
 diffusauata pluries filix sacra Imagine ob-
 reppsisse somnum, at sub noctis gallicinio
 vigilem innataste sudoribus; hinc tenta-
 to pulsu deprehendisse febrium absen-
 tiam, denique per faciem ducta manu
 nullum adusti tumoris palpassse vestigium
 iamque se & integerrimè valere, & vicia-
 citer esurire.

Aliud. Eidem Mariæ de Oliua iam ve-
 lata angusta inter reliquas Nouitias ob-
 tigerat cellula, & hanc insuper sat incom-
 modè occupabat ingens lecticæ lignæ
 catasta ad modum armarij, quam optabat
 à pavimento altius subleuari & quatuor
 hypostylijs imponi, vt subtus caperet
 tres grandiores arcas, quæ cellulam aliàs
 reddebant multò angustiorè. Verùm
 & machine pondus obstatat ne femineis
 viribus attolleretur in hypostylia; & lata
 subiectæ crepidinis sponda, ne saltim loco
 quem semel infederat moueretur. Pro-
 miserat Isabella de Catanno Nouitiarū
 Magistra, se proxima quaque die curatu-
 ram vt intròmissis quatuor robustis man-
 cipijs super dispositos lateres attolleretur

moles, & laxaretur tam Marię quàm cel-
lulę importuna angustia. Verùm preue-
nit decennis ancillulę pia diligentia, nam
videns nouitiam Mariam iugiter affligi, ea
ad Chorū cū ceteris digressa manū auda-
citer admouit operi, & Rosę opitulāte effi-
gie perfecit. Redijt à Choro Maria, vidē-
que machinam appositē eleuatam, & arcas
sub ea commodissimē dispositas, obstupuit,
capere non valens cui in toto Monasterio
ad talia breuissimo tempore peragenda
sufficere vires & animus potuerint. Agnes
(: id ancillulę nomen erat :) liberē se fo-
lam peregissee totum professa est. Accur-
runt moniales curioso spectaculo, iubetur
edicere puella, rem tātā quibus tandem
viribus effecerit. Respondit: ibidem
se prius ante pendulam Rosę imaginem
procubuisse in genua, postulasse auxilium
& robur, demum se lecto qui cum cata-
sta inouendus erat reuerenter imposuisse
imaginem, mox facili conatu in partem re-
tracta machina se quatuor illis locis ordi-
nasse lateres, & denique in Rosę nomine
dorso fidenter subiecto ligneam ijs molē
imposuisse, quam dum attollebat, putasse
non grauem machinam sed leuem paleam
se portare. Mirabantur attouitę moniales
sub sacrę Imaginis valido presidio id vni-
cam potuisse decennem puellam, quod
vix quatuor robusti baiuli credebantur
sine sudore prestituri; sed creuit admira-
tio, quando Nouitiarum Magistra (: quę
iuxta in suo cubiculo, reliquis ad chorum
euntibus remanserat :) affirmavit, se vigi-
lem sub tanti operis vicino molimine stre-
pitum

pitum ne minimum quidem percepisse in
 tam alto dormitorij silentio . Rogauerunt
 Agnetem adstantes , denuo ipsis presenti-
 bus tentaret vires suas, num eleuandę ma-
 chinę sufficerent . Tentauit, sed ac si mon-
 tem tergoce excepisset , conatu irritato ri-
 diculoque mox lassata destitit . Fas sit &
 mihi, hic desistere, dum tamen apud mellifi-
 cę (: Bernardi) verbis mellifluis Rosam
 alloquar Oliuę filiam , fauorum matrem :
*O stirps Oliua fructifera in domo Dei unguis
 & lucens , fouens beneficijs, coruscans Mira-
 culis , fac nos eius quę frueris lucis suauita-
 tiſque participes . O odorifera ROSA, in æter-
 num ante Dominum germinans & florens ,
 ſpargens vbiq; viuificum ſuauitatis odorem,
 cuius apud nos memoria in benedictione eſt ,
 apud Superos præſentia in honore, da canenti-
 bus te tanta plenitudinis participatione non
 fraudari . Denique latemur & exultamus,
 quia cœleſtis illa Curia ex
 nobis habet cui ſit cura no-
 ſtris , quę ſuis nos pro-
 regat meritis ,
 quos in-
 formauiſ Exemplis ,
 Miraculis con-
 firmauiſ .*

FINIS.

I N D E X

C A P I T V M.

- C**ap. 1. Rosæ patria, Natales Cuna-
tula. Pag. 2.
- Cap. 2. Rosæ Crepundia, indoles, educa-
tio votumque Virginitatis. 5.
- Cap. 3. Rosæ erga Parentes mira obe-
dientia, pietas, sollicitudo. 11.
- Cap. 4. Rosa B. Catarinæ Senensis vesti-
giis ad sequelā prouocata tertium S. P.
Dominici Ordinem amplectitur. 23.
- Cap. 5. Rosa præiacto solidæ humilitatis
fundamento securè inædificat reliqua-
rum virtutum molem. 33.
- Cap. 6. Rosæ mira abstinencia; prodigiosi
ieiuniorum excessus. 43.
- Cap. 7. Rosa tenerum corpus ciliciis, fla-
gris, catenis domat. 53.
- Cap. 8. Rosa capiti aculeatam coronam
circumdat, imprimis, infigit. 63.
- Cap. 9. Rosæ lectulus, cervical, noctur-
næ vigilæ. 72.
- Cap. 10. Rosæ domestica solitudo, fuga
publici, cellula perangusta. 84.
- Cap. 11. Rosæ mira cum Christo despō-
satio prænuba Augustissima Imperatri-
ce Angelorum. 99.
- Cap. 12. Rosa perpeti orationis studio
miram assequitur cū Deo vnīcne. 110.
- Cap. 13. Rosa desolatoriis visionibus e-
xercetur, ac horrendas alterius vitæ
pœnas degustat. 121.

- Cap. 14. Rosa Doctorum examen subit ,
vt probetur spiritus an ex Deo sit. 130.
- Cap. 15. Rosa cum Christo, Deipara, B
Catarina Senensi familiariter, iucundè,
assiduè deliciatur . 144.
- Cap. 16. Rosa familiariter tutelarìs An-
geli consuetudine fruitur , variè lucta-
tur cum Dæmone, semper victrix. 153.
- Cap. 17. Rosa persecutionibus , morbis ,
ærumnis pressa strenuè sese ad patien-
tiam exercet . 164.
- Cap. 18. Rosa variis indiciis ardentem er-
ga Sponsum amorem prodit . 174.
- Cap. 19. Rosa, vt Christum omnibus a-
mandum persuadeat , manifestum su-
dantis Imaginis miraculū impetrat. 184.
- Cap. 20. Rosam Imago Deiparæ in S. Ro-
sarii Sacello creberrimè solatur, mul-
cet, instruit . 193.
- Cap. 21. Rosæ in salutiferum Crucis fi-
gnum religio; Imaginem S. Catarinæ
exornans ab ea vicissim honoratur. 204.
- Cap. 22. Rosæ feruidus in SS. Euchari-
stiam affectus, cultus, deuotio , pro ea
ad agonem se accingit . 216.
- Cap. 23. Rosæ eximius pro periclitantiū
anmiarum salute zelus . 231.
- Cap. 24. Rosa pro modulo facultatum ,
corporalibus misericordiæ operibus
proximos iuuare satagit . 244.
- Cap. 25. Rosæ magna in Deum fiducia ,
crebrò in suis suorumque necessitatibus
explorata . 257.
- Cap. 26. Rosæ diuinitus reuelatur efflo-
riturum in Vrbe Limana S. Catarinæ
Senensis Cœnobiū, tēpus occulitur. 269.
- Cap.

Cap. 27. Rosæ alia complura Deo reuelante arcana patefiunt. 283.

Cap. 28. Rosa mortis suæ præscia grauem vltimæ egritudinis luctam fortiter excipit, inuictè sustinet. 301.

Cap. 29. Rosæ marcor extremus, suaue deliquium, & mors pretiosa. 316.

Cap. 30. Rosæ funebris conductus, exequiæ, tumulus. 328.

Cap. 31. Rosæ Sepulchrū Ordinari auctoritate mutatum solemni corporis translatione. 340.

Cap. 32. & vltimum Rosæ elogia ex pluribus notiora. 349.

MANTISSÆ CAPVT I.

Rosa post mortem, & sapissimè, & multo apparet gloriosa. 361.

Cap. 2. Rosa à morte in Peccatorum subitis conuersionibus, & obstinatione cordium emollienda mirabilis. 372.

Cap. 3. Rosæ defunctæ attactu, odore, veneratione, Mors, Morbi, pericula depelluntur. 384.

Cap. 4. Rosæ defunctæ cingulum, Vela, particula vestium, agris, parturientibus, debilibus medicinam distillât. 408.

Cap. 5. Rosæ sepulchro exemptus puluis dysenteriam, Synanchem, phrenesim, cancerum, herniam, febres, papulas, aliaq; id genus cacosyntheta mirabiliter curat. 336.

Cap. 6. & vltimum: Rosæ Imagines contactu lepram, apostemata, impetigines abstergunt, arthritidem, hydrocēlam, anginam sanant, dentium, stomachi, cranii doloribus medentur. 437.

PROTESTATIO AUCTORIS.

Lector aduerte, vt si quæ in recensendis elogijs, ac gestis tantæ Virginis Sponsæ Christi hoc libello complexus fui ultra mores illius, ac vitæ sanctitatem, & Populorum erga eandem obsequia, superantia vires humanas, quæ miracula videri possint, & ad futurorum præfagia, reuelationes, & alia beneficia in mortales collata quoquo modo trahi valeant; Illa tibi propono, vt nolim accipi tanquam ab Apostolica Sede examinata & approbata, sed vt ea quæ à sola authorum suorum fiat pondus obtineant; nec ideo aliam quàm humanam historiam sapiant. Quare etiam inherendo Decretis sel. rec. Urbani VIII. cum declarationibus ab eodem editis quoad venerationem, & cultum, firmiter testatum volo, me hisce lucubrationibus nolle quicquam venerationis aut cultus maioris eidem Virgini Rosæ tribuere, vel famam, aut opinionem sanctitatis eiusdem augere, nec illius existimationi aliquid adiungere, vllumq; gradum facere ad futuram quandoque illius Canonizationem, aut miraculorum comprobationem, sed omnia à me relinqui in eo statu, quem hisce meis locubrationibus seclusis per se obtinerent, non obstante quocumq; longissimi temporis cursu. Hoc tam sanctè profiteor, quàm decet eum, qui Sanctæ Sedis Apostolicæ obsequentissimus filius haberi cupit, & ab illa in omni sua actione dirigi.





